





John Carter Brown.









BEATVS HOMO QVEM TV ERVDIERIS DNE. & DELEGETV DOCVERIS EVML. Psalm 93

SANCTVM
PROVINCIALE CONCILIVM ME-
XICI CELEBRATVM ANNO DNI MILLES.^{mo}
QVINGENTES.^{mo} OCTVAGESSIMO QVINTO.
PRESIDENTE IN EO S. L. AC R.
D. D. PETRO MOYA DE CON-
TRERAS L. P. CHIEP. MEXICANO.
ROMÆ

Confirmatum die vigesima
Septima Octobris Anno, 589.
NUNC VERO AD INSTANTIAM
ET EX SVMPTEBVS S. L. AC
R. D. D. IOHNNIS DE LA
SERNA ARCHIEP. MEXICAN.
IUSSV REGIO EDITVM

PONITE COR
DAVE STRAIN
VIRTUTE IN
VTENAPPEIN
IN PROGENE
ALTERA P.

SAMVEL STRADANVS ANTVERPIEN-
SIS SCVLPSIT. EXCVDEBATO MEXICI

REGNABIT
DEVS SVPER
GENTES DEVS
SEDENS SVPER
DEVS SANCTVS
V. A. M. P. A. M.

INSTITUTION

OF THE

ROYAL

ACADEMY

OF SCIENCES

AND ARTS

OF THE

UNIVERSITY

OF

PARIS

IN

THE

YEAR

1789

ON

THE

ARTS

AND

SCIENCES

OF

PARIS

1789

EL REY.

Montaña

OR quanto en mi

CONSEIO REAL DE LAS IN-
dias se viò el Concilio Prouincial, que se celebrò en
la ciudad de Mexico el año de quinientos y ocbenta
y cinco, y auer se conocido los inconuenientes que an
resultado de no auer se impresso. E acordado se ha
ga luego la dicha impressiõ, para q̃ en aquellas para
tes se guarde, y le tengan todos los que tienen, y
siruen beneficios curados en sus distritos, por lo que

toca à la administracion de Sacramentos, correccion y perfeccion del estado Ecclesiastia
co, y su mejor y mas acertado gouierno, que es de lo que alli se trata y pretende; y para
que esto se consiga, y tenga el efeto q̃ se desea, è tenido por bien de hazer merced, como
os la bago à vos el Doctor D. Iuan de la Serna Arçobispo de la Yglesia Metropolitana
de Mexico, para que bagais imprimir el dicho Concilio por qualesquier impressores de
esa ciudad y Reyno; y quiero que esto sea, dure, y se entienda hasta que se buelua à
celebrar otro Concilio, sin que otra ninguna persona que vos, ò la que tuuiere vuestro
poder lo pueda hazer sopena de perder, y que se tomèn por perdidos todos los cuerpos,
que se imprimieren, y mas le condeno en mil ducados aplicados por tercias partes mi ca
mara, juez, y denunciador, y en las demas penas establecidas por leyes de estos Reynos,
las quales es mi voluntad se executen en los transgressores, q̃ lo hizieren. Y por lo pre
sente mando à mi Virrey, Presidente, y Oydores de mi Real Audiencia de aquella ciu
dad, que despues de hecha la dicha impressiõ la corrijan, y tassèn lo que por cada volu
men vuieredes de auer; y mando al impressor que imprimiere el dicho Concilio, no impria
ma el principio ni el primer pliego del, ni entregue mas que vn solo libro con el original
à la persona à cuya costa se imprimiere, ni otra alguna para efeto de la dicha correccion
y tassa, hasta que antes, y primero el dicho libro estè corregido y tassado, por el dicho
mi Virrey y Audiencia, y estando hecho y no de otra manera, pueda imprimir el dicho
principio y primer pliego, y sucesiuamente ponga esta mi cedula, y la aprobacion, tassa,
y erratas, sopena de caer, y incurrir en las leyes y pregmaticas de mis Reynos; Y así
mismo mando à mi Virrey, y Audiencia, y otras qualesquier mis justicias guarden,
y cumplan esta mi cedula, y lo en ella contenido. Fecha en Madrid à nueue de Febre
ro de mil y seiscientos y veinte y vn años.

YO EL REY.

Por mandado del Rey nuestro Señor.
Pedro de Ledesma.



Wm James
Darius

EL REY.


VY Reuerendo en

CHRISTO PADRE ARÇOBISPO
de Mexico de mi Consejo. Por cedula del Rey mi
señor y padre que està en gloria, de nueue de Fe-
brero pasado, tuuo por bien de ordenaros bixiesedes
imprimir en esa ciudad y Reyno el Concilio Pro-
uincial, que se celebrò en ella el año de quinientos
y ochenta y cinco, cuyo original està en esta mi cora-
te, y se os auia de inuiar para el dicho efecto en el
nauió de auiso, que aora se despacha á ese Reyno, y

respecto de la poca seguridad que lleuara en el, è tenido por bien de mandar se os in-
uie vn traslado auhorizado, que es el que va con esta, para que en el interin que se os
inuia el dicho original, que será en la flota, que este año à de yr à ese Reyno, bagais
bazer la dicha impressiõ, por lo que conuene que le tengan todos los que siruieren be-
neficios curados; y así os ruego y encargo, bagais imprimir el dicho Concilio por el dicho
traslado que se os inuia, guardando, y baziendo guardar en la impressiõ la orden, que
en la dicha cedula de que aqui se haze mencion se declara; y mando à mi Virrey, Pres-
fidente, y Oydores de mi Real Audiencia de Mexico, y otras qualesquier mis justia-
cias guarden y cumplan lo contenido en esta mi cedula, que yo lo tengo por bien. Fecha
en Madrid à dos de Abril de mil y seiscientos y veinte y vn años.

YO EL REY.

Por mandado del Rey nuestro Señor.
Pedro de Ledesma.






APPROBATIO.

DE mandato Regij Senatus Mexicanæ Curie, & Illustrissimi Archiepiscopi Mexicani vidi, & correxi impressionem huius Concilij, ex præscripto Regiæ Schedæ; & concordat cum suo originali, in cuius veritatis testimonium subscribo. Mexici die octavo Augusti anno millesimo sexcentesimo vigesimo secundo. —

*Bachalaureus Franciscus Romero
de Torres.*



ERRATAS.

¶ Significat f. folium. §. paragraphum. l. legendum.

Fol. 4. §. 1. maneret l. manaret. f. 6. §. 2. per omnis l. per omnia. f. 9. §. 4. exami-
nenter l. examinentur. ibid. §. 7. Hic l. Hinc. f. 12. §. 3. oppidibus l. oppidis. f. 15.
§. 4. vicarij foraneis l. vicarijs foraneis. f. 15. §. 4. officiales l. officialis. f. 16. §.
11. disputando l. diputando. f. 26. §. 24. predicatio l. publicatio. f. 38. §. 3. ab his decreta
l. ab his decretis. f. 46. §. 1. homeris l. humeris. f. 47. §. 4. absoluti l. absolui. f. 48. §.
13. opem ferat l. opem ferant. f. 55. §. 9. ebritas l. ebrietas. ibid. languescunt, tam fuerit,
l. languescunt, statuit, ac iubet, ut si quis Clericus quod absit tam fuerit. f. 57. §. 5. ad heb-
domadarum l. ad hebdomadarium. f. 58. §. 1. audeant l. audeat. f. 61. §. 2. vacati l. vocati.
f. 65. §. 8. officio l. officia. f. 69. §. 5. in vnoq; l. in vnoquoque. f. 76. §. 10. imaginini-
bus l. imaginibus. f. 78. §. 6. recipiunt l. recipere nolunt. f. 86. §. 2. qui secularis l. qui si
secularis. f. 86. §. 4. ac in re l. hac in re. f. 86. §. 3. Episcopis vero l. Episcopos vero. f.
88. §. 1. quoad l. quod. f. 89. §. 5. executione l. excusatione. f. 95. §. 5. incurrant l. in-
currat. —


Tassa

T A S S A.



O Christoual Ofsorio escriuano de Camara del Rey nuestro señor en su Audiencia, y Chancilleria, que reside en la ciudad de Mexico de la nueva España doy fee, que auindose visto en el Acuerdo por los señores Vissorrei Presidente, y Oydores de la dicha Real Audiencia vn libro intitulado *Concilio Mexicano*, que se hizo, y celebrò en esta ciudad el año de ochenta y cinco, que por cedula de su Magestad el muy Reuerendo en Christo padre DON IVAN DE LA SERNA Arçobispo de esta ciudad à hecho imprimir en ella; y por la dicha cedula se manda traer ante los dichos señores para tassarlo, se tassò cada pliego de setenta y seis que tiene à medio real, que monta treinta y ocho reales : y para que à este precio se venda y no mas, y que conste dello di el presente en Mexico à siete dias del mes de Diziembre de mil y seiscientos y veinte y dos años. —

Christoual Ofsorio.



REVERENDISSIMIS
PATRIBVS, AC DO-
MINIS COEPISCOPIS, AC COMPROVINCIA-
LIBVS NOSTRIS, CAPITVLIS CATHEDRA-
lium Ecclesiarum, Parochis, ac vniuerso statui Eccle-
siastico Prouinciæ Mexicanæ.

IOANNES DE LA SERNA ARCHIEPIS.
COPVS VTRAMQVE SALVTEM IN DOMI-
NO PRECATVR.



ON satis ad perfectum prudentissimus
ille Pater familias opus suum perduxif-
set vineam plantando; Si plantata sepe nō
circundedit *singularis enim feras depasceret*
eam: vindemiarent qui prætergrediuntur vineam,
& vulpes paruulæ demolirentur. Sed nè in ea
excolenda locatus labor in casum succe-
deret, vallo muniuit, Turrim apposuit,
verticem (scilicet) legis attollens, vt sic instru-
ctam, Maceria tutatam agricolis locaret.

Quis enim eorum ita dexter inexcolendo, tam patiens in sufferendo,
tam audax in resistendo, tam tenax in perseuerando, tam fortis foret
in persequendo sine legum adminiculo, sine decretorum inexpugnabi-
li præsidio? Cum pluribus dimicet oportet; is, qui imperare pluribus intendit. vnus
quisq; enim suę obtemperat voluntati, & voluptati procliuēs sunt ad
malum hominum appetitus, nec à proposito vnquam desistent, donec
ad effectum placita perducant. Magnum ergo, & indigestum Chaos,
truculentaq; confusio humanam hanc societatem turbaret. Tot, tanto-
rumq; quæ cælestes largiuntur donorum, & bonorum non esset fruitio, vel vsus rectus
sine lege, sine iustitia, sine rectore. Ideo ergo vineam suam sepe circundedit,
id est Ecclesiam lege vallauit, & stabiliuit, quæ rebelles cogeret, petu-
lantium audaciam cohiberet, præter gradientes viam, ne vineam con-
culcarent, puniret. Nullumq; maius bonum huic suæ familiæ potuit
locuples in misericordia tribuere, quam legis propugnaculum, quo ho-
mines in officio continerentur, gladium hunc ancipitem, quo Tyranno-
rum vires frangeretur, diuinę voluntatis exprefsionem, qua *Seruus sciens*
voluntatem domini faciat, ne vapulet. Ideo familiarissimus Domini Moyfes

✠ iiij

insig-

Math. c. 21.

Psal. 79.

Cant. 2. c.

Ambrosius lib. 9.

in c. 20. Ioannis.

Plutarch. in Apo-
teg. laco.

Plutarch. ad Prin.
in doct.

Luc. 12. c. n. 47.

Exod. c. 33.

Psal. 31.

L. De transmi-
gratione.

Psal. 79.

Psal. 143.

insignum magnæ erga se dilectionis postulabat: *Si inueni gratiam in oculis tuis, scire me fac viam tuam, viam, id est voluntatem, tu gusto.* Quid iucundius seruo quam certò scire, & non diuinare voluntatem domini? Magnum ergo bonum vineæ plantatæ, sepe fuisse circumdatam: vtilissimum Colonis voluntati Domini ex præscripto parere. Vtile etiam impudentibus, & discolis, ab effrænatis appetitus insultib⁹ cohiberi salutari illa violentia, quam regius vates postulabat. *in Camo, & fræno maxillas eorum constringe, qui non approximant ad te.* Camum, & frænum appellat scriptura leges, & præcepta, quibus ab instituto superbæ hominum voluntates arcentur, nè in præseps ruant, innatæ superbiæ calcaribus actæ, qua cōtra fas, & rectum ad inordinatos ruunt affectus. Ideo Iudeorum doctissimus Philo dicebat, *Quod lex semper pugnat cum superbia.* Quasi hoc sit proprium illius munus deuio superborum hominum affectui resistere, illorum se executioni opponendo, præceptorum habenis nè caderent detinendo. non ergo ad perfectum deduxisset opus suum Pater familias, si vineæ Plantatæ contentus, de vallo, & sepe non fuisset sollicitus.

VINEAM non vt olim de Ægypto, sed de Catholicæ Ecclesiæ vberiori solo. Hispaniæ videlicet fecundissima regione, *in terram banc salsuginis, & vastæ solitudinis* transtulit pientissimus Pater. Eiecit gentes, & plantauit eam abolito Idolorum cultu, effugatis Idololatriæ tenebris, solerti cura, & indefesso animo sanctissimorum virorum Sacerdotalis ordinis tam secularium quàm regularium institutorum, quib⁹ vineam plantandam, excolendam, & propagandam locauit. *Sed vt Nouellæ plantationes in iuuentute sua profundas radices iacerent, & vberiores fructus magno agricolarum labori, & conatui succederent, opus fuit, vt condēsa regum sepe circumdaretur, quarum aliæ operarios dirigant in cultura, aliæ stimulent oscitantes in ministerio, & indebitè illud tractantes compescant.* Quod cum optimè perpendisset Dominus P E T R V S Moya de Contreras Prædecessor noster. Vir iure mille titulis, & nominibus venerandus, quamuis grauissimis distentus curis, & tōtius huius regni guernatione occupatus Prouincialem Synodum coegit, in qua doctissimi Episcopi comprouinciales inter fuerunt, quorum maturo consilio, & qua summa præditi erant prudentia Municipales leges fuerunt conditæ, cōsonantes quidem patrum antiquorum Doctrinæ, Sacrorum Conciliorum Decretis, iuri cōmuni conformes, maximèq; regionis istius moribus, & hominum conditioni aptatæ. Inqua re licet omnes, qui de iure Concilio interfuerunt communiter insudarunt: sed in ordinandis, & disponendis Decretis plus ceteris laborauit Doctor D. Ioannes de Salzedo tunc Secretarius simul & consultor dicti Concilij: Sacrorum Canonum primariæ Cathedræ moderator, & in illa nunc emeritus, nostræ Metropolitanæ Ecclesiæ meritisimus Decanus, in posterum autem maiorum huius regni Ecclesiarum Pontificalem Sedem pro meritorum censura


occupaturus. Subiectum fuit celebre hoc Concilium integerrimæ cen-
suræ Senatus regij Indiarum, de cuius licentia, & approbatione Romam
translatum est Apostolica authoritate firmandum, in quo quidem tan-
tum temporis consumptum est, vt iam antiquatum videretur, seu de-
medio sublaturum; sed cum aduertissem quod quò impares sunt vires
nostræ ad tantam Prouinciã sustinendam, eò pluribus auxilijs indi-
gemus: quorum præcipua sunt dicti Concilij Decreta, nullum non mo-
uimus lapidem, nulli sumptui pepercimus, vt volumen hoc obliuioni
tradditum in lucem prodiret, præloque mandaretur, vt sic ad omnium
agricolarum, & operariorum manus perueniret, & tantorum Decreto-
rum ope vberiores prouentus expectarentur.

TANTI operis, tamque necessarij huic Prouinciæ gratiæ debentur
bonæ memoriæ Domini Petri, quo præside tam vtilis leges sunt or-
dinatæ, quibus totus hic nouus orbis in spiritali regimine guernetur;
Et Crediderim quod non minus honoris, & celebritatis eius nomini sit
deferendum, quam illius nunquam satis pro dignitate laudandi FER-
DINANDI CORTESII huius noui orbis expugnatoris. Compa-
rans summus eloquentiæ parens victoriam Salaminam Themistoclis,
& Solonis decretum de Iudicibus Areopagitis constituendis, dicit *non*
minus præclarum hoc, quam illud iudicandum est. Illud enim semel profuit: hoc semper
proderit ciuitati. Id enim profectò accomodari poterit huius Concilij or-
dinationi. Etsi incredibilia CORTESII facinora cum illius celebra-
tione comparentur, iure dicere possumus, non minus præclarum hoc,
quam illud iudicandum est. Illud enim semel pro fuit, hoc semper pro-
derit Prouinciæ. Mihi autem pro tanto, tamq; vtili negotio nihil po-
stulo; nec pro magna argenti summa insumpta, nec pro labore impen-
so, quam vt à vobis pro grato obsequio habeatur, & quia pro omnibus
laboraui, omnes MIHI debitum persoluantis pretium incomparabile
assiduarum, & deuotarum vestrarum precum, Quarum VOBIS cer-
tas vices rependam, vt vestris meritis suffulti, postpensum ritè per-
solutum fidei reddite vilicationis rationes, in Domini gaudium merea-
mur intrare, in quo valete vt opto. Mexici quinto Idus Septembris
anni Domini millesimi sexcentissimi vigessimi secundi. —

Lib. 10. offic.


Ioannes Archiepiscopus Mexicanus.





I N N O M I N E
SANCTÆ, ET IN-
 DIVIDVÆ TRINITATIS

Patris, & Filij, & Spiritus Sancti.



Sancta Prouincialis

MEXICANA Synodus ad sacrorū
 Canonum statuta, ac præcipuè generalis
 Concilij Tridentini decreta obseruan-
 dum, & exequendum, ad Fidei Catho-
 licæ propagationem, ac Diuini cultus
 augmentum; ad Cleri, & populi refor-
 mationem, ad communem deniq; Me-
 xicanæ Prouintia nuper in Euangelio
 genitæ, ac Christo Domino recens natæ,


In spiritualibus, & temporalibus vtilitatem, Mexici, quæ Metro-
 polis est nouæ Hispaniæ Indiarum Occidentalium, Maris Oceani,
 ritè, & canonicè congregata: Præsidente in ea Illustrissimo, ac Reue-
 rendissimo D. D. PETRO MOYA DE CONTRERAS,

DE I, & Apostolicæ Sedis gratia Archiepiscopo Mexicano, atq;

etiam Prouintiæ Guuernatore, eiusq; Regij Senatus Præ-

fecto, hæc, quæ libris, ac titulis distincta sequun-

tur statuit, sancit, atque decernit.



A

LIBRI

LIBRI PRIMI
TITVLVS PRIMVS,
DE SVMMATRINITATE,
ET FIDE CATHOLICA.

DE FIDEI PROFESSIONE

§ I.

*Ex Concil. de Guadix in
princ. & Granat. tit. de sum-
ma Trin. & Fide Catho. To-
letan. & Compostelan 1566.
act. 1. in princip. Milan. 1.
in princip. Synod. de Quiro-
ga in proæmio, & Prouin. e-
iusdem act. 2. c. 1. & Li-
menſe 3. in princip.*

*Sess. 24. c. 12.
Sess. 25. c. 2. de reform.*

*Milan. 1. in princ. & Gra-
nat. vbi ſupra, & Prouincial.
de Quiroga act. 3. c. 11.*

*In Bullario Apoſto. Bulla
107. pag. 634.*

*Pius IIII. Bulla 101. pag.
621. Milan. 1. in princip.*



Fides, Ianua illa nostræ
salutis, sine qua Deum inuenire, & inuoca-
re, Deo seruire, & placere nullus in hac vi-
ta potest, quam CH R I S T V S docuit,
Apostoli prædicauerunt, Sancta Romana Ec-
clesia tener, & profitetur; Primum funda-
mentum est, cui totius Christiani ædificij fabrica innititur.
Igitur, vt hæc Indiarum Occidentalium Ecclesia, tamquam
nouellum germen plātata, spurijſ vitiorum, errorumq; pro-
paginibus reſecatis, firmissimas agat radices, & abundanti
diuinę gratię flumine irrigata, Cœleste illud, quod Deus dat,
summat incrementum, ac dignos vitæ æternæ fructus ferat,
Sacrosancti Concilij Tridentini auctoritate ſuffulta, Prouin-
tialis Mexicana Synodus, quam suæ congregationis initio
præstitit, Catholicæ Fidei professionem renouans; statuit, ac
præcipit, vt omnes ij, qui in posterum beneficia Ecclesiastica
quęcumq; obtinebunt, infraduorum mensium spatium, à die
adeptæ possessionis, & qui in Synodum diocesanam conue-
nire debent in ea Synodo, quę primo quoq; tempore celebra-
bitur, necnō Episcopi in prima Synodo prouinciali, cui pri-
mum postquam electi fuerint interesse contigerit, publicam
Fidei professionem facere, & Romanæ Ecclesiæ obedientiam
iurare, & spondere teneantur, ad formam in constitutione ſel.
record. Pij Papæ IIII. præscriptam; quam constitutionem ſin-
guli Episcopi in suis Diocæsibus, quò citius fieri potuerit,
publicari procurent, à cuius publicatione post sex menses e-
lapsos, nullus in Rectorem, seu Cæcellarium alicuius vniuer-
ſitatis, vel Scholæ eligatur, aut ad Doctoralem, seu Magistra-
lem

Iem gradum, in quacumq; facultate promoueat, nec ad publicè, vel priuatim literas docendum, etiam si regularis fuerit admittatur, nisi prius ad prædictæ cōstitutionis formulam iuramentum, Fideique professionem emiserit. Sic enim fiet, vt iactō Fidei Catholicæ fundamento, quod supra structum fuerit, doctrinæ ædificium firmum, ac stabile perseueret.

De Prædicatione Verbi Dei.

§. I.



RÆCIPVVM Episcoporum munus est docere populum Euangelium Dei, quos tamquam Apostolorum succēsores, ea maxime cura exercere debet, vt rectè purèq; tractent verbum veritatis, ac formam habeant sanorum verborum, quib⁹ plebes sibi commissæ Doctrina salutarī, ita pascantur,

vt Christo Pastori bono semper inhæreant. Quod optimè perpendens sacrosanctum Tridentinum Concilium statuit, ac decreuit, omnes Episcopos, & alios Ecclesiarum Prælatos teneri, perse ipsos, si legitime impediti non fuerint, ad prædicandum Euangelium Dei, si vero legitime impediti contigerit, Idoneos viros assumere debeant, ad prædicationis munus salubriter exequendum. Quam obrem hæc prouincialis Synodus, auctoritati Concilij Tridentini, & veterum patrum innixa, Episcopos, & alios Prouinciæ Mexicanę Prælatos in Domino cohortatur, vt in hanc curam toto pectore incumbant, ac Greges sibi commissos, ipsi met, præsertim in Ecclesia sua verbo Dei pascant. Sin autem se interdū vere impeditos cognouerint, per viros Idoneos ex præscripto eiusdem Concilij sibi eligendos, hoc munus studiosissimè populo præstent.

§. II.

PAROCHI vero, & Curati, qui in dispensando subditis verbo Dei, coadiutores Episcoporum sunt, iuxta Concilij Tridentini decretum, Dominicis saltem diebus, & festis solemnibus oues sibi commissas pro earum sensu, & intelligentia salutarib⁹ verbis pascant docendo ea, quæ ad salutem sunt necessaria, eis itidem annuntiando, quæ vitia declinare, quas ve sectare virtutes oporteat, vt panam æternam euadere, & cœlestem gloriam consequi valeant. Id verò Parochi, & Curati prædicti perse ipsos præstare debeant; Sin minus ab Ordinario cōpellantur, quod si legitime impediti fuerint summo

A ij

studio

et 3. Concil. fol. 587. Verbo quicumq; et 4. fol. 610. et 5. in princi. fol. 703. tom. 5. Conciliorum.

Cap. inter cetera de offi. Ord. Concil. Triden. Sess. 5. c. 2. et Sess. 24. c. 4. de refor.

Milan. 1. tit. de prædicatione Verbi Dei, Compostel. actio. 3. c. 2. et Milan. 5. tit. que ad prædicat. Verbi Dei, et c. fol. 707.

Conc. Trid. Sess. 25. c. 2.

Milan. 1. et 5. vbi supra fol. 707. et Guadix tit. 1. const. 1. et Granat. vbi supra de summ. Trin. et de officio Rectoris n. 2. et 13. et Synod. de Quiroga const. 41.

studio in vigilent, nè desint ministri idonei ad id muneris adimplendum; vt autem prædicationis vsus perpetuo conseruetur, & in dies, magis, atque magis cum fructu animarum acrescat, ijs, qui prædicandi officio funguntur, regulas proximè annotatas hæc sancta Synodus obseruandas proponit.

§. III.

Conc. Trid. Sess. 5. c. 2.

Vide Conc. citata supra.

PRÆDICATORES Verbi Dei iuxta Concilij Tridentini præceptum, Scripturam sacram interpretentur eo sensu, quem sancta mater Ecclesia, & vnanimis Sanctorum Patrum consensus comprobauit, nec prudentiæ suæ innixi Scripturæ vim faciant, ad singulares, nouos, & pro suo arbitratu excogitados sensus eam detorquendo, nec quidquam, ab Ecclesia, aut probatis Ecclesiæ Doctoribus alienum proferant.

§. IIII.

MYSTERYM aliquod Fidei semper exponant ex aliquo Euangelij loco, argumento desumpto, vt auditores frequenter Dei verbum audiendo facile percipiant quæ sibi, ad salutem maximè sunt necessaria.

§. V.

Concil. Toletan. 1566. acti. 3. c. 3.

Difficilibus, & inanibus quæstionibus prorsus abstinant, nè se ipsos ostentare magis, quam Christum prædicare videantur, sed ad ea, quæ pro cuiusque gradu, qualitate, conditione ve magis expediunt, auditores exhortentur, eosque facilioribus, & conuenientioribus medijs ad hæc consequenda studiosissime instituunt.

§. VI.

*Ad Philip. 3.
1. Petri c. 2.*

EPISCOPOS, alios ue Prælatos, & magistratus ciuiles cum offensione auditorum, ne acerbè obiurgent, sed si quid in illis dignum reprehensione inuenerint, priuatim potius eos admoneant, populum vero, iuxta dictum Apostoli, præpositis suis, etiam discolis, obedire cohortentur.

§. VII.

IN reprehendendis vitijs cauti sint, nec quemquam tacitè, aut nominatim insectentur, sed potius ita segerant, vt pietatis, & charitatis solum studio, non peculiari alicuius odio adductos id facere omnes intelligant.

§. VIII.

DENIQUE Doctrina, quam docent, vt efficacior sit, non minus vita, & exemplo, quam sermone comprobeatur, nè quod verbis asserunt, moribus impugnent, & dum alijs prædicant, ipsi reprobi efficiantur.

De Doctrina Christiana rudi-

BVS TRADENDA.

§. I.



CHRISTVS Pastor bonus dimisit nona-
ginta nouem in montibus, ouem vnā per-
ditam querens, Iudæorum vepribus lace-
ratus est, ardentiq; amore flagrans pro suis
ouibus mortem obiuit. Quo sane exemplo
pastores alios, quib⁹ sui gregis cura deman-
data est, satis docuit quantū de ouium sa-

lute deberent esse solliciti, illarum in primis, quę lanę debiles,
ac derelictę cum sint, maiori indigent Pastoris adiumento. Id
igitur sibi proponens hæc sancta Prouincialis Synod⁹, propter
rudiū multitudinem penē innumerabilē in his Indiarum par-
tibus degentium, summo studio prouidere curauit, vt pueri,
ferui, Indi, & omnes alij cuiusuis ætatis, & cōditionis elemen-
torum Fidei ignari, Christiana Doctrina instruantur, nē par-
uuli petientes panē, frangentis defectu pereant. Quia vero ma-
ximē oportet, vt sacra Doctrina in omnibus sibi cohærens, ad
vnā etiam præscriptam formam tradatur Catechism⁹, quō
eorum, quę quisq; scire debet, breuis, ac facilis summa conti-
netur, ab eadem Synodo probatus, ordineq; dispositus est, ad
totius Mexicanę Prouincię vsum. Ideoq; statuit, ac præcipit
hæc Synodus, vt Catechismum prædictū secum habeant illi,
quib⁹ docendi Christianæ Doctrinę summā in Ecclesijs, Scho-
lis, ac puerorum Collegijs cura iniuncta est, eoq; vtantur sub
pæna excommunicationis maioris, non obstante quacumq; in
contrariū consuetudine. Episcopi etiam admonentur, vt quam
primum Catechismum hunc in eam Indorum linguam trans-
ferri faciant, quam singuli in suis Diocæsisbus vſitationem no-
uerint. Translationibus vero de Episcoporum consensu emis-
sis, eandem cum Catechismo originali, auctoritatē Synodus
tribuit, prohibens sub eadem excommunicationis pæna vsum
omnium aliarū, quę ante prodierunt, vel post hoc Synodi de-
cretum aliter prodibunt, quam est præſenti constitutione San-
ctum. Non tamē propterea exclusum volum⁹ Catechismum
Summi Pontificis auctoritate confectum, aut ab alijs inferio-
ribus auctoritatem habentibus, in posterum conficiendum.

§. II.

CVRATI omnes, tam seculares, quam regulares in
Tabella ad scriptum apud se retineant, Doctrinę Chri-
stianæ

A iij

Catechis. Pij V.

*Ex Concil. Triden. Sess. 24.
c. 7. de reſor. & Sess. 25. in
fine, & Tolet. vbi ſup. act.
3. c. 5. & Limēſe Concil. 3.
act. 2. c. 3. & act. 4. c. 17.*

*Conc. Remenſ. c. 15. & Li.
menſe 3. act. 2. c. 6.*

*In cap. Baptizandos, in cap.
non liceat de conſe. diſt. 4.*

Concil. Fors Iuli. in præfat. ad finem, & Mogunt c. 45. & Guadix tit. 6. consti. 51. & Granat. vbi supra, & Synod. de Quiroga. in princ. & Limense 3. act. 2. c. 4.

stianę contextum, videlicet, Orationem Dominicam, Salutationem Angelicam, Symbolum Apostolorum, Antiphonam, Salve Regina, duodecim articulos Fidei, decem legis diuinę præcepta, quinque Ecclesię mandata, septem Fidei Sacramenta, septem capitalia vitia. Quę omnia, non tamen inter missarum solemnia recitari faciant, singulis Dominicis aduentus, & à Dominica septuagesimę, vsque ad Dominicam Passionis inclusiue. Hęc enim sæpius repetita commemoratio nostrę Fidei initia, nostrę figet memorię. Quapropter Curati quoties id negligenter omiserint, pondo tribus mulctentur fabricę illius Ecclesię, cuius ipsi curam gesserint applicandis.

§. III.

Sess. 24. c. 4. de refor.

Guadix tit. 2. const. 6. & Synod. de Quiroga const. 41. in fi. & Limense 3. acti. 2. c. 4. & Milan. 5. fol. 708. Vers. ad vero quo populus.

QVÆ vero frustra Doctrina, memoria retinetur, nisi ex ea, quisque intelligat, quid sibi ad salutem sit necessarium, quid credere, quid ve operari oporteat, Tridentini Concilij auctoritatem hęc Synodus sequuta, in virtute Sanctę obedientię Curatis mandat, vt omnibus diebus Dominicis, ipsi perse, aut si legitimo teneantur impedimento, per viros idoneos Ordinario probatos, Christianam Doctrinam tradant, atque exponant ad eam formam, & rationem, quib⁹ dispositus est Catechism⁹ per hanc Synodum approbatus, atq; in hoc munere exequendo vnus horę spatium insumant. Habent etiam singuli Curati prædicti in suis paratijs tabulas, quibus serui, famuli, & pueri duodecim annorum ætate minores, nomina sua professi inscribantur, eorumque parentes, ac Dominos itidem Curati moneant, quatenus ad Christianam Doctrinam ediscendam prædictos mittant, cum primum statuta hora, sono campanę proprio ad id munus assignato, ad Ecclesiam conuocabuntur. Si qui vero Hari, aut Domini bis admoniti seruos mittere neglexerint, quoties id omiserint, pondo vnum persoluant, quod denuntiatori, & fabricę Ecclesię, in qua id contigerit applicetur, cuius penę tunc sufficiens erit executio, si Curatus, aut is, qui Doctrinam Christianam tradit, delinquentem à se admonitum Fidem fecerit. Hispanis autem, & seruis Ætiopibus, ijs etiam, qui ex altero parente Ætiopie nascuntur, & Chichimechis Doctrina Christiana, lingua Hispanica, tradatur, Indis vero propria sua materna.

§. IIII.

Mexic. 1. c. 3. §. 1. Guadix tit. 6. const. 50. & 51. Milan

LVDI Magistri studeant, pueros cum primis literarum rudimentis Doctrina, & Christianis moribus imbuere, quibus

quibus ad id præstandum iubetur, vt singulis diebus pueros alta voce recitare faciant, fidei initia, eademq; illis explicent ad ordinem in Cathéchismo ab hac Synodo constitutū; Quoties vero id negligenter omiserint pænæ duorum pondo subiaceant, Hospitali, domo, ac denunciatori æquis partibus applicandorum. —

§. V.

INDORVM Curati, tam seculares, quam regulares omni diligentia procurent, vt in illis oppidis, pagis, seu vicis, in quib⁹ ipsi resident, Scholæ instituantur, vbi Indorum pueri legere, & scribere discant, Christianæ Doctrinæ documenta accipiant, Hispanamque linguam doceantur. Id enim maximè conueniens est ad Christianam, ac civilem eorum institutionem. Admonentur tamen Curati, ne has Scholas erigendi prætextu, Indorum operis ad ligna ferendum, & alios suos proprios vsus abutatur. Quod si secus fecerint, à Prælato puniantur, & ad restituendam Indis iustam laborum suorum mercedem compellantur. Dequo latius infra titulo de iniurijs, & damno dato. —

§. VI.

SVNT Pleraq; huius Prouintia loca, in quibus per multi serui vinculis ferreis constricti, per multiq; Indi metallorum fodinis, & ergastulis inclusi tenentur, qui necessaria ad salutem Doctrina destituuntur, non sine magno conscientie eorum, qui eos sic constrictos tenent: detrimento, ac dolore Episcoporum, quorum pastoralis sollicitudini incumbit, oues pascere, & earum saluti prospicere. Cupiens igitur hac sancta Synodus huic tam graui in commodo occurrere; Episcopis, seu Prælati, ad quos pertinet, maximè commendat, vt his afflictis, ac spiritali cibo egentibus, opportunum præstent auxilium. Præcipit etiam fodinarum, & ergastulorum Dominis, vt seruorum suorum saluti cōsulant, ne eos spiritali bono priuent, quos ipsi ad temporalem tantum vtilitatem detinent.

§. VII.

IVBE T Præterea hac Synodus quibuslibet huius Prouintia personis, nè si paganos seruos emerent fodinis, siue ergastulis prædictis ante includant, quam Fidei Christianæ documentis instructi, sacro Baptismatis fonte abluantur. Quod si secus fecerint, suorumque seruorum spiritali saluti impedimento fuerint, pro tam immani in Deum perpetrato scelere, grauem in eos animaduersionem Prælati exerceant.

De Sa-

1. tit. de ludi magistris, & tit. de Fidei initijs, à Parocho tradendis. Tolet. actio. 3. c. 5. & Grana. de sum. Trin. n. 2. & 4. & de offic. rectoris n. 12. & de magistris n. 2. & Synod. de Quiroga const. 42. §. 1. & §. fin.

Conc. Mogunt. c. 45. & Limen. 3. act. 2. c. 6. & 43.

Mexi. 1. c. 19. §. 4. Conc. Milan. 5. fol. 787. Vers. nulla est amplior.

De Sacramentis Doctrinæ

CHRISTIANÆ IGNARIS NON

ADMINISTRANDIS.

§. I.

Vide infra, tit. de Baptismo
§. 4. Guadix tom. 2. const. 6.
Synod. de Quiroga const. 1.



VM Plerique, Fidei documenta, ac vim,
& rationem sacramentorum ignorent, quaq;
debeant animi dispositione ad Sacramenta
accedere non intelligentes, eadē infructuo-
se suscipiant: quo fit, vt Christiano chara-
dere insigniti, Christianum institutum mi-
nimè teneant. Ne hoc malum latius man-

Guadix tom. 2. const. 62. Sy-
nod. de Quiroga vbi supra.

Concil. Milan. §. fol. 708.
Vers. primo omnibus.

ret, statuit hæc Synodus, vt nullus Curatus, siue secularis, siue
regularis, Sacramentum Baptismi adultis tribuat, si prius Fi-
de Catholica instructi non fuerint, aut saltem lingua sua fa-
miliari non didicerunt Orationem Dominicam, Symbolum
Apostolorum, decem præcepta legis, ac de peccatis suis, ali-
quod doloris signum præbeant. Quod vt melius fiat, Parochi
ante quam adultos, temporibus statutis Titulo de Baptismo,
& eius effectu, sancto Baptismate intingant, qui, & quam sint
idonei Baptismū suscepturi, Episcopo, seu eius Vicario, vbi
commodè fieri poterit, notum faciant. Parochis etiam præci-
pitur, nequemquam Hispanum, Indum, aut seruum ad bene-
dictionem nuptialem admittant, Nisi prius illum, qui est ma-
trimonio coniungendus, hortati fuerint, vt orationem Domi-
nicam, Salutationem Angelicam, Antiphonam, Salve Regina,
Symbolum Apostolorū, Fidei articulos, Præcepta Decalogi,
Præcepta Ecclesiæ, septem Sacramenta, ac septem vitia capi-
talia, si ea ignorauerit, quam primū discat, Alioquin arbitrio
Ordinarij punietur. Curatus autem si secus fecerit, tria pondo
persoluat, quorum partes duæ parochiæ contrahentium, tertia
vero denunciatori applicetur, Iniungitur quoq; Confessoribus,
vt diligenti studio pœnitentes examinent de Doctrinæ Chri-
stianæ cognitione, eosq; admoneant ad eam capeffendam.

De Impresione, & lectione

LIBRORVM.

§. I.

PERVERSA Doctrina non minus scripto, quàm ver-
bo tradita maximo solet esse nocumento. Quapropter
iuxta

iuxta Concilij Tridentini decretum statuit, ac iubet hæc Synod⁹, nè quis imprimere, nec imprimi facere, aut de nouo in vulgus emittere audeat, nec emere, vendere, aut apud se retinere cuiquam liceat, quosuis libros nuprius examinati, probatiq; fuerint ab Ordinario, & de eius licentia inscriptis, impressi: sub pena ex cōmunicationis ipso facto incurrenda, & quinquaginta pondo minarum pijs operibus, accusatori, & impensis hac de causa factis equis partibus distribuendorum.

§. II.

ISDE M etiam de causis hæc Synodus sub pena excommunicationis prohibet, nequis inter Indos, libros, sermones, tractatus ue, de rebus ad religionem pertinentib⁹, in vulgarem eorum linguam euulget, nisi translatio vulgaris huiusmodi, prius ab Ordinario examinata probetur.

§. III.

QUIA vero experientia compertum est ex lectione librorū, quibus Turpia, & obscena continentur, morum corruptelam oriri, Hæc Synodus exhortatur, nequisquam libros similes apud se retineat, aut ab his legi permittat, qui sue curæ sub sint, libri autem veterum latinorum, quia ad latine lingue vsum, atq; peritiam conferunt permitti poterunt, prudenti tamen adhibita cautela, ne eorum lectio iuuetuti in malum proclive offendiculum paret. —

De impedimentis propriæ salutis, AB INDIS REMOVENDIS.

§. I.



VT Indi in Fide Catholica, quam singulari Dei beneficio susceperunt stabiles perseuerent, diligentissimè cauendum est, nè illis antiquæ impietatis vestigium vllum impressum remaneat, ex quo leui aliquo occasione desumpta, diaboliceq; fraudis astutia decepti, iterū tāquam canes ad Idolatriæ vomitum reuertantur. Quam obrem hæc sancta Synodus statuit, ac præcipit, ne Indi in saltationibus, alijsque suis ludis laureati, aut alijs insignibus ornati incedant, quibus aliquam Idololatriæ speciem, suspicionem ue præbeant. Catiunculis etiam veteres suas historias, falsæque religionis impietates referentibus vti nequaquam permittantur, sed ea solum cantent, quæ à suis Parochis, & Vicarijs fuerint approbata.

B

Huius.

Sess. 4. in decreto de editione, & usu sacrorū lib. Vers. Sed, & impressorib⁹, & reg. 10. ex indice libror. & Mexica. 1. c. 74. §. 1. & Synod. de Quiroga const. 128.

Mexica. 1. c. 74. Mexi. 2. c. 23. reg. 7. in indice libror. prohibitorū & Limen. 3. act. 3. c. 37. & Granat. tit. de magistris n. 2. & Milan. 3. fol. 587. Vers. quorū libror. & 5. tit. quæ ad Fidei tuæde studium pertinet fol. 707. Vers. Episcopi cura.

Vide supra Concilia citata.

Mexic. 1. c. 72.

Huiusmodi autem saltationes, & ludi, nec in Ecclesia, nec in occulto aliquo loco fiant, sed publicè ubi eorum gestus, actiones, & verba omnibus ad sensum pateant. Neq; hæc fieri permittantur indiebus colēdis, nisi post Missarum solemnias ante meridiem, post meridiem vero dum vespertinum celebratur offitium, à ludis similibus cessent, ut ipsi quoq; vespertinarum offitio intersint. Si vero contra fecerint, quam præsentis est decreto sancitum, à suis Parochis corrigantur, ut admoniti in posterum his abstineant. —

§. II.

Mexic. 1. c. 72.

GVVERNATOR etiam, & alij Catholice maiestatis ministri omni studio, & diligentia provideant, ne indomibus, aut alijs, quibusvis ædificijs collocata Idola extant, immo eadem dissolui, ac penitus deleri faciant, excelsaq; loca ubi miseræ illæ gentes demonibus immolabant, quæ Cues Indi vulgo vocarunt, dei jci, ac solo æquari præcipiant: ne antiquus humani generis hostis, qui semper nocendi artes querit, vllas inueniat pristinae impietatis imagines, quas denovo, agentilitate conuersis calide suggerat ad decipiendum, immo ita ijs, quæ iam contritis, Diaboli laqueis, bene iuvante Deo, liberati sunt, omnis Idololatriæ uia intercludatur, ut gentilis infania prorsus obliti, fortes in Christi Fide permaneant.

§. III.

*Mexic. 1. c. 73. & Lincus.
3. act. 4. c. 4.*

CV M non sine magno dolore eorum, qui Christiano zelo ardent, in his Indiarum partibus, usu, & experientia manifestum sit, in montuosis, asperissimisque locis Indos habitare dispersos, & aciuili hominum congregatione remotos: quo fit, ut nec mores immanitate barbaros deponant, nec sanam Doctrinam suscipiant, nec Sacramentorum remedijs iuari, & auitijs coerceri possint, quodq; peius est, multi adhuc Christiano charactere insigniti non sint. Cumq; Catholica maiestas, cuius oneri incumbit, has sibi subditas gentes regimine moderari, suam cōscientiam exonerare volens insigni pietatis zelo sæpe cauerit edicto, ne Indi sic dispersi insolitudinibus commorentur, sed ad numerosos populos reducti, in ciuili hominum congregatione uiuant, nullaque tam iusti mandati secuta sit executio. Id circo hæc Synodus, ad quam maxime spectat sollicitè providere, ne oves immaculati Agni sanguine redemptæ aberrant, ac demonum, tamquam luporum crudelissima rabie lacerentur, Guuernatores in his partibus Catholice maiestatis vices obtinentes, quantum potest in Domino cohortatur, ut omni post habito seculari impedimēto, verè

verè pio, & Christiano animo in hanc curā incumbant, ne ipsi in causa sint, quominus iustissimum regium edictum ad debitum effectum perueniat, immo scientes, quam sint in die tremēdi Iudicij rationem Deo reddituri, toto animi conatu prædicti mandati executionem procurent. Prælatos quoq; monet eadem Synodus, vt huic negotio conficiendo, ex quo Indigenarum conuersio, ac morum huius Prouinciæ reformatio dependet, omnem operam præstent. Quod si minus fiat, nec Maiestas Catholica iuri patronat⁹ regio satisfacere videtur, neq; eius ministri effectum edicti retardantes, excusabiles sint in conspectu Dei, nec tuti in conscientia Episcopi esse possunt, si instantissime non egerint, vt tam graui malo, grauioriq; indiēs futuro, nullatenus remedium differatur.

LIBRI PRIM I

TITVLVS II.

DE CONSTITVTIONIBVS.

De Auctoritate Decretorum,
ET PVLICATIONE EORVM.

§. I.



ARIETAS temporum, ac necessitas rerum, sicut vsu, & experientia didicim⁹, plerumque in causa esse solet, vt antiquis abrogatis legibus, aliæ denuo constituantur. Quare, & si constitutiones in duab⁹ Synodis Prouincialibus Mexici celebratis,

prima scilicet Anno Domini millesimo quingētesimo quinquagesimo quinto. Secunda vero, millesimo quingētesimo sexagesimo etiam quinto. Sanctè, ac laudabiliter editæ sint, quibus potius insistere, quam alias iterum condere oportet: ea tamen horum temporum conditio est, isque huius Prouinciæ status; vt nisi rerum opportunitati conuenientiora Decreta sancirentur, difficilè incōmodis occurrentibus remedium afferri possit. Ne igitur ex legum multitudine confusio generetur, decreuit hæc Synodus, vt ex antiquis decretis illa, quæ præsentī rerum statui conueniunt, simul cum denuo aditis vno volumine compræhendantur, quò facilius ea quisque intelligat, quæ pro suæ conditionis ratione facere tenetur.

Bij

Quæ

*Granat. tit. de constitut. n.
1. & Synod. de Quiroga in
proemio §. y por que.*

§. II.

*Concil. Prouinc. de Quiroga
act. 2. c. 3. & act. 3. c. 50.
& Limens. 3. actio. 2. c. 1.
& act. 4. c. 24. & 25.*

*Cap. annis. cap. decernimus
18. dict.*

*Mexic. 1. c. 93. & Milan.
1. par. 3. tit. de penis Vers.
vt nomini, & Limens. 3. act.
2. c. 2. & act. 4. c. 24. &
25.*

Mexic. 1. c. 98.

QUÆ quidem decreta solum deinceps auctoritatem, ac firmitatem habitura decernens eadem Synod⁹. Omnes, & quascumque personas huius Prouinciæ, cuiuscumque status, gradus, ordinis, & qualitatis existant monet, & hortatur, eisq; in virtute sanctę obedientię præcipit, vt decreta prædicta, dum tamen nihil Sacris Canonibus, Summorum Pontificum constitutionibus, & Concilij Tridentini Decretis contrarium contineant, in omnibus, & per omnia iuxta eorum ferriem in posterum teneant, & obseruent, sub penis in eis contentis, & alijs contra rebelles pro eorum contumacia aggrauandis. Reuocat etiam præsentis Decreto omnes, & quascumque alias prouinciales constitutiones, ante editas, quę huius Synodi decretis insertę, renouatę non fuerint, easque decernit irritas, & inanes. Itidem omnibus, & quibuscumq; Ecclesiasticis Iudicibus, ac iustitię ministris mandat, vt per hæc decreta, omnia in illis contenta exequenda, causas definire, ac in eis sententias ferre, eisdemque decretis stare debeant sine contradictione cuiusquam.

§. III.

NE autem persona aliqua Ecclesiastica, siue secularis, ab horum Decretorum obseruatione, per ignorantia se valeat excusare, sub prætextu quod eorum promulgationi non interfuerit. Hęc Synodus decernit, sufficiens esse solemnem eorum promulgationem in hac metropoli factam, vt omnes eisdem subiaceant, ac in eis contentas penas incurrant. Monet etiam, ad vberiore cautelam Episcopos, vt eadem in suis Diocesibus, si opus fuerit. Vicario autem, seu Præsidenti, Sede Episcopali vacante, præcipit, vt infra duos menses, à die habite notitię computandos, in Ecclesia Cathedrali Decreta prædicta respectiue publicari faciant.

§. IIII.

STATVIT item Synodus, ad perpetuam horum Decretorum conseruationem, & ad commoditatem personarum Ecclesiasticarum, ad quas pertinet Ecclesiasticas constitutiones, quibus guernantur legere, & salubriter intelligere, vt œconomus huius Metropolitanę Ecclesię infra duos menses, immediatę sequentes, post eorum promulgationē, Decreta hæc carta pergamena scribi, ac sygillo huius Synodi cōmuniri faciat, eaque sic scripta, & sygillata in Archiuio Metropolitanę huius Ecclesię asseruentur. Post eorum vero impressionem, cum librorum copia commodē poterit haberi, singuli œconomi sin-

mi singularum Cathedralium Ecclesiarum huius Prouincię, duos libros emant, quorum vnum in vno Choro, alterum vero in altero catenulis alligatos reponant. Singuli itidem Parochialium Ecclesiarum æconomi post sex menses, à die publicationis præsentium Decretorum, librum vnum emant, quem in Choro, vel Sacristia, vbi ad vsum legendi commodius haberi possit, carenula similiter alligatum collocent. Vicarij etiam Curati, ac beneficiati, intra eorundem sex mensium spatium, librum quoque vnum apud se retineant. Qui omnes, & singuli nominati, si intra præscriptum tempus, his non paruerint mandatis, pondo viginti mulcentur, quorum partes duę Ecclesię, vbi fuerint æconomi, Vicarij, Curati, aut beneficiati applicentur, tertia vero accusatori.

Vide infra tit. de offi. rectoris, §. 1.

PRÆTEREA statuit, vt si Iudex aliquis Ecclesiasticus causam definierit, aut in ea sententiam tulerit iuxta aliquod huius Synodi Decretum, illud, partibus etiam non instantibus, inferi in processu faciat, ne sine eo processus originalis, aut illius exemplum vllibi reperiatur; Si vero ad instantiam partis mandatum, siue monitoriales literę, in alicuius Decreti executionem ab eodem Iudice cōcedantur, in ijs intro scripta Decreti series de verbo ad verbum exprimatur. Quoniam vero hæc tertia Prouincialis Mexicana Synodus, legitimè sub Apostolicę Sedis obedientia congregata est, ad Sacrorum Canonum, ac præsertim vniuersalis Concilij Tridentini obseruationem, & executionem, cupiens, vt omnia ab ea sancita, atque decreta felicem in Domino consequantur effectum, protestatur, se numquam intendisse, nec intendere Sacrosancti eiusdem Concilij vniuersalis Decretis contradicere, nec in aliquo repugnare, immo sancta, ac salutaria eius Decreta piè suscipit, religiosè veneratur, protestatur etiā nolle se in toto, aut in aliqua parte derogare Iuri patronatus Regio, ab Apostolica Sede concessio Philippo Hispaniarum Regi nostro Catholico, qui nouum hunc orbem Occidentalem à Deo sibi commissum in pace, & tranquillitate guernat, ac singulari eximiaq; pietate moderatur, cum Fidei Catholicę, & Christiani nominis propagatione. Pro cuius vita tantopere reipublicę Christianę necessaria assidue orare debemus, vt omnipotens Deus nationes barbaras, & Christiani nominis inimicas, sibi subiiciat, eiq; vt quę in Christo Fides est regnet longa, & felicia tempora concedat. —

Granat. tit. de constitution n. 2.

Limens. 3. acti. 2. c. 1. in fine, & acti. 5. c. 1. Concil. Prouinc. de Quiroga act. 3. c. 51.

TITVLVS III.

DE RESCRIPTIS.

De obedientia, & executione

RESCRIPTIS APOSTOLICIS DEBITA.

§. I.



ICVT oportet Prælatos, & Iudices Ecclesiasticos sine vlla intermissione, aut aliquauis causa Apostolicis parere mandatis, eademque ad debitam executionem perducere; sic etiam occurrendum est molestiis, vexationibus, & iniurijs, quæ in his tam longe à Summo Pontifice remotis locis, à multis inferuntur,

qui falsis literis, quas ipsi Apostolicas dicunt, aut breuibus Summi Pontificis abutuntur, concessionis affectu fraudulenter immutato, vel termino in eis præfixo iam omnino elapso. His igitur incommodis providere volens hæc Synodus statuit, & præcipit omnibus huius Archiepiscopatus, siue Prouinciæ, Ecclesiasticis Iudicibus, vt omnibus, & quibuscumque Apostolicis mandatis, sibi intimatis, obediant. Nec tamen alicuius Iudicis, qui se, vel executorem Apostolicum nominet, mandatum aliquod exequantur, nisi prius in casibus à iure expressis, originali Iudicis Apostolici huiusmodi cõmissione, processu, siue mandato coram Episcopo Diocesano, seu eius Vicario generali exhibitis, vt iuxta præscriptum decretalis epistolæ, quæ incipit, *Cum personæ*, si literas autenticas esse constiterit executioni mandentur; si vero ob defectum aliquem, vel vim non habeant, vel earum executio suspendi debeat, Prælati Summum Pontificem consulat, vt sic Apostolicis mandatis debita obedientia, & executio exhibeatur, & nullus iniuste molesteretur.

§. II.

VT auditus intercludatur dissentionibus, & litibus per multis, quas nonnulli mouere solent obtinentes, per literas Apostolicas certos sibi Iudices conseruatores, sub prætextu, quod eis à Iudicibus Ordinarijs iniuriæ, ac molestiæ inferantur, ad præscriptum sancti Concilij Tridentini decernit hæc Synodus, nè literæ conseruatoriæ huiusmodi cum deputatione Iudicum; cuiquam suffragenter ad hoc, vt coram Iudice Or-

ce Or-

Mexic. 1. c. 89. & Concil.
Hispalen. de Deca fol. 17.
pag. 2.

Cum personæ de priuilegijs
lib. 6.

Sess. 14. c. 5. & tx. vbi DD.
in cap. 1. & finali de off. &
potest iudi. de leg. in 6.

ce Ordinario in causis criminalibus, & mixtis non possit conueniri, & contra eum procedi, aut quominus in causis ciuilibus, si qua ei iura ex cessione competierint super illis liberè valeat apud Iudicem Ordinarium cōueniri. In ciuilibus etiam causis, si ipse actor extiterit, aliquem ei apud suos conseruatores Iudices, in iudicium trahere minimè liceat. Quod si in his causis, in quib⁹ reus fuerit contigerit, vt electus ab eo conseruator, ab actore suspectus esse dicatur, aut si qua inter ipsos Iudices conseruatorem, & Ordinarium controuersia, super cōpetentia iurisdictionis orta fuerit, nequaquam in causa procedatur, donec per arbitros in forma iuris electos, super suspicionē, aut iurisdictionis cōpetētia fuerit iudicatum. In causis etiam mercedum, aut miserabilium personarum, non obstantib⁹ conseruatorijs literis, coram Ordinario conueniri possit; Nemo etiam similium literarum beneficio vltra quinque-
nium gaudere possit: familiaribus vero eius, qui huiusmodi conseruatorijs literis tueri solent, nihil illarū prosint, praterquam duobus dumtaxat, sitamen illi proprijs eius sumptibus vixerint. Non liceat quoq; conseruatorijs Iudicibus vllum habere tribunal erectum, Vniuersitates autem generales, ac Doctorum, seu Scholarium Collegia, & regularia loca, necnō hospitalia, actum hospitalitatis seruantia, & Vniuersitatum, Collegiorum, locorum, & hospitalium huiusmodi personarū, ad mentem eiusdem Sacri Concilij hoc decreto minimè comprehensarū, sed exemptarū omnino sint, & esse intelligantur.

§. III.

STATVIT etiam hæc Synodus auctoritatem Concilij Tridentini secuta, vt dispensationes ex, quæ gratiosè, & sine cōmissione particulari à Summo Pontifice concedentur, suum non fortiantur effectum, nisi prius ab Ordinario, tamquam Apostolico delegato summarie tantum, extra iudicialiter cognoscatur expressas preces, subreptionis, vel obreptionis vitio non subiacere.

Sess. 22. c. 5. de reform.

§. IIII.

IN commutationibus vltimarum voluntatum, quæ non nisi ex iusta, & necessaria causa fieri debet; Episcopi tamquam delegati Sedis Apostolicæ summarie, & extra iudicialiter cognoscant, nihil in precibus, tacita veritate, vel suggesta falsitate fuisse narratum, prius quam cōmutationes prædictæ executioni demandentur, vt est à sancto Concilio Tridentino decretum.

Sess. 22. c. 6. de reform.

TITVLVS IIII.

DE ÆTATE, ET QUALITATE
ORDINANDORVM, ET PRÆ-
FICIENDORVM.De Scientia ad Sacros ordines,
ET CVRAM ANIMARVM NECESSARIA.

§. I.



De hoc tit. vide Conc. 4.
Milan tit. quæ pertinent ad
Sacramentū ordinis fol. 638.
Latius Concil. 5. Milan. tit.
de examinandi ratio. verb. vt
primo, fol. 759. & tit. de i-
nitiantis ordinis Sacramento,
fol. 764.

1. ad Thimot. 5.
Concil. Trid. Sess. 23. c. 7.
de re for.

Cōcil. Liuen. 3. act. 2. c. 33.

Sess. 21. c. 2. & Sess. 25. c.
4. & 5.

Sess. 23. c. 4. vsq; ad cap. 16.
Conc. Mex. 1. c. 45. & Cōc.
Tarracōnens. tit. de ætate,
& qualit. c. prima tonsura,

ACERDOTALIS dignitas, & eo-
rum, qui Altari deseruiunt celsitudo nō
patitur, quemquam ad id muneris ad-
mitti, nisi pri⁹ eius merita probata fue-
rint, ac benè perspecta. Præsertim cum
illud graue damnum Ecclesiæ Catholi-
cæ importet, quod multi ad Sacros ordi-
nes sine delectu promoueantur, qui absq;
vllis meritis in tam sublimi gradu collocati, postea Clericali
instituto iniuriam irrogantes miserè ceciderunt. Quapropter
vehementer exoptans hæc Synodus præterita damna resar-
cire. Ecclesiasticumque ordinem, in pristinum dignitatis, &
splendoris locum restituere; quantum potest, Episcopos hui⁹
prouintiæ exhortatur, nè contra Apostoli præceptum citò ma-
nus imponant, sed cum omni diligentia, & animi contentione,
ordinandorū qualitates examinent, & merita expendant, neq;
eos, qui minus fuerint Idonei, paucitatis ministrorum prætex-
tu, ad sacros ordines suscipiendos vllatenus admittant; cum
Diuinus cultus, animarumq; commodum, paucis dignè, quam
multis indignè ministrantibus magis accrescat; Quæ omnia,
vt melius dirigantur, decernit primum, ne vllus ad maiores,
vel minores ordines admittatur, nec ei, vt admitti possit li-
centia cōcedatur, nisi prius de eo, periculo facto, his esse præ-
ditum qualitatibus constiterit, quæ ad illum gradum, vel or-
dinem ex Concilij Tridentini decretis sunt requisitæ.

§. II.

VERVM ad speciem magis descendendo, præter sciē-
tiam, & ætatem, quæ ex Concilij Tridentini decreto ne-
cessaria sunt: Nullus nisi prius, iuramento præstito de inten-
tione permanendi in habitu Clericali, admittatur, nec ad pri-
mam

nam tonsuram promouetur. Illi verò ante quartum decimum annum poterunt prima tonsura initiari, qui in Cathedrali Ecclesia Clericali toga, & superpelliceo induti, per duos saltem annos, Diuino cultui inseruierunt, si prius eorum parentes, vel Tutores propositum sibi esse iurauerint in Ecclesiæ ministerio conseruandi. —

§. III.

NEMO ad quatuor minores ordines promouetur, nisi quantum fieri poterit Ecclesiastici cantus rudimentis instructus. —

§. IIII.

AD Subdiaconatum promouendi, in cantu Ecclesiastico periti sint, & in recitando horarum officio, iuxta ordinem Breuiarij æditi ex Concilij Tridentini decreto, exercitati.

§. V.

Diaconatum suscepturi, non in his solum; sed in cæremonijs etiam illi ordini competentibus, examinentur.

§. VI.

QUI ex præscripto Concilij Tridentini Idonei reperti, in Sacro Præbiteratus ordine fuerint constituti, primam Missam ne celebrent, nisi prius, vt in titulo de celebratione Missarum, & Diuinorum Officiorum habetur, à cæremoniarum magistro, examinati, & approbati, ab eodem celebrandi licentiam obtineant: formam præterea absoluendi à peccatis, & censuris sciant; vt vero tanti celebratio misterij in suarum animarum salutem cedat, promotos ad Sacerdotium monet, & hortatur hæc Synodus: vt quantum sit illud Domini corporis Sacrificium, toto corde, totaque mente contemplantur, ad illud celebrandum diuinę gratiæ auxilio se præparent, eaque animi puritate, ac sinceritate, quibus æquum est, sanctissimumque corporis, & sanguinis Domini Sacrificium accedant, sicque sanctuarium DEI ingrediantur, vt tamquam mediatores, inter Deum, & populum pacem componant.

§. VII.

SACERDOTES, quibus animarum cura committenda est, quantum Doctrina præstare debeant, vel ex eo facile intelligere licet, quod veluti Duces, Magistri, & Medici existant, qui subditos in cælum dirigant, sanam Doctrinam doceant, spiritualibus eorum morbis medeantur. Quare nullus Curatum beneficium obtineat, nisi prius probatus, & examinatus, idoneusque repertus, in Sacramentorum præsertim, penitentię administratione versatus sit, & conscientię casibus

C

fol. 16. *Guadix tit. 2. à cõst.*
42. vsq; ad 48. & *Granat.*
dicto tit. de ætate, & qualitat.
& *Synod. de Quiroga const.*
26. & 27. & *Conc. 5. Mi-*
lan. vbi supra.

Granat. & 5. Milanens. vbi
supra, §. præcedendi.

Granat. & Milan. vbi supra.

Gran. & Milan vbi supra.

Sess. 23. c. 14.
Infra lib. 3. tit. 15. §. 3.

Optime loquitur Concil. 5.
Milan. vbi supra tit. de ini-
tiand. ordi. Sacramento fol.
764.

bene

bene instructus, ad formam ab hac Synodo dispositam, & vna cum directorio confessorum, & pœnitentium comprobata, quæ in omnibus, & per omnia obseruetur, & executioni mādatur. Aptus præterea sit, ad exponendum sanctum Euangelium subditis, eo saltem modo, quo magis ad salutem necessaria edocere possint. Hic enim fiet, vt subditi de suis Parochis bonam opinionem concipiant, eosque tamquam Patres spirituales confidenter adeant, vt quibus oportet ad salutem documentis instruantur.

De vita, fama, & moribus ordi-

N. A. N. D. O. R. V. M.

§. I.

*Conc. Triden. sess. 7. c. 10.
sess. 21. c. 2. sess. 23. c. 3.
7. 11. 13. & 14.*

*Mexi. 1. c. 44. Guadix tit.
2. cōst. 48. & Milan. 1. tit.
que ad Sacramentorum admi-
nistrationē pertinent, & 4.
& 5. ubi sup. §. 1. & Gra-
natē. de gta. & qual. n. 4.
& Limens. 3. act. 2. c. 30.*

*In cap. inter dilectos de ex-
ces. prel. Concil. Trid. sess.
22. c. 1. de reform. & vide
infra lib. 3. tit. 5. de vit. &
honest. Clericorum §. 21. &
25.*

Mex. 1. c. 47.



QUÆ vitæ integritas, & morum honestas in ijs, qui ad Ecclesiasticos ordines promouendi sunt, literarū scientiæ præferri debet, hac Synodus decernit, & iubet, ne vllus Episcopus sibi subditos ad ordines admittat, aut admitti concedat, nisi pri⁹ à fidedignis, & morum grauitate probatis testibus, tam Ecclesiasticis, quam Secularibus, cum quib⁹ promouendus societatem inierit, vel alias fuerit conuersatus, habito testimonio, quò possit constare ordinandum eo tempore, & per multos antea menses, quib⁹ decet puritate, & honestate vixisse, Alea, aut alijs illicitis ludis prauè assuetum fuisse, aut esse, nec statutis à iure temporib⁹, peccatorum cōfessionem ommississe. Quod si secus constiterit, nullaten⁹ promoueat, donec vitæ, ac morum conuersatione in melius cōmutata maculam deleat, ex ante acta vita susceptam. Difficile enim est eos in nouo dignitatis gradu positos fieri meliores, qui vitijs, & sceleribus defædati, non sine multorum scandalo, quibus eorum prauè facta nota sunt; ad illum statum perueniunt.

§. II.

ECCLESIASTICI ordinis perturbatio inde sepe secuta est, quod ijs aditus non sit occlusus, qui caducarum rerum cupiditate ducti, prauis cogitationibus sancta ministeria concupiscunt: Quare nullus ad Sacros ordines admittatur, qui commisso crimine pena sanguinis puniendo, magis, vt penam sibi à seculari Iudice infligendam euadat, quam vt in Sa-

Patrimonium, vel pensio ab eis obtenta talia non sint, quæ congruè victum suppeditare possint. His enim quo minus ordinentur, periculum mendicandi verissimile est non ob stare, quia si moribus, scientiæ, & ætati requisitis, linguæ quoq; Indorum vsum adiungant, Indisq; Sacramenta, & alia spiritualia ministeria præstare possint, inde quæ sibi ad victum sufficiant, cum decore Ecclesiastici ordinis comparabunt.

§ II.

Ex tx. in cap. penul. de Simonia loquitur Prouinc. de Quiroga, actio. 3. c. 32. & Limens. 3. act. 2. c. 30.

OCCVRRERE volens hæc Synodus artibus, & falsatijs, quib⁹ aliqui nullum beneficium, aut Patrimonium verè obtinentes, sed falsos beneficiorum titulos, fraudulentæque facultatum donationes cum pacto tacito, vel expresso, de non recipiendo, vel restituendo configentes ordinari solent, statuit, ac decernit, vt si quis fraude, doloue ad Sacros ordines fuerit promotus, à susceptis ordinibus sit ipso facto suspensus, & pro tanto scelere arbitrio Ordinarij puniatur.

§ III.

Prouin. de Quiroga, act. 3. c. 33. & vide infra lib. 3. tit. 15. de celeb. Missar. §. 14.

IVXTA Concilij Tridentini decretum, illi tantum Patrimonium, vel pensionē obtinentes ordinari possunt, quos Episcopus assumpserit pro comoditate alicuius Ecclesiæ, cui ad scripti esse debent, ad munera Ecclesiastica obeunda, neque eam sine Ordinarij licetia de serere possunt; verum quia multi ad titulum Patrimonij, vel pensionis promoti, facile deinde Ecclesiam, cui ad scripti sunt, relinquunt, iubetur, vt Ecclesiæ deputatio in titulis ordinum scripta inferatur, visitatores quoque inquirant, an prædicti quæ præstare tenentur, muneribus functi fuerint, quodsi cōtra se gessisse compererint, ad præscriptum Concilij Tridentini, ab ordinum executione suspendantur, cui⁹ suspensionis tēpus, Ordinarij arbitrio relinquatur.

Sess. 23. c. 16.

De modo conferendi ordines, &

LITERAS DIMISSORIAS.

§ I.



N conferendis ordinibus, ea prorsus ratio seruari iubetur, quā amplexa est vniuersalis Tridentina Synodus, iuxta quam decernitur, vt Episcopi perse ipsos ordines conferant, si vero ægritudine fuerint impediti, subditos suos non aliter, quam iam probatos, & examinatos, ad alium Episcopum dimittant. Nullus autem nisi à proprio Episcopo ordinetur,

Sess. 23. c. 3.

tur, quod si ob legitimā causam ab alio Episcopo promoueri quis petat, nullatenus ei permittatur, nisi eius probitas, ac mores Ordinarij sui testimonio commendentur, sub pænis in Concilio Tridentino statutis. Facultates de promouendo à quocumque minimè suffragentur, nisi habentibus legitimam causam, ob quam à proprijs Episcopis ordinari non possint in literis exprimendam, vt est ab eodem Concilio dispositum.

*Concil. 5. Milan. fol. 765.
verbo quod Prouinciali.*

Sess. 23. c. 8.

Sess. 7. c. 11.

§. II.

AD abolendam prauam consuetudinem cōtra decreta huiusmodi, in hanc Prouinciam introductam, quā multi alienigenæ, ab alio, quam à proprio Episcopo, & absq; eius cōsensu, & approbatione ad titulum, quem vocant, domicilij, siue iurati, ordinari cōsueuerunt, præstito solum iuramento sibi esse in animo, in ea Diocesi, vbi promoti fuerint permanere, interdicat hæc Synodus, nè quisquam ad titulum huiusmodi ordinetur, aut ordinare permittatur, nisi per tantum tempus in ea Diocesi vitā duxerit, ex quo probabile sit velle se ibi permanere. Quod si aliqui contra hoc decretum fuerint promoti, ipso facto ab executione susceptorum ordinum suspendantur, & cuiuscumq; beneficij, seu administrationis Indorum sint incapaces per triennium. Qui vero in vna Diocesi ordinari ceperint, in alia, quamuis ibi per tres annos fuerint cōmorati, reliquos ordines non suscipiant, nisi à proprio Prelato cum literis dimittantur, & vnus quisq; proprium Pastore agnoscat, & Hyerarchiæ Ecclesiasticæ, ordine minimè perturbato, quod est sanctorum Canonum, & Sacrosancti Concilij Tridentini decretis de hac re sancitum inuiolabiliter obseruetur. Literę item dimissoriæ, ad vnum tantum ordinem suscipiendum concedantur, vt quam in munere suscepti ordinis exequendo diligentiam ordinat⁹ præstiterit, Episcopus intelligat. Interstitia vero temporum à Concilio Tridentino præfixa obseruentur, nisi in illis pro necessitate, vel vtilitate Ecclesię suę visum fuerit Episcopo dispensare. Absentibus vero sine præiudicio examine, coram Episcopo, vel eius examinatore, literę dimissoriæ non dentur.

*Limens. 3. actio. 2. c. 30.
verbo quia vero.*

Sess. 23. c. 11. & 13.

§. III.

REGVLARES iuxta Concilij Tridentini decretum, nec ante ætatem omnibus à iure præscriptam, nec sine diligenti Episcopi examine ordinentur, nec eis duo Sacri ordines eodem die conferantur. quibuscumq; priuilegijs, quoad hoc panitus exclusis.

Sess. 23. c. 12. & 13. & Prouinc. de Quiroga actio. 3. c. 47. & est declaratio Cardin. in dictis locis, Concil. Trid.

De examine ordinibus præmit-

T E N D O. §. I.

V

ordinandorum, & eorum, quib⁹ animarum cura credenda est, quibus polleant meritis, quam ve ad spiritualia munera obeunda idonei sint, facilius Episcopis notum fiat, præcipit hæc Synodus Mexicanæ Prouinciæ Episcopis, vt in Synodo Diocesana, quæ primo

Concil. sess. 24. c. 18. vers. licebit etiam.

Concil. Tolet. act. 2. c. 24. Prouinc. de Quiroga act. 3. à c. 22. vsq; ad 26. Limen. 3. acti. 4. c. 17. & Concil. Milan. 5. tit. de examinandi ratione à fol. 757.

Concil. Limense 3. actio. 2. c. 32. & Milan. 5. vbi supra §. præced.

quoq; tempore celebrabitur, tres saltem eligant, & deputent examinatores, qui vna cum Episcopo, vel ei⁹ Vicario, si Episcopus fuerit impeditus, de scientia ordinandorum periculum faciant, ante Synodum autem habitam per suos, Episcopi id etiam præstent. Examinatores vero deputati, in suo munere obeundo, hanc à Synodo præscriptam formam obseruent.

§. II.

Examinatores in Synodo Diocesana constituti, iure iurandose obstringant de fidelitate seruanda in suo suscepto munere, de verè, & sincerè manifestanda eorum comperta scientia, de quibus ipsi experimentum sumpserint, amore, odio, alio ve omni humano affectu post habitis. Examinis vero causa, nihil quidquam pecuniæ, præmij, alicuius ve doni, aut quid simile accipiant.

§. III.

Si examinandorum quisquam perse, vel interpositam personam dona, fauores ve examinatori promiserit, Episcopo statim denuntiet, & eundem ad ordines pro illa vice inhabilem decernat.

§. IIII.

EA, de quibus subituri examen interrogandi sunt, perse, vel per alios directè, aut indirectè, ne reuelent, si quis eorum, qui examinandi sunt consanguine⁹, affinis, familiaris, familiæ ve adiunctus alicuius examinantis fuerit, examinatio ille, ne præsens quidem ad sit, sed id Episcopo notum faciat, vt alius in eius locum vocetur.

§. V.

Ne sententiam, quam in approbando, vel reprobando dicturi sunt, vlli manifestent. Sub pæna excommunicationis maioris ipso iure.

§. VI.

Ne quemquam ad examen sub eundum admittant, nisi prius suscepti ordinis titulum, ab Episcopo, & Notario subscriptum, sygillatumque exhibuerit.

Quæ

§. VII.

QUÆ omnia, sub eisdem iuramento, & censura, tunc quoq; seruare teneantur, cum de Episcopi mandato, aliquos ad beneficia obtinenda examinare contigerit. —

LIBRI PRIM I

TITVLVS V.

De Sacramentorum Ecclesiæ

ADMINISTRATIONE.

§. I.

SACROSANCTÆ Ecclesiæ Sacramenta, quæ non inuenta ab Hominibus, sed à CHRISTO Dño instituta sunt, & ad nostrā salutem diuinit⁹ concessa, vt dig- ne, & salubriter administrentur, & à percipientib⁹ summo in honore, & veneratione habeantur, maxime oportet eorū ministros, illud de se omnib⁹, præsertim Indis, qui rudes sunt, & min⁹ intelligentia valent præbere testimonium, vt non ob aliquod temporale lucrum, sed tātum ad salutē animarum Sacramenta conferri omnes intelligant. Præcipit igitur hæc Synodus nè vllus Clericus, pacto, contractu, hortatu, aut con- uentione perse, aut per aliū, directē vel indirectē, pro Sacra- mentorum administratione, sibi temporale quidquam dari procuret, si qui vero secus fecerint, vltra pñas à iure in Si- moniacos decretas, si semel id cōmiserint, pñam quinquaginta pondo incurrant, quorum partes duę, Ecclesiæ vbi fue- rit delictum perpetrātū distribuuntur, tertia vero accusatori: Si autem bis in hoc crimē inciderint, à Sacerdotali officio per annum suspendantur. Siter à tota prouintia per triēnium exu- les sint, Non tamen hoc Decreto prohibetur ne mercedem in singulis Episcopatibus ab Episcopo constitutam percipiant.

§. II.

VERVM, vt illud, quod ex conformi Sacrarum cere- moniarum vsu in cultu diuino prouenit, decorum ser- uetur, & ea euitentur incommoda, quæ ex varietate huiusmodi oriuntur. Curati omnes huius Prouintia tam saculares, quam regulares, in Sacramentis administrandis, præscriptam in ri- tuali Mexicano formam teneant, quousque à Sede Apostolica ri- tuale ad vsum vniuersalis Ecclesiæ euulgetur. Si qui vero ali- ter Sacramenta administauerint, tamquam perturbatores Ec- clesiastici Ordinis punientur.

Cap. ad Apostolicam e. non satis de Simonia.

Mexic. 1. c. 23. & 2. c. 2.

Guadix tit. 2. consti. 3. &

22. & cōst. 14. 15. 16. Mi-

lan. 1. verbo cum Sacramēta

& Synod. de Quiroga const.

35. & Prouin. eiusdē Qui-

roga acti. 3. c. 27. & Com-

postel. acti. 7. c. 10. & Li-

mens. 3. act. 2. c. 38.

Conducit materię ix. in cap.

abolendæ de sepulturis.

Mex. 1. c. 67. & Limense

3. act. 2. c. 37 & Concil.

4. Tolet. c. 26. vbi Loayça

fol. 370. verbo libellum.

Concil. Milan. 5. fol. 716.

verbo illud in primis, & Cō-

cil. Prouinc. Bononi. Cardiu.

Palleoti. 4. parte.

LIBRARI PRIMO
TITVLVS VI.

De Sacra vnctione.

§. I.



Limense 3. act. 2. c. 13.

VOLENS hæc Synodus, ijs incommodis, quæ in conferendo Indis confirmationis Sacramento, & fuerunt, & esse possunt, opportunum remediū afferre: statuit, ac præcipit, ne quidquam pecuniæ argenti, aliusve rei similis, dum Episcopi Sacrum Chrisma ministrant ab Indis, vel ab alijs vllipetant, vt ad id offerendum eos inducant, Immo potius pro grauitate, & auctoritate Episcopalis dignatis, Candelas, & vittas quas suscepturi Sacramentum confirmationis deferre solent, indigentibus in elemosinam Episcopi conferant.

§. II.

PERACTO vero confirmationis ministerio, vittæ omnes ad vsum ei⁹ adhibitæ conburantur. nepostea prophanis vsibus deseruiant.

§. III.

SED quoniam propter Indorum ignorantiam facile euenire potest, vt nulla habita ratione cognationis inter susceptorem, & confirmatum, illiusque Patrem, & Matrem contractæ, hi in gradibus prohibitis matrimonio se coniungant. Huic malo Episcopi occurrentes in singulis Indorum oppidibus duos susceptores deputent, qui vel sine suspitione contrahendi matrimonium sint, vel spiritualis cognationis rationes optimè nouerint, idq; obseruetur donec Episcopis huiusmodi deputatio, Indis peritioribus factis, non amplius necessaria visa fuerit.

§. IIII.

PAROCHI item tam saculares, quam regulares, Indis, & seruis ægrotis in mortis periculo constitutis, Sacramentum extremæ vnctionis ministrent, quod cum sit à Christo Domino ad communem omnium salutem, sine delectu personarum institutum, omnibus fidelibus in articulo mortis deuotè petentibus tribuendum est. Parochi vero muneri suo satisfacere minimè possunt, si medicinam animæ, & corpori tant salutarem suis subditis denegauerint.

Quia

Conc. Trid. sess. 14. c. 3. de extrem. vnctio. Mexi. 1. c. 64. Guadix tit. 2. const. 41. Limense 3. act. 2. c. 28. Concil. Trid. in Doctrina de Sacram. extrem. vnct. c. 1. 2. & 3.

§. V.

QUIA vero grauitè ægrotantes extremæ vnctionis suscipiendæ causa, ad Ecclesias, seu monasteria deducere tutum non est, ne externus impulsus, aut mortem illis conciliet, aut saltem acceleret, miseræ genti, & ab omnib⁹ rebus inopi, consulere volens hæc Synodus, in virtute sanctæ obedientiæ Curatis omnibus secularibus, & regularibus præcipit, ne Indos, aut seruos ægrotos, huius rei causa, ad Ecclesias, vel monasteria, vllatenus ferri permittant. Immo Curati ipsi officij sui, & charitatis, qua erga proximos esse debent memores, ad vngendum infirmos, eorum adeant domos, quas prius decenti ornatu paratas esse curabunt. Si vero contra hoc decretum fecerint, probabili irregularitatis periculo se exponi intelligant, & quam sint, de morte proximi ob eorum inhumanitatem secuta, rationem Deo reddituri, animaduertant.

§. VI.

EPISCOPI vero tantum scelus acerrimè vindicari studeant, vt tam immanis, & barbara consuetudo, & non solum ab Ecclesiastico, & religioso homine, sed ab homine prorsus aliena, radicitus extirpetur, funditusque tollatur.

§. VII.

DE Ætate ad hoc Sacramentum suscipiendum ea regula sit, vt quibus per ætatem licet Eucharistiam sumere, eisdem etiam liceat sancto infirmorum oleo inungi.

§. VIII.

II tamen, qui ægrotorum curam habent, admonentur, vt opportuno tempore, à Parocho deferri extremam vnctionem procurent, sicque infirmus dum integris est sensibus vngatur, vt vim Sacramenti corpori, & animæ salutarem, dum compos sui est, intelligere valeat.

§. IX.

AD Sacrorum Canonum obseruationem, & ne in Ecclesijs sanctum Chrisma, Cathæcumenorum, & infirmorum oleum vnquam desit, iubet hæc Synodus, vt in singulis annis infra quindecim dies, à feria quinta in Cœna Domini, quo die hæc, vertente anno consecrantur, immediate numerandos, Vicarij omnes, & singuli huius Prouinciæ perse, vel per Clericos Sacro ordine initiatos, ad ciuitatem vbi est Sedes Episcopalis conueniant, & quod in Sacristia cuiuslibet Cathedralis Ecclesiæ distribuitur sanctum Chrisma, & oleum, quantum omnibus districtus sui Parochis sufficiat, indè afferant. Nemo autem infra præfixum temp⁹ id facere omittat, sub pœna pondo

D

quin-

*Gran. tit. de Sacra vnctione
n. 3. & 4. & Milan. 4. tit.
quæ pertinet ad extrem. vn-
ctionem verbo Parochus, & 5.
tit. quæ pertinent ad Sacram.
extremæ vnctionis.*

*Granat. tit. de Sacra vncti.
act. 1. & Synod. de Quiroga
const. 24. & 25.*

quingenta. Curati autem reliqui, eum locum vbi Vicarius residet adeant, vel eò Clericos in Sacro ordine cōstitutos mittant, vt sanctum Chrisma, & oleum in suas Parochias indè reportent, sub p̄na pondo octo fabricæ applicandorum. Is autem, qui vel in Cathedrali, vel in oppido, vbi Vicarius residet, Chrisma, & oleum distribuit, nihil quidquam pro his distribuendis accipiat, librumque secum habeat, vbi cum die, mense, & anno nomina eorum inscribat, qui ab eo Chrisma, & oleum sumpserunt, sub p̄na duorum pondo, ad vsum fabricæ Ecclesiæ.

§. X.

*Granat. tit. de Sacra mēti.
n. 1. 2. & 3. & Milan. 4.
2. p. const. verb. Parochus.*

CVRATIS quoq; omnibus præcipitur, vt Chrisma, & oleum huiusmodi frequenter renouare studeant, eamq; in renouando formam seruent, vt minor semper olei quantitas addatur, quam reliquum fuerat; Si vero aliquid Chriftatis, vel olei anni proximè præteriti, cum nouum defertur, super fuerit, illud comburatur, vel in fontem Baptismalem spargatur, à die verò feriæ quintæ in Cœna Domini imposterum, antiqui Chriftatis, & olei Cathecumenorum vsus cesset, sub p̄nis à iure decretis, nec Sabbato etiam maioris hebdomadæ ad fontes antiquum oleum adhibeatur, sed nouum spectetur. Conceditur autem, vt si quis mortis periculo laborauerit, oleo infirmorum præteriti anni in vngatur, noui olei copia adhuc nō habita. Cuius rei causa, à feria in Cœna Domini infirmorum oleum asseruari poterit, quò vsque nouum peruenerit, & deinde consummi.

§. XI.

Mexic. 1. c. 33.

AD Custodiam verò sancti Chriftatis, & olei, locus clausus cum decenti ornatu deputetur, cuius clauem Parochus habeat, nec cuiquam tradat, nisi alicui Sacerdoti cum opus fuerit. Quo loco rituale etiam ministrandorum Sacramentorum formam præscribens asseruabitur.



LIBRI

TITVLVS VII.



De Clericis Peregrinis.

§. I.



VMMIS à Deo precib⁹ efflagitare Episcopi deberent, vt eos in messem suam operarios mitteret, qui diuinæ voluntati conformes salutem animarum sitirent, nō quæ sua sunt quærentes, sed quæ IESV Christi. Verum quod est, omni lachrimarum fonte plangendum, Sacerdotes aliqui, non pietatis zelo, sed æstu quodam auaritiæ flagrant, incertis sedibus vagantur, & ouibus sibi commissis derelictis, eò auidè confugiunt, vbi maius stipendium temporalis lucri proponitur. Cui tam graui malo Tridentinum Concilium occurrere volens præcipit, ne vllus Clericus peregrinus, sine commendatitijs sui Ordinarij literis (quas tamen sine iusta causa Ordinarius non deneget) ab vlllo Episcopo ad Diuina celebranda, & Sacramenta administranda recipiatur, quod tam sanctum Concilij Decretum hæc Synod⁹ inuiolabiliter obseruari vult, sub pænâ suspensionis arbitrio Ordinarij. Interdicit quoque, ne vllus Vicarius, seu Iudex Ecclesiasticus, Clericis huiusmodi celebrandi licentiam concedat, nisi eorum facultates, & literæ dimissoriae diligenter prius examinatae comprobentur. Idemque iniungit superioribus ordinum in suis domibus, aut monasterijs. Itidem iubetur, vt si qui Clerici ex Hispania, aut alijs remotis Prouincijs, in has Indiarum partes migrauerint, mulieres secum, matrum, sororum, & consanguinitate propin quarum nomine deferentes, nisi id ita esse legitimè constiterit, à mulieribus huiusmodi separentur, si vero separati nō paruerint, tamquam Concubinarij publicè puniantur.

Sess. 23. c. 16. & Sess. 22. in Decreto de obseruandis, & euitandis in celebratione Missarum.

Mexic. 1. c. 45. & Guadix tit. 2. const. 54. Milan. 1. tit. quæ pertinent ad celebrationem Missæ, verb. Clericis, & Gran. tit. de Cleric. pereg. Synod. de Quiroga const. 57. Limens. 3. act. 3. c. 9.

Mexic. 1. c. 57.



Dij

LIBRI

LIBRI PRIMII
TITVLVS VIII.

De officio Iudicis Ordinarij,
ET VICARII.

§. I.

*Granat. tit. de offic. Iudicis
Ord. Guadix tit. 8. const. 11.
12. 13. & 14. Milan. 4. 3.
par. tit. de foro Episcop. &
5. tit. de Episcop. & Epis-
copali iure.*

T Episcopi populum à Deo sibi cōmissum, quib⁹
V opus est prudentia, & sollicitudine, guernent ac
moderētur, atq; vt facili⁹ orationi vacent, Doctrina
pascant gregem, & saluti cōsulant animarum, Vi-
cariorum opere indigent, quos in partē sollicitudinis, pręfer-
tim earum rerum, quę fori Iudicialis sunt, sibi asciscant. Quam
obrem Vicarios huiusmodi hęc Synodus vehementer horta-
tur, vt quam sit eorum industria, ad populi Christiani guern-
nationē necessaria, intelligentes suo muneri ne desint, sed in eo
obeundo, omne studiū, operam, & diligētiam cōllocent, quod
vt cōmodius pręstent, has, quę sequuntur regulas obseruabunt.

§. II.

IN primis, officiales, Vicarij, & Iudices Ecclesiastici om-
nes huius Prouincię id potissimum curent, vt iniuncta,
sibi in literis commissiōis, & potestatis exequantur: Tem-
pore etiam, quo hęc officia exercent, diligenter, integrē & re-
ctē segerant. In omnibus DEI honorem sibi proponant, cō-
munem subditorum vtilitatem quęrant, & partium vnicuique
Ius suum tribuant. Coram Secretario Episcopi iureiurando se
obstringant, quod Sacrorum Canonum, & Concilij Tridentini
Decretis, huiusq; Synodi constitutionibus stabunt. Quod Ec-
clesiasticam Iurisdictionem, immunitatem Ecclesiarum, & ea-
rum ministros tuebuntur, atque defendent. In locis, vbi suis
fungi debent officijs semper resideant, officiaque hęc perse-
iplos obeuntes, & non per substitutos, nequaquam absint fe-
ria secunda, quarta, & sexta, cuiuslibet hebdomadis, ab Octa-
ua ad decimam horam pro tribunali sedentes, causas audiant.
Si vero in hos dies festum inciderit, in sequenti die, festo non
impedito, audientiam faciant. Ad locum vero ad id deputatū
Ecclesiasticę Curię ministris comitati procedant. Iplis vero
officialibus, ad dies tantum octo absentibus, nullam causam
definitiuā sententia determinare valeant, nec in causa aliqua,
interlocutoria sententia, quidquam statuunt, quod per definiti-
uam sententiam reparari non possit. Quidquid secus factum
fuerit, irritum, & inane decernitur.

§. III.

DE quibuscumque causis, ad iurisdictionem Ordinariam spectantibus, & tamquam Apostolicæ Sedis Subdelegati, de his, in quibus Episcopi, à Concilio Tridentino, eiusdē Sedis delegati constituuntur, Si eis ab Episcopo specialiter commissæ fuerint, cognoscere possint, causasque huiusmodi, nisi specialiter Episcopo soli fuerint commissæ, aut eas Episcopus ad se auocauerit, vel ex huius Synodi Decreto, eidem reservata fuerint, terminare valeant. De his etiam causis cognoscant, quæ per viam appellationis coram Episcopo sunt tractandæ.

§. IIII.

QVONIAM Episcopi, iure, & expresso Concilij Tridentini Decreto tenentur officialem Vicarium generalem constituere, qui Doctor sit, vel Licenciatus in iure Canonico, vel alias quantum fieri poterit Idoneus ad causas, in foro iudiciali decidendum, quem pro officij sui ratione commodè sustentare debent, & quia officiales huiusmodi, pro vidēdis actis, salarium forsam à partibus litigantibus recipere valet, statuit hæc Synodus, ne quidquā pro his accipiat, nisi parte, aut partibus petentibus Iuris peritum vnum, vel plures sibi adiungi, quos de causa consulat, ac de eorum consilio sententias ferat. Quia vero euenire potest, vt pars, aut partes id petentes, quibus incumbit horum assessorū salaria persolvere, eosdem pratio corrumpere possint, statuit, ac præcipit eadem Synodus, vt salaria assessori huiusmodi à Iudice providè moderentur. Eaque assessores perse, vel interpositas personas, ante decidam causam, à partib⁹ non accipiant, nec quidquam amplius, quam quod fuerit moderatum, sub pœna restitutionis quadruplum. Sententiam vero suam clausam, & sigillatam ad Iudicem mittat assessor, eamque partibus nequaquam tradat, aut ex eo, quod partium intererit, teneatur. Prædicta vero pœna, fabricæ Ecclesiæ, & pijs operibus æquè distribuatur. Sportulas alias non exigant, quam quæ sunt ab hac Synodo taxatæ. A partibus coram eis litigantibus, aut quæ probabili coniectura litigaturæ creduntur, dona, aut munera etiam esculenta perse, aut familiares, consanguineos vè suos, officio durate, vel post, ex promissione, tempore officij prius facta, non accipiant, etiā si ea data sponte fuerint, vel promissa sub pœna restitutionis quadruplū. Quod Iudicib⁹ Vicarij foraneis, sub eadem quoq; pœna etiā imponitur.

§. V.

IN causis coram ipsis pendentibus, ipsi cognoscere possint. Arbitri Iuris, aut arbitratores non sint, neque hac de cau-

D iij

sa prò

Seff. 24. c. 16. & iure communi tx. in cap. de consign. & affini.

Mexic. 1. c. 84. Guadix tit. 8. const. 14.

sa pro ferendis sententijs, videndis actis, aut alijs quidquam accipiant. Qui vero contra fecerint, ultra panam restituendi duplum, aliter etiam puniantur, idque Vicarij etiam obseruent.

§. VI.

NOTARIJ, aut alij eorum ministri, in causis, in quibus ad Fiscalis instantiam procedetur, nihil ab reo exigant, ratione scripturarum, siue actorum, pro parte ad Fiscalem spectante, nisi reus per sententiam in expensis fuerit condemnatus, easque tunc iuxta taxationem petant. Si vero condempnatio huiusmodi non praecesserit, cum ex officio ad haec conficienda teneantur, nihil exigere possint. Quod si Notarius, & Iudex aliter, quam ad praescriptam formam expensas a reo petierint, in duplum easdem restituant.

§. VII.

TESTES vero pro ratificatis non habeant, etiam de voluntate partium, in causis ubi pena corporalis, exilij quoque, aut sollemnis penitentiae futura speratur, sub pena ratificandi testes suis impensis si opus fuerit, Iudex autem testibus non ratificatis, sententiam minimè ferre possit.

§. VIII.

PECVLIARI solitudine studeant vitia publica, veluti ludos illicitos, Concubinatus, blasphemias, vsuras, & huiusmodi alia prohibere, & haec perpetrantes acriter punire. Quod ut consequatur effectum, Dominica prima Quadragesimae in quolibet anno generales literas excommunicationis expediant, procedendo usque ad Anathematis declarationes, easque publicare faciant, tam in Cathedrali, quam in Parochialibus Ecclesijs, ac monasterijs, quae postquam publicatae fuerint, in Ecclesiae ianuis affigantur. Ad oppida etiam, ubi Hispani degunt, & ad fodinas literae ad eam mittantur, ibique itidem publicentur, ut omnes, & quicumque, de huiusmodi delinquentibus notitiam habuerint, censuris compellantur eosdem denuntiare coram Episcopis, vel Parochis, & coram Notario publico, ut id legitimè constet, quae tamen, delictis notorijs, & publicis dumtaxat, disposita intelligantur, edicta vero, seu literae generales huiusmodi iuxta seriem dispositam, & approbatam expediantur: quae in quantum Concubinariorum delicta respiciunt, prima etiam Dominica Adventus publicentur.

§. IX.

TA METSI Episcopi, subditorum delicta Clericorum, & Sacerdotum maxime, quos alijs in exemplum vitae

DEVS

DEVS posuit animaduertere debent, nihilominus Sacerdotalis ordinis honori prospicere valdè tenentur, & impuniendis Clericorum delictis, prudenter segerere, nè si id nimis publicè fiat, ipsi simul cum eo, quo funguntur diuino ministerio contemnantur. Quapropter hæc Synodus statuit, ac præcipit, vt causæ graues Clericorum huius Prouinciæ, & quodad modum procedendi, & quo ad custodiam carceris secreto agitentur, & terminentur. Item vt Iudices ad causam huiusmodi Notarios Clericos, si fieri poterit, adhibeant. Hæc autem omnia, tum locum habeant, cum delictum tale, & tam publicum non fuerit, quod maiori non egeat remedio. Qua in re conscientia Iudicum onerantur, vt in his omnibus eum modum seruent, quò, & Clericali dignitati consulant, & delinquentes promeritis supplicio afficiantur.

Mexic. 1. c. 82.

§. X.

LIBRVM habeant, in quò summam, sacrilegiorum, restitutionum, & Fiscales causæ ad memoriam descriptæ sint. Ad huius vero libri præscriptum in fine cuiuslibet mensis, Ministris & Notarijs, sibi reddi rationem petant de præfatis causis, & de earum statu: & quod magis singulis causis conueniens sit provideant, eoque in libro, vt scribatur quidquid prouiderint efficiant, atq; ministros huiusmodi de commissis negligentijs repræhendant, in eosq; accuratè animaduertant. In fine etiam mensis prædicti Notarius de hac coram eo adhibita diligentia fidem faciat, & officiales binis quoque mensibus iuxta prædicti libri formam Episcopo referant quid gestum sit, quidue non, quidq; negotiorum huiusmodi expeditioni conuenientius, & opportunius esse videatur, sub pæna quatuor pondo quoties id omissum fuerit, & Episcopi huiusmodi relationi sibi inscriptis factæ se subscribat, librum vero hunc officiales apud se retineant, ad cuius præscriptum, cum eos Episcopus visitauerit, de negotijs huiusmodi inquirantur. Admonentur præterea, vt etiam si ab ipsis causæ decise sint, si ulterius in gradu appellationis procedatur, Promotorem Fiscalem ad causarum huiusmodi prosecutionem instanter hortari non desinant.

§. XI.

IUDICES Nec recipiant, nec apud se retineant, multarum, siue penarum pecunias operibus pijs applicatas, sub pæna restituendi quadruplum, sed hæc Notario causæ, eo ipso, quod exactæ sint, commendentur, qui infra diem susceptori, per Episcopum cum debitis fideiussoribus in tribunali suo depu-

Concil. Toletan. actio. 2. c. 14.

disputando, eas consignare teneatur sub p[en]a soluendi duplū. Pecuniarum autem huiusmodi consignationem, in libro susceptoris Notarius scribat, & manu propria susceptor, sibi cōsignatas esse etiam scribat, seque subscribat, vt Episcopi arbitrio h[ec] in pia opera distribuuntur. Idemq; quoad p[en]arum pecunias recipiendas, & alij ministri, sub eisdem p[en]is seruare teneantur.

§. XII.

PRÆCIPITVR etiam Iudicibus, vt in causis civilibus, criminalibus, matrimonialibus, & alijs Ordinarijs quibuscumque, ante definitiuam sententiam, bis acta perspiciant, primo quando partes ad probationem admittunt, secundo quando sibi traduntur ad proferendum in causa definitiuē, summaria vero quo tempore ferenda sententia est, videant; accurate autem perpendant, an in eis quoad suam formam, omnia seruata sint, actaque, & acta prout de iure expedit hac Synodo, & cauetur titulus de ordine officiorum, & de officio Notarij. Si vero quidquam horum desit, sportulæque, aut salaria percepta, descripta in actis non sint, ea iuxta formam iuris describi faciant, Notariorumque, aut ministrorum Curia negligencias circa h[ec], puniendo corrigant. Pro licentijs, seu facultatibus ad exercitium alicuius Sacramenti, vel ad esum carnum in diebus Quadragesimæ, aut alijs, quibus prohibitus est, nihil quidquam accipiant. Has vero nisi inscriptis, & ad limitatum tempus, causaq; bene examinata, & licentia præcedente corporalis medici, vbi habere poterit, non concedant, nec in casibus ab hac Synodo prohibitis, sub p[en]is ab eadem statutis.

§. XIII.

IVBETVR præterea, vt Iudices acta in causis Ordinarijs coram eis facta bis taxent. Primò, quando partes ad probationem admittunt. Secundo, tempore ferendæ sententiæ, medioque decreto declarent, quid Aduocatis, & Notarijs debeatur, quid ve ad eos pertineat, suoque signo notent, vt partibus, vel earum procuratoribus liquidò constare possit. Sin min⁹ fecerint, Iudices pondo duo de Tipuzq; dicta, in p[en]am persoluant ea; p[er]ijs operibus applicentur. Taxent etiam acta causarum, quæ coram eis in gradu appellationis agitabuntur, probationesque etiam quascumque, & scripturas alias, quoad earum partes, & lineas iuxta legum regni dispositionem, & ad taxationem prædictā salaria huiusmodi soluantur. Quod vero Notarij, aut commissarij vltra taxationem receperint, in calce decre-

*Granat. de offic. Iud. ordin.
n. 13.*

*In leg. 23. tit. 26. lib. 2. &
leg. 1. tit. 27. lib. 4. recopil.*

Decreti iubeant restitui, sub pœna iam dicta. Officiales taxant, & salariorum omnium curiæ ministrorum manu Episcopi subscriptam clarè inscriptâ, tabulâ affixam, & in aula Iudicis deputata, poni faciant, vt ibi commodè ab omnibus legi possit. Taxa vero ea solûmodo sit, quæ est ab hac Synodo constituta.

Conc. Milan. 3. fol. 603. 1. pag. in principio.

§. XIII.

LI B R V M habeant, in quo delinquentes condemnatos sub comminatione si inidem delictum vltèrius reinciderint, & eos, qui talia commiscant crimina, quæ si iterum perpetrentur, maiori supplicio digna fiunt, appositè describant. Notarius vero, apud quem sententia lata est, manu propria in libro scribat, qua pœna reus damnatus fuerit, die, mense, & anno ibidem appositis, & quod acta, & processus causæ apud eundem remaneat, seque subscribat, quò delinquendi consuetudo facilius tolli possit.

§. XV.

IN causis, in quibus ex officio procedunt, postquam Fiscalis testes nominauerit, caueant, vt susceptor Fiscali subministret pecunias, quibus possit, testibus ad ferendum testimonium venturis sumptus præbere competentes, idq; in actis redigatur: tempore vero quo expensas taxabunt, faciant sibi à Fiscali rationem reddi sumptuum erogatorum huiusmodi, quos etiam taxent, & ex taxatione, eos Fiscalis à reo recipiat, susceptoriq; restituat, aut quid causæ fuerit, quominus restitutus sit, exponat.

§. XVI.

Officiales, saltem semel in hebdomada, secunda, aut sexta feria post meridiem, vel hora sibi magis cõmoda, carcerem visitent, eisque in comitatu sint Notarij deferentes acta detentorum in carcere; procuratores quoque, & promotor Fiscalis, quorû si quis absens fuerit pondo vno mulctetur, in vsu eorum, qui in carcere sunt cõuincti. In visitatione vero id præstent, vt de vita, honestate, & morib⁹ eorum, qui carcere inclusi tenentur, inquirant, faminarum impudentias reprimant, deridentes, illicitosq; ludos exercentes puniant. Exquirant præterea, an custos carceris à vinctis iniuria quidquã extorqueat, vnum quemq; de suo iure eos certiores reddere volentem, libenter audiant. Si ab aliquo reo confessio petenda est, aut aliud quid simile agendum, id ne omittant.

§. XVII.

DE vinculis, & his, qui vinculis alligati tenentur, interrogent, an sine causa per custodem crucientur, aut sine

E

manda-

mandato dimittantur, inquirant, & tandem his omnibus, quę opportuno egent remedio prudēter, & accuratē illud pręstent.

§. XVIII.

IN Vigilijs festorum Paschalium, vel duobus ante diebus, Episcopi, pręsentibus eorum officialibus, & alijs ministris, carcerem vísitent, pro vt etiam ab hac Synodo ipsis iniungitur, in titulo de Episcoporum officio.

Infra lib. 3. tit. 1. §. 20.

§. XIX.

SI Notarius aliquis, vel mortem obierit, vel officio suo fuerit priuatus, acta, & scripturarum Protho colla ab eo confecta, accuratē custodiantur, vt habeatur in titulo de officio Notarij.

§. 24.

§. XX.

CVR IÆ ministri munera etiam esculenta, mutuum, & commodatum, ne accipiant, nec eosdem ad suos contractus fideiussores adhibeant. Iudicesque huiusmodi quantumuis sint probatę fidei, ante elapsum tempus à fideiussoribus compelli possint ad eos indemnes seruandum, vel persoluumdum totum id, pro quo se fideiussores constituerunt, ac si ab ipsis illud iam esset per solutum. Litigatorum operis, nisi soluta mercede non vtantur, & in sportulas sibi debitas computantes. De suis sportulis, & salarijs, vel de negotijs sibi commissis nihil pasciscantur, sed ea purē sinferēq; agant. Si vero vllatenus quidquam acceperint, in duplo reddant.

Milanen. 3. fol. 603. verb. nullū, neq; munus, & 5. fol. 782. verb. illud pręterea.

§. XXI.

CV M crimen quis confitetur, vel spontē, vel aliās, & cum iniurię Ecclesię, vel Clericis inferuntur, etiam si illę à partibus sint condonatę, promotores Físcales citentur, vt cum ób culpam, quę in delictis maior comperiri potest, tum ob immunitatem, & iurisdictionem Ecclesiasticam tuendam de iure suo dicant, nisi, Episcopo consulto, Iudex aliter decernat.

§. XXII.

STATVITVR etiam, ac iubetur iuxta Concilij Tridenti Decretum, ne officiales facultatem contrahendi matrimonium peregrinis concedant, nisi constet, eos alibi matrimonio coniunctos non esse, nec legitimo impedimento teneri, quominus matrimonium contrahant. De hoc autem ab his inquiratur, qui ante contrahere volentes bene cognouerint, nisi attenta ætate eius, qui ad matrimonium recipi cupit, Iudici videatur delongiori, vel breuiori tempore inquirendum. Ad inquisitionem autem huiusmodi, si opus sit, officialis literas det

Sess. 24. c. 7.

det requisitorias, ex quibus, in partib⁹, vbi contrahentes sint
orti, Inquisitio fiat, denuntiationibus publicè factis ad præ-
scriptum Sacrosancti Concilij Tridentini, Præterea contrahen-
tes iuramēto declarent, se nullo religionis, vel castitatis voto
obligari. Qui vero absentem coniugem obiisse dixerit, con-
trahendi facultatem non obtineat, nisi, hoc sufficienter proba-
to, Episcopum adeat, de cuius permissu, & non aliàs, ad secun-
das nuptias suscipiatur, sub pæna pondo centum expensis, pro
administranda Iustitia, faciendis applicandorum.

§. XXIII.

IN crimine concubinatus inter Clericum, & coniugatam, is
ordo in procedendo seruetur, qui ab hac Synodo titulo de
Concubinarijs est præscriptus.

§. XXIII.

VICARII de his solum casibus, qui sunt inmandatis,
& commissionibus suarum potestatum comprehensis, ac
iuxta præscriptam ibi formam cognoscant, si semel contra-
rium fecerint, pæna pondo octo incurrant, quorum tertia pars
delatori, reliqua impensis pro administranda Iustitia facien-
dis applicentur. Si bis pondo duodecim, & duorum mensium
suspensione. Sitèr duplo mulctentur, itidemq; fiat distributio.
In ijs autem negotijs, quæ ad eorum iurisdictionem non spe-
ctant, Iudices Fiscales, & officiales, vt supra præfertur cōmo-
neant, & imminenti periculo, aut rei necessitate postulante
processum inchoent, inquisitionē faciant, personasq; capiant,
& infra triginta dies, in locis distantib⁹, in propinquis vero,
quò citius fieri poterit, per aliquam personam, quæ ad id di-
ligenter se obstringat, causas huiusmodi, ad officiales remit-
tant, sine retardatione, sub pæna pondo quatuor de Tipuz que
vocatorum, & sine dissimulatione sub pæna pondo viginti, &
priuationis officiorum, ratione præscripta applicandorum. In
causis matrimonialibus, aut diuortij ratione scuitiæ, aut se-
cundarum nuptiarum imminente periculo, vsq; ad depositum
procedant, illasque pro vt supra dictum est remittant, sub ea-
dem pæna.

§. XXV.

SI facultas petatur, quæ Clericus in Sacro ordine constitu-
tus, coram Iudice seculari testimonium dicere possit, ne
detur priusquam ea, de quibus interrogari debet, examinen-
tur, quæ si talia visa fuerint, vt ad omnia respondere Clericum
testem non deceat, quo ad peculiare tantum articulos, qui in
ea expressi sint, limitata facultas concedatur, & non aliter sub

E ij

pæna

Sess. 24. c. 1. de reform.
matrim.

Guadix tit. 2. const. 57. &

Granat. tit. de cogn. spirit.

n. 2. Synod. de Quiroga
const. 33.

lib. 5. tit. 5. §. 6.

Granat. tit. de offic. Ordin.
n. 22.

Tx. in cap. final. incipienti.

Quamquam 14. quæst. 2. &

tx. in cap. de iuram. calūniæ.

Guadix tit. 2. constitut. 55.

Granat. tit. de offic. Ord.

n. 23. & in Regula ordinis

*militaris S. Iacobi cap. 19.
in fine.*

*Gran. tit. de offic. Ordina-
rij n. 24.*

Gran. ibi supra n. 25.

*Mexic. l. c. 57. §. 1. & 2.
& Limense 3. act. 3. c. 9.*

pæna quatuor pondo.

§. XXVI.

NULLVS officialium prædictorum Aduocatus, sollicitator ve sit, clàm aut publicè in causis, quæ intra fines suæ iurisdictionis tractantur, in quibus, aut Iudex fuerit, aut esse possit, nisi in concernentibus ad suæ iurisdictionis, & status Ecclesiastici defensionem, & in his sine mercede aliqua, & cum speciali Episcopi consensu.

§. XXVII.

SI vero quidquam mercedis, aut salarij acceperint, pæna restituendi quadruplum multentur, grauiterque puniantur. Quod de Vicarijs etiam intelligendum est.

§. XXVIII.

VICARII facultates predicandi, confitendi, Sacrum celebrandi, elemosinas petendi, alias ve quascumq; ab Episcopis, & superioribus concessas examinent, vt earum veritas, vel falsitas constet, antequam executioni mandentur.

§. XXIX.

QUIA verò Sacerdotum probitas, viteque exemplum, & in suis obeundis ministerijs accurata diligentia, populi peccatis salutare medicamentum est, quo eorum cura iuuetur, statuit, ac præcipit hæc Synodus, vt Vicarij nomine Prouinciales in singulis Diocæsi-bus delegantur, vnus, vel plures, pro vt videbitur Episcopo magis expedire, eisq; certis Diocæsis suæ districtus præfiniat. Hi autem de vita, & moribus Clericorum sibi subditorum inquirent, & ad Episcopos, aut ad eorum Vicarios generales deferant, statuto tẽpore, cum libellis miserint, in quib; nomina eorum, qui peccata sua confessi sunt, inscribantur. Si verò Clericorum excessus tales sint, vt nullam dilationem patiantur, delinquẽtium expensę, Episcopo sine mora nuntientur, mittanturq; simul informationes super eis factæ.

§. XXX.

VICARII in maritimis huius Prouincię partibus residentes, diligenter curent, ne Clerici, qui ex Hispania, aut alijs Prouincijs eò proueniunt, ad Sacrum celebrandum, aut ad vllum Sacramentum administrandum recipiantur, nisi titulis, dimissorijs, literis, licentijs ve suorum Episcoporum, Maiestatis Catholicę, aut eius Pro regum, & Guernatorum pro ratione Prouincię, vndè profecti sunt, optimè examinatis. Si vero merces secum habeant, afferant ve alia, quę negotiationem sapiant, inuentario confecto, alicui probato viro in deposti-

depositum dentur, & quam primum de hac re Episcopus certior fiat, vt quod sibi conuenientius visum fuerit decernat. De Clericis itidem, qui in Hispaniam naues conscendunt, inquirent, si licentiam à Prælatiis suis obtinent, Si suspectos sibi comites nauigationis adiungant, à quibus separari oporteat. In his omnibus, vt diligenter segerant, conscientia Vicariorum onerantur, aliàs pro sua negligentia grauiter à Deo puniendos esse intelligant.

§. XXXI.

IUDICES Ecclesiastici omnes, accuratè inuigilent, ne scemine noctu elemosinas ostiatim quærrent, sub prætextu pauperum erubescendum, quod cum non sine magno damno, & scandalo fiat, in secus facientes, seuerè animaduertant.

§. XXXII.

NULLVS quoque Iudex Clericis Missas celebrandi, Sacramenta ve administrandi, licentiam tribuat, nisi prius eorum literæ dimissoria, seu testimoniales probe examinata, legitimè esse comprobentur, sub pena excommunicationis latae sententiæ. —

§. XXXIII.

RELIGIOSIS etiam Sacerdotibus, extra suas Prouincias, aut monasteria peregrinantibus, facultas eadem denegetur, nisi ab Episcopo Diocesano licentiam obtineant, quam exhibere teneantur.

Concil. Limense 3. actio. 3. c. 43. in fine.

Mexic. 1. c. 58. & Synod. de Quiroga const. 81. & Limense 3. act. 3. c. 9. & 10.

LIBRI PRIMI

TITVLVS IX.

De officio Fiscalis, & iure

FISCALI

P**R**OMOTOR Fiscalis Episcopali curia deputatus, officium antea non exerceat, quam in manibus Episcopi, vel eius secretarij iuret, se in omnibus fidelem præbiturum,

Late Granat. tit. de offic. Procuratoris Fiscalis, & Synod. de Quiroga const. 121.

122.123. *Guadix tit. 8. cost.*
 21. *Milan. 1. tit. de causi-*
dicis, Aduocatis, & Fisca-
libus, & 5. tit. de Procura-
tore Fisci.

DE I honori, & animarum saluti prospecturum, immunitatem Ecclesiarum, bona Ecclesiastica, & ministros defensurū, causas Ecclesiasticas prosecuturum, Ecclesiæ, & Episcopi iura propugnaturum, ad idq; probationes, & testes omni diligentia exquisiturum. —

§. II.

A Parochis huius Prouinciæ tempore, & ordine ab hac Synodo, vt in titulo de officio Ordinarij est, inquirat, de usurarijs, fœneratoribus, de his, qui, priore coniuge adhuc viuente, alias duxerint, de illis, qui cum vxoribus non cohabitant, de aleatoribus, aleatorumque susceptoribus, de blasphemis, & de alijs delinquentibus, ad Ecclesiasticam Iurisdictionem spectantibus, quos omnes in libro, quem ad vsum huius rei habere debet, describat; eosque denuntiet, causasque huiusmodi accuratius prosequatur. In fine cuiuslibet mensis, acta in causis gesta, & earum statum Iudici referat, & quod sibi à Iudice iniunctum fuerit, deinceps exequatur, idq; Iudex in libro scribere faciat, atq; subscribat. Hęc vero vt fiant singulis mensibus Fiscalis curet, sub pana quatuor pondo, quoties omittentur.

§. III.

SÆP E nonnullorum secularium, & Clericorum delicta, temporis diuturnitate, & vitę emendatione ab hominum memoria deleta sunt, prauè tamen affecti homines aliorum excessus memoria semper retinentes, Clericos, & seculares huiusmodi denuntiare solent, eo magis animo, vt eis molestiam inferant, ac infamiæ notam incurrant, quam vt æquitati consulant. Cui malo remedium afferre volens, hæc Synodus statuit, & interdicit, ne Fiscales, qui nunc sunt, vel erunt in posterum, sine partis instantia, quemquam secularem, aut Clericum accusent, aut denuntient de crimine tres annos ante commissio, cum illud emendatione vitæ, hoc elapso tempore, præsumatur compensatum. Nisi delictum adeò grauè, publicum vel sit, vt Ordinario videatur absque scandalo impune dissimulari non posse, quo casu etiam post annos tres à Fiscalibus delinquentes denuntientur, vt criminis grauitas Ordinarij prudentia æstimetur. —

§. IIII.

QU I A nemo est adeò natura moderatus, qui vel læsus, vel perturbatus affectu, saltem verbo proximum aliquando non offendat; cauendum est, ne Clerici huius Prouinciæ, parte iniuriata non instantē, ob leues verborum iniurias in iu-

Mexic. 1. c. 80.

Mexicanū 1. c. 78. & Lex
Reg. 4. tit. 10. lib. 8. re-
copil.

in iudicium vocentur, præsertim ad eas ciuitates, vbi Iudices, seu officiales resident, cum ex tam longa distantia maius sibi damnum inferretur, quam delicti pæna postulare. Quam ob causam Clericorum huius Proinciæ vtilitati, & honori consulens, decernit, ac iubet hæc Synodus nè officiales, Vicarij, & alij Iudices Ecclesiastici de leuibus verborum iniurijs sine armorum strepitu, aut sanguinis effusione dictis, ex officio contra Clericum vllum inquirant, nec denuntiare permittant, nec contra eum procedant, nec eum in carcere detineant, aut ab eo multas exigant, pacem iam inter partes inita. Idemque seruetur cum quis in alium hæc conuicia, & opprobria, quæ maiora sunt coniecerit, illum leprosum, sodomitam proditorem, hæreticum, aut eo conuicij genere, quod vulgus cornutum vocat appellando, vel mulierem coniugatum, adulteram, seu meretricem dicendo, & alia similia contumeliosa verba, in quæquam protulerit conuiciatè, vt præfertur, parte non querelanti; Si vero de hic, expressis conuicijs partis offensæ quærellæ præferat, etiam ipsa iniuriam remittente, officiales, & Vicarij, pro vt iuris sit procedant. Qui si aliquos curiæ Ecclesiasticæ Fiscales, siue ministros contra facere compererint, quàm est hoc Decreto sancitum, eos grauiter puniant.

§. V.

SI damnati ex aliquo crimine, iterum in idem crimen inciderint, Fiscalis animaduertat, ab eisq; infligere multas, vt exigantur curet, quod in visitationibus fuerit constitutum, executioni mandari faciat, si à sententia super aliquò crimine, vel super contentis in secundo Decreto huius tituli lata, prouocatum fuerit, in appellatione proseguenda, & instantia illa terminanda in vigilet. Siquid vero ad id opus sit, ab Episcopo petat, matura diligentia adhibita, ne si causa differatur criminibus, & offensis in Deum, appellatio fauere videatur. De quibus omnibus, sub statutis pænis Fiscalis rationem reddat.

§. VI.

CVM aliquam causam ex officio Fiscales inchoauerint, eam sine permissu Iudicum non deferant, nec dissimulent, nec pacto conueniant, nec collusiones, prauaricationes, aliud ve simile committant, sub pæna pondo quinquaginta, Quod si causa postulauerit, grauius puniantur.

§. VII.

NE in causis, quas agunt, aut quæ ab eis agenda sperantur, conuentionem faciant, nec muneribus, alijs ve huiusmodi corrupti, iura ad causas spectantia producere, & allegare

gare desinant. Quod secus ab illis sit factum, irritum decernitur, & siquid semel acceperint, pæne restituendi quadruplum. subiaceant; sibi duplo magis mulctentur, si ter officij priuentur, & pro rei grauitate alijs etiam afficiantur: Notarij vero si quid simile nouerint, Episcopis, eorum uel Iudicibus, & Vicarijs annuntient.

§. VIII.

NE aquoquam dona, munera uel similia, quamuis esculenta sint, uel sponte data, uel salarij prætextu accipiant, nec quidquam à litigatoribus, aut ab illis, qui litigaturi sunt credituri, emant, aut eis vendant, aut illorum operas in suos usus conferant, sub pæna reddendi duplum.

§. IX.

DE excessibus sibi denunciatis quemquam ne accusent, nec reus citetur, nisi delator pro sua facultate cautionem præstiterit desoluenso expensas, & damna in causa, quò crimina denunciata non probauerit; Quod si secus fecerint, damna, & expensas huiusmodi Fiscales persoluant. Si uero delictum non probetur, & delator iustam excusationem non habeat, expensas soluat, alijsque à iure statutis pænis subiaceat. Delicta autem cum certis testibus, uel quia publica sunt in uico, ubi delinquentes degunt, Fiscalibus annuntiata, ipsi inquirent diligenter, etiamsi delator cautionem non det, nec causam prosequi velit.

§. X.

NE in Clericum nisi probatio, aut infamia notoria præcedat, accusationem, denuntiationem uel faciant. Cum uero quemquam denuntiauerint, iuramento declarent se doli, aut calumniæ id non facere. Quod si quem dolo, aut calumnia accusauerint, idque constiterit, expensas soluant, & arbitrio Iudicis puniantur.

§. XI.

Accusationes inscriptis producant, & quidquid officij sui ratione petierint, neque eorum libellos, & acta aliter Notarij recipiant, sub pondo duorum pæna, à singulis contra facientibus exigenda, & his, qui in carcere Ecclesiastico detinentur applicanda.

§. XII.

LICET citentur in causis de Capellanorum onere moderando, Fiscales à Capellano nihil accipiant, nec etiam pro causis, in quibus extracti ab Ecclesijs, in easdem restitui, petatur quidquam ab his, qui restituti sunt accipiant, quæ licet gratis

gratis facere debent Fiscales, nihilominus, omni cura & diligentia præfatas causas per tractent, sub duorum pondo pæna.

§. XIII.

CV M in causis Fiscalibus vltra delicti pænam, etiam in expensis reus condemnabitur, Fiscalis expensæ æstimetur, eaque iuxta æstimationem reus persoluat, nisi in casibus ab hac Synodo prohibitis.

§. XIII.

CA V S A S, in quib⁹ rei detenti in carcere, adhibita cautione, ante sententiam latam liberari à vinculis permittuntur, Fiscales prosequantur, easq; terminari faciant, sub pæna pondo duorum singulis causis, si vero post sententiam latam, id contingat, Fiscales procurent, vt forma, & series sententiæ seruetur, ac mulctæ Camera, vel pijs operibus applicatæ in depositum dentur. Quodsi in eius rei executione, aliquid vel negligentia, vel culpæ sit, illud sub eadem pæna Episcopo notum faciant. —

§. XV.

CA V S I S properè ad partes spectantibus, ne se intromittant, nisi Iudicis mandato, vel causis ab hac Synodo expressis, vt sunt Indorum causæ. Has vero, & alias sibi ex officio incumbentes illicitè ne differant, quoties verò secus fecerint, pondo duobus mulctentur.

§. XVI.

IN causis, in quibus ex officio proceditur, testes contra eos producendos Iudici dicat, vt ipse quidquid ad exhibendos testes opus fuerit statim provideat, pro vt in titulo de testibus est dispositum.

§. XVII.

PR O D V C T I S probationibus, & ratificationibus testium in causis, in quib⁹ ex officio proceditur, curent Fiscales de alijs testibus ratificandis, si qui defunt, omnesq; alias diligentias adhibeant, pro vt à iure cõpererint, sub pæna duorum pondo quoties id negligenter omiserint in causa, cum sola probatione summaria ne concludant; quando testes pro ratificatis haberi non possunt, quia pæna corporalis secutura spectatur, nisi ad sit confessio partis.

§. XVIII.

QV A N D O Iudex, aut Vicarius publicè causas audit, Fiscales semper assistant, quoties absint, pondo vnum persoluant, sine Vicarij Iudicis permisso ne discedât, nec quæquam in sui locum substituant, nec illum quem ad negotia ex-

traciuitatem deputauerint.

§. XIX.

QUID Fiscalis facturum quando capitula contra aliquē porrigantur, titulo de ordine iudiciorum dispositum est, quod seruari iubetur. In causis, coram Iudicibus inferioribus ex officio tractatis, & in quib⁹ ab interlocutoria, seu definitiva sententia fuerit appellatū, si ipsi inferiores rationem causæ, & acta processus ad Iudices superiores remittant: Fiscales Iustitiæ Ecclesiasticæ exequenda insistant, litemq; suscipiant, salariaq; iure Aduocati sibi pertinentia percipiant à parte in expensis condemnata, & non aliter.

§. XX.

CAUSAS à iudicibus sibi notificatas, infrà tres dies describere in libro suo teneantur, & reos accusare, aut denuntiare, ad præscriptum in titulo de officio Ordinarij, causaq; huiusmodi deinceps prosequantur, vt Decretis huius Synodi, sub pænâ in eisdem contentis.

§. XXI.

CAUTE Clericos de adulterio denuntient, Notario Clerico sicut adhibito, adeoque secreto id fiat, ne ad mariti notitiam proueniat. Accusatio verò contra adulterum solum detur, & in casibus tantum ab hac Synodo, titulo de officio Ordinarij, & Vicarij expressis, & vt est ad punitionem delicti, à Iure Canonico, & Concilio Tridentino permissum. Adultere nomen supprimatur, quod verbo fuisse expressum in probatione. Notarius fidem faciat, nisi sciente, & consentiente marito, delictum fuerit perpetratum. Tunc enim omnes accusentur, & vt seuerè puniantur. Fiscales omnem operam præstent expensas suas iuxta præscriptam taxam, nec aliter, quam se subscribentes percipiant; sub pænâ reddendi duplum.

§. XXII.

PRæsente reo infrà tres dies querellam dare teneantur, sin minus, eorum impensis rei alantur.

§. XXIII.

RELIQVI inferiores Fiscales, & executores Ecclesiarum, extra Episcopalem curiam residentes, sedulò inquirent, qui sacrum non audiant, aut festa non colant, aut in Ecclesia irreuerenter assistant, qui publicè peccatis, sordidati, & alijs vitijs, in edictis generalibus, & titulo de ferijs expressis contaminati sint. Videant etiam si tabernæ, cauponæ, aliæve publicæ domus apertis ianuis patent, in eisq; esculenta, & poculenta, festis diebus dum Missarum solemnia celebrantur, diuen-

Seff. 24. c. 8. Seff. 25. c. 14.

diuenduntur. Si decretis precibus in processibus decen-
ter incedunt. Quidquid vero in his omnibus culpę inuenerint,
Vicarijs nuntient, vt quod sibi iniunctum est, exequantur. Ne
in his negligenter segerant, aut cum aliquo colludant, aut pe-
cunijs directę, vel indirectę corrumpi patiantur, nec dona,
aut munera, aliud ve quidquam ab hominibus sui districtus
accipiant, sub pœna reddendi in quadruplo, & à Iudicibus ar-
bitrio suo vsque ad priuationem officij puniantur.

§. XXIII.

NE Fiscales prædicti, quouis quæsito colore, cauillatio-
nes quærant, vt de rebus leuissimis, & nullius momē-
ti denuntiationes dent, nec eas Iudices, aut Vicarij admittant,
quod si commiserint, tamquam calumnioli accusatores pœ-
nas luant. —



LIBRI PRIM I

TITVLVS X.

De officio Notarij, & de Fide
INSTRUMENTORVM.

§. I.



NOTARII Ecclesiasticorum tribuna-
lium huius Prouincię, & Tabelliones,
qui receptores vocantur, ante ne acci-
pantur, quam Episcopis, eorumq; Iu-
dicibus fidelitatem, & obedientiam iure-
iurando promittant, itemque iurent se
Decretis ab hac Synodo editis ob tem-
peraturos, neque iure salarij, quicquam

aliud accepturos, quam quod fuerit taxatione præfinitum. In
loco ad audiendum causas deputato, per tres ante meridiem
horas, tresque alias post meridiem saltem assistant, ibique
ipsimet perse negotia cum Iudicibus expediant. Quoties sta-
tutis curiæ diebus absint, pondo vno mulctentur, quodsi ex
iuxta causa adesse nō possint, de ea Iudices certiores faciant.

F ij

Nota-

*Guadix tit. 8. à const. 15.
Granatē. de offic. Notarij,
& fide instrum. Milanē. 1.
tit. de Notarijs, & scribis,
& 3. fol. 603. cum seqq.
& 4. 3. p. tit. de foro Epif-
copali, & 5. tit. de Cancel-
lario, & Notarijs, & tit.
quæ gratis in Cancellario.*

§. II.

*Sess. 22. c. 10.**Mexicanū 1. c. 89. §. 1. &**Compost. act. 3. c. 26.*

NOTARIOS, quos Vicarij in casibus sue Jurisdictionis, & commissionum adhibere debent, ante ab Episcopo, examine probetur, iuxta Concilij Tridentini Decretum, nec priusquam ab Episcopo inscriptis facultatē deferant, acta vlla recipiant, quodsi receperint, irrita sint, & nulla. Vicarius vero, qui huic Decreto non steterit, quoties cōtrauenerit pondo octo mulctetur, quorum tertia pars nuntiatori applicetur, Notariusque inhabilis ad officij executionem efficiatur. Quæ omnia quantum fieri poterit obseruentur, & vt obseruari faciant Episcoporum Vicariorumq; conscientia onerantur.

§. III.

A prima petitione, & primis actis litis, processum in vnum colligant, eiusque cartas consuant, & omnia in illis ordinatē disponant, petitionesque cum earum Decretis, & quicquid circa eas prouissum fuerit inserant, acta omnia, nullis in carta lacunis interpositis, describant, & intiment; diem quoq; mensem, & annum apponant, & cum opus fuerit ipsi, & Iudices se subscribant, & rubricis notent. Quæ omnia Notarij quotidie præstent, ne vnus causæ petitiones, & acta, cum alterius petitionibus, & actis in voluta confundantur. Processus ordine dispositos semper habeant, & quæ fuerint à Iudicibus decreta, non in exepatorijs codicibus, siue manualibus, sed in ipsis processibus sint inserta. Si quid horum semel prætermiserint, duobus pondo mulctentur, si bis duplo magis, & sic deinceps crescente contumacia, panē quoque pecuniariæ accrescant, vsque ad officij suspensionem, quarum mulctarum tertia pars delatori tribuatur.

§. IIII.

NE processum originale, eius ve transumptum vllatenus litigatoribus tradant, sub pæna trium pondo quoties id fecerint, neque etiam Procuratoribus, nisi demandato Iudicum. Si vero ne tradatur Iudices inter dicant, eiusque copiam concedi oporteat. Notarij ad Aduocatos processum deferant, contentaque in processu ipsi Aduocatis legant, ac secum postea reportent. Idque inscripturis originalibus seruetur sub eadem pæna.

§. V.

PROCESSVS Procuratoribus minimè tradantur, nisi Chirographo ab eis accepto, & foliorum numero in libro descripto. Quo stante Chirographo, à Procuratore processus repe-

repetendus est, si autem deletum sit repetatur à Notario, aut damnum soluat, si processus denuò iterum fieri minimè possit, oblatamque petitionem Notarij ne recipiant, nisi allato processu, sub pœna pondo vnius. Informatio vero summaria sine testium nominibus, aut Chirographo tradi poterit, quæ tribui mandabitur in forma consueta, hoc est illius transumptum.

§. VI.

SI literæ alicuius Decreti, aut prouisionis in fauorem alterius litigantium expeditæ, fuerint amissæ, aliæ similes decreto, aut prouisioni conformes, inde, vnde primæ emanarunt transumptas eidem litigatori tradant. Quod tantum cum mandato Iudicis fiat, aliàs nullam fidem faciat. Si vero Notarius propria auctoritate tradat, pœnam trium pondo incurrat.

§. VII.

NE mandatum executorium cuiuscumq; summariæ, nec Decretum de immittendo in possessionem, nec mandata sequæstri faciendi, pignora capiendi, brachij secularis auxilium implorandi sollicitatori, Tabellioni, aut vllcuiquam tradant, sed parti petenti, aut nostro executori, vel Iudici seculari, in casibus per hæc Decreta concessis, nec illi mandata huiusmodi scribant, sub pœna quatuor pondo ab vtroque incurrenda, si semel perpetratum id fuerit, si vero bis, dupli pœna imponatur, & sic deinceps habito respectu pœnæ, vsque ad suspensionem augeantur.

§. VIII.

IN causis Fiscalibus, alijs ve quibuscumque, libellos, nec articulos vllatenus recipiant, nisi à parte, vel à Iurisconsulto cognito subscripti sint, nec petitionem conclusionis in causa, nec vllam aliam, quæ negotium principale tangat, nisi sit petitio termini, processus ve, aut actorum Iudicij sub pœna vnius pondo, & damnum persoluant.

§. IX.

IN causis decem pondo de Tipuzque non excedentibus, sine processu, & figura Iudicij procedatur, ac veritate summarie cōperta, Iudices ad persoluendum debitores coerceant. Si quis à debitore receperit, quod sibi nō debebatur illud cum duplo reddat. Ijs vero in casibus petitio, condemnatio, aut absolutio inscriptum tantum referatur. Nec libelli admittantur, nec pro hac scriptura vltra duorum regalium mercedem Notarij exigere possint.

*Concil. Milan. 3. fol. 603.
verb. causæ quæ, & est lex
Regia 19. tit. 9. lib. 3. re-
copil.*

§. X.

LITERAS Apostolicas, mandata, alias ve quascunque originales scripturas à litigatoribus productas, & sententias Notarij apud se retineant; ac tantum exempla cum originalibus collata in processu habeant, sub pœna vnius pondo ad damnumq; teneantur, casu quo huiusmodi documenta fuerint amissa. —

§. XI.

PRO singulis cartis exemplorum, à litigatore scripturas has producente, stipendium exigit Notarius iuxta taxationem, quod si originales prædicti à parte producente repetantur, aduersario non reclamante, productori tradantur, exemplo cum originali collato in processu prius relicto, & aduersario etiam citato. Si vero scripturæ de falsitate arguantur, idq; iureiurando affirmetur, Notarij unicuique partium, & earum procuratoribus, & Aduocatis originales ostendant, eisq; sumptum scripturarum dent, cum die, mense, & anno, vt de iure suo allegare possint.

§. XII.

INformationes summarias originales ne tradant, nisi exemplum in publica forma cum originali collatum relinquantur, & pro vt in titulo de probationibus continetur.

§. XIII.

NOTARII omnes, actorum, scripturarumque per eos receptarum Prothocollum habeant, acta, aut alia quæuis instrumenta, siue iudicialiter siue extraiudicialiter in toto vel in parte recipiant, carta alba, & inscripta remanente, sed omnia statim inscriptis compleant, & ad longum extensè scribant, sub pœna si id semel commiserint pondo trium, sibi duplum, & sub alijs præterea panis iudicum arbitrio infligendis. —

§. XIII.

NE molestijs, aut fauoribus litigatores impellant, vt illis moremgerendi gratia, Procuratores, aut Aduocatos, inuiti deligant, sin minus pro qualitate delicti puniantur.

§. XV.

SENTENTIAS vsquequò proferantur, ne reuelent, eas ipsi propria manu scribant, si contra à Iudicibus puniantur. —

§. XVI.

TA M propetitionibus, instrumentis, processibus, & probationibus, quam pro scripturis, quæ ab eis confectæ, vel co-

vel coram eis productæ sunt, quicquam aliud non accipiant, ultra id, quod à Iudice, vel à persona ad id deputata præfinitum sit, aut iuxta huius Synodi taxam æstimatum, & in actis quod pro mercede acceperint conscribant, fidemque faciant, præsentem eo, qui persoluit litigatore, qui se subscribat, ipso vero nesciente subscriptionem facere, id eius procurator præstet, sub pœna reddendi quadruplum, si semel secus fecerint, sibi duplo mulctentur, ac mulctæ pars tertia nuntiatori applicetur. —

§. XVII.

NOTARII, circa dimissoriarum, seu testimonialium literarum mercedem, Sacri Concilij Tridentini Decretum seruent, sed quia ubi pro officio exercendo, nullum sibi est ab Episcopo salarium constitutum, Idem Concilium decimam tantum vni⁹ aurei partem, accipiendi facultatem tribuit; hæc Synodus arbitratur, vt ratione huius decimæ partis, quatuor tomnes tantum in hac Prouincia accipiant, si quid amplius, teneri in conscientia ad restitutionem decernit, præterea panis à Iure statutis iuxta prædictum Decretum punientur.

§. XVIII.

EXECUTIONI pœnarum, & pœnitentiarum solemnium ex delicto, Notarij principales, vna cum executore Tribunalis Ecclesiastici præsentem inter sint, ipsique, aut Parochi, in eorum præsentia in Ecclesijs, vbi huiusmodi fit executio, eius causam, & rationem populo denuntient, iuxta seriem sententiæ contra reos late, nec quemquam ad id in sui locum substituant, quod si semel contra fecerint pondo vno mulctentur, si bis duplo magis, si ter vsque ad priuationem officij arbitrio Iudicum pœna accrescat.

§. XIX.

NIHIL mercedis pro custodiendis, ordine disponendis, querendis, ve processibus accipiant, aut eorum, ministros accipere permittant, sub pœna reddendi duplum, cuius tertia pars delatori tribuatur, nisi processus, aut finiti iam sint, aut adeo ab antiquo pendeant, vt Iudicis arbitrio pro illis inueniendis, quicquam mercedis constituatur.

§. XX.

PRO scripturis, quæ in vulgarem linguam transferentur, si pro ipsis antea stipendia soluta sunt, quauis cū interpretis iuramento denuò producatur, nihil quicquam salarij accipiant, immo ad effectum huiusmodi vtraque scriptura, tempore productionis, &

Sess. 21. c. 1.

*Concil. Compost. act. 3. c. 8.
Milanēs. 3. fol. 603. verb.
pro singulis, & 4. tit. de be-
nefic. collatione, ac prouif-
sione fol. 645. verbo vt A-
uaritiæ, & Conc. Valliso-
letanum lib. 1. tit. 5. const.
3. fol. 49.*

*Lex Regia 17. tit. 20. lib.
2. recopil.*

LIB. PRI. TIT. X. DE OFFICIO NOTARII,

nis, & executionis vna tantum sentiat, sub p[œ]na quadrupli,
cuius tertia pars nuntiatori applicetur.

§. XXI.

*Lex Reg. 12. cum seqq.
tit. 25. lib. 4. recopil.*

NOTARIJ, quando scripturas ab ipsis confectas, signo
suo munitas tradiderint, earum prothocollum cum sub-
scriptione partis apud se retineant, qua in re omnes seruent,
quod notarijs regijs p[re]ceptum est, sub p[œ]nis eisdem impo-
sitis, iuxta horum regnorum leges, Prothocollumq; habeant
annorum ordine, & Alphabeto distinctum, vt solent Notarij,
sub p[œ]na pondo viginti.

§. XXII.

SI apud Notarios Ecclesiasticæ curiæ, incepta aliqua in
visitatione negotia expediantur, exigant etiam visitato-
ris, & eius Notarij salaria, eisq; infra diem statim à redditu
visitationis persoluant, sub p[œ]na dupli.

§. XXIII.

IN negotijs, quæ à Vicarijs ad officiales deferuntur, Nota-
rij in testimonialibus delationis, litigatoribus concessis,
taxationem expensarum describant, Vicarijs p[re]dictis eorumq;
Notarijs debitarum.

§. XXIII.

SI ad vsum vnius tantum instrum[en]ti totus processus pro-
ducatur, nihil aliud accipiant, quam quod pro illius instru-
menti productione debetur, sub p[œ]na reddendi duplum.

§. XXV.

*Lex Reg. 24. tit. 25. lib.
4. recopil.*

QUANDO Notarius aliquis curiæ Episcopalis mor-
tem obierit, aut ab Episcopo, vel eius officiali fuerit
dimissus, Iudices Prothocolla, & scripturas custodiant, vt est
per legem regni dispositum.

§. XXVI.

*Lex Reg. 31. tit. 20. lib.
2. recopil.*

NOTARIVS vero in eius locum suffectus, facto in-
uentario, illa recipiat, vt ipse deinceps de scripturis hu-
iusmodi p[re]decessoris sui si petantur, rationem reddat, ad p[re]-
scriptum eiusd[em] legis, & pro Notarij mortui, vel dimissi pro-
thocollis, ei aut eius vxori, siue filijs summam, de qua conue-
nienter persoluat, qui si discrepauerint, æqua moderatione adhi-
bita, eos Iudex concordet, omni appellatione remota, quia
gratis, & sine v[ul]lo p[re]t[er]io ad hæc officia ipsi deliguntur.

§. XXVII.

MVLCTA S, aut quæuis alia deposita iussu Iudicum
facta, Notarij in depositum ne recipiant, sub p[œ]na de-
cem pondo quoties secus fecerint.

In om.

§. XXVIII.

IN omnibus Ecclesiasticis curijs huius Archiepiscopatus, & Prouincię, vt commodius fieri poterit, Tabelliones, qui receptores dicuntur, duo sint timoratę conscientię, homines Idonei, vsu, & experientia, in negotijs exercitati, in examinandis testibus periti, secreti amatores, atque fideles, qui ab Episcopo, siue eius officiali examinentur, ab eisdemque deligantur, & deputentur, vt per spatium vnus anni, vel minus hoc officio fungantur, ad Episcopi, seu eius officialis arbitriũ.

§. XXIX.

HIS autem receptoribus, si litigatores petierint, vel Iudices ita sentirent conuenire, pro opportunitate negotij, probationes eę committantur, quas Notarij recipere non valent, nullasq; alias faciant, nec in plenario, nec in summario iudicio, quam quę sibi ab officialibus iniuncta sint, etiam ex commissione Vicariorum denũtiationes nullatenus faciant, nec ab eis factę admittantur. Ipsi, aut alij per eos, in quacumq; causa delatores esse non possint; probationes per eos factas, ante publicationem directę, vel indirectę ne reuelent, & si in aliquo, huic Decreto contrauerint, pro semestre suspendantur, si bis officio priuētur. Quando vero visitatores extra, vel intra Cathedralē Ecclesiā visitauerint, Receptores huiusmodi officium Notarij vicissim exercere poterunt, ab antiquiori incipiendo, nisi aliud Episcopo videbitur. Eo tamen anno, quo officium hoc obierint, ratione salarij, illud accipiant, quod solent Notarij visitatoris, itidemque, quod iuxta taxam sibi constitutum est. Processus visitationis coram eis confecti, cum primum terminati sint, visitatoribus tradant, à quibus iuxta ordinem titulo de visitationibus præscriptum, custodiantur; Notarij, & receptores non solũ ipsi perse, quando sibi commissum fuerit testes examinent, sed etiam eorum dicta propria manu scribant, neque id per suos ministros, aut coram eis faciant, quę postquam scripta sint, vsq; ad publicationē clausa asseruent. Si vero ipsi, absentia, senectute, egritudine, aut aliàs legitimē impediuntur, quomin⁹ scribere possint, alius ex Notarijs, vel receptoribus à Iudice causę, ad id deligatur, & deputetur, ipsis inter se circa sua salaria conuenientibus; huiusmodi autem dicta testium, sic scripta Notario originario tradantur, vt ea ad supra scriptā formam custodiat. Quod si id ad implere semel negligenter omiserit pęna trium pondo subiaceat, si bis pondo sex, & suspensionis per dies quindecim, si ter pondo duodecim, ac suspensionis per bimestre.

§. XXX.

RECEPTOR aliquò ad probationem recipiendum iturus, prius nemittatur, quam ante Notarium iuret, se benè, & fideliter acturum, & æquitatem in ea cõmissione parti vtriq; seruaturum, nihilque præter salarium, & quod sibi taxa constitutum est accepturum, ad idque moram temporis opportunam tantum insumpturum, etiam si à tempore causæ præfinito aliquod super sit. Quod re ipsa ad impleat, nec à litigatoribus quicquam etiam esculentum accipiat, aut ad eorū domus hospitij causa diuertat, si contrauenerit, vltra periurij pñam, duplum restituat.

§. XXXI.

PRO recipiendis testibus intra ciuitates, vbi curia Ecclesiastica residet, salarium ne accipiant, nisi talis causa sit, aut tot articuli, de quibus interrogandi sint testes, vt in his laboriosissimam operam impendant, quo in casu, à Iudicibus pro laboris merito æstimetur, nihilque aliud exigant, quam quod fuerit æstimatum, ac emolumenta sibi præfinita extaxa, sub pñna reddendi duplum; æstimatio vero huiusmodi iuxta taxam fiat, quæ de hac re Notarijs est constituta.

§. XXXII.

*Lex Reg. 18. tit. 20. lib. 2.
recopil.*

REceptores, aut Notarij, cum salaria à litigatoribus petierint, manifestè declarent quid sibi ab illis debeat, nec pecunias aliquas postulent in partem plenarię solutionis, aliàs grauitè vsque ad suspensionem puniantur.

§. XXXIII.

NOTARII, Receptores ve mandatum, aut testis depositionem per notas sub compendio ne suscipiant; Hęc postquam testis semel fuerit examinatus, eius dictum extendant, sub pñna annuę suspensionis ab officio si id primò commiserint; si vero bis deliquerint, officio priuentur.

§. XXXIII.

*Lex Reg. 6. tit. 9. lib. 3.
l. 7. tit. 2. lib. 7. recop.*

NOTARII, aut eorum ministri, necnon Receptores dona vlla, pecunias ve, aut gemmas, aut esculenta à litigatoribus ne accipiant, nec eorum, aut consanguineorum domus adeant, hospitij causa, nec eorū conuictores sint. Si quid vero huiusmodi acciperint, in duplo reddant, eaq; sit ad hoc sufficiens probatio, quæ ex constitutione legum huius regni recepta est.

§. XXXV.

EXcommunicationum literas, sine consensu Episcopi, aut ab eo expressam auctoritatem habētis, Notarij signo suo ne com-

ne communiant, aut se illis subscribant, sub pœna pondo decem expensis pro administratione iustitię, nuntiatori, & pauperibus distribuendorum. Quando autem facultate (vt dictum est) p̄cedente secūdas denuntiatorias dederint, primas monitorias recuperent; quando vero tertias contra participantes expedierint, primæ, & secundæ similiter apud se remaneant. Is porro ordo seruetur in omnibus alijs literis expediendis, quarum nullæ apud litigatores remaneant, nisi aliud Episcopo videbitur, sub pœna quatuor pondo auri cōmunis, sumptibus pro administranda iustitia applicandorum, huiusmodi autem literæ ad p̄scriptam, ab hac Synodo formam, expediantur. —

§. XXXVI.

QUOD, vt executioni mandetur post p̄sentium Decretorum publicationem, literę p̄dictę impressę euulgentur, eæque solum expediantur, vt autem registrum ordinum diligenter conficiatur, multisque incommodis obuiam fiat, quæ aliàs oriri possint. Notarius, seu secretarius, ad id deputatus omnes ad ordines promotos in registro scribat, in quo ordinatorum nomina, parentes, oppidum, diœcesim, Ecclesiam, vbi ordines celebrati sunt, titulos p̄terea, ad quos fuere promoti cum testibus die, mense, & anno describat, ipseque, & examinatores se subscribant. Hoc itidem registrum in Archiuio Cathedralis Ecclesię, cum alijs eiusdem scripturis, asseruentur: nullæq; deinceps testimoniales literę dentur, nisi ab huiusmodi registro, vt p̄fertur subscripto, exemplum desumatur, sub pœna minarum pondo duorum, quæ fabricæ Ecclesię Cathedralis, & accusatori æquę applicentur.

§. XXXVII.

NOTARII omnes, tam Ordinarij, quam Apostolici ad mandata aliqua intimanda, seu ad publicandum censuras excommunicationis, inter dicti, aut cessationis à diuinis, à litigatoribus, vel à Iudice requisiti, pro vt eis iussu fuerit, id exequatur in calce mandati, intimatione, & publicatione cū testibus, necnon eorum subscriptione appositis. Quod si actorum huiusmodi sumptum petatur, illum dent totius ratione negotij, ac responsione in eo descriptis. Si secus fecerint, grauius vsq; ad suspensionem, & priuationem officij, pœnas dabunt. P̄dicta vero p̄dicatio è suggesto, seu alio commodiori loco, vt ab omnibus ibi p̄sentibus audiatur, inter Missarum solemnias, tempore offertorij in Ecclesia fiat.

Gij

Si

Mexic. l. c. 5. Granat. tit. de sententia excommunicationis, n. 10.

§. XXXVIII.

SI quis alteri in officio Notarij succedat, ei à prædecessore Prothocola, registraq; omnia scripturarum, & negotiorum, quæ apud se retinebat, adhibito inuentario, in Episcopali Archiuo reponendo, tradantur, idq; ita facturos esse, cum ad officium recipiuntur Notarij, iureiurando se obstringant. Secretarij tamen Episcopi eo nomine, ab eis confecta scripturarum registra successori ne dent, sed in Archiuo Episcopali recondant. —

LIBRI PRIM I

TITVLVS XI.



De officio executoris iustitiæ.

§. I.

*Latè Sinod. Granaten. D.
Petri Guerrero, tit. de of-
ficio executoris iustitiæ.*

ECCELESTIATICI executores nisi demandato Episcopi, aut eius officialis, quemquam in Sacro ordine constitutum ne capiant, si tale delictum non fuerit, ob quod iuxta iuris, & huius Synodi Decretorum formam, in fraganti capi possit. Noctu totâ ciuitatem, seu oppidum accurate per lustrant, explorentque, si qui Clerici vestitu indecenti vagantur, si armagestant, aut musica instrumenta deferunt, si suspectas domus ingrediuntur. Quod si quemquam in aliquo horum crimine depræhenderint, armis huiusmodi, instrumentis musicis, & indecenti vestitu sublati, eum carcere includant. Si ipsa in die luce hæc euenerint, ante ingressum carceris, ad officiales Episcopi captus deferatur. Si vero noctu sequenti die officialibus id notum fiat, ut reus conuenienti carceris custodia detineatur.

§. II.

QUOD adeo cautè, & absque scandalo fiat, ne inde infamia oriatur, vinctis sine mandato Iudicis non ligetur, sub pæna pondo sex, quorum tertia pars accusatori, reliquæ sumptibus pro administratione iustitiæ tribuantur. At si Clerici non capiantur, vi resistant, Iudicis arbitrio grauiter penas luant, si autem executores huiusmodi, eorum crimina dissimulauerint, officiorum inhabiles reddantur.

Si quod-

§. III.

SI quòque diuerterint alicuius executionis faciendę causa, ratione eius solitum emolumentum accipiant; si pro diebus singulis aliquod salarium eis constitutum non sit. In commissionibus verò sibi factis, salarium, ac tempus, præfiniantur, atque exprimantur. In actis autem, cum sua, & litigatoris subscriptione, si sciat scribere, si vero nesciat, cum Parochi, aut eo absente, Sacristæ subscriptione scribant quidquid de re ipsa acceperint, si secus fecerint, eius quod acceperunt iacturam faciant, quamuis, se recepisse negent, si vero quid amplius acceperint, cum quadruplo reddant.

§. IIII.

EXECUTORES quicunque, officij causa aliquò proficiscentes, etiam si varias executiones, & in diuersis locis faciant, nihil ampli⁹ salarij ex aditu, & redditu percipiant, quam quod pro itinere vnius executionis debetur, idque pro rata in singulas executiones distribuunt, quod, vt constare possit, in actis afferant fidem distributionis per eos factę, & Apothecarum salarij iuxta supra scriptam formam. Si vero iustū salarium exceßerint, id, vt cum pēna persoluant, Iudex præcipiat, & contra facientem quadruplum soluere coherceat.

§. V.

MANDATA capiendi, & exequendi, & alia faciendi, quę ad suum spectant officiū diligenter ad impleant, partibus contra quas data sunt nequaquam nuntiantes. Neque in aliquo excedant ipsa ad implentes, aliter enim pro qualitate excessus, arbitrio Iudicis punientur.

§. VI.

EXECUTORES Ecclesiastici ad iustitię executionē executores seculares comites sibi non adiungant, etiam sub prætextu capiendi secularem Clerici complicem, nisi ad id expressum in scriptis mandatum, à Iudicibus subscriptum præcedat, nec cum secularibus executoribus huiusmodi, Clericorum domos ingrediantur, aut inquirant, si secus fecerint, Iudicum arbitrio seuerè plectantur.

§. VII.

NE dona, aut munera accipiant, neue quos comprehenderint, aut comprehendere desuerint vexent, aut molestent, nec ob aliquam aliam causam questum aliquem iniuria extorqueant, sin minus Iudices arbitrio suo, vsque ad priuationem officij pro qualitate culpæ, de eis penas sumant.

§. VIII.

IRE itidem teneantur, ad refrendandum mandata auxiliij brachij secularis, à iudicibus, & officialibus data, ad eaq; exequi faciendum, vna cum executore seculari.

§. IX.

QVANDO ad hoc munus recipiuntur, iurent de eo bene, fideliterq; obeundo, & de obseruandis, quantum in se est Decretis, ab hac Synodo constitutis.

LIBRI PRIM I

TITVLVS XII.



De officio Custodis, & Custodia REORVM.

§. I.

*Latè Gran. Synod. vt supra,
tit. de offic. custodis, & custodia reorum.*

IUSTOS carcerum Ecclesiasticorum diligenter curet, vt in eis hora cōpetenti, & decenti loco, Dominicis, & festis Missa celebretur, quam omnes audiant, ad idque officialis Episcopi Capellanum arbitrato suo deligat; cui ex multis Camerę congrua elemosina constituatur. Custos vero Sacerdotales vestes in arcanitidas asseruat. —

§. II.

FOE MINÆ in carcere separatæ à viris sint, adeò, vt cum illis commercium nō habeant. Si quem vero in hoc custos excessisse repererit vinculis coherceat.

§. III.

ARMA offensiua, vel deffensiua captis non permittat, si quis habeat, eorum iacturam faciat, & in vsum pauperum carceris à diuendantur. Quod si negligenter in hoc custos, pro ratione culpæ punietur.

§. IIII.

Carcerem clausum, & mundum à spuritijs teneat, & detentos in carcere, diligenter quantum fieri poterit, custodiat. Eò ingredi mulieres ne permittat, nisi mater, soror, vxor ve alicuius vincti sint ea autem, in eius cubicula ne intrent, sed cum eo extra cancellos ferreos colloquantur, nisi egritudine, impedimento ve teneretur, quominus ad cancellos hu-

los huiusmodi descendere possit. Noctè in carcere fœminę nō remaneant, nisi de officialis Episcopi licentia, graui vrgente necessitate, sub pœna duorum pondo quoties secus fecerint. Custos vero si semel mulier noctu in carcere dormiat, tribus pondo mulctetur, si bis pondo sex, si ter officio priuetur, Itidemque hi, qui carcere inclusi sunt, si Decretum huiusmodi semel violauerint, quatuor pondo, si bis octo persoluant, si ter strictiori carcere inclusi vinculis coherceantur.

§. V.

AD dies visitationi carceris in dictos, custos ita se preparant, vt Cameram in loco carceris magis publico sitam sternant, sella, mensaq; vna, & scamnis paratam. Indicem præterea eorum, qui iamdiu, vel nuper in carcere detinentur Iudici offerat, vt iuxta indicem huiusmodi, singulos ad se Iudex vocet. Si quis vero sese occultauerit, eum Notarij Iudici manifestent. —

§. VI.

SI quis se in carcere constituat, vel comprehensus includatur, custos in libro describat, hunc sibi in custodiam tradi, & cuius rei causa, & ad cuius instantiam captus sit, notet, itidemque efficiat, si quis dum iam captus detinetur, sequestratus fuerit, quibus custos se subscribat, sub pœna pondo vnus cum dimidio, quoties in hoc negligenter egerit.

§. VII.

NE à captis dona, munera ve accipiat, neque eos vinculis iniuste coherceat, nec à vinculis magis, minus ve soluat, quam mandato Iudicum sibi iniunctum sit, neque eis directè, aut indirectè molestias inferat, quas pecunijs, alijs ve rebus redimant, sub pœna restituendi quadruplum, si quid, sic iniuste extorserit, idq; iuxta legum horum regnorum formulam probetur. —

*Lex Reg. 7. tit. 2. lib. 7.
recopil.*

§. VIII.

CA P T I, qui à carcere liberari iubentur, pro salarijs, aut expensis ministrorum, ne detineantur, si ipsi pauperes esse iurauerint, & Iudices ita existimauerint, statimq; dimittantur, nisi alijs de causis fuerint retenti, neque ab eis carceris custodes pignora capiant, sibi obligari faciant, aut fidei iussores dari compellant, neque eos pro stipendijs huiusmodi vllatenus vexent, sub pœna pondo trium, quoties contrafecerint, idque seruetur, etiamsi ob crimina in carcere coniecti fuerint, de quibus Iudex, die visitationi carceris in dicto, inquirat. —

*Lex Reg. 20. & 21. tit.
12. lib. 1. recopilationis.*

In pu-

§. IX.

IN publico carceris loco index estimationis stipendiorum, quæ custodes, à captis exigere debent, ubi cōmodè ab omnibus legi possint, clarè, ac perspicuè conscriptus collocetur, idq; omnimodo, sub pœna pondo sex, custodes ad impleant.

§. X.

CA R C E R I S vincula omnia diligenter custos asseruet, & cummunus obierit, inventario, per antiquiorem curiæ Notarium confecto, ea recipiat, eodemque etiam interueniente, cum munº peregerit restituat. Fideiussores idoneos, spectataq; fide probatos custos det, cum quibus ipse promittat, se officio suo fideliter, & accurate functurum, & si quid damni, carceri, vinculis, comprehensis ve euenerit reparaturum, aut si ratione officij in aliqua pecuniarum summa fuerit condemnatus, eam persoluturum. Ad hoc etiam, & ad Decreta huius Synodi seruanda, iureiurando se obstringat. Interdicit quoq; hæc Synodus, ne custos carceris, aut aliº ex eius familia, captis aleas det, aut ab eis strenas, aliud ve simile exigat, si vero secus fecerit, vsque ad priuationem officij, pro vt delictum postulauerit contra eum procederetur.

§. XI.

Admonentur præterea officiales, & Vicarij omnes, vt cum die Sabbato carcerem visitauerint, de hoc Decreto contentis diligenter inquirant, quodque custos cum vinctis agat, & ad hoc potissimum incumbant, vt ad Dei cultum, & honorem muneri suo satisfaciant.

LIBRI PRIM I

TITVLVS XIII.



De maiestate, & obedientia.

§. I.

IN pace, & tranquillitate concordēs Ecclesiastici viri vnum opus consient, nullisq; dissidijs inter se contendant, vnicuique iuxta eam, qua eminet, dignitatem, aut iuxta munus, quo fungitur, honorem, locum, sedemque constitui maximè necessarium est, eam ob causam Sacrosanctum Tridentinum Concilium de Episcopis

in

*Consonat. Milan. 1. tit. de
carceris custodibus.*

Sess. 25. c. 6.

in hunc modum decernit. Episcopis præterea ubiq; is honor tribuatur; qui eorum dignitati par est; eiq; in Choro, & in Capitulo, in processionibus, & alijs actibus publicis sit prima sedes, & locus, quem ipsi elegerint, & præcipua omnium rerum agendarum auctoritas. Qui si aliquid Canonicis ad deliberandum proponant, nec de re, ad suum, vel suorum commodum spectantē agatur, Episcopi ipsi Capitulum conuocent, vota exquirant, & iuxta ea concludant. Neq; vero ob id à Concilio præbendis, & Capitularibus quicquam de sua dignitate detrahatur, aut de his facultatibus, quæ sibi de iure, & consuetudine competunt, & non aduersantur Tridentino Concilio. Quò vero ad ea, quæ in Capitulis Cathedralium decernenda sunt, recta, vnanimisque sit omnium conspiratio. Iubet hæc Synodus, vt cum Episcopus, Decanus ve, aut is, qui præesse debet, Capitulum ad extra ordinaria negotia conuocauerit, in scheda uocationis, etiam ea capita contineantur, de quibus deliberandum est, quæ capita etiam ad Episcopum deferantur, nisi de re Episcopo, siue alicui ex Episcopi familiarib⁹, competenti agendum erit. Tunc enim solum Capitulares conuocandi sunt, & ad præscriptum huius Decreti instruendi.

*Concil. Prouin. de Quiroga
act. 3. c. 19.*

§. II.

QUONIAM in frequenti Congregatione, ubi Ecclesiastici, seculares, & regulares conueniunt, nisi aliquis præsideat, cui⁹ auctoritate omnes in officio contineantur, defensionum, ac tumultuum posset occasio sub oriri, Sacrosancto Concilio Tridentino hæc Synod⁹ inhærens præcipit, vt quando in processionibus publicis, & in ijs, quæ fiunt intumulantibus defunctorum corporibus, de quauis præcedentia controuersiæ oriuntur, eas Episcopus (amota omni appellatione) cõponat, non obstantibus quibuscumque, pro vt eiusdem Concilij Decreto, & constitutione sanctæ memorię Gregorij XIII, hac de re editis, cautum est.

Sess. 25. c. 13.

Sess. 25. c. 13

§. III.

STATVIT præterea, ac mandat hæc Synodus, ne vllus Clericus cuiuscumq; conditionis Bachalaureum, Licentiatum, Magistrum, Doctorem ve in aliqua facultate se nominet, aut subscribat, in his locis ubi de eius gradu constare non potest, nisi pri⁹ Episcopo literas testimoniales gradus huiusmodi ostendat, sub pæna pondo centum auri, pijs operibus, iustitiæ sumptib⁹, & accusatori æque applicandorum; penis cõtra hos à lege regni statutis in suo robore, & firmitate permanētibus.

*Lex Reg. 5. tit. 7. lib. 1.
recopil.*

LIBRI SECVNDI

TITVLVS I.

De Ordine Iudiciorum.

*Ex Granat. Synod. tit. de
ordine Iudiciorum.*



§. I. **N** locis ad audiendum causas deputatis, silentium, ordo, & obedientia seruetur; in sedibus, & prouisionib⁹ ratione antiquitatis officij Notarijs, & Procuratoribus honor deferatur; ac inter omnes summa sit cum modestia consensio. Quod si minus fecerint, Iudicum arbitrio mulctentur, & vsq; ad suspensionem, & priuationem officij puniantur.

*Estilo vniforme de todos
los Tribunales.*

§. II. **N** VLLVS curiæ minister, litigator, alius ve quicumq; intra aulam, quo tempore audientia celebratur, arma quæcumque secum habeat, & vt hoc seruetur, opportuno adhibito remedio, Iudex accurate inuigilet.

§. III. **A** DVOCATVS, & Procurator deputentur, qui miserabilium personarū causas defendant, & salarium quod sibi fuerit ab Episcopo constitutum ex Camera percipiant; Hi vero illorū causas, quos vt pauperes, in eorum patrocinium Iudices tradiderunt, gratis defendere teneantur, nec ab eis quicquam accipiant, eorum ve operas ad suos vsus conferant sub pœna reddendi duplum, cuius mulctæ dimidia pars miserabilibus personis applicetur. Admonentur etiam, vt in his pauperum causis accurate studeant, & pro breui earum expeditione laborent, cum omni charitatis, & mansuetudinis affectu; ne pauperes ius suum amittant. Quod si opus fuerit Iudices verbo, aut scripto instruere id præstent, si vero, ex eorum negligentia pauperibus damnum importetur restituendi illud pœnæ subiaceant.

§. IIII. **I** N causis minorum, si ex eorum aspectu talis esse appareat, ipsis præsentibus, si ad sint, siue ab sint, cum speciali ad id man-

id mandato curatores deputentur, qui iurent se minorum suorum causas defensuros, omni diligentia, & consilio adhibitis. Confessio vero à minori ne petatur, nisi antequam præincipiat curator præsens sit, aliter confessio inualida sit.

§. V.

PUBLICA instrumenta, & ea, quæ guarentigia dicuntur, & Chyrographa recognita, etiam nō præcedente mandato, aut monitorio, executioni mandentur, seruenturque stilus, & forma secularium Tribunalium, ac leges regiæ de hoc sancitæ, tam quo ad executionem, terminos, præconia, & fidei iussores; quam quo ad alia; Clericus autem, in quem executio facta est carcere sit inclusus, donec tamquam pauper gaudere velit priuilegio in fauorem stat⁹ Ecclesiastici à Gregorio Papa IX. concessio, in Decretali, quæ incipit *Odoardus*, Quam Papæ constitutionem Iudices, & officiales inuiolabiliter seruent, & ad impleant. Quando autem creditores Chyrographa; alias ve priuatas scripturas obtulerint, vt recognoscantur, Iudices id fieri mandent, quod si debitores Clerici, id non fecerint, duab⁹ & non min⁹, nec aliter, nisi in proprias eorum personas contumacijs inculatis, Chyrographa, & instrumenta priuata huiusmodi pro recognitis habeantur, & tamquam recognita executioni mandentur, seruatō ordine præmisso in publicis instrumentis, quæ promptam habent executionem.

Lex 1. 2. & 3. tit. 21. lib. 4. recopil.

Cap. Odoardus de solutionibus. Synod⁹ de Osmā tit. 34. const. 1. §. 5. folio 186. & Synodus de Valladolid lib. 3. tit. 8. const. 1.

§. VI.

QVÆLIBET declinatoria exceptio, aut in competentij iurisdictionis, intra nouem dies opponatur, à fine præfixi termini computandos, aut parte præsentē, à die, qua intimata fuerit, citatio, quō termino elapso si declinatoria huiusmodi exceptio allegata non sit, restitutio in integrum aduersus huius temporis lapsum non concedatur, & si in alijs casibus concedenda esset, pro termino autem ad probandum viginti dies præscribuntur, quod si exceptio declinatoria probatur, causæ principalis cognitio cesset, sin minus, in expensis, & damnis pro retardatione litis alteri parti illatis condemnentur. Quæ statim soluere à Iudice reus compellatur. Si vero intra prædictum tempus pars non declinauerit, lis contestetur, reconuentiones fiant, eisq; intra terminum respondeatur, iuxta legum regni dispositionem, quarum vsus, & obseruantia, quo ad hoc præcipitur. Breuiori vero in termino definire in potestate Iudicum sit, si ob iustas aliquas causas, id fieri debere sibi videatur. Idem præcipitur obseruare, in clarè, & apertè positio-

Lex 1. & 2. tit. 5. lib. 4. recopil.

Hij

ni bus

*Lex 1. & 2. tit. 7. lib. 4.
recopil.*

Conc. Mex. 1. c. 83. & Synod. de Quiroga const. 112.

nibus respondendo, iuxta leges regni circa hoc disponentes.

§. VII.

FINE M litibus cupiens hæc Synodus imponi, ne partes ultra modum grauentur dilationib⁹, & expensis, statuit, ac sancit, vt Ecclesiastici Iudices hui⁹ Prouinciæ, siue Ordinarij, siue ex speciali Episcopi cõmissione delegati in causis leuib⁹, & parui momenti, nullos libellos admittant. In his vero, quæ maioris fuerint momenti, duo tantum ab vtroque litigatore libelli producantur, vsque ad primam conclusionem, & articulos ad probationes faciendas. Post publicationem vero à singulis litigatoribus produci, nisi vnus tantum libellus non possit, quod si de facto plures, quam hoc Decreto sancitum est, producantur, aut recipiantur, ij nulli decernuntur, omnisque probatio, eorum virtute facta inualida sit, nec fidem vllò modo faciat, qui libelli subscripti, signatique sint ab Aduocato probato, & gradu insignito, vel ab eadem parte, nec aliter admittantur, nisi causæ qualitas Iudicis arbitrio aliud postulauerit. Si vero aliqua declinatoria exceptio opponatur, intra octo dies continuè à die oppositionis numerandos, probari debeat, ne parti ad probandum terminus prorrogetur. Conclusa vero causa ad pronuntiandum interlocutoriè dies sex, adferendam vero definitiuam sententiam dies decem præscribuntur, quibus elapsis, si Iudices contrafecerint, expensas hac de causa factas, à die elapsi termini, vsque ad sententiarum huiusmodi pronuntiationem in duplo reddant.

§. VIII.

CV M partes, ad suas probationes faciendas, admissæ fuerint, si probationes non fecerint, neque literas, quas vocant receptorias extraxerint, & altera pars ob non factam diligentiam à parte aduersa, nec ab eadem literas huiusmodi extractas petierit terminum, pro denegato haberi, & causam pro conclusa, & definiendam esse, altera pars citari mandetur, & contumacijs incusatis provideatur, quod ad tertiam diem receptorias extrahat; si autem illas non extraxerit, habeatur causa pro conclusa, etiam termino ad probandum nõ dum elapso, vt hac ratione lites breuius expediantur.

§. IX.

QV A N D O vna ex partibus litigantibus factam probationem produxerit, & ea non obstante, pars altera in causa concludi petierit, pars probationem producens citetur, & super hoc articulo contumaciæ incusentur, & concludatur;

tur, antequam conclusio vltima fiat in causa, quod vero secus actum fuerit, sit in se nullum.

§. X.

SI publicatio petatur, & hæc eò, quod terminus duret ab altera parte contradicatur, ad excusandum actorum examen, & alias de hoc dilationes, præcipitur Iudicibus, vt sub conditione, si terminus elapsus sit, publicationem fieri prouideant, quod si terminus adhuc durauerit, declarent, quod dureret, quod sic iubeant, quamuis Decretum conditionale sit.

§. XI.

ELAPSO termino ad probandum, si probatione facta publicationem fieri postuletur, aut probatio non facta causam haberi pro conclusa petatur, parte aduersa citata, & non contradicente, contumaciaque incusata, sine vlla alia dilatione causam pro conclusa haberi mandetur, si vero pars contradixerit, cognita à Iudicibus contradictionis causa, ex actis quod iustitiæ fuerit decernant.

§. XII.

QVANDO capitula contra aliquam huius Prouinciæ personam dentur, Fiscali tradantur. Quæ si subscripta non sint, & à quò exhibita fuerint, ignoretur, in eis que testes designati sint, ac in eis contenta adeò grauià prouideantur, vt eorum remedium ad Dei cultum, & bonum commune spectet, factis prius de hac re certioribus Episcopis, seu Episcoporum officialibus, Fiscalis capitula huiusmodi prosequatur. Quod si constet quis capitula obtulerit, præstitis idoneis fideiussoribus, promittat ille, qui ea dedit expensas hac de causa faciendas, si capitula minime probentur per soluturum, itidemque puniantur, pro vt accusator calumniosus de iure venit puniendus. —

§. XIII.

IN his, qui matrimonio coniuncti conjugalem vitam non ducere denuntiabuntur, Parochi testimonium in probationem admittatur, quatenus ad matrimonium, & non cohabitationem, & sic comparere præcipiantur, & de hoc interrogentur. Quod si negauerint, Fiscalis citetur, qui quatenus opus fuerit, ampliorem faciat probationem, & ratificatis testibus, pro vt iuris sit, in causa decernatur.

§. XIII.

IN causis criminalibus binarum nuptiarum, viuentis primo coniuge, rei inclusi carcere teneantur dum lis agitur, eosq;

LIB. SECVNDI. TITVLVS PRIMVS

sic detineri Iudices procurent, etiamsi à sententijs per eos latis rei huiusmodi appellauerint, vt sic finis his causis imponatur. Quando vero Fiscalis accusauerit, illę partes, quarum interest, citentur, eaque citationes fiant ex pecunia Iustitię sumptibus applicata.

§. XV.

QUANDO Iudicibus expedire videbitur, in causis criminalibus parti præsenti actorum sumptum concedere, vt se se defendat, fuerintque alij rei, & complices absentes, Notarij Aduocato huius partis præsenti, suppressis nominibus, processum legant, & id vsq; ad publicationem diligenter seruetur. Si vero nullum sit iuris impedimentum, etiam cum nominibus, huiusmodi sumptum concedatur.

§. XVI.

IN causis immunitatum, restitutionum, ad Ecclesias confugientium, & alijs quibuscumque, in quibus Iudices procedunt aggrauando censuras, antequam censurę huiusmodi aggrauentur, præcedat intimatio anterioris censurę iam decretę, de cuius intimatione fidem faciat Notarij, præcedat quoq; inuocationis brachij secularis informatio, quò ordine, & non aliter ad Ecclesiasticum interdictum procedetur.

§. XVII.

IN Claustrinis coniugijs, quidquid circa ea à partibus petatur, Fiscalis oppositio, & accusatio admittatur, acta, & probatio à partibus exhibita pro informatione summaria recipiantur, deinde testibus, à partibus, productis per Fiscalem ratificatis, iterumq; habita partium confessione, per Iudices nostros hac in re decerni, & definiri potest, iuxta dispositionem Sacrosancti Concilij Tridentini.

§. XVIII.

QUANDO vxor proprium maritum de adulterio, concubinato ve accusauerit, Iudex efficiat, vt Fiscalis, aut executor Iustitię, in iudicio denuntiet, & causam prosequatur, adhibita cautela, ne maritus à propria vxore delatum fuisse Iudici sentiat. —

§. XIX.

Amiserabilibus personis litigantib⁹, nihil quidquam pecunię accipiat ratione litis, eaque miserabilis persona reputetur, quę in bonis mobilibus, & immobilibus quinquaginta pondo valorem non habuerit, probatio vero quò ad hoc per Notarium fiat, ex qua si officialib⁹ constiterit, de paupertate

*Seff. 24. c. 1. de reformat.
matrimonij.*

peritate personæ litigantis, eiusdem causis semotis dilationibus expediri, in omnibus subueniri iubeant.

§. XX.

Accusationes criminales contra Clericos in Sacris ordinibus constitutos illatæ, cum omni secreto, pro vt Sacerdotalem personam decet, tractentur, & definiantur.

§. XXI.

QUAMVIS delinquentes plures sint, de eodem crimine accusati, vnus tantum processus conficiatur, nec ratione actorum processus, aliquid aliud exigatur, quam quæ sunt in indice taxæ constitutæ. Nam si in eadem causa tres cōplices sint, tamquam ab vno solo salaria, & expensæ exigendæ sunt. —

§. XXII.

VT molestijs, quas accusatores in ferre solent, occurratur, mandat hæc Synodus, vt Iudices Ordinarij, Visitatores, Vicarij, & alij quicumque, quibus summaria informationes super partium quærelis, committentur, quærelantibus præcipiant, facta in forma citatione, per Notarium probationem recepturum, quatenus intratres dies postquam reus partem se constituerit, compareant personaliter ad accusandum eum coram dictis Iudicibus, sin minus perpetuum eis silentium ad id imponetur, si vero duabus contumacijs inculatis, non comparuerint, nec accusauerint amplius, ne audiantur, eorumque vices, & voces Fiscalis obtineat, qui tam in hoc casu, quam in criminalibus cæteris ad se pertinentibus, accusationem dare intratres dies teneatur, postquam se reus in carcere constituerit, Iudicibus autem, & officialibus iubetur, vt conclusis iam processibus, quò citius fieri poterit dictas criminales causas definiant, ita vt quantumuis processus prolixius sit intra tredecim dies, à die conclusionis, aut in breuiori tempore si fieri potuerit definitiuam sententiam ferant, in quo officialium conscientia onerantur, ne sumptus, & expensæ, ex nimia retardatione accrescant. —

*Concil. Mexic. l. c. 77. &
Granat. tit. de ordine Iudicio. n. 26.*



LIBRI SECVNDI
TITVLVS II.

De Procuratoribus.

§. I.

*Ex Synod. Granat. tit. de
Procurat.*

PROCURATORES causis, quas susceperint, omnem operam præstent, in eisq; cum omni veritate agant, & quod suis partib⁹ vtile sit, diligenter gerant, ac sine vlla collusione, falsitate, prauaricatione, aut præuaricationis specie, odio, aut amore, sui principalis, aut partis aduersæ quidquam postulent, aut postulare negligant, quod conuenienti causæ expeditioni necessarium sit. Neque hac de causa dona aliqua, aut promissiones, munera ve, aut alia huiusmodi iniuste à parte contraria accipiant, sub pæna reddendi quadruplum; ac præterea Iudicum arbitrio puniantur.

§. II.

MODERATAM mercedem pro opera sua accipiant, quod si in hoc exceßerint, directe, vel indirecte litigatores vexauerint, vt ab eis iniusta salaria, munera ve, aut alia huiusmodi extorqueant, Iudices pro merito laborum mercedem taxent, & districte præcipiant, quod reliquum restituant, necnon Iudicum arbitrio pænas dent.

§. III.

PROCURATORES, qui in tribunalibus Ecclesiasticis negotia Ecclesiastica administrauerint, cum fœminis, quarum, vel contra quas, causas susceperint in honestè ne cōuersentur, neq; eas in concubinas accipiant. Quod si contrafecerint, præter pænas iuxta horum Decretorum formam eis impositas, in causis Ecclesiasticis ab officiorum exercitio per tres menses suspendantur; Itidemq; præcipitur ne per trium mensium huiusmodi spatium, Iudices, aut Notarij petitiones ab eis oblatas recipiant, aut alios actus sub eadem pæna.



LIBRI

TITVLVS III.

De Ferijs.

§. I.

Vel debitum cultum, & honorem Deo creatori nostro, eiusque Sanctis impenderemus, dies aliqui in Ecclesia semper decreti sunt, vt in eis ab omni ser- uili opere cessantes, nos cultui diuino vacaremus, eam ob causam, vt huius Archiepiscopatus, & Prouinciæ fi- delibus dies hi festi noti sint, in eisque cultui diuino satisfa- ciant, hæc Synodus decernit omnes horum regnorum Fide- les, exceptis Indis, de quibus alio in loco tractatur, teneri sub pæna peccati mortalis sequentia festa venerari.

*Mexic. 1. c. 18. & Limẽ-
se 3. actio. 3. c. 40. & act.
4. c. 9.*

Festa ex præcepto obseruanda.

IN PRIMIS DIES DOMINI TOTIVS ANNI.

FESTA IANVARII.

CIRCVCNCISIO Dñi nostri IESV Christi.

¶ Epiphania Domini.

¶ SS. Fabianus, & Sebastianus.

FESTA FEBRVARII.

¶ Purificatio Beatæ Mariæ Virginis.

¶ S. Mathias Apostolus.

FESTA MARTII.

¶ S. Thomas Aquinas.

¶ S. Ioseph, Beatæ Mariæ sponsus.

¶ Annuntiatio Beatæ Mariæ Virginis.

FESTA APRILIS.

¶ S. Marcus Euangelista.

FESTA MAII.

¶ SS. Philippus, & Iacobus Apostoli.

¶ Inuentio sanctæ Crucis.

FESTA IVNII.

¶ S. Barnabas Apostolus.

¶ Natiuitas sancti Ioannis Baptistæ.

¶ SS. Apostoli, Petrus, & Paulus.

I

FES-

LIB. SECVNDI TITVLVS TERTIVS.

FESTA IVLII.

- ¶ Visitatio Beatæ Mariæ Virginis.
- ¶ S. Maria Magdalena.
- ¶ S. Iacobus Apostolus.
- ¶ S. Anna Mater Virginis Mariæ.

FESTA AVGVSTI.

- ¶ S. Dominicus.
- ¶ Transfiguratio Domini.
- ¶ S. Laurentius Martyr.
- * ¶ S. Hipolytus in ciuitate Mexicana tantum.
- ¶ Assumptio Beatæ Mariæ Virginis.
- ¶ S. Bartholomeus Apostolus.
- ¶ S. Augustinus.

FESTA SEPTEMBRIS.

- ¶ Natiuitas Beatæ Mariæ Virginis.
- ¶ S. Matheus Apostolus, & Euangelista.
- ¶ Dedicatio sancti Michaelis Archangeli.

FESTA OCTOBRIS.

- ¶ Sanctus Franciscus.
- ¶ Sanctus Lucas Euangelista.
- ¶ SS. Apostoli Simon, & Iudas.

FESTA NOVEMBRIS.

- ¶ Festum omnium Sanctorum.
- ¶ Sancta Catherina Virgo, & Martyr.
- ¶ S. Andreas Apostolus.

FESTA DECEMBRIS.

- ¶ Conceptio Beatæ Mariæ Virginis.
- ¶ Spectatio partus Beatæ Mariæ Virginis.
- ¶ Sanctus Thomas Apostolus.
- ¶ Natiuitas Domini nostri IESV Christi.
- ¶ Sanctus Stephanus Prothomartyr.
- ¶ S. Ioannes Apostolus, & Euangelista.

Item festa mobilia sequentia.

DOMINICA Resurrectionis cum duabus diebus sequentibus.

- ¶ Ascensio Domini.
- ¶ Dominica Penthecostes cum duabus diebus sequentibus.
- ¶ Festum Corporis Christi.

COLI etiam iubentur festa sanctorum Patronorum Ecclesiarum Cathedralium, & locorum ubi Hispani degunt in eisdem Ecclesijs, & locis.

§. II.

PORRO quia singularis fuit in Beatum IOSEPH, Sacratissimę Virginis MARIÆ sponsum huius Prouincię deuotio, ob cuius sancti merita, & intercessionem pie credi potest nouam Hispaniam singularibus Dei beneficijs donari, Prouincialis Synodus anno Domini millesimo, quingentesimo quinquagesimo quinto celebrata sanctum IOSEPH in generalem huius Archiepiscopatus, & Prouincię Patronum elegit, eiusq; festum coli mandauit, hæc quoq; Synodus idem renouans, & confirmans statuit, vt festum huiusmodi in hac Prouincia cum octaua celebretur. Si vero octaua in hebdomadam maiorem inciderit, de ea vsque ad feriam quartam eiusdem hebdomadę inclusiue commemoratio fiat. Festum sancti Iacobi Apostoli, quia præcipuus, & generalis Hispaniæ Patronus is est, cum octaua celebrari mandatur. Quando verò, ad vespertas, & matutinum suffragia sanctorum dicuntur, eius commemoratio, quia antiquior patronus est, commemoratio- ni sancti IOSEPHI præcedat. In die vero trigesima Decembris, qua translatio sancti Iacobi facta est, de eius translatione officium recitetur.

§. III.

ETSI ante celebrationem huius Synodi, festum sancti Thomę Aquinatis Doctoris Angelici, ex præcepto non celebratur, attendens tamen hæc Synod^o à Felici. record. Papa Pio Quinto, propter singularem sanctitatem, & mirabilem Doctrinam, de quibus is sanctus, hæresibus refutatis, Christianæ rei- publicę scholis magnas opes attulit, & propter eruditionis splendorem, quo in Ecclesia Dei eluxit, eius festum per vniuersum Neapolis regnum coli, & per vniuersam Ecclesiam officio Doctoris celebrari præceptum esse: attendensq; instantissimè à Decano, & Capitulo huius Metropolitanę Ecclesię, Magistratibus ciuitatis Mexici, à Rectore, & vniuersitate regia, tum etiam ab ordine sancti Dominici, cuius institutum sanctus Thomas professus est efflagitatum fuisse; hæc Synodus præcipit, vt sancti Thomę festum colatur, & Catalogo, quæ ex præcepto in hac Prouincia coluntur, adscribatur.

§. IIII.

QVÆ quidem festa ab omnibus coli deberi, (Indis exceptis) hæc Synodus decernit, in quibus ab omni seruili

I ij

ope-

Mexic. 1. c. 18. & Limę. se 3. actio. 3. c. 40. & act. 4. c. 9.

Mexic. 1. c. 18. §. 1.

Pij V. motus proprius in Bullario ipsius. Bulla 42. folio 59.

Text. in cap. vnico de reliquijs, & veneratione sanctorum lib. 6.

Fundatur ex cap. finali de Ferijs. & in cap. 1. de consecrat. dist. 3.

Concil. Trid. sess. 25. c. 12. de regular. Verbo Dies.

Concil. Milanen. 4. tit. de sancto Ambrosio, folio 616.

& 5. etiam Milan. fol. 710. Verbo quos dies festos.

Seff. 24. c. 4. de re for.

*Concil. Milan. 3. fol. 584.
Vers. neque vero excusentur.*

*Bulla Pij quinti in Bullario
folio 33. 2. colum. Verbo ut
igitur. Cōc. Mexic. 1. c. 19.
§. 3. & Guadix tit. 6. cōst.
16. & Milanen. 1. fol. 39.
Verbo Vidue, & fol. 119.
Verbo Episcopi ne patiatur,
& Milan. 3. fol. 584. Vers.
neq; vero excusentur.*

*Guadix tit. 6. cōst. 21. 22.
23. & 24. & Gran. tit. de
Ferijs n. 45. & 6. & Syno-
dal de Quiroga cōst. 97. 98.
99. & 100. & Limens. 3.
act. 3. c. 40. & act. 4. c. 9.
& Milan. 3. tit. de festorū
dierum cultu fol. 583.*

opere cessandum est, à media nocte vigilię, vsque ad mediam noctem sequentem, quo tempore festum terminatur, in eisq; Missam integrè audire omnes tenentur, ad quam, & ad verbum Dei audiendum, vbi commodè fieri potest suis Parochijs omnes intersint, vt est à Sacro Concilio Tridentino iniunctum; Quodsi aliqui in dieb⁹ festis huiusmodi integram Missam non audierint arbitrio Ordinarij plectantur; Qui vero tempore, quo Missa cōuentualis celebratur, & Sacra Consiō habetur, in ludis occupati apprahensū fuerint, iuxta formam iuris pēnas luant.

§. V.

MONET etiam hæc Synodus Patres, Matresque omnes, vt suos filios, & filias quantumuis minimę etatis sint, ad Missam audiendam secum deferant, præcipit etiam heris, vt famulos, & seruos suos omnibus festis colendis Missam audire faciant, in quo eorum conscientia onerantur.

§. VI.

VT introducta iam corruptela funditus tollatur, qua relictæ viduę, per multos dies ab obitu maritorum Missam non audiebant, Ecclesię præceptum transgredientes, iubet hæc Synodus, vt viduę, elapso præsertim mense post mortem mariti, à Iudicibus Ecclesiasticis, per censuras, & alias pēnas, ad Sacrum audiendum compellantur, idemq; seruetur cum mulieribus coniugatis, quæ ob virorum absentiam per longum tempus Missam non audiunt.

§. VII.

QVò vero seruilis opera, à quibus in diebus festis vacandum est, omnibus innotescant, hæc Synodus statuit, ac decernit, vt in eis mercatum nundinę, licitationes minimę fiant; tabernę etiam vbi merces, vel alia diuenduntur, & emuntur, saltem dum Missa conuentualis celebratur, ne aperiantur.

§. VIII.

ASONO vero campanæ, qua populus ad conuentualē Missam vocatur, vsq; ad finem Missæ, esculenta publice venalia ne exponantur operarij, per totum festi diem iumentis suis sarcinas ne imponant, nec mulieres iter agant, sarcinas vehementes, nisi victualia eo tempore populo necessaria apportauerint. Tonfores per totum festi diem, ne detondeant, furni ne ardeant, instrumēta, & machine minarum cessent, nec in eis vlli occupentur. Siqui vero hoc Decretum violauerint, seuerè ab Ecclesiasticis Iudicibus punientur. Non tamen interdicitur Chirurgis, & Aromatarijs ne in his dieb⁹ officia sua exerceant, quantum ægrotorum saluti conueniet, itidemque permittitur tem-

temporibus metendi, rigandi, piscandi, aut vermes sericos nutriendi, & alia huiusmodi terrenorum fructuum ratione faciendi, in festis diebus post auditam Missam, de licentia officialium, & Vicariorum, rebus huiusmodi operam impendere, nisi necessitas occurrerit, earum iactura fiat.

§. IX.

FOELICIS recordationis Paulus Papa tertius Indorum paupertati prospiciens, eos tam stricto vinculo, vt Hispanos ad festorum obseruationem diuincire noluit, ac ob eam causam illorum comoditati consulens sequentia festa Indis deputauit, ad quę sola obseruanda ex precepto tenerentur.

Bulla Pauli III. concessa in fauorem Indorum. Mexic. 1. c. 18. §. 4. & Limense 3. act. 4. c. 9.

FESTA INDORVM.

DIES OMNES DOMINICI IN ANNO OCCURRENTES.

NATIVITAS Domini sine duabus diebus sequentibus.

Mexican. 1. c. 18. §. 5. & Limense 3. act. 4. c. 9.

¶ Circuncisio Domini.

¶ Epiphania Domini.

¶ Dominica Resurrectionis sine duabus diebus sequentibus.

¶ Ascensio Domini.

¶ Dominica Penthecostes absq; duabus diebus sequentibus.

¶ Festum Corporis Christi.

¶ Natiuitas Beatę Marię.

¶ Annuntiatio Beatę Marię.

¶ Festum Purificationis Beatę Marię Virginis.

¶ Assumptio Beatę Marię Virginis.

¶ Festum Apostolorum Petri, & Pauli.

Aliorum festorum obseruatio, voluntarię Indorum deuotioni relinquitur, ne vero hispani perse, aut seruos suos in festis diebus seruilia opera exercendi ex hoc occasionem arripiant, quod Indi ab eis minimę cessent, decernitur. Ne Indi hisce festis in hispanorum pradijs, aut alijs facultatibus, nisi de licentia Ordinarij seruiliter sese exerceant.

§. X.

Itidem interdicitur, ne diebus Dominicis, & festis, quorum obseruatio ad Indos pertinet, mercatum fiat, vt ratione hac tunc laborandi, & Missam non audiendi, ab Indis auferatur occasio. Si vero in aliquo Indorū oppido mercatū die Dominico in dictum sit, alius hebdomadę dies, in quo id fiat designetur.

Mexic. 1. c. 70.

§. XI.

MEDICIS quoq; prohibetur, ne ægrotis medicamenta applicent, ita, vt eis impedimento esse possint, quominus festis diebus Missam audiant, si talis egritudo est, quę

agrotum Missam audire non impediatur, & cuius medicina in aliud tempus differri possit. —

LIBRI SECVNDI TITVLVS IIII.

De Dolo, & Contumacia.

§. I.

*Lex Regia 9. tit. 8. lib.
2. recopil.*

*Synod. Granat. tit. de dolo,
& contumacia.*

PRÆSENS, in illis locis, in quibus Ecclesiasticum Tribunal existit in Iudicium vocat⁹ citari non possit, nisi de vno die in alium, aliter autem, citatione facta, etiam si citatus non compareat, contumax reputari nequeat, nec absens pro contumaci habeatur, si Nunti⁹ fidem non fecerit, ipsum citasse in personam propriam, vxoris, filiorum, aut famulorum, nec sufficiet citatio ad Hospites, vicinos, aut alias extraneas personas facta: contumacię vero coram Iudicibus inculabuntur, & quicquid aliter factum sit, denuo fiat.

§. II.

*Lex 1. & 2. tit. 11. lib. 4.
recopil.*

CVM de contumacia cuiusque partis constet, in expensis condemnatur contumax, quas antequam vlteri⁹ procedatur, compellatur soluere, nisi præsens maluerit, id in finem litis reservare, & in alteri⁹ partis contumacia vlteri⁹ procedi, aut remedium missionis in possessionem elegerit, quod si fiat, regula de hoc in legibus horum regnorum præscripta seruetur.

§. III.

IN literis citationum, & monitorijs præcipiatur, vt ad aliquem diem certum citari, hora audientię cōpareant, quod si reus, vel actor minimē comparuerit, & non comparentis contumacia fuerit inculata; contumax reputetur. Si autem intra dictum diem venerit, etiam secundæ literæ expeditæ sint, illarum expensas soluat, qua solutione contumaciam purget, & in causa principali audiatur. Nullatenus vero secundę literę expendantur, nisi toto elapso die, in quo terminus in primis literis præfixus finitur, neque reus, vel actor contumax reputetur, vsquequo consistorium dimissum sit.

§. IIII.

SI actor intra terminum in literis expressum contumaciam non inculauerit, reus contumax non reputetur, nec literę illę iterum legantur, nec virtute illarum contumacia inculari possit, sed literæ conditionales æstimentur, veluti si expres-

expressa sub conditione hac essent expedita; Si actor contumaciam inculauerit, in dicto termino, si autem reus comparuerit, actore non comparente, actor in expensis condemnatur, si id reus petierit; Quod si elapso dicto termino actor contumaciam inculauerit, & reus non comparuerit, Iudices eum iterum in iudicium vocari mandent, nisi iustis de causis sibi visum fuerit reum posse legitime reputari contumacem. Si vero iuste causa adsint, id decreto declarent, litera tamen rectoria personaliter intimentur, si citatio prima personaliter facta non fuerit, aliter enim reus nullam sententiam, nec contumaciam incurrit. —

LIBRI SECVNDI

TITVLVS V.



De testibus, & probationibus.

§. I.

IN causis, in quibus ex officio proceditur, testes contra reos producendi expensis Camerae, & pecunijs iustitię sumptibus applicatis ad ferendum testimonium, adducantur, quæ impense condemnatione expensarum subsequuta, & non alias, Camerae, & sumptibus iustitię persoluantur, ne inde rei occasionem arripiant praueniendi, aut subornandi testes.

§. II.

IN omnibus causis criminalibus, in quibus pena corporalis, siue exilij, aut publica penitentia imponenda sit, testes in summario iudicio recepti, in plenario ratificentur, non obstante, quod pro ratificatione à reo habeantur. Quibus in casibus, nec minori vlli, nec Fiscali restitutio in integrum ad accusandum, aut ad probandum concedatur. Probatio vero, quæ per restitutionem huiusmodi fiet, nulla sit, immo à processu deleatur.

§. III.

Iudices perse ipsos in causis matrimonialibus dicta testium recipiant, neq; probationes à solis Notarijs etiã principalibus fieri in causis criminalibus, aut ciuilibus magni momēti permittant, nisi ipsismet Iudicibus presētib⁹, aut si iusta ex causa Iudices absint,

Granat. Synod. tit. de probation.

Mexic. l. c. 42. & Gran. tit. de testibus n. 3.

absint, de speciali eorum commissione; Quæ quidem specialis commissio à Iudicib⁹ subscripta in principio probationis huiusmodi collocetur, & in processu describatur. Commissiones vero nullatenus concedant in casib⁹ prædictis ad recipiendum testes, alijs ministris, quam receptoribus ab Episcopo deputatis; neque in suis Tribunalibus Notarios quoscumq; aut officiales admittant, ad petitiones dandum, ad acta gerendum, neq; ad testes in summario recipiendum, aut eis quoduis aliud receptionis genus committant, neq; eos ad testes, aut testium ratificationes, neq; ad recipiendas cautiones in Iudicio faciendas, neque ad aliud quicquam, quod ad Iudicium pertineat adhibeant, nisi fuerint ipsimet Notarij Tribunalis, aut receptores prædicti, & eis absentibus, ministri ad id ab Episcopo, vel iussu Episcopi approbati, qui specialem prouisionem ad id obtineant. Probationes autem, & acta Iudicialia aliter confecta nulla sint. —

§. III.

Q VANDO testes ad instantiam partis extraciuilitatem ratificandi sunt, eorum dicta in summario iudicio habita, ne tradantur originalia, nisi prius exemplum publicum, & autenticum, quod fidem faciat, penes Notarium remaneat, nec tunc tradantur parti, contraquam ratificatio fieri debet. Quod si Notarius quisquam secus fecerit, Iudicium arbitrio pro qualitate criminis punietur. Probationes vero summaria huiusmodi receptorib⁹ dentur, præstito ab eis iuramento, & obligatione de secreto seruando vsq; ad publicationem, & de eadem restituendo intra dies duos post elapsum terminum.

§. IV.

Q Votiescumq; Iudicibus visum fuerit conuenire, vt testes personaliter deducantur, id eius impensis fiat, qui testes produxerit, Iudices autem, prius aestimato, quod ratione itineris testes habere debent, illud testib⁹ persolui faciant, antequam indè discedant.

§. VI.

T Estium probationes in secunda instantia, ne fiant per eosdem articulos, neq; per directe contrarios, nisi, in casibus, & eo modo, quo est à Iure concessum, vt autem hoc euitetur præcipitur, articulos in secunda instantia producendos præter Aduocatum, à Procuratoribus etiam debere esse subscriptos, à quibus itidem examinentur, sintne iidem articuli, an contrarij, & si secus fiat probatio à processu deleatur, & Procurator in hac negligens, pondo vno persoluat.

In cau-

§. VII.

IN causis criminalibus, contra ministros ab Episcopo deputatos, tractandis, ob dona, munera, pecunias vè iniuste acceptas, aut collusiones factas, quibus dona, siue huiusmodi munera accipere ab hac Synodo prohibitum est, ea sit sufficiens ad condemnationem probatio, quæ in legibus nouæ compilationis horum regnorum decreta est, iuxta quas leges in his causis decidendum præcipitur.

*Lex 6. tit. 9. lib. 3. recopil.
 & lex 7. tit. 7. lib. 7. recopilationis.*

§. VIII.

Probationes, quæ earum qualitate attentæ committi possunt, receptoribus committantur, quod si visum fuerit expedire præcipiatur, quod Vicarij, aut alij Sacerdotes loco Iudicum vna cum receptoribus, huiusmodi probationibus faciendis, assistant.

§. IX.

CVPIENS hæc Synodus effrenatam eorum audaciam reprimere, qui cum testes producuntur, in Iudicijs Ecclesiasticis huius Prouinciæ, non sine graui Dei omnipotentis offensa, ac Iustitiæ contemptu, suarumq; animarum detrimento, & litigatorum præiudicio falsum dicunt testimonium, statuit, ac præcipit, vt si quis coram quocumque ex officialibus, Iudicibus, aut alijs ministris periurij reatum commiserit, si Clericus (quod absit) fuerit de periurio conuictus, soluere parti compellatur, in cuius damnum hoc crimen admisit, id omne, quod ob tacitam veritatem, vel expressam falsitatem, in præiudicium, & detrimentum dictæ partis cesserit, ac propterea condemnatur in medietate fructum vnius anni præbendæ, seu beneficij ab eodem obtenti, & etiam in medietate fructuum omnium, quos percipit, toto eo tempore, quo in periurio perseuerauerit. Cuius multæ pars vna fabricæ Ecclesiæ Cathedralis, vbi id euenerit, applicetur, altera vero pijs operibus ab Episcopo designandis, tertia deniq; accusatori, & præter hanc pœnam, in carcere tamdiu detineatur, quamdiu officiali videbitur. Si autem periurus huiusmodi, beneficij, seu præbendæ expers sit, iubetur, & vltra satisfactionem parti, cui præiudicium irrogauit faciendam, in pondo minarum quingenta condemnatur, quæ ad nuper præscriptam formam distribuuntur, & reus in carcere, vt dictum est inclusus maneat per tempus Iudicis arbitrio deputandum, quod si is adeo pauper sit, vt prædictam pœnam soluere nequeat, pecuniaria pœna commutetur in corporalem, pœna carceris aggrauata, ac si periurus secularis sit, satisfacere parti, cui periurio nocuit, compellatur,

*Mexi. 1. c. 86. & Guadix
 tit. 5. const. 22.*

& præterea Pastomide eius linguam obstringenti in valuis Ecclesie per diem vnum publice detineatur, nisi eius fuerit conditionis, vt hæc pæna commutanda sit, quo casu delinquentes in exilium mittantur, aut grauiori pæna iudicis punientis arbitrio plectatur. Quod si causa in qua periurium commisit matrimonialis sit, ob iniuriam Sacramento illatam, præter iam dictam pænam ei alia Iudicis arbitrio imponatur. Qui vero ad suę causę probationem testem falsum produxerit, quem ad dicendum falsum testimonium induxerit eadem pæna puniatur, qua testem periurum puniri, sancitum est.

§. X.

Concil. Limens. 3. act. 4. c. 6.

Text. in cap. final. 3. q. 6.

In cap. suspectos. In cap. nullus 3. q. 5.

In cap. si testes 4. q. 3.

Consule de hoc Ferdinandum Curita in primo in chivisione questionū Theologic. q. 20. fol. 72.

Ex Doctr. Menochij de arbitrarijs Iudicum questionibus, casu 90.

Sacerdotum honori, quibus Indorum cura imminet prospicere volens hæc Synodus, ne eò magis falsis accusationib⁹ agitentur, quo studiosius subditorum indigenarum vitijs, aut Hispanorum auaritię modum imponere conantur: perpendensque, quam proni sint ad periuria indi, quamque facile ad id inducantur; statuit, ac præcipit in primis, ne vllus Sacerdos à districtu Indorū, cui ministrat expellatur quamuis graues querelæ contra eum dentur, nisi prius per Iudicem Ordinarium, aut delegatum, ibi inquisitio fiat, vbi crimen admissum à Sacerdote dicitur. Si enim Iudex Ecclesiasticus ibi præsens assistat, de omnibus plenè instructus quæ, & quanta fides testibus sit adhibenda facilius agnoscet. In fideles nullatenus in testes admittantur, vt Sacris est Canonibus constitutum, nec etiam illi, qui suspecti sunt, quamuis Christiani, Indi, vel Hispani sint, sed solum timorata conscientię homines, minimèq; suspecti. Neophitos adiurandum nequaquam Iudex compellat, nisi causa sit grauis, & cuius veritas aliter elucidari non possit. Quo in casu moneantur primum Neophiti, quam graue malum periurium sit. Si autem falsò aliqui iurasse comperiti sint, eos, vt cæteri metu pænæ terreantur, & cautiores euadant, publicè flagellari Iudex præcipiat, & vt maiori ignominia afficiantur detonderi faciat. Denique in causis, quæ ex testimonio Indorum dependent, accuratè Iudex animaduertat quæ, & quanta fides testib⁹ adhibenda sit, præsertim cum manifesta sit omnibus Indorum ad periuria propensio. Quæ omnia Christianæ Iudicum prudentiæ hac Synodus commendat.



TITVLVS VI.



De sententia, & reiudicata.

§. I.



N sententijs, quæ super matrimonijs Clandestinis ferantur, semper ius petendi quicquid expedierit Fiscali referuetur, idemque obseruetur in sententijs, quæ super binis nuptijs, & criminibus alijs inter partes pro ferantur, Notarius vero reservationem huiusmodi Fiscali intimet, actaque intra tertium diem tradat, vt graues contra delinquentes penas postulet. —

Synod Granat. tit. de sent. & reiudicata.

§. II.

Sententia, quas Iudices, & Vicarij tulerint, iuri, & his decretis conformes sint, quarum postquam lata fuerint, nisi in casibus à iure permisis, nulla sit dispensatio. Decreta vero inscriptis fiant ita, vt semper de his constare possit. Quamuis autem in aliquibus summarie procedant, ob id exceptiones legitimas, & partium necessarias probationes, in forma à iure concessa admittere ne recusent.

§. III.

QVONIAM sæpe contingit, vt Clerici, & seculares huius Prouinciæ nonnulli, parte, vel Fisco instantibus, ob aliqua commissæ crimina in penis pecuniarijs condemnantur, qui à sententijs cum se grauatos sentiant, prouocantes etiam si pecuniariam pœnam deponant, & de representando cautionem præstent, à Iudicibus minime è carcere liberantur, immo sæpe sæpius eo quod appellant nouis vinculis constringuntur. Idemq; fit cum accusatores affligendi reos causa, & eosdem in carcere detinendi, à sententijs etiam iuste latis appellant. Ob eam causam ne deinceps his molestijs capti afficiantur, statuit hæc Synodus, vt pecuniaria multa in depositum data, & cautione præstita de representando: condemnatis huiusmodi ciuitas, aut oppidum à Iudicibus, & officialibus pro carcere constitutur, pœna interposita non obstante. —

Mexic. l. c. 76.



LIBRI SECUNDI
TITVLVS VII.

De appellationibus, & recusa-
TIONIBVS IVDICVM.

*Synod. Granat. tit. de sent.
& reindicata.*

§. I.

PROCURATORES delinquentium, qui appellauerint in gradu appellationis minime audiantur, nisi testimonio adhibito, quò constet delinquentes in carcere detineri, aut eos antequam Iudex, à quo prouocatum est, sententiam ferret, præstita cautione, fuisse liberatos.

§. II.

IN causis criminalibus, quando aliquis se in gradu appellationis coram Iudice, ad quem personaliter constituerit, ne audiantur, donec testimonium ostendat à Iudice inferiori carcere detentum non fuisse, deinde verò in carcere se præsentet, cui postea literæ citatoriæ, & compulsoriæ ad testimonium huiusmodi, & processum deferendum concedantur. Ne ob eam causam quod se coram Iudice superiori constituerit, contra ei bona, & fidei iussores procedatur. Quod si constiterit, eum non effracto carcere, ad superiorem Iudicem confugisse, nullaque damna inde subsequuta, & id eius causa patiat, conuenienti præstita cautione, alia carceris custodia eidem poterit assignari, seruatis in his, quæ à iure Pontificio statuta sunt, & ab his decreta sancita.

§. III.

CVM quis se coram Iudicibus appellationum constituerit, & causa non inter partes, sed ex officio ventilata est, nec appellatum est à sententia definitiua in casibus, à iure, & huius Synodi decretis permisis, antequam admittantur, aut eidem literæ inhibitoriæ concedantur, constet appellantem captum detineri, siue in carcere Iudicis, à quo, siue Iudicis ad quæ, & eo sic detento, præcipiatur Iudici, vt si id instantiam partium præcessit, eas nominet, & vt citentur, citatorium expediat. Quod si ex officio causas, & rationes mittat, quibus adductus in causa processerit, itidemque compulsoriæ literæ concedantur, vt acta, & processus ad superiorem Iudicem transmittatur, quibus transmissis, quod iuris fuerit provideat. Vt vero hoc melius fiat, Fiscalis citetur, qui in causa se opponere teneatur, eique

eique tamquam Aduocato salaria obid constituentur.

§. III.

IUDICES à quo nè inhibeantur à Iudicibus superiori-
bus, neque ab eis inhibitoriæ, aut suppressoriæ literæ con-
cedantur, nisi actis processus prius perspectis, & examinatis;
neque executio impediatur in causis, in quibus ex iure, & De-
cretis Concilij Tridentini per appellationem non suspenditur
executio sententiæ, aut decreti. Quod si secus fiat inhibitiones,
processus, decreta, & alia inde sequuta, & acta inualida sint, &
nullius effectus, vt est ab eodem Concilio dispositum, ac præ-
terea in visitationibus, & Syndicatus, Iudicum excessus hu-
iusmodi corrigantur. In Consilijs quoq; Prouincialibus horum
excessuum si puniti non fuerint, ratio petatur. In appellationi-
bus vero à sententijs interlocutorijs, siue reparari possunt,
siue non, per sententiam definitiuam officialis, & iudicis, ob-
feruent quod est à Concilio Tridentino decretum.

Sess. 13. c. 1. & Sess. 24. c.
20. de reformat.

Sess. 22. c. 7.

Concil. Trident. vbi supra d.
Sess. 13. & 24.

§. V.

IT I D E M interdicitur nè officiales, & Iudices Metro-
politanorum, & excommunicationis, suspensionis, & in-
terdicti censuras decernant, contra Episcopos suffraganeos,
iuxta constitutionem Innocentij Pape Quarti, quæ incipit. Ro-
mana Ecclesia —

Tex. in Cap. §. officialis
autem de officio Ordinarij
lib. 6.

§. VI.

IN causis concubinitus quorumcumque, siue Ecclesiastico-
rum, siue secularium, si hi, aut eorum concubinæ appella-
uerint, à carcere per Iudicem inferiorem, aut superiorem ante
nè liberentur, quam causa terminetur, nisi ob iustas valdè, &
necessarias causas Iudicibus videbitur, quorum conscientie in
hoc onerantur. —

§. VII.

IN gradu appellationis, partes ad probandum nè recipian-
tur, si se ad probandum non obtulerint, quod si fecerint
pæna eis imposita si non probauerint, ad probandum admit-
tantur. —

§. IX.

SI appellans causam appellationis non prosequatur, & con-
cessis sibi compulsorijs literis, acta non transportet, ap-
pellationisque desertio à parte aduersa petatur, in hoc serue-
tur quod est iure Pontificio constitutum. Si vero desertionem
non petat, sed prosequi causam velit, mandetur appellanti, vt
suis impensis acta, vna cum causa, & ratione, quibus motus
Iudex à quo sententiam tulit, aut in causa processit, deferat,

K iij

termi-

LIB. SECVNDI TITVLVS SEPTIMVS

termino ei ad hoc competente præfixo. Quod si appellans non effecerit, parti aduersæ facultas detur, vt appellantis sumptibus processum, vna cum alijs iam dictis afferat, si ea appellationi alterius partis appellantis non adhæsit, si vero adhæserit, omnibus vtriusque partis sumptibus id fiat.

§. X.

*Tex. in cap. si contra vnum.
de offic. delega. lib. 6.*

Q VANDO aliquis ex officialibus fuerit recusatus, recusans recusationis causas coram iudice recusato proponat, qui causas huiusmodi ad Episcopum deferat. Episcopus vero causam principalem decernendam suscipiet, partesque audiet in articulo recusationis, ad præscriptum constitutionis Bonifacii Octavi, quæ incipit, *Si contra vnum*, eamque seruari, & ad impleri hæc Synodus iniungit. —



LIBR



LIBRI TERTII

TITVLVS I.

DE OFFICIO EPISCOPORVM,

ET VITÆ PURITATE.



De his, quæ ad propriam Epif-

COPI PERSONAM PERTINENT.

§. I.

ACCINGERE se volens Sacro-
sancta, Oecumenica, generalis Tri-
dentina Synodus ad colapsam ad-
modum Ecclesiasticam discipli-
nam, iuuante DOMINO, res-
tituendam, ac deprauatos in Cle-
ro, populo que Christiano mores
emendandos, spem in Episcopo-
rum integritate summam collo-
cavit his verbis. Integritas præ-

identium, salus est subditorum, & verus Ecclesiasticæ Hyerar-
chiæ scopus præcipuus is est, vt Episcopum instruat omni-
bus numeris absolutum, sancto Dyonisio Areopagita dicente;
Pontificum ordo Sacrat⁹ is est, diuina speculantium ordinum,
qui summus est, & vltimus, sicut enim Hyerarchiam omnem
in I E S V terminari conspiciamus, ita vnā quamque functio-
nem in suum Pontificem. Ex quibus facile colligere est, qua
puritate vitæ, morumque integritate præditus is esse debeat,
quem diuina gratia, & assidua virtutum exercitatio, ad sta-
tum perfectionis euexit: qua humilitate, qua benignitate, qua
mansuetudine, qua charitate, pro vitæ exemplo, & vt vno ver-
bo omnia, qua sanctitate præluce debeat in Ecclesia DEI,
eam ob causam Domin⁹ præcipiebat strictam cum mitra vitta
hyacinthina laminam Sacræ venerationis de auro purissimo,
in qua gemario opere sanctum Domini esset nomen inscriptum,
à summo Sacerdote fronte gestandā. Quo adeo sanctitate præ-
stantes oportere esse Episcopos significaretur, & eandem fron-
te descriptam alijs ad immitandum proponerent.

Id igi-

*Conc. Trid. sess. 6. c. 1. de
reform.*

*Milanen. 1. tit. de vita, &
honest. Episcop. à fol. 60. &
Compostel. Concil. act. 3. c.
1. cum seqq. & Toler. act.
2. à cap. 1. cum seqq. Pro-
uin. de Quiroga act. 2. De-
cret. 3. & 5. & Limens. 3.
actione 3. c. 1. & 2. optime
Conc. Milan. 4. 3. p. tit. de
Episcop. cum seqq.*

Exodi 28.

§. II.

ID igitur perpendens optimè Mexicana hæc Prouincialis Synodus, toto quo potest conatu, Episcopos in Domino cohortatur, vt dignitatis suæ semper memores, sic vitam instituant, vt decet ministros CHRISTI, & successores Apostolorum: ad quorum exēplum in ardentis, salutis animarum zelo se componentes, assidue Deum pro ouibus deprecantur, eos verbi Dei prædicatione pascant, & tamquam Angeli custodes populo sibi commisso inuigilent, eique prospiciant, ac denique veluti boni pastores ea, quam maiorem nemo habet, charitate sint accensi, vt animam suam pro ouib⁹ ponant. Quod humeris etiam Angelicis formidandum onus, & humanis omnino impar, quia proprijs viribus sustinere non possunt, à DEO petant auxilium, & orationi frequenter vacent, statutis sibi horis, vt mente illuminentur, & ad Dei honorem, populique salutem dirigantur.

§. III.

SED, vt ex frequenti orationis vsu ad munus, quo funguntur obeundum salutare fructus percipiant, vni⁹ horę spatium singulis diebus orationi impendere monentur, in quo altamentis contemplatione perpendant quid pro animarum salute CHRISTVS summus Pastor effecerit, quidue perpesus fuerit, vt hac consideratione excitati spirituale animarum commodum ardentiori zelo anhelent, & quo ad id opus est diuinæ gratiæ auxilium vehementius implorent hæc, non singulis quoq; noctibus, illius Apostoli sententiæ memores, si nos ipsos diiudicemus, non vtiq; iudicemur, per aliquod temporis interuallum conscientias proprias diligenti examine perscrutentur, & quidquid eo die deliquerint, quicquid negligenter omiserint pro peccatis subditorum abolendis, graui dolore defleant, & emendent; sic enim iram DEI in die tremendi iudicii fugient, qua sanguis per euntiū ouium de manu pastorum negligentium requirendus est.

§. IIII.

VT Episcopus vitæ sanctitate, & morum integritate roboratus consistat, populoq; in hac re maxime satisfaciat, confessarium Sacerdotem sibi deligat etate grauem, vita probatum, Doctrina insignem. per quem DEVS omnipotens in rerum difficultatibus, suo lumine Episcopum illustret, & dirigat ad ea, quæ diuinæ suæ gloriæ, populique ædificationi magis sint consentanea. —

Concil. Milan. 4. 3. p. tit. de Episcop. fol. 665. verbo in oratione.

D. Paul⁹ 1. corinthior. c. 11.

Concil Milan. 4. dicto fol. 665. Verbo confessarium.

Dictum Concil. 4. Milanen. d. fol. 665. verb. confessarium.

De Cura subditorum, & pro-

PRIÆ FAMILIÆ.

§. I.

EPISCOPI, vt pastorale officium postulat, benigni, ac mansueti sint, langoribusq; sanandis, ac pauperum miserijs subleuandis, cum omni pio, ac paterno zelo prospiciant, talesque sese præbeant, vt subditorum molestias in omni patientia supportantes, eis aditum faciant, nè hereant trepidi, sed cum omni fiducia ad Episcopos confugiant, ab eisq; in labore solatium, in paupertate auxilium, in morbo medicinam petant.

§. II.

PAROCHOS, singulis hebdomadis ad se vocent, ab eisq; siscitentur de subditorum statu, de temporalibus, & spiritualibus populi ærumnis, de remedio peccatis publicis adhibendo, vt is omnibus accuratè succurrant.

§. III.

QUONIAM qui domum suam regere nescit, ex sententia Apostoli, nec Ecclesiam Dei rectè guernabit. Hęc Synodus Episcopos monet, vt non solum ipsi vitæ exemplo subditos ædificent, sed eos etiam familiares sibi deligant, qui honestate vitæ, & morum integritate comprobentur: nè si populo scandalo sint, Episcopi ministerium vituperetur. Oneri suo Episcopi satisfaciant, si Concilij Tridentini Decreta, in quorum executione Cleri, populiq; Christiani reformatio consistit, assiduè legant, attente meditentur, diligenter exequantur.

De Doctrinæ Cura.

§. I.

PRÆCIPVA Episcoporum Cura in docendo Populum Euangelium DEI sita esse debet, atq; quod iam titulo de summa Trinitate, & Fide Catholica decretum est, ad eam rem maximè incūbant, oportet, vt Parochi, & Ecclesiastici viri sua munera, & ministeria in hoc adimpleant, quò subditi præsertim rudes, salutari verbi Dei Doctrina pascantur. Si vero (quod absit) prædicator errores, aut scandala in populum disseminauerit, etiamsi regularis sit, ei Episcopus auctoritatem Concilij Tridentini se-

*Concil. Trid. sess. 24. c. 4.
supra lib. 1. tit. 1. §. 2.*

Sess. 7. c. 2.

L

quutus

quutus predicationem interdicat.

§. II.

Seß. 23. c. 18.

Conc. Limenf. 3. act. 2. c. 44. & Milan. 5. tit. de seminario à fol. 759. ipseque sanctus Carolus Borromeus Archiepisc. Mediol. piè, & sanctè docet in actibus sue Ecclesie tomo 2. p. 5. actum fol. 947.

VOLENS Tridentina Synodus doctis, beneque instructis ministris adhibitis populum Christianum omni salutaris doctrina abundare, decreuit, ut in singulis Diocesis Collegium erigeretur, ubi pueri religiosè educarentur, & omnibus Ecclesiasticis disciplinis imbuerentur, ita ut Collegium hoc ministrorum Dei perpetuum esset seminarium. Quod cum ob rerum incommoditatem, in hac Prouincia sortiri effectum hactenus non potuerit, nè tam sanctum opus (& in his partibus, ubi mesis, quidem multa est, sed operarij pauci) maximè necessarium, labente tempore obliuioni traderetur. Hec Synodus statuit, ut Episcopi, quò citiù fieri possit, Concilij Decretum exequentes, pro cuiusq; Diocesis facultate seminarijs huiusmodi instituendis, eam operam nauent, ut semel instituta permaneant.

§. III.

NE desit numerus confessoriorum, qui scientia periti sint, & in administratione Sacramentorum versati, atque ut errores, & damna quæ ex ministrorum ignorantia sepe proueniunt, vitentur, statuit, ac præcipit hæc Synodus, ut in ea Diocesi, ubi conscientie casus, & Sacramenta nullus legendo interpretatur, aliquem ad id Episcopi constituent, & ubi iam constitutus est, ut in eo munere perseveret procurent. Clericos vero omnes ibi residentes compellant, nisi in Theologia, vel Decretis gradum obtineant, & Episcopo probati sint, ut hos audiant magistros, quod si audire neglexerint, neque ad ordines, neque ad beneficium, neque ad Sacramentorum administrationem recipiantur.

§. IIII.

Seß. 23. c. 12. & 15.

SAcerdotum, ministrorumque Ecclesie ignorantiam ex eo soriri certum est, quod in his examinandis Episcopi negligenter agant. Quare ad præscriptum Concilij Tridentini iubentur, nè quemquam, siue secularem, siue regularem sine diligenti examine, regulis huius Synodi seruatis, ad ordines recipiant, neq; ad audiendum confessiones secularium, etiam si Sacerdotes sint, nisi præcedenti examine iuxta dictas regulas idoneus reperiatur ab Episcopo facultatem obtineat. Hanc autem facultatem Episcopi cautè concedant, eorum sufficientia ponderata, de quibus periculum fecerunt ad certos personarum status eum limitantes. Semel autem examinati, & probati ad confessiones audiendas, ab eodem Episcopo non examinentur, nisi noua causa superuenerit.

Con:

§. V.

Condolendum sit valdè, de quorundam negligentia Sacerdotum, qui quamvis ex officio Christianis documentis Indos instruere teneantur, subditorum linguam ediscere negligunt, sine qua Fidei Christianæ mysteria, nec vim Sacramentorum animæ salutarem docere possunt. Hęc Synod⁹ Episcopos monet, ac si opus est, eisdem mandat, vt intra sex menses ab horum decretorum publicatione computandos, Clericos in regionibus Indorum beneficia cum onere obtinentes, in materna earundem regionum lingua examinent, & quos repererint linguæ huiusmodi ignaros, sex mensium spatio præfinito ad discendam linguam cōpellant, admonentes eos, quatenus elapso termino, si linguam huiusmodi non didicerint, beneficium, quod obtinent, ipso facto, vacabit, & alteri de eo fiet prouisio. Quod si ob nimiam idiomatis obscuritatem, vel ob aliam iustam causam id fieri non licuerit, possit tunc Episcopus alios sex menses peremptoriè præscribere, omni spe amplius prorogandi semota, In quo, & in regula decima octaua Cancellarię Apostolicę ad implenda conscientię Episcoporum onerantur. —

§. VI.

NE Indorum instructio vnquam intermittatur, ministris Ecclesiasticis Indorum ex eundi à suis regionibus, nisi ex vrgenti causa, facultatem Episcopi non concedant. Quando vero alicui concesserint in eius absentia idoneum Sacerdotem sufficientem. —

*Tx. in cap. quoniam in ple-
risque de offic. Ordinarij,
& reg. 20. cancellarię.*

*Facit Conc. Limens. 3. act.
2. c. 41.*

De Visitatione propriæ Pro-

VINCIÆ.

§. I.

NIHIL est ad salutem gregis accommodatius, quam præsentia pastoris, sed quia vniuersam Diocesim oculis perlustrare, eique omni Episcopus assistere non potest, visitatio Ordinaria adhibenda est. Quam obrem iuxta Concilij Tridentini Decreta hæc Synod⁹ statuit, vt Episcopi quotannis, vel saltem singulis biennijs propriam Diocesim perse ipsos visitent; aut si legitimè impediuntur, visitatores deligant, sapientia, & vitę exemplo probatos, ab omni cupiditate alienos, ac deniq; tales, à quibus Cleri; populiq; reformatio, & executio formulæ titulo de visitatoribus ab hac Synodo præscriptæ, in omnibus speranda sit.

L ij

Ad mo-

Seß. 24. c. 3. de reform. 2^a.

*Mexic. 1. c. 52. Milanēf.
1. tit. de visitatione, & To-
let. act. 2. c. 2. & Limens.
3. act. 4. c. 1. 2. & 4. &
Concil. Milan. 4. 3. p. tit.
de visitatione.*

§. II.

*Seß. 24. c. 3. de reform.**IX. in cap. exigit de sensibus lib. 6.*

AD morum emendationem, non minoris vtilitatis est, temperantia, ac modestie Christiane exemplo subditos adificare, quam de eorum delictis inquirere, eademque corrigere; quod ut sibi animo proponant, dum Episcopi suas Dioeceses visitant, hæc Synodus vehementer exoptat. Quam obrem auctoritate Concilij Tridentini fuffulta Episcopis mandat, nè cum suam Dioecesim visitauerint, inutilibus sumptibus, cuiquam graues, onerosi vè sint, neuè ipsi; aut quisquam suorum, quicquam procurationis causa, pro visitatione etiam testamètorum, ad pios vsus præter id, quod ex relictis pijs iure debetur, aut alio quouis nomine; nec pecuniam, neq; munus quodcumque sit, etiam qualitercumq; offeratur accipiant, non obstante quacumque consuetudine etiam immemorabili; exceptis tamen vidualibus, quæ sibi, & suis frugaliter, moderateque pro temporis tantum necessitate, & nõ vltra erunt ministranda. Quod si quisquam (quod absit) aliquid amplius in supra dictis omnibus casibus accipere præsumpserit, is præter duplicem restitutionem intra mensem faciendam, alijs etiam penis iuxta constitutionem Concilij generalis Lugdunensis, quæ incipit, *exigit*, necnon alijs pænis in Synodo Prouinciali arbitrio Synodi, sine exceptione mulctentur, nè integritas, quæ in visitatione seruari debet, vllatenus detrimentum accipiat.

§. III.

*Concil. Trid. seß. 25. c. 11. de regularibus.**Cedula Real de su Magestad de Barcelona primero de Junio de 1585.**Seß. 25. c. 14.*

VISITENT Episcopi Ecclesias, & quas Doctrinas vocant, seu conditiones, vbi Religiosi commorantur, ibiq; Eucharistie Sacramentum, fontem Baptismalem, fabricam Ecclesie, & Elemosinas Ecclesie erogatas, ac reliqua omnia, ad Ecclesias, & diuinum cultum spectantia. Quoad visitationem vero fabricæ Ecclesie, illæ domus intelliguntur exceptæ, quæ ab ipsis regularibus, proprijs sumptibus sunt edificatæ. Visitent etiam religiosos in prædictis Doctrinis, seu conditionibus degentes, quoad animarum curam, quam exercent, eosq; paterno zelo corrigant, eorum honori, & bonæ fame; prospiciant, atque id omne præstent, quo ad effectum huiusmodi necessarium sit, iuxta Decretum Sacrosancti Concilij Tridentini, ut in titulo de regularibus mentio fit.

§. IIII.

Fundatur in lege 4. tit. 7. lib. 3. recopilat. & Concil.

VT in omnibus Ecclesiasticis Tribunalibus, purè, rectèq; agatur, Metropolitanus, ceteriq; Episcopi perse, vel per depu-

deputatam personam saltem quolibet triennio, officiales, Vicarios, Visitatores, Fiscales, Notarios, aliosque iustitiæ ministros visitent, ab eisq; grauamina illata refarciant, ac pro qualitate criminum, vsq; ad officij priuationem eosdem puniant. Si vero horum aliquis, ex quacumque causa ante triennium officium dimittere debeat, per dies triginta inquiratur, & officium eò tempore non exerceat. Quando autem per Episcopi obitum officia vacauerint, ab alio officiales nè inquirantur, quam ab Episcopi successore, præstitis Sede vacante fideiussoribus, de ratione officiorum postea reddenda, & de stando rei iudicata. —

§. V.

IN visitatione Episcopi accuratè prouideant, vt Ecclesiæ eo cultu teneantur, qui decet domum DEI, si quas vero Ecclesias eo, quò oportet cultu, sine graui indigenarum molestia teneri non posse, easque minime necessarias, imo super vacaneas reppererint, deiici iubeant, quæ autem necessaria iudicantur reparari faciant, & conuenienti cultu ornari. Facultatem denùo ædificandi Ecclesias, aut Eremitoria sine vrgenti causa ne concedant: Si vero facultas detur, curent, vt Ecclesiæ, & Eremitoria huiusmodi insitu, & loco impartienda Doctrinæ Indis magis commodo, quam ministrorum commoditatibus opportuno, iuxta regis maiestatis schedam erigantur.

§. VI.

SINGVLIS quoque mensibus, semel Episcopi visitent carceres Ecclesiasticos, & in eis inclusos, dentque operam, vt capti qui, vel Ecclesiastico, vel seculari carcere detinentur, Missam, & quandoque verbi DEI prædicationem audiant. —

§. VII.

AD tollendos abusus, & stirpandas superstitiones, quæ imprudenti quorundam pietate erga sanctorum reliquias, & Indulgentias irrepere solent, Episcopi Concilij Tridentini Decretum exequentes, quam primum sanctorum reliquias, quas in sua Diocesi compererint, tam in Ecclesijs, & Monasterijs, quam in potestate particularium personarum, cuiuscumque status, & conditionis, examinent, & recognoscant. Quæ si authentico testimonio non probentur, deferri, aut in loco publico venerandas proponi nullatenus permittant. De Indulgentijs etiam iniungitur, nè scilicet eas publicari consentiant, nisi literis Apostolicis, aut earum testimonijs optime discussis,

L iij

authen-

Compostel. act. 3. c. 19. & Toler. act. 2. c. 17. Synod. de Quiroga cost. 113. & Prouinc. eiusdem Quiroga act. 3. c. 1. & Milanens. 3. fol. 604. verbo quotannis. Concil. Toletan. act. 2. c. 17. verbo sed si prædictorum. & approbatur in Concilio Prouinciali celebrato ab eodem Quiroga act. 3. Decreto 1.

Mexic. 1. c. 35. cum §. primo.

Mexic. 1. c. 68. & Compostel. act. 3. c. 2. & Tolet. act. 2. c. 3. & Granat. tit. de offic. Rectoris n. 22. & Milanens. 3. fol. 604. verbo Episcop. non solum.

Seß. 25. in Decreto de Purgatorio, tit. de inuocatione, & veneratione, & reliquijs sanctorum.

Limenfe 3. actione 4. c. 10. Compost. act. 2. Decret. 6. & Milan. 1. tit. de sanctorum reliquiarum veneratione, & Milan. 4. tit. de Sacris reliquijs.

authenticisque repertis. Solet enim fidelibus esse occasio, ut eorum deuotio, erga authenticas, & veritatis testimonio comprobatas reliquias, aut Indulgentias tepescat, si ea, quæ authentico testimonio carent in veneratione habentur, ac frequentantur. Deinceps autem Indulgentiarum tabellæ, nisi ab Episcopo, siue eius officiali subscriptæ, ac Notarij fide roboratæ, in Ecclesijs non affigantur. Quod si secus factum fuerit, seuerè corrigetur excessus. —

§. VIII.

VT à rebus Sacris omnis Simonie occasio funditus tollatur, calices, aut vestes Ecclesiasticas Episcopus nè consecret, aut benedicat priusquam diligenter inquirat, an eò consecrari, aut benedici petantur, ut venundentur. Quod si huius rei causa fit, ob incommoda, quæ inde oriri possent euitanda; consecratio, & benedictio huiusmodi concedenda non est.

§. IX.

NIHIL quicquam pecuniæ, ac pretij Episcopi accipiant, aut eorum Iudices accipere permittant, pro collatione ordinum, beneficiorum, præbendarum, capellaniarum, aut earum institutione, nec pro literis dimissorijs, aut testimonialibus, nec pro sigillo, aut alia cumq; de causa ad res huiusmodi spectante, nec pro dispensationibus, quæ eis committentur, ut est à Concilio Tridentino sancitum, sub pænis ab eo statutis.

§. X.

MA X I M E oportet Iustitiæ officia benemeritis personis conferri gratis, ut cum omni integritate, & fidelitate exercentur: prætium enim, quo emuntur, in causa esse solet, ut iusto stipendio officiales contenti non sint. Eam ob causam interdicat hæc Synodus, nè Episcopi vendant, aut locent officia Notarij, Fiscalis, executoris, seu lictoris suorum Tribunalium: Nec illi, quibus conferuntur, vendere, locare vel possint. Quod si secus fiat venditiones, seu locationes huiusmodi nullæ sint, emptor autem, & cui locatum officium fuerit, eius iacturam faciat, venditor vero, & locator quidquid huius rei causa pecuniarum acceperint, fabricæ Ecclesiæ Cathedralis restituat. Porro ut quod per Concilium Tridentinum expositum est, executioni mandetur. Episcopi Notarios hoc tempore officium exercentes examinent, eisque idoneis minimè repertis, exercendi officij vsum interdican, nèminemque in posterum Notarij officium, nisi de eorum consensu, & approbatione exercere permittant. Notarios vero latinæ linguæ ignaros, in causis latinè scriptis se interponere minimè patiatur.

Dsi.

Mexic. 1. c. 36. & Synod. de Quiroga const. 66.

Conc. Basiliens. sess. 21. in principio tom. 4. Concil. & Tarraconen. Concil. in c. Lo. qui de offic. Vicarij, & Cō. postel. act. 3. c. 8. & Limēf. 3. act. 3. c. 6. & Milanen. 4. tit. de beneficior. collat. ac prouisione verbo, ut auaritiæ.

Sess. 24. c. 14. & Sess. 25. c. 18.

Compostel. act. 3. c. 24. & Tolet. act. 2. c. 15. Limēf. 3. act. 3. c. 8. Conc. Milan. 5. fol. 785. verbo de emolumentis. & Synod. de Osmatit. 52.

Sess. 22. c. 10.

§. XI.

Dispensationes, quę de iure ex cõmissione Summi Pontificis ad Episcopos pertinent, ipsi perse exequantur, nec eas suis officialibus committant, idemque seruetur in concedendis literis dimissorijs ad ordines, si Episcopi sint in Prouincia. —

Mexic. 1. c. 91. in fine.

§. XII.

Quia æquum est, vt qui Altari deseruit, de Altari pascatur: non æquum tamen si nullo constituto stipendio, quidquid, pro ratione ministerij exigere velit, ministri relinquatur arbitrio; Hęc Synod⁹ Episcopis mandat, vt cum nulla generalis regula, terris aded diuersis præscribi possit, singuli quò breuius fieri poterit, in suis Diocæsibus stipendium ministris Ecclesię pro cuiusq; ratione ministerij, & regionis conditione ad victum congruum æqua estimatione constituent.

Conc. Limens. 3. act. 4. cap. 15.

§. XIII.

Frustra conderentur leges, si ijs obseruandis vigilans cura non adhiberetur, & de earum obseruatione nulla ratio peteretur. Quare constitutionem Concilij Lateranensis, quę incipit, *Sicut olim*: hęc Synodus sequuta, decernit ac præcipit, vt Episcopi per suas Dioceses viros statuant, Doctrina, & vitę exemplo probatos, qui sollicitè inuestigent, an, & quomodo Sacri Canones, & huius Synodi Decreta seruentur, & testium Synodaliũ officio fungentes, prima futura Prouinciali Synodo de sua diligentia, aut negligentia rationem reddant.

§. XIII.

Singuli quoque Episcopi libros duos habeant, in quorum vno, Parochiales Ecclesias omnes suarum Diocesium describant, Rectoresque earum annotent, etiam si perse ipsos, vel per Vicarios Parochijs ministrant, causam etiam, obquam, qui Vicarios adhibent in Ecclesia non resident, aut ad residendum non fuerint compulsi: In altero vero libro visitationes scribantur per Episcopos, vel per visitatores factas, quas ipsi, eorumque Notarij subscribant, vt in Prouinciali Synodo constare possit quas Ecclesias visitauerint, quas ve non. Hoc enim veluti stimulo excitabuntur Episcopi, & visitatores ad ea implenda, quę sibi ex munere incumbunt, aut si minus fecerint, de opportuno remedio providebitur.

§. XV.

Et si de omnibus, quę ad cultum diuinum pertinent, Episcopi sollicitos esse oportet, vt ministri Ecclesiastici iuncto sibi muneri perfectè satisfaciant, in eam præcipue Curam

Tx. in cap. Sicut olim de accusationib⁹. & in cap. Episcopus in Synodo 35. q. 6. & Tolet. act. 3. c. 28. & Synodal de Quiroga ad finem fol. 78. & 79. & Prouinc. eiusdem Quiroga act. 3. c. 52. & Limens. 3. act. 4. c. 23. & Milan. 3. fol. 604. verb. Episcopus in vrbe sua. & 4. 3. p. tit. de testibus Synodalibus.

ram incumbere admonentur, vt Sacerdotes sanctissimam Eucharistiam venerentur, & colant, ad quam conficiendam, & omni cultu prosequendam Sacris fuerunt Ordinibus initiati: Quam ob causam curent Episcopi, vt in ipso institutionis sanctissimi huius Sacramenti die; feria videlicet quinta in Cœna Domini, Sacerdotes aliqui vna cum secularibus eo tempore in Ecclesia commorari solitis, corpori Dominico assistant, quando vero sanctissima Eucharistia ad infirmos ducitur, eam Sacerdotes superpelliceis induti deuotè comitentur, vt eorum exemplo, deuotio secularium feruentior sit, & ab omnibus Christo Domino verus honor, verusq; cultus exhibeatur.

§. XVI.

SICVT oportuit in Ecclesia Dei grauissimorum quorundam peccatorum casus Episcopis referuari; ita cōueniens est, vt in foro exteriori causæ grauiiores, & quæ maiori indigent speculatione, & auctoritate eisdem quoque referuentur. Quia vero matrimoniales causæ, vbi de diuortio, & separatione quod ad Thorum, & vinculum agitur, in populo Christiano grauissimæ sunt; de eis tantum Episcopos cognoscere posse, hæc Synodus statuit, ac iuber.

§. XVII.

QUOD si in aliquo casu Episcopis videatur, causam suis officialibus, quoad processum conficiendum submittant decisione causæ sibi ipsis retenta. Quando vero ad hoc officiales delegari contigerit, ipsi quemquam alium subdelegare non possint, præsertim ad testes examinandos, & eorum testimonia suscipienda.

§. XVIII.

QVONIAM ob locorum distantiam notitia personarum, quibus causæ mandantur à Summo Pontifice plenè haberi non potest, & ex huiusmodi delegatione causarum multa incommoda possunt oriri: Sacrosanctum Tridentinum Concilium renouans Bonifacij octauæ constitutionem, quæ incipit *Statutum*, Deceuit, à Metropolitanis, & Diocesanis singulis, in suis Diocælibus quatuor saltem personas ad id aptas designari, quibus causæ delegandæ committerentur, quam designationem Episcopi ad Summum Pontificem transmitterent, idcirco Episcopi omnes huius Mexicanæ Prouinciæ in Synodo Prouinciali congregati, personas huiusmodi deputarunt in hunc, qui sequitur modum.

Perfo-

*Concil. Milan. 3. fol. 590.
verbo Sacerdoti.*

*Conc. Trid. sess. 14. c. 7.
de casuum reservatione.*

*Conc. Trid. sess. 24. c. 20.
Vers. adbæc.*

*Conc. Limens. 3. act. 2. c.
35.*

Sess. 25. c. 10.

Tx. in cap. statutū de rescriptis lib. 6.

Ex Synod. de Quirog. ad finem fol. 79.

Personæ in Archiepiscopatu

MEXICANO AB ILLVSTRISSIMO METROPOLITANO DESIGNATÆ.

DOCTOR Ioannes Çurnero Ecclesiæ Mexicanæ Archidiaconus.

¶ Doctor Sancius Sancties de Muñon, eiusdem Ecclesiæ Scholasticus.

¶ Bachalaureus Petrus Garces, eiusdem Ecclesiæ Thesaurarius.

¶ Bachalaureus Alphonfus Lopez de Cardenas.

¶ Doctor Melchior de la Cadena.

¶ Bachalaureus Alphonfus de Ecixa, Canonici eiusdem Ecclesiæ. —

Personæ à R^{mo}. Episcopo Gua-

TEMALENSI IN SVA EPISCOPATV DESIGNATÆ.

PETRVS de Liebana Decanus Ecclesiæ Guatemalensis.

¶ Didacus de Caruajal Archidiacon^o eiusdem Ecclesiæ.

¶ Licenciatus Franciscus Gonçalez Scholasticus eiusdem Ecclesiæ.

¶ Bachalaureus Gundisalvus de Alarcon, Thesaurarius eiusdem Ecclesiæ.

Personæ à R^{mo}. Mechuacanen-

SI IN SVO EPISCOPATV DEPVSTATÆ.

Licenciatus Alphonfus de la Mota, & de Scouar Decanus Ecclesiæ Mechuacanensis.

¶ Bachalaureus Didacus de Orduña Scholasticus eiusdem Ecclesiæ.

¶ Doctor Alphonfus Ruyz Canonicus eiusdem Ecclesiæ.

Personæ deputatæ in suo Epif-

COPATV A REVERENDISSIMO EPISCOPO TLAXCALLENSI.

THOMAS de la Plaça Decanus Ecclesiæ Tlaxcalensis.

M

¶ Ba-

LIB. TERTII TITVLVS PRIMVS.

- ¶ Bachalaureus Ferdinandus Pacheco Archidiaconus eiusdem Ecclesiæ.
- ¶ Bachalaureus Alphonfus Perez de Andrada Cantor eiusdem Ecclesiæ.
- ¶ Franciscus de Beteta Scholasticus eiusdem Ecclesiæ.
- ¶ Doctor Ioânes de Ceruantes Thesaurari⁹ eiusdem Ecclesiæ.
- ¶ Bachalaureus Garcia Rodriguez Maldonado Canonicus eiusdem Ecclesiæ.

Personæ deputatæ in suo Epif-

COPATV A REVERENDISSIMO EPISCOPO
YUCATANENSI.

- B** Achalaureus Franciscus de Quintana Archidiaconus Yucatanensis.
- ¶ Leonardus Gonçalez de Sequera Thesaurarius eiusdem Ecclesiæ.

Personæ deputatæ in suo Epif-

COPATV A REVERENDISSIMO EPISCOPO
XALISCONENSI.

- L** icenciatus Martinus de Spes Decanus Ecclesiæ Xalisco-
nensis.
- ¶ Licenciat⁹ Franciscus de Segura Cantor eiusdem Ecclesiæ.
- ¶ Franciscus de Morales Thesaurarius eiusdem Ecclesiæ.
- ¶ Licenciatus Melchior Gomez de Soria Canonicus eiusdem Ecclesiæ.

Personæ deputatæ in suo Epif-

COPATV A REVERENDISSIMO EPISCOPO
GVAXACANENSI.

- D** OCTOR Sancius de Alzoris Decanus Ecclesiæ Gua-
xacanensis.
- ¶ Bachalaureus Petrus de Alaues Archidiaconus eiusdem Ecclesiæ.
- ¶ Bachalaureus Balthasar de Vlloa Scholasticus eiusdem Ecclesiæ.
- ¶ Franciscus de Couarrubias Canonicus eiusdem Ecclesiæ.

TITVLVS II.

DE OFFICIO RECTORIS, ET PLEBANI.



De officio Parochi, & Doctri-

NÆ CVRA.

§. I.

ANIMARVM Curam gerere, earum morbis mēderi, & eas ad Deum ducere, in quibus omnis Curatorum officij ratio versatur, ars artium, & scientia scientiarum est. Sed quia in re tanti ponderis, & momenti, ubi de animarum salute agitur, quælibet negligentia valde periculosa est, Parochos omnes, tam seculares, quam regulares hæc Synodus quantum potest in Domino cohortatur, eisque præcipit, vt impositum suis homeris onus attentè considerent, & eis, qui spirituali subditorum vtilitati consulant, promissum præmium animaduertant, ac negligenter agētibz statutum supplicium ob oculos ponant, diuinaque adiuvante gratia, ad id toto pectore incumbant, vt in suo munere obeundo omnem operam præstent. Quò vero officij sui rationes Parochis magis notæ sint, in Decretorum huius Synodi, eorum præsertim, quæ ad suum munus pertinent, assidua lectione versentur, librumque Decretorum huiusmodi, post sex menses à die publicationis eorum computandos emant, & secum habeant, sin minus pondo decem multentur, quorum partes duæ fabricæ Ecclesiæ, cuius exercent curam tribuantur, tertia vero accusatori, aut, eo deficiente, Iudici, à quo ex officio id fuerit iudicatum.

§. II.

CVM Prædicatione verbi Dei, ac Doctrinæ Christianæ documentis maximè subditorum mentes illuminentur, & ad Deum dirigantur, Præcipit hæc Synodus, vt huic rei Curati potissimum in vigilant, eo tempore, & ordine, quibus titulo de summa Trinitate, & Fide Catholica præscribitur.

De administratione Sacramen-

TORVM.

§. I.

PERPENDANT Parochi dispensationem Sacramentorum, quæ cibus, & medicina animarum sunt, à Domino si-

M ij

De hoc tit. in genere bene loquitur in Conc. 1. Milan. par. 2. de his quæ ad Sacramentorum administrationem pertinent. & Granat. tit. de offic. Rectoris, & Synod. de Quiroga à const. 41. vsq; ad const. 47.

Vide supra tit. de constitutionibus §. 3.

Supra lib. 1. tit. 1. §. 2.

no sibi creditam, & quam sint Deo rationem reddituri, si in pascendo gregem minus sollicitè egerint. Quam obrem tamquam serui fideles ministerium impleant, petentibusque, & indigentibus spiritualem cibum nè denegent, sed ita segerant, nè in curia, aut negligentia, administratio Sacramentorum omittatur.

§. II.

VOCATI ad alicuius infirmi peccata audiendum, eò sine mora festinent, scientes egroti salutem spiritualem à proprio eorum aduentu pendere posse. Quoties vero secus fecerint, pondo quinquaginta mulctentur, fabricę Ecclesię, pauperib⁹, & accusatori æquè distribuendis, & ab officio, ac beneficio per bimestre suspensi sint. Si verò quilibet alius Sacerdos, absente Parocho, in casu necessitatis ad audiendum peccata vocatus irè recusauerit, Episcopi arbitratu puniatur. Quod si Parochus, aut Sacerdos huiusmodi ægroti Idioma non nouerit, interpretem adhibeat, ut ægrotum marentem consoletur, & exhortetur. Si autem se ad id non teneri valde tamen animę salutis utile esse, ad monitus per interpretem peccata sua ægrotus confiteri voluerit, & interpretes spectatę Fidei sit, ea Sacerdos audire poterit. Curati quoque omnes subditis suis in mortis articulo constitutis assistant, eosque exhortentur, ad formam in Catechismo ab hac Synodo probato contentam.

§. II.

CVM sanctissimę Eucharistię, quę cibus, & vita animę est, ac peregrinantium in hoc seculo fortitudo, iam usque à renascente Ecclesia cum fructu, animarum vberissimo frequens sit usus; cumque optet Sacrosancta Tridentina Synodus, ut in singulis Missis fideles astantes non solum spirituali effectui, sed Sacramentali etiam Eucharistię perceptione cõmunicent. Quorumdam nihilominus adeò imprudens zelus est, ut Indos, & seruos, qui tamquam paruuli recens in Christiana Fide nati, tam salutari indigent alimento, ab Eucharistię perceptione arceri velint. Quam obrem Parochos omnes hac Synodus hortatur, eisque iubet, ut Indos, ac seruos huiusmodi accuratè edoceant vim, & rationem tanti Sacramenti, puritatem quoque conscientię, & animi reuerentiam, quibus dignè se præparent ad Eucharistię sumptionem. Quos vero hac animi præparatione dispositos nouerint, eis (præsertim si infirmi sint) nullatenus Eucharistiam denegari patiantur, nè sine tanto viatico, & sine extremę vnctionis Sacramento, ut est titulo de Sacra vnctione sancitum, ex hac vita discedant.

De vi-

Vide supra lib. I. tit. I. §. 10. & II.

Seß. 22. c. 6.

Supra lib. I. tit. 6. §. 3.

De vigilantia, & cura circa sub-

DITOS, PRÆSERTIM IN SACRAMENTORVM
RECEPTIONE. §. I.

V Parochi seculares, & regulares ouium vultum cognoscant, & vtriusq; sexus fideles sibi commissi, in sua, quique Parochia, statutis ab Ecclesia temporibus peccata confiteantur, & Eucharistiæ Sacramentum suscipiant, Parochiales suos vtriusque sexus, Hispanos, mixtos, Ætiopes, & ex altero parente Ætiope ortos, & Indos, decem annorum ætate maiores, coniugatos, & cælibes suis nominibus indice describant, exprimendo familiæ capita, virum, & uxorem, filios, famulos, seruos, necnon Pastorum, Agricolarum, & aliorum in agris cõmorantium, sibi subditorum, in eodem indice mentionem faciant, vt de personarum numero, quarum peccata audire debent Parochis hoc modo constet. Indices vero huiusmodi singulo quoque annoificent à principio Quadragesimæ in Hispanorum locis; à Septuagesima autem, vel antea (si Episcopo visum fuerit) in oppidis, seu pagis Indorum.

§. II.

Moneant quoq; Parochi à Dominica Septuagesimæ Parochiales sibi subditos, ne vsq; ad Quadragesimæ finem peccatorum confessionem differant: sed potius ita se ad eam præparent, vt ante maiorem hebdomadam peccata confessi, tempore ab Ecclesia præfinito, sacrosanctam Eucharistiam percipiant.

§. III.

PARROCHI Hispanorum, Dominica Quasimodo inter Missarum solemnias, tempore offertorijs publicè in sua cuiq; Parochia denuntient Hispanos omnes, mixtos, Ætiopes, & ex altero parente Ætiope natos, qui nondum eo tempore peccata confessi sunt, nec Eucharistiam sumpserunt, Ecclesiæ præceptum transgressos fuisse, & grauem in Deum offensam cõmisisse. Ad cuius culpæ emendationem eos moneant, quatenus præfinito tempore vsq; ad Dominicam sequentem inclusiue peccata confiteantur, & Eucharistiam sumant, sub pænâ excommunicationis latæ sententiæ, quam omnes (seruis exceptis) incurrant.

§. IIII.

QVI vero sic denuntiati, tempore præfixo confiteri peccata, & Eucharistiam sumere neglexerint, sequenti festo, vel Dominica publici declarentur excommunicati, & à Diuinis arceantur officijs, nisi de Cõfessarij consilio ad Eucharistiam

M iij

ristiam

Mexic. 1. c. 6. & 7.

De materia huius §. cum
seqq. loquitur Guadix tit.
2. const. 25. 32. 33. 34. &
35. Synod. de Quiroga const.
11. & Gran. tit. de peniten-
tijs, & remission. n. 20. 21.
22. & 23. Mexic. 1. c. 6.
& Mexic. 2. c. 4. Concil.
Milan. 5. tit. quæ ad Sacra-
ment. penitentiæ pertinent
in principio.

Guadix tit. 2. const. 33.

Limens. 3. act. 4. c. 7.

ristiam non acceperint, sic autem excommunicati, ab alio, quam à proprio Parocho absoluti non possint. Hispani vero, & mixti, priusquam absoluantur, pondo vno mulctentur, Ætiopes autem, seu ex altero parente Ætiopæ editi iam liberti, pondo dimidio, ad vsus fabricæ Ecclesiæ, cuius fuerint Parochiales, pro seruis verò pondo dimidium Heri persoluant, eò quod negligenter seruos ad peccatorum cōfessionem monuerint. Quas quidem multas Parochi non recipiant, sed ipsis presentibus, in arca recondantur, ad effectum huiusmodi in qualibet Ecclesia deputanda.

§. V.

CVM publicè excommunicatis hæc ratio habeatur, vt si quarta Dominica post Resurrectionem, emendati non paruerint, eum participantibus excommunicentur. Si vero Dominica quinta adhuc peccata confessi non sint, nec Eucharistiam susceperint, anathematheferiantur. Quibus sic gestis, indices, siue libellos suos Parochi clausos deferant, aut per prouidam personam adeò opportunè ad officiales Episcoporum transmittant, vt ad diem Penthecostes prædictis officialibus tradantur; sin minus pondo decem mulctentur fabricæ Ecclesiæ, cuius Parochi fuerint, & pijs operibus eque distribuendis: Cum autem serui Decreti huius censuras non incurrant, decernitur; vt pena pecuniaria heris imposita augeatur iuxta seruorum retardationem in peccatis confitendis. Si vero (quod absit) aliqui ex huiusmodi excommunicatis, adeò pertinaces, & obstinati sint, vt nondum in die Penthecostes Ecclesiæ præceptum ad impleuerint, eorum absolutio Ordinario referretur, qui eos absoluendi facultatem nulli tribuat, vt ipsi verecundia confusi, iterum non delinquant, & alij metu pænæ cautiore euadant.

§. VI.

INDORVM etiam Parochi tam seculares, quam regulares, Dominica Quasimodo eos admoneant, teneri semel in anno peccata sua confiteri, quos vero repererint, eo tempore non satisfecisse præcepto, grauiter reprehendant, eisq; tempus ad confitendum præfiniant. Quod si non paruerint, pro ratione dilationis puniantur. Ad Dominicam autem Penthecostes officiali Episcopi Indices, seu libellos mittant, quibus describantur eorum, qui confessi sunt, ingenium, & Christiani mores, & hi etiam, qui sumunt Eucharistiam, necnon illi, qui peccata confessi non sunt, quod Parochi exequantur, sub pænâ pondo decem, ad Ecclesiæ fabricam, & pios vsus.

§. VII.

PRO populo sibi commisso orationes, & sacrificia Deo offerre Parochi debent, ob idq; hæc Synodus decernit, vt omnibus diebus Dominicis, & festis colendis Missam de officio occurrenti celebrent, necnon primas, & secundas vespervas solemniter cantent, quibus quoties ipsimet non interfint, pondo vnum ad fabricæ Ecclesiæ vsum perfoluant.

§. VIII.

OMNIBVS diebus Dominicis, inter Missarum solemnita tempore offertorij subditis annuntient festa colenda, ac dies ieiunij ex præcepto, quæ in sequentem hebdomadam inciderint, sub pæna pondo quatuor, accusatori, & pijs operibus distribuendis; vigilias etiam Beatæ MARIÆ Virginis, quæ non ieiunantur, dies itidem rogationum euulgent, moneantque subditos, vt his diebus ieiunandi, & ab esu carniū abstinendi, laudabilem fidelium consuetudinem seruent, pro vt titulo de obseruatione ieiuniorum decretum est, nec non Indulgentias ob id sibi concessas, eisdem notas faciant.

§. IX.

SINGVLIS octo diebus Sanctissimum Eucharistiæ Sacramentum renouent, consecrantes hostiam eo die, vel pridie, eius diei confectam, corporalia singulis quindecim diebus lauare curent, quæ cum ad lauandum dederint, attentè respiciant, nè particula vlla in eis remaneat; Purificatoria itidem singulis quoque octo diebus mudentur. Quoties autem in aliquo horum negligenter egerint, pondo quatuor mulctentur, sumptib⁹ lampadis coram Dominici corporis Sacramento ardentis applicandis.

§. X.

PAROCHI iuxta Concilij Tridentini Decretum, antequam ad conferendum Baptismum accedant, diligenter ab his ad quos spectauit scicitentur, quem vel quos elegerint, vt baptizatum de Sacro fonte suscipiant, & eum, vel eos tantum ad illum suscipiendum admittant, doceantque eos quam cognationem contraxerint, atque solum eorum nomina in libro describant, quamuis alij, vltra designatos, baptizatum tetigerint. —

§. XI.

AD vitanda incommoda, quæ, labente tempore, ex rerum obliuione nascuntur, in Sacramentis præsertim iterandis, & matrimonijs ex cognationis ignorantia in gradib⁹ prohibitis contrahendis, mandat hæc Synodus, vt Parochi singuli

tres

*Guadix tit. 3. const. 10. &
11. Synod. de Quiroga const.
92.*

*Mexic. 1. c. 37. & Milan.
3. tit. de Parochis verbo
Dominicis diebus.*

*Iuxta Concilium Aurelianē-
se 1. c. 29. tom. 2. Cōcilior.
general. refertur in cap. ro-
gationes de cōsecration. dist.
3. & vide infra lib. 3. tit.
21. §. 3.*

*Ex Granat. tit. de offic.
Rectoris.*

*Seß. 24. c. 2. de reformat.
matrimon. & infra tit. de
baptismo §. 5.*

Ex Concil. Trid. sess. 24. c. 2. de reform. matrimon. & Mexic. 1. c. 32. & Milanens. 1. tit. que pertinent, ad Baptismi administrationem, verbo Parochus.

Ex Concil. Trid. sess. 24. c. 1. de reform. matrimonij, & Milanens. 1. part. 2. tit. que ad Sacramentum matrimonij pertinent. Granat. tit. de officio Rectoris n. 24. Milan. 1. 2. part. tit. que pertinent ad Sacramenti Confirmationis administrationem Synod. de Quiroga. const. 6. & 8.

Sess. 24. c. 7. de reformat. matrimonij.

Vide supra lib. 1. tit. de officio Iudic. Ordinarij §. 23.

Ex Granatens. ubi supra in princip. huius tituli.

Ex Granat. ubi supra.

tres libros habeant, in quorum vno baptizatorum, eorumque parentum, & compatrum, baptizantis quoque nomina describant; In secundi vero libri parte vna eos, qui matrimonium contraxerunt, parentes quoque eorum, & patriam, testes etiam matrimonio assistentes annotent, ac suo proprio nomine muniant; in altera verò parte defunctorum nomina, cum die, mense, anno, & Ecclesia, in qua sepulti sunt scribant. In tertio denique libro, eorum qui sancto Chrismate deliniti sunt, parentum quoque, compatrum, ac confirmantis nomina apponantur. Hi porro libri, ad formam ab Episcopo præscriptam afferuntur, quibus, & in eis scriptis, ac Parochi nomine subscriptis, tam in iudicio, quam extra fides adhibeatur.

§. XII.

NULLVM extraneum matrimonio coniungant, si prius per diligentem inquisitionem non constet, eum nullo legitimo teneri impedimento, ac præterea ab Episcopo contrahendi facultatem inscriptis habeat, iuxta Concilij Tridentini Decretum, sub pœna pondo quatuor ad vsum fabricæ, & accusatoris, seu accusatore deficiente, Iudicis id iudicantis.

§. XIII.

PAROCHI statim, ac fuerint requisiti interdicta, & censuras, prout sibi fuerint à Iudicibus Ecclesiasticis iniunctum annuntient, ac promulgent, sub pœna pondo decem ad vsum fabricæ, & piorum operum: si autem Parochialis aliquis cum participantibus excommunicatus, vel anathemate percussus reperiatur, eum Parochi admoneant, ut vel se domi contineat, vel è ciuitate, aut oppido egrediatur, nè colloquio suo alios contamineat. Quod si horum monitio parere noluerit, auxilium implorent secularium magistratum, quos hæc Synodus exhortatur, ut in re tam iusta Ecclesiæ opemferat, quò excommunicati huiusmodi citius absolutionis remedium perquirant. —

§. XIII.

CVRENT diligenter, nè in Ecclesijs quidquam desit, quod ad earum nitorem, & ornatum, ac diuinum cultum pertineat, si vero ad id re aliqua opus sit, Episcopum certiores faciant, ut opportunè providere possit.

§. XV.

QVò melius in Sacramentorum administratione dirigantur, Parochi omnes directorium confessoriorum ab hac Synodo designatum, & approbatum, secum habeant, eiusque regulas seruent. Qui vero eò caruerit, pro suæ ratione contu-

contumaciæ, vsque ad officij priuationem plectetur. —

De sollicitudine præstanda, vt PECCATIS REMEDIUM ADHIBEATUR.

§. I.

INTER alia Curatorum præcipua munera, vnum illud est, vt peccatis publicis, quibus ira Dei in populum irritatur, remedium afferant, viasque vitiorum omnium intercludant.

Gran. de offic. Rectoris n. 9.

§. II.

QUAM obrem Parochis præcipitur, vt in suis Parochijs diligenter sciscitentur, sint ne malefici homines, fortilegi, venefici, concubinarij, fœminæ impudicæ, lenæ, publici aleatorum susceptores, diuersoria vbi in honesta fœminæ commorentur, aut alia publica huiusmodi peccata: quibus si aliquos irretitos inuenerint, eos benignè moneant, & ad culpæ emendationem hortentur. Quod si minimè respuerint, eos suis in libellis describant, & officialibus denuntient, vt pænis, & alijs conuenientioribus remedijs coerceantur, si verò ex his peccata aliqua ad eò publica non sint, contra quæ de iure procedi non possit, imo magis Episcopi hortatu corrigi posse videantur, ea Episcopo clam nota faciant, vt salutare his malis applicet medicamentum.

§. III.

Sciscitentur itidem in regionibus sibi subditis, an aliqui mercatorum prætextu ab vxoribus separati vagentur, & in adulterio viuunt, inquirent quoq; inter muliones vhidarios, & alios huiusmodi vectores, an aliqui huius generis sint, quos cum repperint, ab adulterio, si in eo sunt, reuocati ad vitam coniugalem compellantur. Quod si aliquos binas exercentes nuptias inuenirent, Episcopo nuntient, vt quem admodum oportet, grauiter eos puniat.

Mexic. l. c. 71.

§. IIII.

Elæmosinas in suis Parochijs, & regionibus ab his peti nē patiantur, qui extranei sunt, sine Episcopi licentia inscriptis. Id tamen de religiosis personis, mendicantium ordinum superiorum permissu, elæmosinas ad victum monasteriorum quærantibus nē intelligatur, nec de egrotis, quorum inopia manifesta est, dummodo schedam ostendant, qua constat præterita Quadregesima, peccata fuisse confessos, aut intra-

Granat. de officio Rectoris n. 14.

tres dies ea confiteantur. Virum autem, & mulierem simul medicare non permittant, nisi se coniuges esse sufficienti probent testimonio. —

De his, quæ ad Parochos Indo-

R V M A T T I N E N T.

§. I.

QUOD VPIENS hæc Synodus, nè ministri Ecclesiæ Indos exactionibus vexent, nèue Indi litibus, quas ipsi mouere solent, ministros exagitent, statuit, ac præcipit, vt Parochi nihil quidquam stipendij, vel victus, ab Indis petant, nèue amplius accipiant, quam quod sibi fuerit constitutum. Quando vero id acceperint, in libro cum die, mense, & anno describant, ipsiq; ac procuratores loci, seu oppidi subscribant, vt huius rei monumentum extet, falsiq; testimonijs, & calumnijs aditus intercludatur. Cum autem ad oppidum aliquod visitandum diuerterint, ibiq; ei cib⁹ suppeditabitur, ab oppido, vbi resident victus nomine nihil accipiant, nè cum in duob⁹ locis Missas celebrauerint, ab vtroq; ad victum stipendium petant.

§. II.

NON solum ab omni cupiditate, & avaritia, sed iuxta Apostoli præceptum, ab omni earum specie Ecclesiasticos viros ab horrere oportet. Quapropter seculares, & regulares Indorum ministri festi alicuius celebrandi gratia, loca iurisdictionis suæ nè adeant, nisi infra octauam festi, commemorationes vero omnium fidelium defunctorum celebritatem vltra decimum quintum diem mensis Decembris, nè protrahant. Porro à feria quarta Cinerum, vsq; ad Dominicam primam Quadragesimæ tantum, hominum capita Cinere spargant, locum ad id deligentes, in quem omnes suarum regionum homines commodè, huius rei gratia conuenire possint.

§. III.

NIHIL Indis sibi subditis, perse, aut interpositam personam ad Ecclesiarum ornatum, & cultus diuini vsum vendant. Si vero secus fecerint, rei venditæ iacturam faciant, & Episcopi arbitrato puniantur.

§. IIII.

IN suis regionibus duos tantummodo equos habeant, nè si plures habuerint, Indis onerosi sint, & sumptibus ad alendum equos molesti, nisi pro ratione regionis Episcopus aliter iudi-

Mexic. l. c. 59.

Concil. Milan. 5. tit. quæ ad Sacramentalia, & Sacramenta &c. verbo Sacrorum Cinerum.

Mexic. l. c. 59. §. 1.

iudicauerit, tunc enim de eius licentia plures, quam duos habere poterunt. Canes aduenandum nè alant, neq; cum ab vno oppido, in aliud visitandi gratia diuerterint, venando per ambulent, sed ea grauitate, quæ Patres spirituales in eo officio exercendo decet, incedant.

§. V.

VAGOS homines, aleatores, & eos, quorum suspecta fama est, hospitio nè recipiant, hi enim Indis perniciosi sunt, & eis offendiculum parant; sin minus fecerint, grauiter vsq; ad officij priuationem plectantur. Hoc tamen Decreto non prohibetur, nè Hospitales sint erga viatores, sine Indorum incommodo iter agentes.

Mexic. 1. c. 59. §. 4.

§. VI.

QUIA Indi timidi sunt, & pusillanimes, oportet Parochos cum eis mansuetè, ac benigne agere, nec eos minis deterrens, sic enim fit, vt languescunt animo peccata sua confiteri non audeant, ac salutari penitentia remedio destituantur. —

Limef. 3. act. 3. c. 3. ad finem.

§. VII.

QUAM obrem præcipit hæc Synodus, nè Parochi perse in Indos animaduertant, sed per Fiscales, & Iustitiæ ministros ad id deputatos, in quibus corrigendis modus adhibeatur, nec correctionis forma ab Episcopo præscripta excedatur. —

Mexican. 1. c. 60. §. 1. & Guadix tit. 5. const. 11. & Limense 3. act. 4. c. 8.

§. VIII.

INDOS, cum periculo mortis egrotantes peccata confitendi, & Eucharistiam sumendi causa; ad Ecclesias, seu monasteria deferri nullatenus permittant, vt est titulo de Sacramentatione sancitum.

Supra lib. 1. tit. 6.

§. IX.

QUO facilius, ac promptius subditis in tribulatione positis Parochi succurrant, & subditi ad ea, de quibus opus habent Parochos inueniant, ij propè Ecclesias commorentur. Si vero domus habitationis Parochi intra Ecclesiam contineatur, ad cultum domus pro honestate, & reuerentia loci mulieres nè adhibeant, eademq; de causa, nec confessiones domi audiant, nec matrimonia discutiant, sed tantum in Ecclesia, sub pena pondo sex quoties contrafecerint, accusatori, & sumptib; iustitiæ distribuendorum. Cum vero alicuius rei gratia, quæ ad officium pertineat, Indorum domos intrauerint, eos sibi comites adiungant, à quibus omnis prauæ suspicionis occasio omnino aliena sit.

Mexican. 1. c. 59. §. 2. & Mexic. 2. c. 6. Synodal de Quiroga const. 39 ad finem. & Milan 3. tit. de Parochis verbo si quis Parochus.

LIB. TERTII TITVLVS SECVNDVS.

§. X.

Mexic. 2. c. 8. & 9.

DEVOTIONEM subditorum augere strenuè procurent, diebus quoque singulis, quibus Missam audire præceptum non est, eam manè celebrent, & campanæ sono Indi vocentur eo tempore, quo sine impedimento negotiorum, aut operarum Missam audire possint. In diebus verò, in quibus ex præcepto Missa audienda est, si subditi longe absunt, à loco ubi celebratur, eamque in viciniore Ecclesia audire possunt nè prohibeantur, in aliena Parochia Sacrum audire in oppido eis ab Episcopo designato.

§. XI.

Mexic. 1. c. 68. Synod. de Quiroga const. 47.

INDOS carcere inclusos, singula quaq; hebdomada semel visitent, eosq; in tribulatione afflictos consolentur, & impios quomin⁹ Doctrinæ Christianæ documenta audire possint, paterno zelo eadem doceant, ludicesq; adeant, eosq; pro causæ expeditione, & libertate detentorum huiusmodi deprecantur.

§. XII.

Mexic. 1. c. 65.

EXperientia comprobatur, eam esse Indorum naturam, ut facile, quæ docti sunt, obliuiscantur, si eis instituendis assidua diligentia non adhibeatur. Ideo Parochis præcipitur, ut bis saltem in anno Parochias, & districtus suos visitent, quò Christianam Doctrinam Indos doceant, & quos Doctrinæ Christianæ ignaros repererint, annotent, & scribant, eosque ad capescendam iuuent. Quod ut præstent, Indos aliquos bene instructos, quorum fides spectata sit, adhibeant, ijque coram Beneficiario, cui hæc cura incumbit, Christianam Doctrinam alios edoceant, & de illa ab eis rationem quærant. Idemque faciat minister, seu Beneficiari⁹ huiusmodi, nè si Sacerdos huic rei operam non nauat, eaque cura solis Indis committitur, contemnatur hoc ministerium.

§. XIII.

La Real cedula de Barcelona por Iunio año 1585.

In fra lib. 5. tit. 9.

NE vero hæc, quæ hoc titulo decreta sunt, difficultate aliqua inuoluta sint, declarat hæc Synodus, nomine Curatorum regularium in Indorum oppidis comprehendendi Priorum, Guardianum, Vicarium, aut Præfectum monasteriorum, quibus Indi subditi sunt; In ciuitatibus vero, aut oppidis Hispanorum, religiosam personam, cui à superioribus administrationis Indorum cura demandata est. Itidemque exponit, in omnibus, quæ præcipiuntur Curatis, per Decreta huius Synodi comprehendendi Curatos regulares, qui non ex voto Charitatis, sed ex officio hoc munus exercere debent, si illud in se suscipiunt. Quòd ad pœnas vero designatas aliter non comprehenduntur, quam ut titulo de pœnis expressum est —

LIBRI TERTII SI
TITVLVS III.

DE BENEFICIATIS CATHEDRALIVM,
ET PARROCHIALIVM, ET EORVM
OFFICIIS.



De assistentia Beneficiatorum
DIVINIS OFFICIIS DEBITA.

§. I.

PROPVLI Christiani deuotio, ea re maximè conseruatur, quod mirabilis ordo in cultu diuino cernitur, ob varietatem officiorum, & ministeriorum, ex quibus militantis Ecclesię ornatę varietate pulchritudo mirifica cernitur, quod, quam ob causam diligenter curandum est, nè diuina hæc harmonia, vllatenus dissonet, immo Præbendati, & Beneficiati omnes, plenè id totum adimpleant, quod sibi incumbit ex officio, cuius ratione beneficium confertur. —

§. II.

QUOD, vt fiat; hæc Synodus in primis præcipit, dignitatibus, Canonicis, Præbendatis, Beneficiatis, & ministris omnibus Ecclesiarum Cathedralium, vt in omnibus, & per omnia institutiones dignitatum, Canonicatum, & Beneficiorum huiusmodi obseruent, rituale, quoq; statuta, Decretaq; huius Synodi, sub pænis in eis contentis, adimpleant.

*Concil. Milan. 4. tit. quæ
pertinent, ad Capitula Ca-
thedralium.*

§. III.

QUANDO Episcopus præbendatum aliquem in carcerem coniecerit, eundem ve suspenderit, excommunicauerit, aut distributionibus priuauerit, nè multę huiusmodi frustrentur, Præbendati ceteri, huic remittere non poterunt, quod ex absentijs, vel condemnatione amiserit, nec tantumdem quantum perdiderit, aut aliquam partem in compensationem, aut aliàs eidem condonare. Quod si secus fecerit, actus, & contractus huiusmodi irriti sint, totumque id, quod remiserunt in foro conscientię soluere teneantur fabricæ Cathedralis Ecclesiæ.

Tolet. act. 3. c. 20.

§. III.

Sess. 24 c. 17.

*Real cedula, y es generalen
las Indias, & concordat Cõ.
cil. Limens. 3. act. 3. c. 30.*

AD diuini cultus augmentum, sanctum Concilium Tri-
dentinum interdixit, nè vllus duo beneficia obtineret,
cuius auctoritatem sequuta hæc Synodus decernit, vt capelle
in Cathedralibus Ecclesijs, seu Parochialib⁹ institutæ, si à pri-
mæua sua institutione dignitati alicui, canonicatui, seu benefi-
cio annexæ non sint, nequaquam capitulari alicui, seu benefi-
ciato conferantur, sed Clericis alijs, qui eis inseruiant, sicque
fiat, vt ministrorum numerus, & Ecclesiarum cultus accrescat.

§. V.

*Tolet. act. 3. c. 4. & Com-
postel. act. 2. c. 22. & Pro-
uincial de Quiroga action. 3.
Decret. 15. & Milanens. 2.
tit. 2. Decreto 27.*

PRæbendati omnes cuiuscumque conditionis sint, fermo-
nibus, qui ad populum inter Missarum solemnias habentur,
præsentes adsint, in Cathedrali Ecclesia, aut vbi Decanus,
& Capitulum in forma Capituli interuenerit, sub pæna amit-
tendi distributiones eo die percipiendas ratione Missæ Conuē-
tualis, & processionis. Nè autem diuinis officijs, & prædica-
tioni verbi Dei intersint, ob quamcumque Ecclesiæ rerum ad-
ministrationem sibi iniunctam, nullatenus excusentur.

§. VI.

*Compostel. act. 2. c. 25. &
facit Tolet. act. 3. c. 6. &
Milanens. 3. fol. 595. verbo
feria quinta.*

ITIDEM Præbendati, Beneficiati, & ministri omnes Ca-
thedralis Ecclesiæ, etiam si Sacerdotes sint, feria quinta in
Cœna Domini, in ipsa Missa conuentali communicent, si vero
quis secus fecerit, distributiones illius hebdomadæ amittat.
Quò vero debit⁹ cultus, & reuerentia Cruci adhibeatur, in qua
CHRISTVS Crucifixus nostræ salutis misterium opera-
tus est: Præcipitur præbendatis omnibus, Beneficiatis, & Cu-
ratis Cathedralis, & cæterarum Ecclesiarum, vt in processio-
nibus publicis, seu inhumandis defunctis Crucem comitten-
tur, ab exitu eius Ecclesiæ, à qua profecti sunt, vsque ad redi-
tum in eandem in forma processionis, nè populus Sacerdotib⁹
auaritiæ notam inurat, si deposito funere Crucem postea non
comittentur, immo potius, ea in Crucem reuerentia, & deu-
tio eluceat in Ecclesiasticis, vt ædificationi potius populo sint,
quam scandalo. Quod si quis in hoc deliquerit, distributiones,
& obuentiones, ex processione, aut extumulando mortuo sibi
prouenientes amittat, in quò exequendo, eius, qui in Choro
præsidet, conscientia oneratur, sin minus contra eum seuerè,
vt oportuerit, procedatur.

*Compostel. act. 2. c. 26. &
Milan. 1. p. 2. tit. de pro-
cessionib. & supplicationib.
& Milan. 4. tit. de proces-
sionib⁹ in princip. & Concil.
Diœcesanum de Osma tit.
2. const. 5. §. 26.*

TITVLVS IIII.

DE OFFICIO SACRISTÆ.



§. I.

TEMPLORVM ornatus, & exterior cultus, ac diuinorum officiorum celebratio, ex cura, & diligentia, quam sacristæ maiores, & minores officio suo impendunt, non mediocriter dependet. Quare eis iniungitur, vt omnipotentis illius Domini maiestatem, cuius domui inseruiunt contemplantes, & sententiam Hyeremiæ Prophetæ, quæ maledictum illum appellat, qui opus Dei negligenter facit, ob oculos sibi ponentes, toto pectore incumbant, vt Ecclesiæ cum nitore, & ornatu teneantur, & indumenta Sacra, aliquæque ornamenta conseruentur, Missis etiam, & diuinis officijs celebrandis totum id, quod opus fuerit, tribuatur: In quibus, & in alijs similibus, quod in rituali, & Decretis huius Synodi sacristis iniunctum est, inuiolabiliter obseruent. Hostias ipsi perse conficiant, aut saltem in his conficiendis præsentibus ad sint, nec patiantur, vt Indi (ipsis non videntibus) eas conficiant, nec in suis domibus venales habeant. Quod si fecus fecerint, pro sua negligentia in re tanti momenti, & quæ ad sanctum Missæ Sacrificium spectat grauiter punientur.

§. II.

QVANDO fuerint requisiti, vel ob Notarij defectum, vel quod is impediatur, Ecclesiastica edicta partibus nuntiabunt, & censuras publicabunt, denuntiationesq;, & publicationes, quas fecerint, in dorso edictorum huiusmodi, cum die, mense, anno, & testibus describant, vt ea de re publicum extet monumentum.

§. III.

PVNCTORUM etiam officium exerceant, annotentque Beneficiatos, & capellanos, qui Missas, quas debent non celebrauerint, aut qui, anniuersarijs, & festis Capellarum, vbi Ecclesijs suis in seruire debent, non interfuerint, Episcopumq; aut Visitatorem sacristæ huius rei certiore faciant, vt punitis negligentijs, voluntas eorum, qui Cappellas fundarunt, integrè ad impleatur. —

Hyerem. c. 48.

*Grana. tit. de offic. sacrist.
& Synod. de Quiroga cōst.
55. & 56. & Milanens. 4.
tit. de sacristia.*

*Granatēs. de offic. sacristæ
n. 5. & Synod. de Quiroga,
const. 85. & Milan. 4. fol.
649. verbo Clericus, Versi-
culo Hostias.*

*Synod. de Quiroga consti-
tutione 56.*



LIBRI TERTII
TITVLVS V.
DE VITA, ET HONESTATE
CLERICORVM.

De Clericorum habitu, & cul-
TV EXTERNO.

§. I.



*Mexic. 1. c. 48. & Mex.
2. c. 22. Guadix. tit. 5. Ta-
rracon. Concil. tit. de vita,
& honest. Clericor. Milan.
1. p. 2. tit. de Clericor. ves-
titu, & Granat. de vita, &
honest. Clericor. & Synodal
de Quirog. const. 36. 37. &
38. & Prouinc. eiusdē Qui-
roga, act. 3. c. 35. & Limē-
se 3. act. 3. c. 15. & 16. &
Milan. 4. 3. p. tit. de vita,
& honestate Clericorum.
Sess. 14. c. 6. de reform.*

VONIAM Clerici, alijs omnibus, tamquam exemplum propositi sunt, ad imitandum adeò, vt illa Domini sententia, qua discipulos suos lucem mundi appellauit, de eis non incongruè intelligatur; oportet maximè, vt non solum mentem interius componant, sed vt exteriori habitu honestatē, & modestiam præferant, nè hominib⁹, de externis solum iudicantibus scandalo sint, eorumque status, & ministerium, in contemptum veniant. Id circo in executionem Concilij Tridentini hæc Synodus statuit, ac præcipit, vt exterior habitus Clericorum omnium Sacro ordine initiatorum virtutem, honestatem, morumq; grauitatem ostendat, prout decet Clericalem statum, quod vt melius fiat, sequentes regulas obseruabunt. —

§. II.

*Gran. dicto tit. de vita, &
honest. Clericor. n. 2. Pro-
uincial de Quiroga act. 3.
c. 35. Limense 3. act. 3. c.
16. & Milan. 5. tit. que
ad Clericorum honestatem at-
tinent.*

IN primis, Clericali tonsura insigniti sint, ad eam formam, quam ratio vnus cuiusque ordinis postulabit, comam non nutriant, Barbam nouacula radant, vel ita recidant, vt nihil seculare remaneat, quod populo ludibrio esse possit. Habitum honestum deferant, tunicas clausas, aut alterius generis cum pallio, quod Mantellum vocant, ad talos vsque dimittant, & in omni vestitu nō alium, quam nigrum colorem adhibeant. Verum tamen si iter faciendum sit contraciōri habitu, & ad iter accommodato, nigri tamen coloris, & parum infragenu demisso, eis vti liceat, vt ex habitu Clericos, & Ecclesiasticos ministros esse, vbique appareat.

§. III.

*Granat. tit. de vita, & ho-
nest. Clericor. n. 2. & Sy-
nodal de Quiroga const. 36.*

HOLoserico vestimento, vndulato ve, subserico, aut opere goruaranio ex Castella, aut ex China allato, nè vtantur, Præbendati tamen, aut licentiati in Theologia, vel Decretis

cretis per probatam vniuersitatem togas subserici tafetaneo opere, aut goruarani intertexti domi gestare poterunt, foris vero sine pallio, mantello nuncupato, nè includant. Manicas serici rasi, calceos, aut crepidas, holoserici villosi, caligas sericas turgidas, & dissectas nè deferant, vestitu fimbriato, clauis sericis, phygys ve, aut segmentis ornato, nè vtantur, sed segmenta rasi serici, aut tafetani, quę duorum, aut trium digitorum latitudinem non excedant, in extremitate pallij, seu mantelli gestare poterunt. Galerum acumunatum, seu id genus pilei, quod Hispani montera, aut gorra appellant, aut sericum pileum, nè deferant, sed tantum laneo galero, & ea forma confecto vtantur, quo grauitatem sui status profiteantur.

§. III.

CA MISSAS ad collum, & ad manum crispas, vel artificio elaboratas, in Sacro ordine constituti reijciant. Zonas sericas aureo, argento calatas, cothurnos albos argenteo, alio ve colore elaboratos nè deferant. Chirotecas odoribus conditas, aut dissectas, colore aliquo tinctas nè ferant. Annu-
los non induant, nisi quibus, propter officij munus, aut honoris gradum, sint iure concessi, qui vero secus fecerint annulos amittant, eorumq; pretium in vsum piorum operum erogetur. Cuius rei executio, Iudicibus, & ministris Ecclesiasticis iungitur.

§. V.

QVONIAM vero alij in alio extremo versantes, Clericali statui dedecori sunt, qui nimis abiectis vestibus, sordidis, & pannosis vtuntur, Precipit hæc Synod⁹, vt si quando officiales vestibus huiusmodi indutum quemquam compererint, eum in publicum prodire nè patiantur, donec decenti habitu (si potest) ipse se induat, aut ei, si pauper sit, vestitus prouideatur. —

§. VI.

LVgubres vestes Clericis interduntur, nisi pro morte Patris, aut Matris, quas tunc ad modum secularium nè gestent, nec aperto capite incedant, aut barbam huius rei causa relaxent, neque his vestibus amplius quam per duos menses vtantur. —

§. VII.

SVperpellicea, rete, alio ve eleganti artificio elaborata, aut aded contracta, vt infragenu non dimittantur, nè induant.

§. VIII.

EQVO nè vehantur, nisi iterfecerint, si vero mulis vehuntur, eas nè ornent, neq; ornatum gualdrapum, * eis adhi-

Prouinc. de Quiroga, & Limense vbi supra.

Prouinc. de Quirog. act. 3. c. 35.

Limense 3. action. 3. c. 16. Granat. vbi supra n. 3. Mexic. 1. c. 48. §. 1. in fine, Guadix tit. 5. const. 2. Milan. 1. p. 2. tit. de Clericorum vestitu, & reliqua vite moderatione verbo annullum, & Granat. d. tit. de vita, & honest. Clericor. n. 3. Prouinc. de Quiroga act. 3. c. 35. Milan. 4. 3. p. tit. de vita, & honestate Clericorum fol. 668. verbo nulli Sacerdoti.

Granat. vbi sup. n. 8.

Gran. vbi sup. n. 9. Synod. de Quirog. const. 36. Milan. Concil. 5. fol. 766. verbo Clericus, qui amictu.

Prouinc. de Quiroga act. 3. c. 35.

*

Hoc est luterus.

Granat. vbi supra n. 4. Synodal de Quiroga const. 36.

adhibeant, nisi Præbendati sint, aut Licentiati, vel Doctores in Theologia, vel Decretis, qui hoc ornatu (laneo tamen) vti poterunt, sericis vero alijs ornamentis, frenis stapyjs, aut calcaribus de auratis, aut argento laboratis nequaquam vtantur.

§. IX.

OMNES huius Prouinciæ Clerici Sacris initiati, cuiuscunque status, & conditionis sint, quod hoc Decreto eis iubetur diligenter obseruent, rebusq; in eo prohibitis nè vtantur, quod si secus fecerint, & in habitu seculari incesserint, vestes amittant, earumq; pretium executori iustitiæ, aut accusatori, & Iudici à quo sententia lata fuerit, æquis partibus, distribuatur. Qui vero rebus alijs hoc Decreto sancitis contrauerint, quoties id cõmiserint, pœnam pondo octo incurrant, quæ pijs operibus, & Iudici ex officio contra eos sententiam ferenti si accusator non adsit, æquè applicentur. Cauetur autem, vt vestibus, quas ante hoc Decretum ferre licebat, per octo menses, & non amplius, vti liceat.

§. X.

QVI verò hoc Decreto prohibita attentauerit, aut quæ de cetero Episcop⁹ quò ad Clericalem habitum publico edicto vetuerit, præter pœnas contra eos hic statutas iuxta formam Concilij Tridentini grauioribus alijs pœnis punientur, vsque ad suspensionem, & officij, ac beneficij priuationem, si id eorum contumacia postulauerit, nè quis de eorum exteriori habitu obseruare contemnat, quod ad populi Christiani aedificationem, & bonæ vitæ exemplum non mediocriter confert.

De euitandis spectaculis vanis,

ET ACTIONIBVS PROPHANIS.

§. I.

Multorum interitus, vulnera, aliaq; damna, quæ ex Taurorum spectaculis proueniebant vitarentur, fœlicis Recordationis PIVS Papa V. motu proprio, principibus, republicisq; sub pœna excommunicationis latæ sententiæ præcipit, nè Taurorum spectacula fieri in suis iurisdictionibus consentirent: interdixit itidem, nè Clerici, regulares, & seculares Sacro ordine initiati, vel Ecclesiasticum beneficium obtinentes, spectaculis huiusmodi, sub pœna excommunicationis assisterent. Postea vero fœlic. Recordat. Gregorius Papa XIII. suo Apostolico breui concessit, Taurorum spectacula, his tamen conditionibus, si ea festo die nè si,

Seß. 14. c. 6. & seß. 24. c. 12. verbo vestitum in super. & seß. 22. c. 1. de re-form. & sunt alia Concilia, quæ refert. Ioannes Trullo in expositione regulæ Canonicorum regularium lib. 2. c. 30. à num. 2.

Motus propius Pij V. in Bullario Apostolico. Mexic. 1. c. 48. §. 3. Gaudix tit. 5. const. 14. Gran. de vita, & honest. Cleric. n. 18. Toler. act. 3. c. 26. & Synod. de Quiroga const. 37. in fine, & sunt alia Concil. Prouinc. quæ refert Ioannes Garcia Gallego tractatu de expensis, & Meliorationibus c. 21. n. 29.

nè fiant, si Guuernatores, aut magistratus quantum fieri poterit, diligenter caueant, nè ob hanc causam alicuius mors eueniat. Necnon censuras, & penas, quò ad seculares personas, & militarium ordinum milites in Sacro ordine minimè constitutos suspendit: Quare iuxta hanc constitutionem Põtificis, quorundam Clericorum licentiam hæc Synodus animaduertens, statuit, ac præcipit, nè vllus Clericus in Sacro ordine constitutus, aut Beneficiatus Taurorum spectaculis interfit, sub pæna in Apostolicis literis statuta, ac grauioribus alijs, quibus, vt huic malo occurratur, contra eos procedetur.

§. II.

Interdictit etiam hæc Synodus, nè Clericus vllus Sacro ordine initiatus, personatus, aut laruatus incedat; neq; in comedijs personam agat, etiam in festo Corporis CHRISTI, neq; cum Thorace, aut Caligis quantumuis permisis, sine tunica talari per vias, & plateas de ambulet, neque alijs vtatur varij coloris prophanis ornamentis, sub pæna pondo viginti si semel id commiserit, si bis, duplum persoluat idq; in sumptus iustitiæ, accusatorem, & pia opera conferatur. Si vero tertium Episcopus per duos menses ab officio, & beneficio suspendat.

§. III.

NE canciunculas inhonestas, aut prophanas cantent, nè uè in nouis Misis, nuptijs, aut alijs festis saltent, scurrilia verba nè proferant, aut Citharædos referant, neq; iocosè in hominum cõgressu prædicent, sub eadem pæna; Indorum etiam ministri, ad domus eorum, qui inter Indos proceres sunt, aut aliorum Indorum conuiuandi gratia nè accedant: sed ad Hospitium Clericis designatum. Euenire enim solet, vt ex nimia cum eis familiaritate Indi ministris reuerentiam non exhibeant, Doctrinæque interesse, & ea obire, quæ suarum saluti maximè sunt necessaria audacter contemnant.

§. IIII.

QUIA Sacrorum Canonum constitutionibus prohibitum est Clericis, nè vili, & ignobili aliqua arte vtantur, interdicit quoq; hæc Synodus, nè vllus Clericus veterinarij * artem exerceat, nec mularum, aut equorum domitor sit. Quod si secus fecerit grauius punietur. In hoc vero Ordinarij conscientia maximè iniungitur, vt tam infimam, tamque in decoram artem ab Ecclesiasticis viris procul arceat.

§. V.

NVLLVS Clericus propter imminens periculum, seruum, famulum, aliam ve personam perse corrigendo puniat;

O ij

Greg. XIII. in 2. p. Bullarj Apostolici.

Tex. in c. vnico de vita, & honest. Clericorum lib. 6. Mexi. 1. c. 48. §. 1. Grana. ubi supra n. 13. & Toler. act. 2. c. 21. in fine, & Limens. 3. act. 3. c. 20.

Mexic. 1. c. 48. §. 3. in princip. Guadix tit. 5. cõst. 16. & Grana. ibi n. 13. Synod. de Quiroga cõst. 37. & Concil. Milan. 4. 3. p. tit. de vita, & honest. Clericor. fol. 668. verbo in omni, item Vers. Quam obrem.

* Albeiteria. Iubet tx. in cap. vnico de vita, & honest. Cleric. lib. 6. & tx. in Clement. 1. Vers. aduersus vero alios eodẽ tit. de vita, & honest. Clericor.

Mexican. 1. c. 60. §. 1. & Guadix tit. 6. const. 11. & Limens. 3. act. 4. c. 8.

Mexi. 1. c. 55. & Guadix tit. 5. const. 12. & Milan. 1. 2. p. tit. de Armis, ludis, spectaculis, & eius modi à Clerico vitandis, & Gran. tit. de vita, & honest. Clericorum n. 10. & Synod. de Quiroga const. 36. & Limens. 3. act. 3. c. 16.

Mexic. 1. c. 55. §. 1. & Milanense 1. vbi supra, & Synodal de Quiroga const. 36.

Mexic. 1. c. 55. & Guadix tit. 5. const. 17. Milan. 1. 2. p. tit. de negotijs secularibus à Clerico fugiendis Vers. nè ve præcursor, & Tolet. actione 2. c. 22. & act. 3. c. 19. Granat. tit. de vita, & honest. Clericor. n. 19. Synod. de Quiroga const. 36. in fine, & Prouinc. de Quiroga action. 3. c. 36. & Limense 3. act. 3. c. 18. & Milanense. 5. fol. 767. verbo quæ in Concilio, & Synod. de Osma tit. 8. const. 1. §. 8.

niat; nisi moderata sit punitio, & qua magis proximi correctio procuretur, quam de eo summatur vindicta, quæ ab his longe ab esse debet, qui morbis medentur animarum.

§. VI.

NE Clerici arma cuius vis generis, ad offensionem, vel defensionem die, aut nocte, in ciuitate, aut oppido ferant, nèue in habitu seculari, cum musicis instrumentis noctu incedant, nec suspectas domos ingrediantur, sin minus pæna amittendi, arma, instrumenta musica, & habitum indecentem, nec non soluendi pondo decem incurrant, quæ in piorum operum, & executoris iustitiæ vsum æquè erigentur. Si vero excutori iustitiæ, aut Fiscali violenter resisterint, in carcerem conijciantur, arbitrioque Episcopi seuerius puniantur.

§. VII.

Archabusio etiam, dum interfaciunt, aut in venationibus, vel in alijs actionibus nè vtantur. Sin minus, Archabusium amittant, & pondo decem accusatori, velsi is non adsit, Iudici, pijs operibus, & iustitiæ sumptibus æquè persoluant; Illi tamen, qui per regiones, vbi bellum geritur, interfaciunt, aut etiam aliam iustam causam, Archabusio, alijs vè armis vti poterunt, scripto impetrata venia ab Episcopo, cuius consciētīę, hæc Synodus iniungit, vt id re bene explorata, causisq; vrgentibus solum permittat.

§. VIII.

INDIGNVM est, & Ecclesiastico honori valdè indecorum, vt Clerici, qui in sortem Domini vocati sunt, & diuino cultui addicti præcursores, siue asseclæ, æconomi, aut famuli sint secularium personarum, præsertim mulierum. Quare, vt hæc macula à Clero prorsus deleatur, mandat hæc Synodus, nè vllus Sacro ordine initiatus, cuiuscumq; dignitatis, & qualitatis, præcursor, aut assecla fœminarum, etiam matris, & sororis vllatenus sit, sub pæna excommunicationis, quam Clericus, & fœmina, cui is obsequium huiusmodi præstitit, incurrant. Interdicit etiam, nè vllus Clericus in Sacris constitutus famulus, procurator, æconomus ve sit alicuius personæ secularis, aut eius negotia, vel facultates tractet, sub eadem pæna; Non tamen prohibetur, nè (Clericalis status decoro seruato) liberos personarum secularium erudiendos Clerici suscipiant, eorumque sint magistri, & præceptores. Nullus præterea Clericus Indam fœminam, aut Ancillam suam dorso equi, aut mulæ vehat; Ministri quoque Indorum cum ex vno oppido in aliud, aut ex vno districtu in alium diuerterint, Indam aliquam fœminam secum nè deferant, eo prætextu, quod sibi inferuire debe-

debeat: Sin minus Episcopi arbitratu feuerè puniantur.

§. IX.

Perpendens hæc Synodus, quantum à Sacerdote, qui Sacrum frequentans, hospitium CHRISTO Domino præbet, abhorreere debeat ebritas, qua rationis vsus amittitur, sensusq;, & corporales facultates debilitatè languescunt, tam fuerit sui oblitus, tamque in temperatus, vt vino inebrietur. Si is beneficium obtinuerit, ab administratione Sacramentorum pro prima vice per quatuor menses suspendatur: pro secunda per annum; pro tertia beneficio priuetur, & inhabilis ad aliud obtinendum efficiatur. Si vero beneficium non obtineat, & semel hoc crimen commiserit, ad inclusionem carceris per duos menses damnetur, Si bis inidem inciderit, per quatuor menses detineatur, si ter à Diocesi tamdiu relegetur, quamdiu videbitur Episcopo.

De Ludis Clericis prohibitis.

§. I.

VIVSVIS generis ludus hominibus maximo nocumento est, Clericis præsertim, quib⁹ ratione Clericalis officij, in sanctè, & laudabiliter agendo tempus terendum esset, ab eisque redditus Ecclesiastici pijs operibus essent impendendi. Eam ob causam hæc Synodus decernit, ac iubet, nè vllus Sacro ordine initiatus, aut Beneficiatus hui⁹ Archiepiscopatus, & Prouinciæ clam, aut publicè, perse, vel interpositam personam ludum prohibitum exerceat, veluti aleæ, tesserarum, ac Tallorum, quæ ludorum genera regijs sanctionibus prohibentur, nec in ludo pecuniæ, gemmæ, aut alia, quæ pecunia estimari possunt intercedant, sub pena restituendi totum id, quod ludendo lucrati fuerint, & pro prima vice penam pondo triginta, in vsus fabricæ Cathedralis, aut Parrochialis, eius ciuitatis, vel oppidi, vbi id euenerit, & in vsus accusatoris: pro secunda vice pena duplicetur, pro tertia vltra dictam penam alijs grauioribus, arbitratu Episcopi puniantur, nec solum ludere Clerici interdicuntur, sed nè spectatores ludorum sint, hæc Synodus statuit. In domibus itidem suis Clerici ludum nè permittant, nec alæas porrigant, nec pro alæis pretium extorqueant, nec mutuo pecunias ad ludendum dent, aut proquoquam in ludo spondeant. Sin minus contra Clericos huiusmodi aleatorum susceptores procedatur, & ita coerceantur, vt Populus ædificetur, & tam turpis corruptela, ac ministris Dei prorsus indigna funditus extirpetur.

O iij

Mex. 1. c. 48. §. 2. in fine, & Granat. de vita, & honest. Clericor. n. 14.

Tx. in cap. Clerici de vita, & honest. Cleric. & tx. in cap. inter dilectos 1. p. de excessibus Prælatorum. Concil. Trid. Sess. 22. c. 1. de reform.

Est Titulus 7. lib. 8. recopilat. & lex 13. tit. 7. eodem lib. 8. recopil.

Mexi. 1. c. 50. & Guadix tit. 5. constit. 5. & Milan. 1. 2. p. d. tit. de Armis, ludis, &c. & Granat. de vita, & honestate Clericor. n. 11. & Synodal de Quiroga const. 37. & Limens. 3. act. 3. c. 17.

tur. In quo hæc Synodus Episcoporum, & Iudicum conscientias vehementer onerat, at præterea Clerici, huiusmodi partibus, si petierint, intra nouem dies soluere compellantur, totum id damnum, quod in ludo intercessit. Quod si partes dissimulauerint, Fiscalis, aut executor Iustitiæ Ecclesiasticus, intra duos menses petere possit, idque in accusatoris, piorum operum, & Iudicis vsum æquis partibus erogetur. Si autem Fiscals huiusmodi rei conscij, in accusando negligentes sint, pro sua contumacia, & negligentia, etiam vsque ad officij priuationem arbitratu Ordinariorum puniantur.

§. II.

Mex. 1. c. 50. §. 1. Guadix tit. 5. const. 5. & Gran. de vita, & honest. Clericor. n. 11. & Synod. de Quiroga const. 37.

PRæterea vt omnem grauitatem, & modestiam (pro vt decet Clericalem statum) Clerici profiteantur; eis publicè pila ludere prohibetur, & priuatim quoque cum secularibus, vel coram secularibus personis, Globos ligneos publicè ludendi nè impellant, sub penis statutis, præter quas, amittant etiam vestes, quibus ad Globorum ludum exercendum exuti fuerint, hæc vero vestes per tertias partes applicentur, vt constitutum est. —

§. III.

*
Axedres.
Ex supra notatis fundatur.

SA CHIA * itidem, aut alijs ludis permisis, nè ludant in locis publicis, aut in domibus, quò ad id multitudo hominum conuenit, veluti in domibus Aromatariorum, aut Tonforum. Si autem in occulto ludos licitos huiusmodi exercuerint; numerosa pecunia in eis non intercedat, aliter enim pro qualitate excessus corrigentur.

§. IIII.

VT autem incommoda, & scandala, quæ quotidie in his partibus audiuntur, euitentur; nequaquam publicè, aut priuatim Clerici cum mulieribus etiam consanguineis ludant: Si vero secus fiat Episcoporum conscientijs hæc Synodus iungit, quatenus adeò grauibz penis delinquentes coerceant, vt deprauata hæc consuetudo, & in omnes partes pernitiola refecetur. —

§. V.

Ex lege Regia 10. 11. tit. 7. lib. 8. recopil. Mexic. 1. c. 50. & Guadix tit. 5. const. 5. & Milan. 1. 2. p. tit. de Armis, & ludis, & Granat. tit. de vita, & honest. Cleric. n. 51. & Limense 3. action. 3. c. 17. & facit

HIS vero non obstantibus, quæ hoc Decreto constituta, & decreta sunt, declarat hæc Synodus, vt recreandi animi causa, extra tempus aduentus, & Quadragesimæ, ludi liciti Clericis permittantur, summa duorum pondo tantum intercedente, dummodo id raro, sine scandalo, & cum personis honestis fiat. Qui vero summam pecuniæ huiusmodi excefferint, in foro conscientia restitueretenebuntur, quidquid amplius, fue-

fuerint lucrati, quia hoc Decreto maioris pecuniæ lucrum interdicitur. Pecunia vero, quæ præscriptam summam in ludo excefferit, fabricæ Cathedralis Ecclesiæ, aut Parrochialis eius ciuitatis, vel oppidi, ubi id contigerit applicetur, si is, qui petierit, liberè de ea pecuniæ summa disponere possit, si vero liberè de ea disponere non possit, restitutio ei fiat, ad quem vero pertinet. —

De usu frequenti Eucharistiæ.

§. I.

V **E** **T** Diaconi, & Subdiaconi eò magis ad dignè celebrandum se præparent, quò magis ad Sacrum Præbiteratus ordinem accedunt, Sacrosanctum Concilium Tridentinum maximè decere constituit, vt saltem hi, diebus Dominicis, & solemnib⁹, cum Altari ministrauerint, Sacram communionem percipiant. Cuius auctoritatem sequuta hæc Synodus Diaconis, & subdiaconis huius Prouinciæ in virtute sanctæ obedientiæ præcipit, vt in diebus Natiuitatis Dñi, Resurrectionis, Penthecostes, festi Corporis Christi, Assumptionis Beatæ Mariæ, sanctorum Apostolorum Petri, & Pauli, & festi omnium Sanctorum, in prima quoque Dominica Aduentus, & Quadragesimæ peccata sua confessi in Missa solemni communicent, quò populus hoc exemplo, & continuatione ædificetur, vt vero his temporibus peccata confiteantur in facultate eorum sit eligere confessarium, quem maluerint, ex approbatis per Ordinarium, qui confessari⁹ eos absolueret possit ab omnibus peccatis, etiam Ordinario reseruatis.

§. II.

Q **V** **I** **A** maiori vinculo tenentur Præbiteri, tum ad propriam, tum ad Ecclesiæ spiritualem vtilitatem, frequenter Sacrum celebrare; Concilij Tridentini auctoritati innixa hæc Synodus præcipit, vt hi Dominicis diebus, & festis solemnibus, Die commemorationis defunctorum, & quotidie in Quadragesima Missas celebrent, qui, vt ea animi puritate, & deuotione, quibus opus est, ad tantum Sacrificium accedant, eis iniungitur, vt etiam si alicuius peccati mortalis conscij non sint, singulis octo diebus, aut crebrius, ad confessionem se præparent, eligantque sibi confessarium ex Idoneis, & ab Ordinario facultatem habentibus. —

reg. ordinis militaris sancti Iacobi tit. 22. c. 10. y en los establecimientos eiusdem ordinis S. Iacobi tit. 8. c. 3.

Seß. 23. c. 13.

Mexic. 1. c. 52. & Tolet.

act. 3. c. 6. & Granat. tit.

de celebrat. Missarū n. 28.

Milan. 1. p. 2. tit. de fre-

quenti diuini sacrificij obla-

tione, & Mediolan. 2. tit.

2. Decreto 26.

Seß. 23. c. 14.

& Synod. de Quiroga const.

80.

TITVLVS VI.

De Clericis non residentibus.



VIA non potest non magno esse subditis detrimento, eorum absentia, quibus animarum cura incumbit, hæc Synodus in executionem Concilij Tridentini præcipit, nè vllus Vicarius, Curat^{us}, aut Beneficiatus ex sua Parrochia, iurisdictione, & districtu, alio diuertat sine facultate Episcopi causa expressa, & approbata, & pro eo tempore, quod in facultate huiusmodi fuerit præfinitum, sub pænâ pondo viginti, quæ in vsus Ecclesiæ, cuius curam gerit, accusatoris, aut, eo deficiente, Iudicis pronuntiantis æquæ erogentur, quando vero hac facultate obtenta ad ciuitatem, vbi sedes Episcopalis residet peruenerint, intra viginti quatuor horarum spatium, coram Episcopo, aut eius officiali præsentem se constituent, si vero impediti fuerint, de aduentu suo per interpositam personam, intra præfixum terminum rationem reddent, sin minus pondo decem accusatoris, & Iustitiæ sumptibus æquæ distribuendorum pænâ incurrant.

§. II.

TA MET SI iuxta erectiones, huius Archiepiscopatus, & Prouinciæ nullum tempus Præbendatis ad requiem constitutum est, cum tota massa ex quotidianis distributionibus pendeat, nihilominus perpendens hæc Synodus, vsus, & consuetudines Cathedralium Ecclesiarum, harum partium variari, quo fit, vt nulla consuetudo vim legis habere videatur, cumq; assiduus laboribus aliquod temporis intervallum ad requiem intermittendum sit, permittit, vt Præbendati sexaginta diebus ad requiem potiantur, quos etiam ipsi eligere poterunt, quibus diebus, à punctatoribus non annotentur illi, quo vsque aliter fuerit à sanctiss. Domino nostro Papa constitutum, extra hos autem dies absentie à diuinis officijs, etiam cum consensu habito, sine iuxta ægritudinis causa, & multæ, quas ob hanc causam incurrerint, præbendatis nè remittantur. Quod si aliter fiat, qui multas huiusmodi, remiserint tantumdem fabricæ Cathedralis restituere teneantur, quantum remiserunt.

Vt cons-

*Seß. 6. c. 2. de reform.
Supra tit. de officio Episcoporum §. 14.
Concil. Limens. 3. act. 2. c. 41. Guadix tit. 3. const. 14. & Tolet. act. 2. c. 25. & 26. & action. 3. c. 23. & Synod. de Quiroga const. 39. & Milan. 4. tit. de Clericorum ad festorum dierum.*

Concil. Limens. 2. c. 72. & Concil. 3. act. 3. c. 26. & 28.

Declarationem Cardinal. refert. Nicolaus Garcia, tom. 1. de Beneficijs 3. p. cap. 2. §. 1. n. 311. & 312.

Concil. Limens. 2. c. 66. ad finem.

§. III.

VT constet manifestè, qui Præbendati Sacras horas, & diuina officia non obierint: singulis Cathedralibus Ecclesijs, probatè fidei Sacerdos in punctatorem creetur, qui coram Episcopo, aut eius officiali iuret, se in officio suo obeundo, fidem, & diligentiam præstiturum, & librum punctationum accurate asseruaturum, illumque, cuiquam minimè ostensurum, neque antea capitula redditurum, quam officij sui rationem reddiderit, deinde liber punctationum in Archiuio Ecclesiæ reponatur. Si vero punctator absit, alius substituatur, qui, præstito iuramento, altero in libro omnes notet, qui diuinis officijs non interfuerint, eo tempore, quo punctator ab fuit. Punctatori vero redeunti huius rei rationem reddat, vt punctationes in eius absentia notatas, in librum suum transcribat, officium autem punctatoris nullus nisi Sacerdos exerceat, neque ab eo sine iusta causa remoueatur. —

Concil. Compostel. act. 2. c. 27. Conc. Limens. 2. c. 65. & Milan. 1. 2. par. tit. de officio Punctatoris, & 4. Milanense 2. par. tit. de distributionibus, verbo quod de Punctatorum.

§. IIII.

CVRATI omnes, tam Cathedralium, quam Parrochialium Ecclesiarum, non per substitutos, sed perse ipsos officijs suis fungantur, si ægritudine, aut alia legitima causa impediti non sint. His autem rebus, quæ sibi ex munere conueniunt, accuratiorem operam præstent, quam alijs, quæ etiam si bonæ sint, eos tamen impediunt, à Cura Parrochiali, cui sollicitè intentos esse oportet: Si vero in sepeliendis mortuis, alijs Sacerdos eorum loco officium celebrauerit, ipsi, quæ solum funus committentur, tantumdem stipendij percipiant, & non amplius. Quod si præsentibus non interfuerint, nihil huius rei causa percipiant, idque Iudices, & Visitatores ita seruari faciant.

Concil. Triden. sess. 24. c. 12. verbo Omnes vero.

Concil. Milanen. 4. tit. de Parrochijs verbo vsu competentum est.

§. V.

STATVIT etiam, ac præcipit hæc Synodus, vt tam in Ecclesijs Cathedralib⁹, quam Parrochialibus, vbi plures, quam vnus Beneficiatus, aut Parrochus, Sacerdotes sunt, illi qui hebdomadarij officium non exercent, à residentia personali in diuinis officijs non sint exempti, neq; hinc occasione desumpta, ab eis absint: Quod si secus fecerint pro rata temporis stipendium, & obuentiones beneficij amittant, quæ fabricæ illius Ecclesiæ applicentur, solum enim ad hebdomadarum pertinet Missas cantare, & horas Canonicas inchoare cum strictiori administrationis Sacramentorum cura, quod alios ab obligatione residendi, & assistendi diuinis officijs liberos non facit. —

P

Quia

§. VI.

QUIA ordini, & rationi repugnat, vt qui laboris, & oneris particeps non est, commodum, & vtilitatem ferat, iubet hæc Synodus, vt qui præsentis anniuersarijs, & alijs festis, in hoc Archiepiscopatu, & Prouincia fundatis, & dotatis, præsentis non intersint, obuentiones ex eis prouenientes nè percipiant, nisi aliter sit in fundatione dispositum. Nec Iudices Ecclesiastici facultatem concedant, vt absentes quidquam hac de causa lucrentur. Hoc autem Decreto reuocantur, & irritæ fiunt, donationes, & pacta omnia, quæ in fraudem huius rei Clerici, aut Beneficiati fecerint; Itidemque declaratur, absentes in toto, aut in parte, quacumq; ratione obuentiones huiusmodi perciperent, teneri in foro conscientia eas præsentibus restituere, si non adsit eorum consensus, si vero adsit fabricæ Ecclesiæ restituant. —

LIBRI TERTII

TITVLVS VII.

De Institutionibus, & iure patronatus.

§. I.

VERBIS T bona, quæ Ecclesiastica fiunt, quia Beneficijs, vel Capellis applicantur, rectè administrantur, & perpetuo conseruentur, necessarium est, vt fundatione, & institutione, superioribus, & Ecclesiasticis Prelatis subdita sint; ad quos ex officio pertinet redditibus, & Ecclesiasticis bonis prospicere: Quare iuxta Concilij Tridentini Decretum præcipitur, nè deinceps, sine expresso Episcopi consensu Capella aliqua fundetur, ac sine sufficienti bonorum deputacione, quib⁹ redditus, ac stipendium Capellani, iuxta onera Capellæ imposita, competentes, firmi, ac securi sint. Cum vero fundator certa aliqua bona non deputauerit, Capella huiusmodi super omnibus institutoris bonis fundata intelligatur, quorum bonorum ad effectum huiusmodi inuentarium conficietur: Nullatenus autem in his fundacionibus, & institutionibus ea conditio admittatur, vt Capella huiusmodi ab Ordinario visitari non possit. immo talis conditio ex hoc irrita, & nulla

Seß. 22. c. 8. & 9. de reform.

Gran. tit. de institut. & iure Patronat. n. 1. & Guadix tit. 3. const. 33.

Guadix tit. 3. const. 28.

nulla decernitur, qua minimè obstante, ad Capellæ visitationem Ordinarius procedat. Siquis vero Capellam hac conditione susceperit, sub excommunicationis pœna interdicatur, nè huic in vlla Ecclesiâ, quæ ad Sacrum peragendum, & ad Capellæ huiusmodi cultum necessaria sunt, vllatenus tribuantur.

§. II.

NULLVS Capellæ patronus, vt alicuius communitalis membrum, cui competat ius patronatus, nec persona aliqua cum eo intra tertium gradum coniuncta, nec Capellani, aut œconomi Capellani huiusmodi pecunias in Emphytheusim accipiant, vt prædia, & bona locabunt, quæ ad dotem Capellarum ex institutione pertineant. Si vero secus fiat, contractus nulli sint, & irriti, pro vt Decreto huiusmodi nulli decernuntur, & irritantur; qui vero in huiusmodi contractibus interuenerint, in pondo viginti condemnentur, pijs operibus Episcopi arbitratu applicandis. Præcipitur etiam, vt census super bonis liberis, & magni valoris collocentur, eisq; personis dentur, de quibus maxima securitas sit, ea in omnibus obseruando, quæ per constitutionem sœlicis Recordat. Pij Papæ V. de hoc statuta sunt, vt Capellæ perpetuò consistent.

§. III.

PRÆTEREA ad præscriptum Concilij Tridentini mandat hæc Synodus, nè vllus beneficij patronus, cuiuscumque conditionis (etiãsi vniuersitas sit, aut Collegium Clericorum aut secularium) nullatenus se intromittat, in perceptione fructuum, prouentuum, & obuentionum beneficiorum, etiãsi re ipsa ad patronatum pertineant, ex institutione aut fundatione, sed fructus, prouentus, & obuentiones huiusmodi Rectori, aut Beneficiario liberè relinquat, nec patronatum, per venditionem aut alium titulum à iure prohibitum transferre audeat, sub pœna excommunicationis, & interdicti respectiue, & præterea ipso iure inhabilis sit iuris patronatus.

§. IIII.

ITIDEM statuitur, ac præcipitur, vt siqui obtinentes pecuniam, aut bona, quæ ad Capellas pertinent in Emphytheusim non dederint, locauerint, & de eis in vtilitatem Capellarum non disposuerint, post huius Decreti publicationem intra triginta dies, pecunias, & bona huiusmodi, alicui probatæ personæ ad beneplacitum Ordinarij, & Capellanorum in depositum dent, cum redditibus, qui ob eorum negligentiam, eo tempore cessarunt, eò quod de bonis, & pecunijs huiusmodi in vtilitatem Capellarum minimè disposuerunt, sub pœna excommunicationis.

*Guadix tit. 3. const. 34. &
Granat. de instit. & iure
Patron. n. 4. & 5.*

Seß. 25. c. 9. de reform.

*Guadix tit. 3. const. 34. &
Granat. tit. de rebus Eccle-
siæ conseruandis n. 13.*

*Granat. de instit. & iure
Patronat. n. 4.*

cationis latae sententiae. —

§. V.

QVIA vero iustum est, vt pia voluntas, & dispositio eorum, qui Capellas fundauere, inuiolabiliter obseruetur, præcipitur Capellanis quatenus Missas, anniuersaria, & festa, quæ hoc tempore dotata sunt, vel imposterum in hoc Archiepiscopatu, & Prouincia dotabuntur, loco, diebus, & temporibus, cum solemnitatibus à fundatore institutis celebrent, quod si aliquod adsit impedimentum legitimum quò minus die statuto festum non celebretur, id saltem fiat infra octauam festi.

§. VI.

SED quia Capellæ antiquæ in facultatibus, & bonis fundantur, quæ tenuia cum sint, aut temporis iniuria decreuerint, eos prouentus non reddant, quibus ad Missarum numerum, & alia onera capellarum opus est, quò fit; vt omnino testatorum voluntas effectum sortiri non possit, ideo Concilij Tridentini auctoritate suffulta hæc Synodus, id negotij Episcopis dat, vt quam primum fieri potuerit, vnus quisque in sua Diœcesi de redditibus Capellarum, & de earum oneribus rationem petat, & in Diœcesana Synodo constitutione Synodali declaret, quis redditus pro elemosina, cuiq; Missæ celebrandæ respondeat. Quod si redditus minimè sufficiat, Missas, & alia onera ad minorem numerum reducat. Illud semper animaduertens, ex redditibus huiusmodi partem aliquam in vfus fabricæ Parochiæ deputandam, pro ratione vini, ceræ, & ornamentorum, quibus est Capellis inseruiendum.

Granat. de institut. & iure Patronatus n. 10.

Seß. 25. c. 4. de reform. Prouinc. de Quiroga act. 2. c. 10.

LIBRI TERTII

TITVLVS VIII.

De rebus Ecclesiæ conseruan-
DIS, ALIENANDIS, VEL NON.

§. I.

FVNDI, & bona Ecclesiarum diuino cultui dicata sunt, ideoque eorum vfurpatio graue sacrilegij scelus est. Nè vero quisquam hoc flagitij genus committere audeant, ad præscriptum Concilij Tridentini iubetur, nè quisquam Ecclesiasticus, siue secularis cuiuscumque dignitatis, & gradus perse, seu per interpositum Clericum, aut secularem, quauis arte, & colore præsumat, neq; audeat occupare, vfur-

Seß. 22. c. 11. de reform. Granat. de rebus Ecclesiæ conseru. n. 13. Concil. Milanens. 4. 3. p. tit. quæ ad

vsurpare, aut in suos proprios vsus conuertere, bona, iura, census, iurisdictiones, fructus, emolumenta, seu quascumque ob-
 uentiones alicuius Ecclesię, beneficij, aut pij loci huiusmodi,
 & in necessitates pauperum conuertere debent, nec impediat ab
 his, ad quos verè pertinent percipi. Quod si secus fecerit ana-
 themati tamdiu subiaceat, quamdiu iura, bona, fructus, red-
 ditus, quos occupauerit, vel qui ad eum quomodocumq; etiam
 ex donatione suppositę personę peruenerint Ecclesię, eiusque
 administratori, seu beneficiato integrè restituerit, ac deinde à
 Romano Pontifice absolutionem obtinuerit. Quod si Patronus
 eiusdem Ecclesię fuerit, etiam iure patronatus, vltra prædictas
 pænas (eo ipso) priuatus existat. Clericus vero, qui nefandę
 fraudis, & vsurpationis huiusmodi fabricator, seu consentiens
 fuerit, eisdem pænis subiaceat, necnon quibuscumque benefi-
 cijs priuatus sit, & ad quęcumque alia beneficia inhabilis effi-
 ciatur, & à suorum ordinum executione etiam post integram
 satisfactionem, & absolutionem sui Ordinarij arbitrio suspen-
 datur. Declarat etiam hæc Synodus, vt in oppidis Indorum,
 vbi aliqua elemosina ad ædificium, fabricam, aut ornamenta
 Ecclesię erogata sit, eamque Beneficiatus, aut alia quęuis per-
 sona Ecclesiastica, siue secularis cuiuscumque qualitatis, & con-
 ditionis in proprios vsus conuerterit, eum easdem pænas in-
 currere, & ad integram restitutionem teneri. Personis vero hu-
 iusmodi præcipitur, nè deinceps talia cõmittant sub dictis pæ-
 nis; huius deniq; executio Decreti, vehementer Episcoporum
 curę cõmendatur. §. II.

N V L L V M Capitulum, Confraternitas, aut Communi-
 tas, Beneficiatus, aut Oeconomus ratione ædificandi in
 Ecclesijs, vel Eremitorijs, quidquam sumptus faciant Eccle-
 siarum, vel Eremitiorum impensa, nec Capellas in sepul-
 chrum dent, nec res Ecclesię alienare possint, sine expresso
 Episcopi consensu: Quod si secus fecerint contractus de hac re
 facti nulli sint, & inualidi: Sumptus quoq; eadem de causa im-
 pensi in computum nè admittantur, nec possint in vsum Ca-
 thedralium, seu Parrochialium imagines, ornamenta, alia vè
 emere, quę valorem viginti pondo excedant, nec ad hæc emen-
 dum, seu eorum præmium soluendum, Indos compellant, nisi de
 Episcopi licentia, subpæna restituendi ex bonis proprijs quid-
 quam sumptus hac de causa fecerint. Conceditur tamen facul-
 tas ea emendi, quę ad quotidianum, & ordinarium Ecclesia-
 rum vsum necessaria sunt, etiamsi viginti pondo præmium su-
 perent. Idem vero hæc Synodus præcipit à Curatis regularibus,

P iij

huius

*pia loca pertinent, verbo quę
 cumque.*

*Ex iure communi tx. in cap.
 in Canonibus 16. q. 1. & in
 cap. cum nobis in fine, de e-
 lectione, & in cap. is cui
 eodem. tit. in 6. & tx. in
 cap. 2. de donation.*

*Mexic. 1. cap. 23. §. unico,
 & Mex. 2. c. 21. & Gua-
 dix tit. 3. const. 37. & Gra-
 natens. tit. de sepulturis n.
 8. & Synodal de Quiroga
 const. 62.*

huius Archiepiscopatus, & Prouinciæ seruari, & adimpleri. In visitationibus autem circa hoc commissos excessus corrigendi intenta sit sollicitudo. §. III.

NULLVS Præbendatus, Beneficiatus ve, aut minister Ecclesiæ Cathedralis accipiat, cōmodet, aut ab Ecclesia exportet ornamenta, argentum, alia vè Ecclesiæ cultui addicta, sine Episcopi permisso, sub pœna arbitrio Episcopi infligenda.

§. IIII.

EPISCOPIS, in bonis Ecclesiæ tuendis, & conseruandis maxima debet esse sollicitudo. Esset enim quælibet in hac re admissa negligentia vitio vertenda, quia vero iura Ecclesiarum huiusmodi, in scripturis, & titulis de eis extantibus, continentur, hæc Synodus statuit, ac præcipit, vt in quolibet Diœcesi Archiuum vnum Episcopale instituatur, in quo Breuia omnia, priuilegia Summi Pontificis, schedæ quoque, & prouisiones regiæ maiestatis, omnesque aliæ scripturæ, ad dignitatem, & iurisdictionem Episcopalem pertinentes, vna cum inuentario earum accuratè confectio ab Episcopo, aut eius Vicario Generali, & à Notario subscripto recondantur. Neque ab Archiuo huiusmodi scriptura aliqua desumatur, nisi ob causam ad vtilitatem Episcopi, & Ecclesiæ necessariam, relicto testimonio, cum subscriptione eius, qui scripturam accipit, cum die, mense, anno, & causa, ob quam scriptura huiusmodi ex Archiuo deprompta est.

§. V.

QVO vero tutius hoc Archiuum custodiatur, in aliquo monasterio ciuitatis, vbi sedes Cathedralis residet, aut in alio eiusdem Diœcesis (pro vt Episcopo videbitur) collocetur, & clauibus occludatur, quæ penes Episcopum sint. Sede vero Episcopali vacante, Vicarius Generalis vnam ex clauibus Archiuij, Capitulo Cathedralis Ecclesiæ tradat, aut personæ à Capitulo deputatæ, alteram vero Superiori monasterij huiusmodi, à quibus iuramentum petat, quatenus fideliter claues huiusmodi asseruabunt, nec eas personæ alicui tradent, nec scripturam aliquam inde efferri consentient, sine licentia Metropolitanæ, aut alterius Superioris, à quo possint compelli. Quando vero Episcopus eligitur, ei claues tradant, & rationem reddant scripturarum, quas inde sumpserunt, & penes quem illæ sint, eidem annuntient. —

§. VI.

QUANDO vero Episcopus obierit, Vicarius Generalis penes se accipiat processus omnes, & libellos Camera, quos

Granat. tit. de rebus Ecclesiæ n. 4.

Concil. Milan. 1. p. 2. tit. quæ pertinent ad bonorū, & iurium Ecclesiasticor. cōseruationem. Et Tolet. act. 3. c. 1. & Compostelan. act. 3. c. 13. & Granat. tit. de Beneficiatis à n. 4. vsq; ad 8. & tit. de rebus Ecclesiæ n. 1. & 5. & Synod. de Quiroga const. 61. & Prouinc. eiusdē Quirog. act. 2. Decreto 7. & Mediolan. 2. tit. 3. Decreto 14.

quos Episcopus in scrinijs suis reconditos habebat, eosque in dicto Archiuio reponat, cui Generali Vicario hæc Synodus ad id facultatem tribuit, & sub pæna excommunicationis maioris latæ sententiæ mandat, ne quisquam cuiuscumque qualitatæ, quominus hoc exequatur, ei impedimento sit, si vero Capitulum fuerit, aut communitas Ecclesiastico subiaceat interdicto.

§. VII.

IN Capitulo etiam cuiuscumque Ecclesiæ Cathedralis Archiuium vnum sit, in quo asseruentur, & in vnum redigantur scripturæ omnes publicæ, ad Episcopum, Capitulum, fabricam, & Hospitales domos pertinentes, cum erectionibus, statutis, & reliquis instrumentis ad hoc spectantibus, in eodem etiam Archiuio liber vnus sit, in quo Capellæ, & foundationes earum, iuraq; & prædia ad Ecclesiarum fabricas, & domorum Hospitalium totius Diocesis vsum pertinentia descripta sint. Hoc vero Archiuium tribus clauibus occludatur, quarum vna penes Episcopum sit, altera penes Decanum, aut Decano absente, penes antiquiorem dignitatem, tertia vero penes Canonicum ab Episcopo deputatum.

§. VIII.

IN vnaquaque etiam Parrochiali Ecclesiâ liber vnus sit, in quo annotentur iura omnia, prædia, hæreditates, & census ad fabricam Ecclesiæ huiusmodi pertinentia, bona quoq; quibus Capellæ festa, & commemorationes dotantur, quidque in id præstandum sit exprimatur, scripturæ etiam, & institutiones Capellarum. Præterea in singulis Parrochijs Tabella vna in loco publico collocetur, in qua Missæ, festa, anniuerfaria in Ecclesiâ huiusmodi celebranda describantur: hæcque Tabella ab officialibus, seu visitatorib; & à Notario subscripta sit, quando vero Parochi festa colenda populo annuntiauerint, ei quoq; festum, aut anniuerfarium, ea hebdomada celebrandum notum facient. Id vero omne, quod hoc Decreto continetur, hæc Synodus vehementer commendat Episcopis, vt adimpleant, & quam primum exequantur, cum ex eo non mediocriter pendeant Ecclesiarum dignitatis Episcopalis, iuriumque, & prædiorum conseruatio, difficultatumq; & litium remedium, quæ si hoc negligenter fieret, pullularent. —

Cone. Tolet. act. 3. c. 1. & Compost. act. 3. c. 13.

Tol. & Compostel, vbi supra §. 6.

Mexic. 1. c. 17.

Mexi. 1. c. 17. §. 1. Guadix tit. 3. cõst. 29. & Granatense tit. de Beneficiatis n. 19. & tit. de sepulturis n. 16. & Prouinc. de Quiroga act. 3. c. 5.



LIBRI TERTII
TITVLVS IX.

De testamentis, & vltimis vo-
LUNTATIBVS.

§. I.

*Concil. Trid. seß. 22. c. 8.
de reform.*

*Mex. 1. c. 16. 17. & Gra-
uatenſe tit. de testam. n. 1.*

PROBETATE Christiana astringimur, rebus defun-
ctorum prospicere, qui de fidelitate viuorum confi-
si, quod ipsi piè, & iustè disposuerunt, viuis ad im-
plendum reliquere. Quæ cura Episcopis potissimum
incumbit, tamquam pauperum patribus, & strenuis piorum ope-
rum executoribus. Hac igitur de re, decernit hæc Synodus, vt
cum quis, condito testamēto, ex hac vita migrauerit, antequam
Cruce efferatur ad corpus defuncti humandum, executores te-
stamentarij, testamentum coram Parochis exhibeant, aut sal-
tem eas clausulas authenticas, & fidem facientes, quibus de se-
pulture loco, de Misis, & legatis pijs relictis, testator dispo-
suit; Quæ omnia Parochi, & Beneficiati in libro, quem ad effe-
ctum huiusmodi habere debent, annotent, curentque diligen-
ter de plena eorum executione, quod si intra fatalem annum,
hæc ad impleta non fuerint, Episcopo, aut eius officiali, seu vi-
sitatori, id notum faciant. —

§. II.

Granat. tit. de testam. n. 1.

*Fundatur Paragrafus iste
cū seqq. in S. Concil. Trid.
seß. 25. in Decreto de pur-
gatorio, verbo curent autem
Episcopi.*

EXecutores itidem testamentarij conscientia suæ satisfac-
ientes à testatoribus disposita, quam primum poterunt
exequantur. Quod si id non effecerint intra terminum, quo de
iure, & expressa testatoris voluntate tenentur, per censuras, &
alia iuris remedia, à Iudicibus Ecclesiasticis compellantur, vt
cum effectu testamenta huiusmodi exhibeant, & de his, quæ
ad impleta sunt, quæque nondum sunt executioni mandata ra-
tionem reddant, si vero propter retardationem, culpabiles sint,
puniantur, hæredesque, & depositarij bonorum coherceantur,
vt quam primum totum id tribuant, quod ad executionem te-
stamenti necessarium est.

§. III.

*Facit Guadix tit. 3. const.
30.*

QVONIAM verò executores testamentorum aliqui,
dolo malo ab Episcopatu absint, antequam fatalis an-
nus compleatur, eamque ob causam, tempore à iure statuto, ab eis
ratio peti non potest, sicque diu retardatur, & difertur eorum
execu-

executio, quæ testamentis disposita sunt, propterea hæc Synodus interdicat, nè ullus executor huiusmodi, à Diœcesi discedat, quin prius testamentum, quod sibi incumbit, executioni mandauerit, aut cautionem dederit, quatenus anno elapso, sine vlla retardatione presentem se constituet, rationem redditurum, arbitrato Episcoporum ob eius contumaciam puniturus, si intra octo dies post elapsum annum ad id non compareat. Quò vero huius decreti executio certior sit, officialibus, & Iudicibus testamentorum præcipitur, quatenus Episcopis annuntient, vt de opportuno remedio provideant, nè defunctorum voluntates frustrentur, & quæ ab ipsis disposita sunt, minus adimpleantur. —

§. III.

CVRATI omnes, Beneficiati, Capellani, & alij Sacerdotes, quibus incumbit Missas celebrare, aut alia pia legata testamento relicta adimplere id agant, & præstent, intra sex menses post obitum testatoris, si ab eo aliter non sit dispositum, sub pœna pondo quatuor in vsus piorum operum; necnon eorum impensis, Missæ huiusmodi celebrentur, & pia legata adimpleantur, quæ ob eorum negligentiam impleta non sunt.

*Granat. tit. de testamentis
n. 2.*

LIBRI TERTII

TITVLVS X.



De sepulturis, Defunctis, & fu-

NERALIBVS.

§. I.



VSTVM est, vt populus Christianus fideles defunctos pijs precibus, & officijs prosequatur. Eam ob causam statuit hæc Synodus, vt si condito testamento, quisquam obierit, ea quæ de suis exequijs, Missis, & pijs legatis, in vtilitatem animæ testator disposuit, statim prout in testamento continentur, adimpleantur. Si vero sine testamento ex hac vita diceſsit, & relicta bona sufficiant, pro defuncto; Missa, & vigilia de depositione defuncti solemniter celebretur, itidemque in sua Parochia priuatarum Missarum nouenarium peragatur.

*Granat. tit. de sepulturis
n. 7.*

Q

Si au-

Si autem defunctus persona miserabilis sit, nihilque in bonis reliquerit, gratis sepeliatur. Quod si aliquid in elemosinam erogatum sit, id non in eius sepultura, sed in suffragia pro defuncto conferatur. Qua de causa Curati, & Parochi Cathedralium, & Parrochialium Ecclesiarum iubentur, ne elemosinam huiusmodi in suos proprios usus conuertant. Quod si secus fecerint, ad restitutionem in foro conscientiae teneantur, ac praeterea Episcopi seuerè eosdem puniant.

§. II.

*Granat. tit. de sepulturis d.
n. 7.*

AD humandum mortuos (etiam pauperes) vnus ex Parochis, & alter ex Beneficiatis cum primum vacati fuerint accedant, sub pœna pondo quatuor in elemosinam Missarum pro animabus in Purgatorio detentis. In vnaquaque vero Parochia, vel ex fabricæ redditibus, vel ex elemosinis erogatis Parochi duos cereos sibi comparent, ad miserabilium personarum funera, curentque, vt aliqui in comitatu corporis mortui sint, & vt aliquis sepulchrum effodiat.

§. III.

*Tx. de iure regio in leg. 6.
& 10. tit. 4. lib. 5. recopil.*

Limenf. 3. act. 2. c. 29.

Seß. 25. c. 11. de refor.

QUANDO Indus aliquis testamento relicto migrauerit, suffragia, & pia legata ab eo disposita executioni mandentur, si vero hæredem necessarium habuerit, suffragia, & pia legata huiusmodi quintam bonorum partem non excedant, cum iure prohibitum sit in maiore quantitate disponere. Si vero absque testamento discesserit, quod est præcedenti Decreto sancitum, fiat, cauetur tamen (quocumque modo, vel cum testamento, vel sine eo Indus moriatur) ne Parochus aliquis secularis, aut regularis ex eius bonis quidquam accipiat, etiam sub prætextu erogandi quintam eorum partem in suffragia pro defuncto. Quod si Curatus secularis secus fecerit, tantumdem soluat fabricæ Ecclesiæ, quantum ex bonis defuncti abstulit, regularis vero pro ratione culpe, ad præscriptum Concilij Tridentini punietur.

§. IIII.

VT corruptela, quæ in has Indiarum partes grassata est, funditè tollatur, qua Curati Indorum defunctis eorum corporibus humandis non interueniētes, id officij cantorib⁹ relinquebant, præcipit hæc Synod⁹ Curatis omnibus, secularibus, & regularib⁹, vt ipsi perse sepeliēdis Indis intersint, & defunctorū, officium celebrent, superpelliceoq; induti cum Cruce funeri occurrant loco ab Episcopo deputato; Iustum enim nō est, vt Indi teneri adhuc in fide, ex equis defunctorum à suis ministris parui pēdi conspiciant, quod pusillis huiusmodi scādalo esse posset.

Con-

§. V.

CONVIVIA, Crapulas, & æbrietates ab Indis, indie de-
positionis defuncti admitti solitas, diligenti Cura Paro-
chi eliminare contendant, eosq; moneant, longe abeo tempo-
re, id alienum esse debere. Si vero moniti non resipiscant à Pa-
rochis corrigantur.

§. VI.

QUO sancti Templi, vbi diuina officia celebrantur deco-
rum seruetur, omneque illud remoueatur, quod impedi-
mento esse possit assistentibus in Ecclesia, vt minus attentè
diuina officia audiant, iustisque alijs de causis ad præscriptum
constitutionis fœlic. Record. Pij Papæ V. statuit hæc Synodus,
ac iubet, nè sepulchro vllius personę cuiuscumq; status illa sit,
* Cenotaphium imponatur, nisi in dieb⁹ depositionis, exequia-
rum, & Anniuersarij, sepulchra lapidea, & lignea, in Ecclesijs,
nè erigantur, quæ earum pauimenta immineant, quod si secus
fiat, seculares id committentes ab Episcopo pro modo culpæ
punientur; Minister vero Ecclesiasticus consentiens, pondo
decem mulctetur ad vsum fabricæ huius Ecclesiæ, & ceræ, quæ
sanctissimo Eucharistiæ Sacramento deferuit. Sacellis itidem
templorum parietibus panni lugubres nè pendeant, nisi perso-
na Regia defuncta sit. In funeralibus autem exequijs, & Anni-
uersario plures quam duodecim faces, aut cerei sepulchris nè
incendantur; Quod si plures sint ad vsum luminum sanctissimo
Eucharistiæ Sacramento applicentur.

§. VII.

QUANDO defuncti corpus ab aliqua Ecclesia, vbi erat
in deposito remouetur, è sepulchro ante nè eferatur,
quam pro eius iuribus pondo duodecim in elæmosinam ero-
gentur, quorum nouem Beneficiatis, tres vero fabricæ illius
Ecclesiæ tribuantur. Si vero proprietatis iure sepultum corp⁹
in Ecclesia aliqua sit, in aliam nullatenus transferatur nisi de
Episcopi, eiusue officialis, aut Visitatoris Generalis, expressa
facultate inscriptis. Qua obtenta hæredes viginti quatuor pon-
do in elæmosinam conferant, quorum decem, & octo Benefi-
ciatis, sex vero fabricæ Ecclesiæ, à qua corpus transfertur, ap-
plicentur. His vero iuribus, funeralia iura non intelliguntur
compræhensa, quæ alias ex dispositione testatoris Beneficia-
tis prouenire possunt.

§. VIII.

QUIA vero rationi maximè consonum est, vt subditi
superiores amore prosequantur, præcipit hæc Synodus,
Q ij vt de-

Tx. in cap. nullus 44. d.

*

Estrado, ò tarima.

Mex. 1. c. 24. Granat. tit. de sepulturis n. 15. Milan. 1. 2. p. tit. de sepulturis, & Milan. 4. tit. de sepultu- ris.

Lex Reg. 2. tit. 5. lib. 5. recopil.

Granat. tit. de sepultur. n. 11. & 12.

*Granat. tit. de celebratione
Missar. n. 32.*

vt defuncto aliquo Episcopo, omnes illius Dioecesis Sacerdotes, intra quatuor dies à die notitiæ pro eo Missam vnam de defuncto Episcopo celebrare teneantur, intra octo vero in singulis Ecclesijs Episcopatus Missa vna solemnis celebretur cum responso, idque sine pompa, & sine Ecclesiarum sumptibus fiat. —

LIBRI TERTII TITVLVS XI.

De Parochijs.

§. I.

Mexic. 1. c. 62. cum §. secundo Latè, & piè de hoc tit. loquitur. Concil. Milan. 4. 2. p. ut. de Parochijs.

V Inter Parochos, & Ecclesiarum ministros nulla sit causa discordiæ statuit hæc Synodus, aut præcipit, nè vllus Sacerdos secularis, aut regularis Sacramenta administrare audeat in his oppidis, quæ alterius iurisdictioni subsunt, sine Episcopi consensu, aut Parochi proprij eius regionis. Permittitur tamen, vt si iter agentes per aliquod oppidum transire contigerit, à quo proprius Beneficiatus absit, possint Sacerdotes huiusmodi paruulos, & adultos in casu necessitatis baptizare, baptizatorum nomina descripta relinquentes, vt cum proprius Parochus venerit, ea in suum librum transcribat, itidemque confessiones audire poterunt, si ad id fuerint per Ordinarium approbati.

§. II.

Concil. Limens. 3. act. 4. c. 16.

M A N D A T hæc Synodus, vt regulares fontes baptismales non habeant, nisi in his tantum Ecclesijs, vbi assignata est illis cura animarum, ibiq; nullos præter Parochiales baptizabunt, nec matrimonio coniungent, aut eis nuptialem benedictionem porrigent, nisi de Episcopi, aut proprij Parochi licentia. Quod si secus fieret, matrimonia irrita essent, & nulla, vt est Sacri Concilij Tridentini decreto sancitum.

§. III.

Guadix tit. 2. const. 12.

Q V I A æquum est, vt vnus quisq; fidelium propriam Parochiam, vbi sancta Sacramenta suscipit recognoscat, statuitur, & iubetur, vt postquam mulier aliqua pepererit, intra mensem propriam Parochiam adeat, ibique Missam audiat, ac pro beneficio accepto omnipotenti Deo gratias agat si vero sine iusta causa, id amplius diferat, Episcopi arbitratu puniatur.

TITVLVS XII.

De Decimis, & Primitijs.

§. I.

Curatorum, & ministrorum Ecclesię sustentatio ad eos iure diuino spectat, in quorum spiritali vtilitate ministri Ecclesię sese exercent. Eamq; ob causam sancta Mater Ecclesia decimas, & primitias Ecclesię dari præcipit, quas sanctum Concilium Tridentinum integrè persolui iussit, necnon omnes, & singulos Christi fideles hortata est, vt Parochis, & superioribus, qui tenuioribus præfunt Ecclesijs de bonis à Deo sibi collatis pro charitate Christiana, debitoq; erga suos Pastores munere largè subueniant. Ad cuius Concilij præscriptum hæc Synodus statuit, & mandat, vt omnes homines huius Archiepiscopatus, & Prouinciæ (Indis exceptis,) ad quos decimarum, & primitiarum solutio spectat, eas, quas de iure, vel consuetudine tenentur, integrè persoluant, sine dolo, & fraude, siue diminutione, subpensis à iure statutis, & alijs quę in breuib; à Sede Apostolica specialiter emanatis continentur. Confessarij vero omnes subditos suos doceant, quid de solutione decimarum, & primitiarum sanctum Concilium decreuerit, quantumque ad hoc Decretum implendum astricti sint. Quos autem repperint in hac parte muneri suo non satisfecisse, de grauitate commissę culpę admoneant, & de pænis hac de causa incurfis, nec eos ab hoc crimine, nisi plena restitutione sequuta, absoluant, cum iustissimum sit, vt à quibus spiritalia remedia percipiunt, temporali stipendio iuuare non desinant. Quoad Indos verò id seruetur, quod schedis, & executorialibus Regiæ Maiestatis dispositum est.

§. II.

CONCILII Tridentini auctoritatem sequuta hæc Synodus, nè quisquam cuiuscumque gradus, & conditionis sit, decimarum, & reddituum Ecclesiasticorum solutionem impedire audeat, subtrahere, aut occupare, directè, vel indirectè, per se, aut per interpositam personam, nec impediatur, exactionem, locationem, augmentum, & beneficium decimarum, & reddituum huiusmodi, subpæna excommunicationis latę sententię, & alijs pænis, & censuris contra eos, à iure, & ab Apostolicis breuib; statutis, quas ipso facto incurrant sine alia sententia, tam qui decimas sibi vsurpant, aut earum exactionem impediunt,

Q iij

quam

Seß. 25. c. 12. de reform.

Et seß. 21. c. 4.

Mexic. 1. c. 90. & Guadix tit. 7. const. 8. & Granat. tit. de decimis n. 1. & Limense 3. act. 4. c. 12.

Mexic. 2. c. 26. y ay Real cedula en el libro que dizen de puga. fol. 195.

Seß. 25. c. 12.

T x. in Clem. cupientes de pænis, & in Clem. religiosi de decimis.

Mexic. 1. d. c. 90. §. vni- co, & Guadix, & Granat. vbi supra.

quam qui id iubent, aut ad id consilium, auxilium, fauorem vè præstent; Ciuitates vero, & oppida tamdiu Ecclesiastico interdito subiaceant; quamdiu delinquentes huiusmodi retinuerint, aut consenserint, sine restitutione ab eis plenè facta.

§. III.

*Ex Concil. Limens. 3. act.
2. c. 38.*

ATTENDENS præterea hæc Synodus, ad alia persol-
uenda Ecclesijs, quam ad decimas, & primitias, fideles
non teneri nisi sponte, & voluntarie ea velint erogare, præcipit
hec Synodus, nè vllus Indorum minister eos compellat directè,
aut indirectè ad oblationes in Misis, funerib⁹, aut alijs diuinis
officijs, & in festis titularib⁹ locorū faciēdas, nec occupare pos-
sit, exigere, aut petere, quascumq; exactiones, quas Indi Suchi-
les, aut Tamalaliztli vocant, nec quacumq; alia ratione, perse
vel per Fiscales, aut quos vocant Indi Teopantlacas, aut alias
personas, sub pœna quinquaginta pondo pro prima vice, & du-
pli pro secunda, in fabricæ eius Ecclesiæ; cuius fuerit minister,
accusatoris, & piorum operum vsus. Ministri tamen huiusmo-
di accipere poterunt ab Indis, quod ipsi sponte obtulerint, ad-
monentes eos ad id non teneri, nisi ex voluntaria deuotione, quò
fiet, vt, & qui Sacramenta ministrant, ac Doctrinæ Christianæ
documenta tradunt, commode sustententur, eorum subditi nul-
lis extorsionibus, & vexationibus opprimantur.

LIBRI TERTII

TITVLVS XIII.

De regularibus, & Monialibus.

§. I.

*De hoc tit. Concil. Tolet.
act. 3. c. 25. & Milan. 1. p.
3. tit. de Monialib⁹ cū seqq.
& Milanens. 4. 3. p. tit. de
Monialib⁹, & tit. quæ per-
tinent ad regulares, & 5.
Concil. Milanense tit. quæ
ad Moniales pertinent.*

VOTA paupertatis, castitatis, & obedientiæ adeò in
republica Christiana semper magni æstimata sunt,
vt à tempore Apostolorum ad nostra vsq; tempora
Ecclesia commodauerit, prædicauerit, & perpetua
traditione statuerit ea, quæ ad votorum huiusmodi plenam ob-
seruationem visa sunt ei necessaria, & opportuna. Nec solum
de religiosis omnibus semper curam habuit, sed præcipue Mo-
nialium, & Virginum Deo dicatarum clausuram procurauit.
Est enim is Virginum status dæmonibus adeo in visus, vt eas
omnibus machinis expugnare, & exagitare contendant, ita vt
nullis constitutionibus vallari posse videantur, & ad impetum
inimi-

inimicorum retundendum muniri, si Episcopi, quibus Monialium Cura data est, diligenter non inuigilant, nè vlla in hoc admittatur negligentia, quæ in re tanti ponderis, & momenti esset valde culpabilis. Obid enim præcipue huic Virginum statui Ecclesia clausuram imposuit, quia necessarium, aut saltem conuenientissimum remedium esse duxit, vt Virgines huiusmodi nequaquam à proposito suscepto deterreantur. Id circò cupiens hæc Prouincialis Synodus in omnibus, & per omnia sancti Concilij Tridentini Decreta sequuta, huic rei accurate prospicere, has piè recteq; viuendi formulas, sequentibus Decretis sancitas obseruari præcipit.

§. II.

IN primis curent Episcopi, vt in monasterijs sibi subiectis id omne obseruetur, quod de Monialibus sanctum Concilium Tridentinum decreuit, præsertim, quod de paupertate, & clausura, tam ab eodem Concilio, quam à sælicis Recordationis Pontificibus P I O Quinto, & Gregorio Decimo tertio constitutum est, quam primum executioni mandare studeant. Quia vero his præsidijs labefactatis, atque conuulsis, absq; vlla dubitatione relligio detrimentum pateretur, & collaberetur, quò ad paupertatem præcipitur, vt si quidquam fuerit alicui Monialium dono datum, aut testamento relictum, aut industria, & labore quæsitum conuentui incorporetur, ideoq; ad manus Præfectæ rectè diferantur, quæ pro sua prudentia, & humanitate in primis ex huiusmodi bonis subueniat arbitrio suo necessitatibus illius Monialis, cuius opera, vel contemplatione, fuerint parta. Quod vero reliquum fuerit in communem vsum totius monasterij conuertat. Quoad clausuram vero animaduertant Episcopi, aut alij superiores se non debere facultatem concedere, vt aliqua Monialis exseptis monasterij egrediatur; nisi in casib⁹ Lipiæ, Epidemiæ, aut grauis alicuius incendiij, prout est constitutione sælic. Record. Pij Pape V. dispositum. Nulli autem personæ nisi rationabilis, & manifesta causa existat, sine Episcopi licentia inscriptis, ingressus, vel accessus ad monasteria pateat, iuxta constitutionem Bonifacij Octauæ, quæ incipit: *Periculoso* à Sacro Concilio Tridentino renouatam. Superioribus quoque, Vicarijs, & Abbatissis, seu Præfectis monasteriorum præcipitur, nè pueri paruuli, aut puellæ vllatenus intra monasteria ducantur; Quod si secus fecerint, Prælati iniungitur in foro conscientiæ, vt in hoc Abbatissæ, aut cuiusuis alterius Monialis negligentiam, & excessum corrigant, cum suspensione officij (si opus fuerit.)

Quan-

Sess. 25. tit. de regularibus.

Sess. 25. c. 2. de regul.

Tolet. act. 3. c. 25. & Synod.

nodal de Quirrog. const. 96.

& Prouinc. eiusdē Quirrog.

act. 3. c. 43.

Pio V.

Et Greg. XIII.

Pio V.

In cap. Periculoso de statu regularium lib. 6.

Sess. 25. c. 3. de regul.

§. III.

*Prouinc. de Quiroga act. 3.
c. 44.*

QVANDO cumque in monasterijs Monialium Ordinario subiectis, Abbatissæ, Priorissæ, aut cuiusuis alterius nominis præfectæ officium vacauerit, & de nouo eligi debuerit, Episcopus perse, aut per suum Vicarium, vel alium quem voluerit ad id deputare, monasterium, & omnes Moniales visitet; ita vt visitatio electionem præcedat.

§. IIII.

*Seß. 25. c. 3. de regul.
Concil. Tarraconense c. 26.
& 31. Concil. Remense. c.
33.
Tx. in cap. 1. de institutio-
nibus, & in cap. autoritate,
§. sane de statu regul. lib.
6. & Limense 3. act. 3. c.
33. Et iura, & Concilia cõ-
cordantia refert Ioãnes Trul-
lo in exposition. regul. cano-
nicor. Regular. lib. 2. c.
19. n. 2.*

EX Tridentini Concilij iussu, maior Monialium numerus in monasterio nè recipiatur, quam qui pro modo, & facultate loci, & consuetis elemosinis, & redditibus commode valeat sustentari, neq; is numerus, nisi facta proportionabili reddituum accessione augeri possit. Præfectis vero in virtute sanctæ obedientiæ præcipitur, vt totum id, quod pro ingressu aliquius Monialis pro elemosina perceperunt, in redditibus, & bonis immobilib⁹ monasterij collocent, siquid vero ex eo sumptum faciendum aliquo modo est, id sine consensu Episcopi nè fiat. Præfectæ vero Monialibus subditis, ita quæ ad victum necessaria sunt tribuere procurent, nè aparentibus illud molestè petant. —

§. V.

Limense 3. act. 3. c. 34.

QVANDO Monialium monasteria visitantur, initio visitationis Prælatus, aut si impeditus fuerit, visitator ab eo specialiter deputatus, monasterium ingrediatur, duobus, aut tribus viris honestate vitæ, & morum integritate probatis, sibi in comites adhibitis, per lustraretque diligenter qualitatem domus, officia, & reliqua ad id necessaria, in fine vero visitationis, quando Capitulum ad corrigendum excessus congregandum est, visitator eodem modo committatus, monasterium ingredi poterit. Reliqua vero alia ante cancellorum fenestellam, aut in loco colloctioni deputato peragat, si vero extra hos casus visitatorem intra monasterij septa ingredi oporteat, id sine facultate Episcopi inscriptis nè faciat iuxta formam Concilij Tridentini. —

§. VI.

Seß. 25. c. 5. & 7.

*Milan. 1. p. 3. tit. de clau-
sura, & quæ ad eam tuen-
dã aliqua ratione pertinent.
verbo (hoc autem edicto) &
Limense 3. act. 3. c. 35.*

ABBATISSÆ, siue Præfectæ Monialibus subditis facile nè concedant, vt cum secularibus hominibus loquantur, nisi ij parentes sint, fratres ve, aut consanguinei, idq; frequenter nè fiat. Numquam tamen consentiant, vt sine aliqua auscultatione seculares alij Moniales alloquantur. Quibuscumque etiam personis interdicitur, nè loca in monasterijs Monialium colloctionibus deputata, frequenter adeant; Sin minus perfo-

persona illa, siue secularis, siue regularis, cuiuscumq; gradus, & conditionis sit, quæ sæpius cum aliquibus Monialibus colloquatur, aut consuetudinem habeat sine facultate prædicta grauius puniatur iuxta constitutionem Alexandri Tertij, quæ incipit (*monasteria*,) & alijs etiam pænis pro modo culpæ, & scandali, quod inde generabitur, invocato, si opus fuerit, ad id brachij secularis auxilio. Nec permittatur, vt Ecclesiasticus, siue secularis vir, aut fœmina monasteria adeat, vel ea ingrediatur, ratione instruendi Moniales in cantu nisi iuxta aliqua de causa, Superior ad id facultatem concesserit, in qua facultate concedenda Superioris conscientia maxime oneratur, vt eam non concedat, nisi ob vrgentem necessitatem, aut communem vtilitatē. Cum vero alicui personæ ad cantum docendum monasteria adire conceditur, nequaquam intra septa monasterij ingrediatur, sed id ante Cancellorum fenestellam præstet, aliter pænas incurrat à Concilio Tridentino statutas.

§. VII.

VT omnes auaritiæ, aut simoniæ labe obuietur, præcipit hæc Synod⁹, vt quando * mixta aliqua fœmina in Monialium alicuius monasterij recipiatur, quod nisi de Superioris speciali consensu fieri non potest, pro elæmosina amplius, quàm aliæ nē det. Neque ab ea quidquam petatur, eo quod ad Choro inseruiendum admittatur nisi illud tantum, quod solent dare aliæ, quæ ad huiusmodi effectum recipiuntur. Si enim secus fiat, simoniæ scrupulo non caret.

§. VIII.

AMBITIO dissensionis, & inuidiæ origo omnino est à monasterijs, tamquam teterrima pestis propulsanda. Quam ob causam statuitur, ac iubetur, nē vlla Monialis ambiat, aut vlllo quouis modo, siue directè, siue indirectè, perse, aut per aliam interpositam personam, honores, officia vè cuiusvis generis, sui monasterij quærat, sub hac constituta pæna, vt ea, & quæ sibi inære fuerint, per tres sextas ferias, ad pedes, singularem Monialium, terram de osculantes suam accusent ambitionem, ipsaq; præterea si id officium consequuta erit, eo, cæterisq; muneribus priuetur Superioris arbitratu, iuxta constitutiones singularem monasteriorū. Singulæ Moniales, propria voluntate deposita, & ad ob temperandum paratæ, sibi que DE I gloriam, & communem monasterij vtilitatem tantummodo proponentes, ad honores, & officio eas eligent, quas omni remoto humanitatis affectu, impulsu Spiritus sancti magis idoneas ad id munus esse iudicauerint.

R

Præ.

Tr. in c. Monasteria de vita, & honest. Clericor.

Milan. 1. par. 3. d. tit. de claus. verbo quicumque, & Guadix tit. 5. const. 13. & Granat. tit. de vita, & honest. Clericor. n. 16. Synod. de Quivog. const. 96. in fine, & Synod. de Osma tit. 8. const. 1. §. 7. & Prouinc. de Burgos lib. 3. tit. de vita, & honest. Clericor. c. 11. ad finem.

Milan. 1. d. tit. de claus. verbo nemini, & Milan. 2. modificat. in capitibus ad Moniales pertinentib⁹ c. 3. Seß. 25. c. 5. de regular.

Limens. 3. act. 3. c. 36.

*Mestiza.**

Milan. 1. p. 3. tit. de Præfatis, & alijs ministris Monialium, verb. Nulla Monialis, & verbo singulæ.

§. IX.

*Seß. 25. c. 7. de regul.
Milanens. 1. p. 3. d. tit. de
Præfectis verbo Præfecta.*

PRÆFECTA quocumque nomine appellatur, ex Tridentini Concilij Decreto, nè minor quadraginta annis eligatur, quæue in vitæ honestate laudabiliter vixerit octo annis, postquam professa est. Quod si in eodem monasterio non eiusmodi reperiatur, iuxta Concilium Tridentinum ex alio eiusdem ordinis eligi possit. Sin autem Superiore, qui electioni præest, hoc etiam incommodum esse videatur, Episcopo, vel alio Superiore consentiente eligatur ex his, quæ in eodem monasterio triginta annis maiores natu sint, quæ annis saltem quinq; post professionem rectè vixerit. Huiusmodi vero Præfecta, & eius Vicaria, discretæ etiam, quæ alio nomine matres consilij vocantur, vbi ea à Capitulo eligi consueuerunt coram Superiore, aut eius ministro eligantur, qui extra monasterium ad cancellos stet, ex Decreto Concilij Tridentini.

§. X.

*Mexic. 1. 3. p. tit. de Præ-
fectis, verbo earum officia,
& verbo quæ delectæ fuerint.*

OFFICIA earum, quæ electæ sint, in Abbatissam, vel Priorissam per tempus in constitutionibus singulorum ordinum, monasteriorum præscriptum durent. Poterit tamen Superior eas ante tempus officio præfinitum, inde mouere, si id male administrant. Quæ vero canonicè electæ fuerint, officia suscipiant, & eorum munera sine recusatione humiliter exequantur. Quæ aliter fecerint sine iusta causa, quæ Superiore probata sit, iure suffragij priuentur, vt nè ipsæ alias eligere, neque ab alijs eligi possint, arbitrio Superioris.

§. XI.

*Milanens. 1. p. 3. d. tit. de
Præfectis verbo Præfecta,
& Moniales.*

NVLLA Præfecta etiam cum discretarum, & totius conuentus consensu, bona monasterij alienare, permutare, locare, aut contrahere nullo modo possit, nisi cum facultate Superioris inscriptis, seruatis item cæteris, quæ iure seruari debent, aliter contractus irriti, ac nulli sint; Neque item ædificare poterit, nisi consentiente Superiore, cuius prudentiæ est providere, vt id quam minimo sumptu commodè, & decenter fiat.

§. XII.

*Seß. 25. c. 18. de regular.
Milan. 1. p. 3. tit. de Puel-
lis ad religionem admitten-
dis. Et verbo Præfecta, &
Moniales.*

CVM primum puella aliqua ad suscipiendum Sacrum habitum offertur, Monialium Præfecta parentes, vel eos, quorum curæ puella commissa est, admoneat de excommunicatione, quæ proposita est à Sacro Tridentino Concilio, his, qui Virginem aliquam, viduam, aut aliam mulierem inuitam cogunt monasterium ingredi, aut religionem profiteri, idemque fiat ab earum Superiore quæ doctus consensus requiretur. Præfecta autem, & Moniales depuella earum suffragijs ad suscipien-

piendam religionem admittenda, quicquam polliceri, aut capitulum cogere non audeant, priusquam libero loco, ab Episcopo, aut ab eo, cui ipse id munus delegarit, puella secreto examinata, ac probata, facultatem suscipiendi in eo monasterio religionem scripto consequuta fuerit.

§. XIII.

QVONIAM ex Concilij Tridentini Decreto, professio ante decimum sextum annum expletum, & ante annum probationis post susceptum habitum facta nulla est, nullamq; parit obligationem, curent Episcopi nè nouitia vlla ante illam ætatem, & tempus ad professionem admittatur. Nouitię autem causa ante professionem ex Decreto Concilij Tridentini, nihil monasterio detur, præter id, quod necessarium ad victum, & vestitum ei⁹ pro tempore, quò fuerit in nouitiatu, quod totum æstimari debeat à Superioribus, & ad id repræsentandum, ante quam puella monasterium ingrediatur, omnibus iuris remedijs ijsdem Superiores vtantur, nulla autem renuntiatio bonorum à nouitia fiat; nisi quem admodum à Concilio Tridentino iussu est.

§. XIII.

QVò multis incommodis occurratur, & omnis tollatur occasio, nè quæ ad regularem habitum admittuntur, & in eo professionem faciunt, vel vim, vel ignorantiam prætendant, ex Decreto Concilij Tridentini statuit, & decernit hæc Synodus, vt de voluntate eius, quæ habitum regularem susceptrum est, aut in eo professura, Episcopus perse inquirat, an coacta, an seducta sit, ansiat quid agat, si vero Episcopus legitime impeditus fuerit eius conscientia iniungitur, vt ad id personas prudentia, & vita probatas deputet, à quibus optima huius ministerij executio expectetur. Præfecta autem monasterij, triginta ante diebus Episcopo significet, quo tempore nouitia professura sit; Si vero id facere neglexerint, eiusdem Concilij Tridentini Decreto ab eius officio tamdiu à moueatur, quamdiu Episcopo videbitur.

§. XV.

VT puriori, & integriori conscientia Moniales in DEI cultu sese exerceant, hæc Synodus Prælati, aut his, qui eorum nomine, Virginum monasteriorum curam gerunt, præcipit, vt Monialibus confessores præficiant, & ætate prouectos, & prudentes, & Deum timentes, qui singulis saltem mensibus peccata Monialium audiant, eisq; Sacrosanctam Eucharistiam administrent, quæadmodum Sacrum Tridentinum Concilium

R ij

iubet,

*Seß. 25. c. 17. de regul.**Seß. 25. c. 15. de regular.**Milan. 1. p. 3. tit. de nouitijs ad professionem recipiendis verbo quoniam, & verbo nouitiæ.**Seß. 25. c. 6. de regul.**Milan. 1. vbi supra Vers. Nulla autem.**Seß. 25. c. 16. de regul.**Seß. 25. c. 17. de regularib⁹. Milan. 1. 3. p. tit. de nouitijs ad professionem recipiendis verbo Præfecta autem, & Milanens. 5. tit. quæ ad Moniales pertinent verbo cum nouitiæ.**Seß. 25. c. 17. de regul.**Seß. 25. c. 10. de regular.*

*Milan. 1. 3. p. tit. de con-
cionatoribus confessorib⁹, vi.
firatorib⁹, & Capellanis ver-
bo præficiantur.*

*Concil. Prouinc. de Quiroga
act. 3. c. 45.*

iubet, ex cuius quoque Decreto iussu est, vt Episcopus, aut alij Superiores præter Ordinarium confessorum, alium extraordinarium Monialibus offerant, bis, aut ter, in anno, qui earum confessiones audire debeat, cuius Decreti exequendi curam hæc Synodus Prælati imponit.

§. XVI.

TA M E T S I hæc Synodus non reprobatur, immo potius laudat, & approbat quarundam mulierum statum, quæ extra monasteria in habitu honesto degentes, voto simplici ad seruandam D E O castitatem sestringunt; nihilominus præueniens eadem Synodus, nè sub deuotionis specie prædictæ mulieres licentiòse, huc, illucque vagantes discurrant, & ob similitudinem habitus sancti Monialib⁹ ignominiam inferant, statuit, ac præcipit sub pæna excommunicationis latæ sententiæ, vt nulla prædictarum mulierum, quas *beatas* vocant, habitum alicuius religionis approbatæ deferat; Declarat tamen hæc Synodus his Decretis ad religiosam guernationem pertinentibus, aliquam ex constitutionibus Monialium nolle reuocare, nec ei vllaten⁹ præiudicium inferre, nec facultatem à Prælati auferre, quam ipsi habent, circa ea, quæ iuri non aduersantur, mutandi constitutiones aut alias de nouo adiungere, pro vt eis visum fuerit, iuxta necessitatem, & temporum occasionem. Hæc vero Synodus Magistratus, & iustitiæ ministros Catholicæ Maiestatis monet, & hortatur, vt ad executionem horum Decretorum, quæ, vt plurimum ex iure communi, ex Concilio Tridentino, & ex Romanorum Pontificum proprijs motibus desumpta sunt, fauorem, & auxilium opportunum præstent, vt decreta hæc ad Dei omnipotentis honorem dirigantur.

§. XVII.

NE vero exemptiones, & preuilegia regularibus à Sede Apostolica concessa, vllius perturbationis causa sint, necessarium est, ea declarare, quæ ex Decretis Concilij Tridentini regulares obseruare tenentur, & in quib⁹ subditi esse debeant Archiepiscopis, & Episcopis. Quare teneri eos declaratur publicis processibus interesse, quotiescumq; ab Episcopo vocentur, teneri quoque interdicta, & censuras ab Ordinario impositas seruare, & in suis monasterijs, & Ecclesijs publicare, quando eis iniunctum fuerit.

§. XVIII.

I T I D E M ad ordines promoueri, aut alicuius personæ secularis (etiam si Sacerdotes sint) confessionem audire non possint, nisi prius ab Ordinario examinati probentur. Præterea
Epif.

*Prouinc. Conc. de Quiroga
act. 3. c. 47. ***

Seß. 5. c. 2.

Seß. 7. c. 12. & 13.

Seß. 23. c. 15.

Seß. 24. c. 4.

Seß. 25. c. 12. & 13.

Compostel. act. 3. c. 36. &

*Milan. 1. p. 2. tit. de pro-
cessionib. & supplicationib.
verbo ad huiusmodi.*

Conc. Trid. Seß. 23. c. 15.

*Seß. 5. c. 2. ***

Seß. 24. c. 4.

Episcopo non consentiente, aut si prius coram eo cum suorum Superiorum consensu non se constituerint, & ab eo benedictionem acceperint, verbum DEI non prædicent, extra monasteria vero, nisi examinati, & approbati ab Ordinario itidem prædicare non possint.

§. XIX.

I V X T A id, quod à Concilio Tridentino Decretum est, & per schedam Regiæ Maiestatis dispositum, regulares, qui Indorum Curam gerunt, ab Ordinarijs visitari, eisdemque subditi esse debent, tam quò ad Doctrinam edocendam, quam quò ad Sacramenta ministranda. Qui si publicè deliquerint ab Ordinarijs ad suos Superiores transmitti debent. Si vero à Superioribus intra terminum ab Ordinarijs præfixum non corrigantur, delinquentes huiusmodi Ordinarij ipsi puniant, vt est à sancto Concilio Tridentino dispositum, & supra titulo de Episcoporum officio iam dictum.

§. XX.

R E G V L A R E S ab instituto religionis suscepto deficientes, Episcopi fauorib⁹ prosequi non debent, tum quia nihil boni ab his sperandum est, qui promissum DEO votum non seruant, tum quia si ij protegerentur, alijs daretur occasio, vt eorum nequitiam imitarentur, eam ob causam interdicuntur, nè regulares huiusmodi, ab vlllo Episcopo eligantur, aut deputentur, in Vicarios, Beneficiatos, Capellanos, aut Doctrinæ ministros, vt sic de relictis ij ad institutum religionis reddeant, & alij à suscepto proposito discedere vereantur. Si vero regularis aliquis (etiam retento habitu) extra monasterium vagetur, huic facultas non concedatur Sacrum peragendi; nisi prius eius literæ testimoniales ab ipsismet Episcopis examinentur.

§. XXI.

S T A T V I T V R itidem, ac prohibetur in hoc Archiepiscopatu, & Prouincia nè Eremitæ, aut aliæ personæ permittantur, quæ extraordinarium habitum induentes, alium sibi singularem viuendi modum præscribant, quàm eum, quem probata religionis instituta admittant, vt multa incommoda vitentur, quæ vt experientia compertum est inde euenire solent.

Mexic. 1. c. 9. & Granat. tit. de penitentijs, & remissionib. num. 4. & 5. & Synodal de Quirog. const. 12. & Prouinciale eiusdem Quirogæ act. 3. c. 47. & Limens. 3. act. 2. c. 14.

Concil. Trid. Sess. 25. c. 14. Ay cedula Real dada en Barcelona por Iunio de 1585.

„

„


„

„

„ Sess. 25. c. 14.

Mexic. 1. c. 58. & Synod. de Quirog. const. 81. & Limens. 3. act. 3. c. 10.

Mexic. 1. c. 35. §. 2.



L I B R I T E R T I I
TITVLVS XIII.



De Religiosis, & pijs domibus.

§. I.

ECCLSIÆ, Eremitorię, & alia pia loca, vt quem-
admodum oportet conseruentur, & administrentur,
ex iuris dispositione Episcopo debent esse subiecta,
atq; aded in executionem Concilij Tridentini præci-
pitur, vt de cætero similia loca non erigantur, sine Episcopi,
in cuius Diocesi erigenda sunt, facultate prius obtenta, sub pe-
na excommunicationis maioris. In facultatibus vero ad id con-
cedendis seruent Episcopi, quod supra titulo de officio Episco-
porum statutum est. Aduertant tamen, nè in Ecclesijs Indorum
subprætextu Custodum, aut Cantorum maior numerus perso-
narum constituatur, quam, qui videbitur necessarius. Qui ve-
ro ad Ecclesias huiusmodi admittendi sunt, bonæ vitæ, & mo-
rum fama polleant, & Catholicæ Fidei misterijs sint bene in-
structi. Sacrosancti Concilij Tridētini auctoritatem sequuta hæc
Synodus statuit, vt quæ Capitulo octauo, & nono, Sessione vi-
gelsima secunda Concilij eiusdem decreta sunt, omnino ob-
seruentur. —

§. II.

ECCLSIÆ omnes, monasteria, & Eremitoria, Domus,
& loca pia, vt eis debita reuerentia seruetur, & in commo-
dis multis in DEI offensam occurratur, dato signo campanæ,
ad orationem, quæ fit in solis occasu claudantur per totum an-
num præsertim vero ferijs sextis, & alijs Quadragesimæ die-
bus, abeaque hora vsq; quò dies illuxerit, nullatenus aperian-
tur, nec ratione Iubilei, festorum, aut Indulgentiarum, aliter,
qui Ecclesiarum, & locorum piorum huiusmodi curam gerunt,
grauiter punientur, pro modo culpe, in quo Episcoporum con-
scientiæ onerantur. Excipiuntur tamen tantum noctes Natiuita-
tis Domini Nostri, Feriæ quintæ in Cœna Domini, Feriæ sextæ
in parasceue, Resurrectionis Domini; Ne uero nocturnæ statio-
nes fiant, Episcopi necessarium adhibeant remedium.

Epis-

*Seß. 25. c. 3. de regular.
Mexic. 1. c. 35. cum §. 1.
& Granat. de religiosis, &
pijs domib⁹ §. 1. in princip.
& Synod. de Quirrog. const.
76. Concil. Milan. 4. tit.
de Ecclesiar. fabrica.*

*Mexic. 1. c. 75. & Granat.
vbi supra §. 1. & Synodal
de Quiroga const. 78.*

*Tx. in cap. decet de immu-
nitate Ecclesiar. lib. 6.
Mexic. 1. c. 27. §. vnico
ad finem, & Compostel. act.
2. c. 11. & Milan. 1. p. 2.
tit. de Ecclesijs, & earum
cultu verb. Rector. & Gra-
natenf. tit. de celebration.
Missarum n. 31. & Tolet.
act. 2. c. 20.*

§. III.

EPISCOPORVM proprium est, (qui patres indulgentissimi erga pauperes, & egenos esse debent) procurare, vt pia charitatis elæmosinarumque opera augeantur, & ea his administrandis cura adhibeatur, quæ finis, ad quem instituta sunt, comparetur. Eam ob causam ad præscriptum Concilij Tridentini iubetur, vt in hospitalibus Ordinario subiectis, ad optimam eorum administrationem sequentes constitutiones obseruentur.

§. IIII.

NE in hospitalia infirmus aliquis, vt ei medicamenta applicentur excipiat, qui suis sumptibus id efficere valeat. Si ob iustam aliquam causam admitti debeat, ea conditio ei statuatur, vt quidquid in ægitudine impensæ fecerit, hospitali restituat, & aliquid etiam in elæmosinam eroget, nisi aliter fuerit fundatoris voluntate dispositum.

¶ Pauperes omnes ægroti, qui vt ab ægitudinibus conualescant in hospitalia recipiuntur, antequam eis lectus attribuat, vel intratres dies post sibi attributum lectum peccata sua confiteantur. Sinminus medicus nec eos vilitet, nec eis medicamenta applicentur, administrator vero, seu Rector, ita adimpleri faciat, subpæna aurei vnus.

¶ In hospitalibus nullus pauper ludat, nec iuret, sinminus foras eijciatur.

¶ Omnibus diebus Dominicis, festis solemnibus, & alijs diebus si fieri poterit in hospitalibus Missa celebretur, curetq; administrator, vt eam omnes integrè audiant: In hospitalibus vero, vbi sacellum est, & plebis multitudo conuenit ad Sacrum audiendum, illud Dominicis dieb⁹, & festis solemnibus nè peragatur, dum Missa sollemnis in Ecclesia Parochiali celebratur. Nulla autem Missa, aut officium cantetur in hospitalibus, nisi à Beneficiato, vel Beneficiatis Parochia, aut de eorum consensu. Singulis noctibus post datum campanæ signum ad orationem, & etiam summo mane, administrator iubeat, vt aliquis minister alta voce Christianam Doctrinam pauperib⁹ recitet, eiq; pauperes respondere teneantur. In valetudinarijs autem, seu infirmarijs Tabella, & item altera in sacello hospitalium collocetur, quibus Doctrina Christiana descripta sit.

¶ Oratorium quoq; cum sanctissimæ Crucis imagine, alijsve imaginib⁹, & aqua benedicta in hospitalib⁹ constitutur, administratorq; pauperes, qui per hospitale deambulant, ibi preces ad Deum effundere faciat, cū in lecto cubauerint, vel ab eo surrexerint.

¶ Hof-

Seß. 7. c. 15.

Seß. 22. c. 8. & 9.

Concil. Milan. 4. p. 3. tit.

quæ ad pia loca pertinent

ab hoc §. 3. vsq; ad finē bu-

ius tituli vide Granat. tit.

de religiosis, & pijs domib⁹,

à num. 4. vsque ad 19. &

Milan. 4. vbi supra.

¶ Hospitalium præfecti omnem eorum suppellectilem nitidam seruent, curentq; diligenter, nè qui contagiosis morbis ægrotant aliorum pannis inuoluantur, Dormitoria (vt vocant) virorum, & fœminarum diuisa sint, & separata.

¶ Administratores hospitalium nullatenus vagos, ebrios ve nebulones, inimicitias gerentes, & istius modi nequissimos homines recipiant, inobedientes vero, & delinquentes, cum opus fuerit corrigent, eosque vinculis coerceant, contumaces vero foras eijciant.

¶ Itidem Rectores nè patiantur, vt in hospitalibus, à pauperibus aliquid extorqueatur, eo prætextu, quod lumen, aut ignis, alia ve huiusmodi eis suppeditentur.

¶ Sacramenta quoque pauperibus suorum hospitalium Rectores administrent, si ab Episcopo examinati, ad id facultatem obtinent, pauperes etiam in articulo mortis hortentur, eisque in eo articulo omnia necessaria prouideant; nec solos eo tempore ægrotos deferant. Idque omne Curati Parochiarum in his hospitalibus præstabunt, vbi Rectores non sint constituti subpena quatuor pondò. Defunctos etiam pauperes si in eisdem hospitalibus ij sepelliantur, Beneficiatus, & Curatus Parochiæ sepeliat. —

¶ Libros habeant administratores, eisq; infirmorum nomina inscribant, quibus lecti attributi sunt, cum die, mense, & anno quando hospitalia sunt ingressi, patria etiam, ætate, officio, & statu, suppellectiliq; & pecunijs, quas secum attulerunt. Curent etiam, vt testamenta condant, eisq; in memoriam reuocent, vt hospitali (si fieri potest) succurrant. Quodsi obuierint, eos in libro describant, ita vt hæredibus, de eis rationem reddere possint. Si vero conualuerint, quando ex hospitali discesserint, pecunias, & omnem suam suppellectilem eis restituant.

¶ Hospitalium præfecti curent diligenter, nè qui ad videndos ægrotos conualescentes accesserint, eis fructus, aut alia esculenta porrigant, præter id, quod medicus iussit. Si vero compertum sit, secus fuisse factum, Rector, seu administrator Præfectum hospitalis, suo arbitratu puniat.

¶ Rectores, tempore, quò pauperes prandent, & cœnant, valetudinarijs (quæ infirmariæ vocantur) intersint, & vnicuiq; id suppeditari curent, quod à medico constitutum reperietur in tabella, aut libro, quem ad effectum huiusmodi habere debent.

¶ Ij, quibus incumbit cura emendi ea, quæ ad vsum hospitalium sunt necessaria, curent diligenter, vt in eo officio cum omni vtilitate, & commoditate hospitalium sese exerceant.

Iniun-

Iniungit præterea hæc Synodus omnib⁹ hospitalium ministris, vt accuratissimè eorum commodis consulant, reiq; eorum familiari prospiciant.

¶ Omnes etiam hospitalium ministri Christiano zelo ardeant, misericordes, benignos, fideles se præbeant, confiteantur peccata sua, Sacramq; Eucharistiam percipiant in Quadragesima, Natiuitate Domini, in die Resurrectionis, & Penthecostes, alijsq; festis pro eorum deuotione. Huius vero rei, Rectores curam gerant, necnon, vt pauperes omnes peccata sua confiteantur, saltem in Quadragesima: quem vero secus facere compererint corrigant, & si opus est ab hospitali expellant.

§. V.

PRæter has constitutiones, in vnoque hospitali, peculiare quoque Regulæ ab Ordinario, seu ab eius officiali, aut Visitatore probatæ, & examinatæ, vnicuiq; officio statuantur. Quas Regulas omnes seruare debeant. aliter qui secus fecerint plectantur, vsque ad expulsionem. Episcopi vero, quæ magis sibi expedire videbuntur, pro ratione circumstantiarum loci, & causæ poterunt statuere.

LIBRI TERTII

TITVLVS XV.



De celebratione Missarum, &

DIVINORVM OFFICIORVM.

§. I.



T sanctissimum Missæ Sacrificium, in qua illa DEO Patri placens Hostia IESVS CHRISTVS in odorem suauitatis offertur, singulari religione, ac pietate, & à Sacerdotibus celebretur, & à populo colatur, hæc Synodus decernit, ac iubet, vt tam in Cathedralibus, quam in Parochialibus Ec-

clesijs omnibus huius Archiepiscopatus, & Prouinciæ, Præbendati, Parochi, & Beneficiati, cæterique Sacerdotes, & ministri, in celebrandis Missis, & diuinis officijs recitandis omnino sese accommodent, ad Missale, & Breuiarium ex Concilij

S

Tri-

Synod. de Quirog. cõst. 79. ad finem. Late Concil. Milanens. 4. tit. quæ pertinent ad sanctiss. Missæ sacrificium.

LIB. III. TIT. XV. DE CELEBRAT. MISSARVM,
Tridentini Decreto edita, & ad institutiones suarum Ecclesia-
rum Missali, & Breuiario Romano minime contrarias.

§. II.

*Seß. 24. c. 12. verbo cæte-
ra.*

*Tarraconens. Concil. in cap.
per constitutionē, & in cap.
quia per ceremonias de con-
suetudine. Guadix tit. 3.
const. 2. & Milan. 1. p. 2.
tit. communia de ratione di-
uinorum officiorum, & Mi-
lan. 4. tit. de Beneficiatis
§. 1. ad finē, & Compostel.
act. 2. c. 14. & Limens. 3.
act. 4. c. 11.*

*Concil. Tarraconens. ubi su-
pra, & Guadix tit. 3. const.
2. & Compostel. act. 2. c.
15. & Milan. 1. p. 2. tit.
de officio magistri chori, &
ceremoniarum, & Milan. 2.
tit. 2. Decreto 12. & Gran.
tit. de celebrat. Missarum.
n. 1. & 19. & 20. & Sy-
nodal de Quirog. const. 79.*

*Tx. in c. Sacerdotum alio-
rumq; Clericorum de consecra-
dist. 2. & tx. in cap. 1. de*

QVONIAM vero, vt rebus per multis consultum es-
set, quæ expresse in Missali, & Breuiario Romano, & in
erectionibus, & constitutionibus Ecclesiarum huius Prouinciæ
non continentur, hæc Synodus Sacrosancti Concilij Tridentini
auctoritati innixa, Rituale, seu Cæremoniale ad vsum huius Ar-
chiepiscopatus, & Prouinciæ constituit, & approbavit. Idem-
que ad cultus diuini decorum, & ornatum plurimum conferre
censuit. Id circo eadem Synodus præcipit, vt Ritualis, seu Cæ-
remonialis huiusmodi forma inuiolabiliter obseruetur, post-
quam à Sede Apostolica reuissum fuerit. Episcopos vero, &
Chori præfectos monet, & hortatur, quatenus illud executioni
plene mandari faciant, sub penis in rituali statutis, de cuius ob-
seruatione in Synodo Prouinciali Episcopi rationem reddant.

§. III.

IN vnaquaq; Cathedrali Ecclesia magister Cæremoniarum
ab Episcopo, & Capitulo constituatur, qui Sacerdos sit pro-
batus moribus, & in diuinis officijs, & Cæremonijs valde exer-
citatus, cui æquis sumptibus, Capituli, Episcopi, & fabricæ
stipendium detur. Magistri autem Cæremoniarum officium
erit, tam assistentes Choro, quam Altari ministros officij sui
admonere, vt in eo vnus quisque, Cæremoniarum ritum obser-
uet. Obedientia vero magistro huiusmodi Cæremoniarum præ-
standa est, eumque omnes audiant in diuinis officijs cum debi-
tis Cæremonijs celebrandis: aliter enim confusè, ac perturba-
tè agerentur. Officium quoque magistri Cæremoniarum erit,
Præbiteros recens promotos examinare, & probare, eisque ad
primam Missam celebrandam facultatem concedere. Quia ve-
ro in cultu exteriori rituum confirmatio admirabilis harmo-
niæ causa est, & ad deuotionis augmentum plurimum confert,
hæc Synodus iubet, vt omnes Præbiteri, cuiuscumque quali-
tatis, & conditionis existant, à magistro Cæremoniarum hu-
iusmodi denuò examinentur in Cæremonijs, & ritibus Missa-
lis Romani ex decreto Concilij Tridentini editi, idque Episco-
pus quam primum fieri possit adimpleri faciat.

§. IIII.

OPTIME in Ecclesia constitutum est, vt Clerici à secu-
laribus, sicut dignitate, ita etiam in loco distinguantur.
Sic enim Clericalis ordinis dignitas melius conseruatur, & ab
atten-

attentione, & animi reuerentia, quam Clerici diuinis officijs adhibere debent minimè prohibentur. Quæ tam laudabilis consuetudo, tamque omnium catholicorum probata consensu, vt obseruetur: Hæc Synodus statuit, ac mandat, nè Ecclesiarum Cathedralium Choros dum diuina peraguntur officia, seculares personæ vllatenus ingrediantur, nec intra Chori cancellos admittantur, exceptis moduloribus, siue cantoribus, qui Choro inseruiunt. —

§. V.

HIS itidem temporibus, quibus Clerici, vel ad verbum Dei audiendum, vel ad diuina officia celebranda in Choro conueniunt, nullatenus permittatur, vt fœmina aliqua Chorum intret, aut in excelso, vel sublimi Chori loco sedeat, sub pœna excommunicationis. Clerici omnes etiam illi, qui prima tantum tonsura insigniti sunt, ad diuina officia celebranda superpelliceo induti ingrediantur: secus vero eis intra cancellos Chori ingredi prohibeatur, nisi aliarum Ecclesiarum Cathedralium Præbendati sint.

§. VI.

PORRO iuxta motum proprium fœlicis Recordationis Pij Papæ Quinti prohibetur, nè persona aliqua Ecclesiastica; siue secularis cuiuscumq; qualitatis, præheminentiæ, status ve existat, quacumq; de causa elæmosinas per Ecclesiam quæreret, dum Missa sollemnis, aut alia diuina officia celebrantur, nec dum Missa priuata per agitur ab his, qui eam audiunt elæmosinas huiusmodi petat inquietè, & tumultuosè. Immo si qui elæmosinas hoc modo quærunt, eos Præsides in Ecclesiæ Cathedralis Choro, & Curatus in Parochiali ad portas Ecclesiæ petere compellet. Si vero per Ecclesiam elæmosinas peti, tempore ab hoc decreto prohibito, Præsides, vel Curatus huiusmodi patiantur, in singulas vices pro sua negligētia pondo quatuor persoluant, in vsus fabricæ Ecclesiæ.

§. VII.

OMNIBVS diebus Dominicis, & festis solemnibus, (etiam si sermo habeatur) in Missa solenni Angelicus hymnus Simbolum, Præfatio, & Dominica oratio cantabitur. Sin min⁹ Præsides in Choro, qui sine sufficienti causa id aliter fieri consenserit, & Sacerdos, qui sine facultate aliquid horum negligenter omisserit, pondo vnum fabricæ Ecclesiæ singuli persoluant. Chorus autem si aliquid horum non cantauerit, Missæ distributiones ammittat.

S ij

Nul-

vita, & honest. Clericorum:

Mexic. 1. c. 21. Tolet. act. 3. c. 15. Cōpostel. act. 2. c. 21. & Granat. de celebratione Missarū n. 3. Prouinc. de Quirog. act. 3. Decreto 39.

Y por Real cedula de 24. de Septiembre de 1570. se manda practicar, y guardar el dicho cap. 15. de la acción tercera del Cōcilio Toledano.

Mexic. 1. c. 21. Milan. 1. p. 2. tit. cōmunia de ratione diuinorum officiorum verbo in choro, & Synodal de Quiroga const. 88. & Limen]. 3. act. 3. c. 27. ad finem.

Pius V. const. 5. verbo pauperes fol. 924. in Bullario Apostolico.

Et est lex Regia 16. tit. 12. lib. 1. recopil. Clarius in leg. 26. eodem tit. & lib. versic. muy decente.

Mexic. 1. c. 21. §. 3. Milan. 2. p. tit. de Ecclesijs, & earū cultu, verbo nè Mēdici, & Granat. tit. de celebratione. Missar. n. 30. & Synod. de Quirog. const. 83.

Mexic. 1. c. 21. §. 2. & Cōpostel. act. 2. c. 23. & Synod. de Quirog. const. 84.

§. VIII.

*Vide Concilia adducta sup.
tit. de religiosis, & pijs do-
mibus §. 2.*

NVLLVS Missam ante auroram, nec post meridiem, (nisi ex privilegio sibi ad id concessio) celebret, Missæ vero, quas Hispanicè de Aguinaldo vocant, antequam dies illuxerit, nè celebrentur.

§. IX.

*Mexic. 1. c. 21. §. 1. &
Guadix tit. 3. const. 7.*

MISSIS celebrandis in diebus colendis, is ordo adhibeatur, vt pro populi commoditate plures simul Missæ non celebrentur, sed debito interualo distribuuntur.

§. X.

Seß. 22. in principio.

*Mexic. 1. c. 22. & Guadix
tit. 3. const. 19. & Granat.
tit. de celebrat. Missar. n. 29.*

NÊ, vt Sacrosanctum Concilium Tridentinum decernit, superstitioni loc⁹ aliquis detur, quæ ex ignorantia, & quorundam fidelium nimia facilitate irrepsit, præcipit hæc Synodus in virtute sanctæ obedientiæ, vt nullus Sacerdos sub pænâ excommunicationis eas Missas celebret, quas vocant sancti Amatoris Comitæ, aut sancti Vincentij, alias ve similes, quæ ab aliquib⁹ celebrari petuntur cum certo candelarum numero, certisque in locis candelis huiusmodi collocatis, certis etiam modis, aut coloribus existimantes, ob supersticiosas huiusmodi Cæremonias, se, quod volunt impetraturos, Missas vero huiusmodi petentes moneant, qui sit, & à quo potissimum proueniat, sanctissimi huius sacrificij tam præciosus, ac cœlestis fructus, eos quoq; ritus, & Cæremonias Missis celebrandis adhibeant, quæ ab Ecclesia probatæ, ac frequenti, & laudabili vsu receptæ sunt. —

§. XI.

Seß. 22. in principio.

*Mexic. 1. c. 25. & Guadix
tit. 3. const. 8. & Milan. 1.
p. 2. tit. quæ pertinent ad
celebrat. Missæ verbo Nullus Sacerdos, & Milan. 4.
tit. quæ pertinent. ad sanctiss.
Missæ Sacrificium verbo Episcop.
& Synodal de Quirrog. const. 82. & Pro-
uinc. eiusdem Quirrog. act. 3.
Decreto 41.*

ITIDEM quemadmodum à Tridentina Synodo statutum est, nullus Sacerdos in priuatis edibus, & omnino extra Ecclesiam, & oratoria, quæ diuino tantum cultui dicata, & à locorum Episcopis visitata, & approbata, cum facultate inscriptionis Missam celebret. Aliter Sacerdos huiusmodi per mensem vnum à diuinis suspendatur, Is vero, qui ei necessaria ad Missam celebrandam tribuerit argenti marcam (vt dicunt) persoluat, cuius partes duæ ad vsum ceræ sanctissimi Sacramenti, tertia vero accusatori tribuatur, ex nunc vero facultates omnes ad id, quouis modo concessæ reuocantur, Episcopique admonentur, vt deinceps cautè ipsi perse, & ad tempus limitatum eas concedant. —

§. XII.

*Tx. in cap. nocte sancta de
consecr. dict. 1. & in cap.*

NVLLVS Sacerdos in die vna duas celebret Missas, præterquam Natiuitatis Domini, in qua tres tantum Missæ ab

ab vno Sacerdote celebrari possunt. Secunda tamen neutiquam celebretur, si in prima Sacerdos ab lutionem, aut aliquid aliud ob quod non sit ieiunus deglutuerit.

§. XIII.

OB reuerentiam, quæ Eucharistiæ percipiendæ exhibenda est, præcipitur, nè vllus Sacerdos ante Missæ celebrationem, aut quæuis alia persona ante communionem, quidquam Tauaci, Picieti vè, aut similium medicamenti causa per modum fumalis euaporationis, aut alio quouis modo percipiat. Sacerdotes quoq; flexis genibus peccata sua confiteantur, antequam vestib⁹ ad Sacrum peragendum se induant, sub pæna pondo decem fabricæ, accusatori, & pijs operibus æquè applicandorum, quam etiam multam incurrat Sacerdos, qui aliter, quam hoc Decreto sancitum est, confessionem audierit; Sacerdotes etiam Missam celebraturi, non in Altari, sed in sacristia, vt consuetum est Sacras vestes induant.

*cōsultit de celeb. Missarū.
Guadix tit. 3. const. 6. &
Granat. tit. de celebr. Mi-
ssar. n. 24. & 25.*

Limens. 3. act. 3. c. 24.

*Granatens. tit. de celebrat.
Missar. n. 27.*

§. XIII.

CVRATI omnes, Vicarij ve Indorum, qui de consensu Episcopi ad ciuitatem, vbi Sedes Episcopalis residet peruenerint, tenebuntur diebus solemnibus Missæ, & vespers interesse in ipsa Cathedrali, Clerici vero Capellas obtinentes, Ecclesias quoque vbi illæ fundatæ sunt adeant. Qui autem ex eo, quod ad titulum patrimonij fuere promoti, peculiaribus quibusdam Ecclesijs addicti sunt, ad Missæ, & Vesperarum officium eas adeant Ecclesias, quibus fuere ascripti. Episcopi vero admonentur, vt in hoc Decreto exequendo suam operam collocent, cum ad diuini cultus augmentum plurimum valeat eius obseruatio.

*Mexic. 1. c. 54. §. 2. &
Guadix tit. 3. const. 11. 21.
& 31. Granat. tit. de insti-
tut. & iure Patro. n. 6. &
tit. de celebrat. Missar. n.
39. & Synodal de Quiroga
const. 54. & 95. & Prouin.
eiusdem Quirog. act. 3. &
Limens. 3. act. 3. c. 25.*

*Concil. Trid. Sess. 23. c.
16. de reform.*

§. XV.

PAROCHIALES Ecclesiæ omnes, & monasteria cum Cathedrali concordent, de tēpore dandi signum sono Campanæ ad salutationem Angelicam, Missam, & Vesperas: Sabbato autem sancto cum Gloria in excelsis cantatur, ante signum in Cathedrali datum campanas nè pulsant, vt in Concilio Lateranense sub Leone Decimo iussu est.

*Concil. Lateranense sub
Leon X. Sess. 11.
Mexic. 1. c. 28. & Guadix
tit. 3. const. 12. & Milan.
1. p. 2. tit. communia de ra-
tione diuinor. officior. verbo
in vrbibus, & Granat. tit.
de officio sacristæ n. 9. &
Limens. 3. act. 4. c. 13.*

S iij

Inde

§. XVI.

*Pro hoc §. 16. 17. 18. 19.
& 20. loquitur, Granat. tit.
de Beneficiis n. 4. 5. 6.
7. & 8.*

IN D E nascitur defunctis, aut illis, qui elæmosinas pro celebratione Missarum erogant, maximum detrimentum, & Sacerdotibus ad victum egentibus maximè incommoditas. Quod aliqui Sacerdotes elæmosinas pro celebratione Missarum sine delectu recipiunt, & maiorem Missarum numerum celebraturos promittunt, quam ob temporis breuitatem celebrare possint. Cui malo remedium adhibere volens hæc Synodus statuit, vt in vnaquaq; Cathedrali, aut Parrochiali Ecclesia locorum, vbi Hispani comorantur collector vnus Missarum constitutur, Sacerdos vitæ exemplo probatus, ac timens Deum, qui ab Episcopo deputetur, cuius officium sit, elæmosinam recipere Missarum omnium, quæ ex testamentorum dispositione, aut alio quouis modo celebrari fient. Quam elæmosinam, sic inter Sacerdotes Missas celebraturos distribuat, aut earum celebratio quam primum fiat, & abusus hactenus introductus funditus tollatur. Quod vt melius fiat, is Ordo feruetur.

§. XVII.

IN primis, nullus Sacerdos ex illis, qui in ciuitate, aut oppido Hispanorum resident, vbi collector fuerit constitutus, recipiat, aut recipere possit, pro Missis aliquibus celebrandis elæmosinam, nisi de consensu collectoris deputati, ad quem eos transmittet, qui Missas celebrari petunt, antequam illis se Missas celebraturum promittat, aut elæmosinam illarum accipiat; aliter panam pondo sex incurrat, accusatori, & fabricæ Ecclesiæ æque distribuendorum.

§. XVIII.

COLLECTOR duos habebit libros, in quorum vno Missas annotet, quæ vel ex testamentis, vel ex deuotione petuntur celebrari cum officio, de quo celebrandæ sunt, loco etiam die, mense, & anno; In altero vero Missas ad celebrandum inter Præbiteros distributas describet cum nominibus Sacerdotum, annotetq; Missas iam celebratas, ita vt huius rei Episcopo, aut Visitatori petenti rationem reddat. In distributione autem Missarum collector diligenter attendat onera Cappellarum, aliarum ve rerum, quibus singuli Sacerdotes satisfacere debent, eisque plures Missas nè committant, quam quas pos-

possint commode celebrare, suis prius oneribus satisfaciētes, in distributione vero huiusmodi eos alijs præferat, quo magis indigent, & magis assidue Ecclesiæ cultum frequentant.

§. XIX.

IN vnaquaque Cathedrali, seu Parochiali Ecclesia, vbi collector fuerit, Arca vna sit, duabus clauibus occlusa, quarum vna penes collectorem sit, altera penes Curatum Ecclesiæ antiquiorem, in qua Arca elemosina ad Missarum celebrationem erogata asseruabitur. Arca autem huiusmodi, nisi singulis quoque octo diebus, præsentibus ibidem collectore, & Curato, nè aperiatur, tuncque inde desumpta pecunia pro ratione Missarum ea hebdomada celebratarum distribuetur. Nulli autem Sacerdoti elemosina pro Missa anticipabitur.

§. XX.

PRÆCIPITVR quoque omnibus illis, quibus incumbit efficere, vt Missæ celebrentur, veluti, Curatis, Capellanis, testamentorum executoribus æconomis confraternitatum, aut congregationum, & ipsi collectori, Nè Missas extra Diocesim, in qua resident celebrari faciant, eoque elemosinam transmittant, neque etiam in Hispaniam subpena excommunicationis, nisi in aliquo speciali casu, & valde vrgenti Episcopus ad id facultatem concesserit, in quò eius conscientia valde oneratur. —

*Granat. tit. de Beneficiis
n. 6.*

§. XXI.

PUBLICÆ, & generales preces decernuntur, vt omnipotentis DEI, iram placemus, ab eoque in nostris tribulationibus remedium consequamur. Quare oportet in huiusmodi precibus, & processionibus id omne effugere, quod diuinam Maiestatem offendere, eiusque in nos iram prouocare possit. Ideoque iuxta motum proprium fœlicis Recordationis Gregorij Papæ XIII. statuit, ac præcipit hæc Synodus, vt processiones eorum, qui se ipsos diuerterant, & aliæ quæcumque in hebdomada maiori fieri solitæ, aut faciendæ, noctu nè fiant, sed in luce diei, nec mulieres in his processionibus sese flagellantes, permittantur, aut alię personæ, eis accensis luminibus per euntes; Si vero fœmina aliqua votum sic se flagellandi emisserit, ex nunc illud votum, ita commutatur, vt priuatim se flagello percutiat. —

*Concil. Elibertinum. c. 35.
& Antisiodorense c. 5. &
Caulonen. c. 19. Mexic. 1.
c. 27. §. unico, Guadix tit.
6. const. 19. & 47. & Mi-
lanens. 1. p. 2. tit. de pro-
cessionib. & supplicationib.
idem Guadix tit. 6. const.
20. idem Concil. Milan. 1.
p. 2. tit. de Ecclesijs, &
earū cultu verbo Rector, &
Tolet. act. 2. c. 20. & Cō-
postel. act. 3. c. 40. Synod.
de Quirog. const. 74. & Li-
mens. 3. act. 3. c. 43.*

§. XXII.

IN processione itidem Corporis CHRISTI, vbi propter realem CHRISTI Domini in Sacramento existentiam, ma-

*Facit tx. in Clem. unica de
reliquijs, & venerat. sanctor.*

Et Concil. Trid. sess. 13.
c. 5. in Doctrina de Sacra-
mento Eucharistiæ, & est lex
Reg. 7. tit. 15. lib. 8. reco-
pil. & Limens. 3. act. 2.
c. 23.

Verbo fenestra hoc est,
ventana, est Concil. Mi-
lan. 4. tit. de processio-
nib. verb. quod in multis.

maior reuerentia seruanda est, nulla fœmina personata incedat,
aut ita, vt cognosci non possit, nec si personata, aut incognita
in fenestra, aut alibi publicè compareat, sub pœna excommu-
nicationis maioris, quò ea reprimatur audacia, quà ita perso-
nata, aut velata multa in honestè proferentes indecenter ince-
dunt, Iudicibus vero Ecclesiasticis, & secularibus iniungitur,
quatenus curent, vt in omnibus processio-
nibus viri à fœminis
separati procedant; vt multis ex hoc nascentibus incommodis
occurratur. —

LIBRI TERTII TITVLVS XVI.

De Baptismo.

§. I.

Mexi. 1. c. 26. & Guadix
tit. 2. à cõst. 4. & Milan.
1. p. 2. tit. quæ pertinent
ad baptismi administrationē,
& Granat. tit. de baptismo,
& Synodal de Quiroga cõst.
1. 2. 4. & 7. & Milan. 5.
tit. quæ ad baptismum per-
tinent.
Tx. in Clem. vnica de bap-
tism.

Concil. Milan. 5. tit. quæ
ad baptism. pertinent, ver-
siculo nec vero.

Vide Concilia supra citata
§. 1.

DESCRIPVTVA Sacra valdè commendat, vt san-
cta sanctè tractentur, & vt Sacra à prophanis distin-
guantur. Quam ob causam, cum Tempia tamquam
loca sancta, & consecrata, & deputata sint, vt in eis
Sacramenta conferantur, cumq; vnicuique ad id, sua Parochia
designata sit, hæc Synodus statuit, & mandat, vt nemini liceat
quemquam in priuatis ædibus, Eremitorie, monasterio, aut
Ecclesia, cuius non fuerit Parochialis baptizare. Qui vero se-
cus fecerit, quam hoc Decreto constitutum est, ab officio, &
Beneficio per mensem vnum suspensus sit.

§. II.

Interdicitur præterea, nè Capellæ, & fontes baptismales,
sericis thalamis, aut aulæis, alio ve prophano apparatu or-
nentur. Quod si Parochus, & Sacrista id consenserint, viginti
pondo mulctentur fabricæ, & ceræ, quæ sanctissimo Eucharis-
tiæ Sacramento deseruit, accusatori etiam æque distribuendis.

§. III.

PAROCHI, & ministri tam Indorum, quam Hispano-
rum paruulos, nisi ob causam ægritudinis ante nonū diem
baptizari curent. Cum vero extra Ecclesiam paruulum, ob ca-
sum necessitatis baptizari contigerit, is Chrismate, aut oleo nè
inungatur, donec eum in Ecclesia sistant, ibique cum reliquis
ad bap-

ad baptismum pertinentibus solemnitatibus fiat, neque ultra quindecim dies diferatur, nisi causa ægritudinis urgente, qui vero paruulos in priuatis ædibus baptizatos intra prædictum tempus ad Parochias ferri non curauerint, à diuinis officijs vitentur, quousq; ea adimpleant, quæ hoc Decreto præcipiuntur.

§. III.

QUONIAM adulti prius baptizari non debent, quam in rebus Fidei Catholicæ sufficienter instruantur, vt titulo de summa Trinitate, & Fide Catholica præmissum est, ideo vbi adultorum numerus reperitur, vt accuratius ij erudiri procurent, deque eorum sufficientia melius constare possit, duo solennes baptismi iuxta consuetudinem primitiuę Ecclesiæ celebrentur, alter in Resurrectione Domini, alter vero in Penthecoste. Ante baptismum autem Cathecumeni examinentur, adhibita diligentia, vt eo interuallo temporis, quod est inter vnum, & alium baptismum, misteria Fidei edificent. Heri vero serui qui baptizandi sunt, eos mittere compellantur ad locum ab Episcopo deputatum, vt ibi documentis Christianæ Fidei imbuantur.

§. V.

Indorum Parochi, eis in Baptismo antiqua nomina gentilitatis nè imponant, nec ex testamento veteri desumpta, sed ex sanctis noui testamenti, quos summa deuotione prosequendos proponant. Parochi vero omnes in eo, quod ad compadres adhibendos spectat, ea obseruent, quæ titulo de officio Rectoris, & Plebani statuta sunt. —

*Guadix tit. 2. const. 6.**Guadix tit. 2. const. 10.
Concil. Milan. 4. 2. p. tit.
quæ pertinent ad Sacrum
baptisma, verbo Curet idem.*

LIBRI TERTII

TITVLVS XVII.



De Sanctissimo Eucharistiæ

SACRAMENTO, ET EIVS CVSTODIA.

§. I.

QUI attentè considerat quod de Sacrosancto Eucharistię Sacramento Catholica Fides nos docet, in eo (scilicet) CHRISTVM verum Deum, & hominem, verè, realiter, & substantialiter contineri, is facile animaduertet, quò ornatu, tabernaculum esse debeat, in quo sanctissimum Eucharistię Sacramen-

*Milanens. 1. 2. p. tit. quæ
pertinent ad Sacramentum
sanctę Eucharist. verbo E-
piscopus, & Granaten. tit.
de sanctissim. Eucharistię
Sacramento n. 2. & 3. Synod.*

T

men.

de Quirog. const. 9. & Milanens. 4. 2. p. tit. quæ ad sanctiss. Euch. Sacram. pertinent, & 5. Milan. tit. quæ ad sanctiss. Eucharist. Sacram. pertinent. Sess. 13. c. 6.

Guadix tit. 2. const. 38. & Limēf. 3. act. 2. c. 21. Concil. Valentinum sub Archiepiscopo D. Ioanne de Ribera c. 16. citatum à Iacobo Bledda in defensione Fidei contra Moriscos tractatu 2. cōsectario 6. fol. 397.

Lex Reg. 2. tit. 1. lib. 1. recopilat.

Concil. Milan. 5. tit. quæ ad sanctissim. Eucharistiæ Sacram. pertinent, verbo at vero omnes.

mentum asseruandum sit, igitur ex Concilij Tridentini Decreto statuit hæc Synodus, ac præcipit, vt in omnibus Cathedralibus, & Parrochialibus Ecclesijs huius Archiepiscopatus, & Prouinciæ, vbi Eucharistia asseruari debet, locus constituatur, in eoque tabernaculum bene ornatum, & claue occlusum, in quo lapis Sacratu, corporalibus coopertus sit, ibique Custodia aurea, & argentea collocetur, quæ intrase lineis corporalibus in volutum Sanctissimum Eucharistiæ Sacramētum contineat, & asseruet, ad id præcipue, vt ad infirmos Eucharistia deferatur, cum hæc consuetudo in Ecclesia Catholica semper vigerit. In Custodia vero huiusmodi, duæ formæ magnæ sint, quarum vna ad infirmos ducatur, alia vero tabernaculo asseruetur, & præterea, paruulæ aliæ formæ erunt, quibus infirmi, & hi qui bona valetudine consistunt, communicent, vbi cumque autem Sanctissimum Eucharistiæ Sacramentum asseruabitur, lampas semper incensa colluceat.

§. II.

VT in quibus Ecclesijs, & locis conueniens sit, Eucharistiam asseruari constet, declarat hæc Synodus posse in omnibus Hispanorum locis, oppidis ve asseruari, dummodo oppidum à viginti habitetur vicinis. Poterit etiam asseruari alibi, si Episcopo videbitur, quamuis locus à tot non habitetur vicinis, si ibi secure, & decenter Custodiri possit. Si tamen Parochus à pago huiusmodi discesserit Eucharistiam ibi asseruatam summat. Quoad oppida vero Indorum prudentiæ Episcoporum relinquitur, vt locum, in quo possit secure, & decenti ornatu Eucharistia Custodiri, prius respiciant, quam ad id facultatem concedant.

§. III.

AT T E N T I S reuerentia, & deuotione, quibus colere, & adorare, sanctissimam Eucharistiam debemus, leges regiæ subcertis panis statuunt, vt cum hoc Sacramentum ab Ecclesia effertur, & per vias ducitur. Seculares homines, qui præfentes intersint, illud comittentur. Quare multo magis hæc Synodus Ecclesiasticis personis omnibus altaris cultui dicatis præcipit, vt tempore, quo Eucharistia ab Ecclesia ad infirmos ducitur, si ibi intersint, nisi diuinis officijs celebrandis, aut confessionibus audiendis occupentur, ei incomitatu esse teneantur; Itidemque illi, quibus in plateis, aut viis occurrerit donec ad Ecclesiam reducat, & in tabernaculo recondatur; Quod si quisquam secus fecerit, cuiuscumque dignitatis, aut qualitatis existat, in singulas vices pondo octo persoluat, quæ aquis portioni-

tionibus, in accusatoris, piorum operum, & ceræ sanctissimo Sacramento deseruientis vsum erogentur, Nevero qui diuina officia in Ecclesia celebrant, huius rei causa distrahantur, iubetur, vt dum Missa solemnis per agitur, solum in vrgenti casu necessitatis viaticum ad infirmos deferatur, quò Missa perfecta maiori cum reuerentia omnes sanctissimam Eucharistiam comittentur. —

§. III.

CVM Cœlestis iste cibus nostrarum animarum fortitudo sit, præsertim in extremo vitæ certamine, nullatenus permitti debet, vt quisquam sine tanto viatico ex hac vita discedat. Quare ius antiquum à fœlic. Record. Pio Papa Quinto suo proprio motu innouatum, & etiam lege Regia susceptum decernitur, ac præcipitur, vt omnibus fidelib⁹ ad mortem damnatis, ante vnum diem, quam pœna mortis executioni mandetur, huius sanctissimi Sacramenti viatico reficiantur, vt eo roborati mortem, ad suarum animarum salutem patienter ferant.

§. V.

QUAMVIS semper, & vbique colere, ac venerari sanctissimam Eucharistiam debeamus, præcipuè tamen ad id astringimur, feria Quinta in Cœna Domini, quando eius institutione, tam singulare in Ecclesiam suam Beneficium Dominus contulit; Quam ob causam iubet hæc Synodus, vt omnes fideles præsertim Ecclesiastici eo die astent tabernaculo, vbi sanctissimæ Eucharistiæ Sacramentum repositum est, in commemorationem Domini sepulchri, idq; quanta fieri possit reuerentia, & deuotione præstent. Cauetur tamen vt aliquibus incommodis, quæ euenire possent, occurratur, nè in oppidis Indorum, sepulchrum constituatur, vt in eo Eucharistia collocetur; nisi vbi peculiaribus de causis ab Episcopo fuerit concessum.

§. VI.

QUIA in ipso institutionis die, Ecclesia sanctissimi Corporis CHRISTI Sacramenti festum, ea exteriori lætitia, qua oportet, celebrare non potest cum tota mortis Christi misterio sit intenta; post sanctissimæ Trinitatis festum feriam Quintam immediate sequentem cum signo spiritualis lætitiæ, & exteriori apparatu celebrandum, delegit. Quæ festiuitas, vt cum omni deuotionis affectu, à populo Christiano celebretur præcipit hæc Synod⁹, vt eam in festo sanctissimæ Trinitatis Curati, & Prædicatores populo denuntient, eundemq; moneant, & exhortentur, quatenus toto animi conatu separent, ad Eucharistiam, in ipso facto, aut infra octauam, per-

T ij

cipien-

Argum. tx. in cap. quod in te de pœnitentijs, & remissionibus, & Glossa in Clem. 1. eodem tit.

Motus proprius Pij V.

In leg. 9. tit. 1. lib. 1. recopilat. & Milan. 3. act. 2. c. 23. & Milan. 5. tit. quæ ad sanctiss. Eucharist. Sacram. pertinent verb. reus capitis damnatus.


Mexic. 2. c. 13. & Limeu. 3. act. 2. c. 26.

Clem. vnica de reliquijs, & venerat. sanctorum.

Concil. Trid. sess. 13. c. 5. & Canon. c. 6.

Ex dict. Clem. vnica ideoq; vniuersitatē de reliquijs, & veneratione sanctorum.

cupiendam. Itemque vt in processione ea reuerentia, & animi attentione, & exteriori modestia procedant, quibus ante diuinam maiestatem in ipso Sacramento verè presentem, & assistentem esse debent. —



LIBRI TERTII

TITVLVS XVIII.

De Reliquijs, & veneratione

SANCTORVM, ET TEMPLO RV M.

§. I.

OMNIS veneratio, quæ sanctorum reliquijs, & imaginibus, Sacrisque ædibus exhibetur, in Dei laudem, & gloriam cedit, qui gloriosus, & admirabilis in sanctis suis apparet; totiusque sanctitatis est auctor: contra vero si hæc in honore non habeantur, aut quolibet irreuerentiæ genere prophanè, & superstitiosè tractentur, grauis in Deum offensa committitur. Oportet autem, vt Episcopi tamquam Pastores gregi inuigilent, veramque deuotionem, inter fideles propagare studeant, falsasque, & vanas superstitiones penitus ab eis explodant, ita vt glorificetur Deus in sanctis suis. Quo circa ex Decreto Sacrosancti Concilij Tridentini, & ex constitutione fœlicis Recordationis Pij Papæ Quinti decernit hæc Synodus, & mandat, vt in Ecclesijs choreæ, saltationes, actiones, & prophani cantus prohibeantur, etiam in die Natiuitatis Domini, & in festo Corporis Christi, & alijs similibus, cum vero Sacra aliquæ historiæ actione referendæ erunt, alia ve sancta, & animæ utilia, hymni ve aliqui deuoti canendi, hæc omnia per mensem ante ad Episcopum deferantur, vt ab eo examinentur, & probentur. Qui vero sine Episcopi facultate, & approbatione aliquid horum effecerint, & qui cum illis consenserint, pro modo culpæ grauiter puniantur. Dum vero diuina officia celebrantur, actiones etiam ab Episcopo concessæ fieri prohibentur.

Vehe-

De hoc tit. satis piè loquitur Concil. Milan. 4. à tit. de Sacris reliquijs cum tit. seqq. & Milan. 5. tit. de indulgentijs, & Sacris reliquijs.

Seß. 25. in Decreto de inuocatione, veneratione, & reliquijs sanctorum, & Sacris imaginibus.

Motus proprius Pij V.

Tx. in c. 2. de immunitate Ecclesiar. lib. 6.

Concil. Trident. seß. 22. in Decreto de obseruand. & euitand. & c.

Mex. 1. c. 26. Guadix tit. 4. const. 6. & Milan. 1. p.

1. tit. de actionibus, & representationibus Sacris, & Compostel. act. 2. c. 9. & Tolet. act. 2. c. 21. & Granatens. tit. de celebratione

Missarum n. 3. & tit. de reliquijs, & venerat. sanctor.

n. 4. & Synod. de Quirog. const. 70. & Prouinc. eiusdem act. 3. c. 38.

§. II.

VEhementer itidem iudicibus Ecclesiasticis commenda-
tur, vt cum omni cura, & feueritate, quib⁹ opus est, quo-
rundam reprimant audaciam, qui in Ecclesijs cum mulieri-
bus, aut nutibus, aut libere colloquuntur; Magistratus vero re-
gios quantum potest hæc Synodus cohortatur, aut contra de-
linquentes huiusmodi, ea quæ Regijs legib⁹ sunt disposita exe-
quantur, & Ecclesiæ ministris, suum quoque auxilium confe-
rant, quò si opus fuerit, hi ab Ecclesia eiiciantur, nè ab irreue-
rentia huiusmodi minimè desistentes suo exemplo, alijs scan-
dalo sint. —

§. III.

ITIDEM præcipitur, nè cuiquam in posterum per nocta-
tiones, aut nocturnæ Vigiliæ, & epulæ in Ecclesia permit-
tantur, subpæna excommunicationis. Ecclesiastici verò consen-
tientes grauiter punientur. Sermones de Passione, & Resurre-
ctione ob incòmoda, quæ indè nascuntur, noctu nè habeantur.

§. IIII.

IN Ecclesijs, aut in illarum cæmeterijs congregationes, con-
sultationes, contractus ve rerum secularium, ludie aliqui,
nè fiant. Iter agentes intra Ecclesias sese ad hospitium nè reci-
pian, neque dormiant, aliter sex pondo in vsum fabricæ Ec-
clesiæ, & accusatoris mulctentur, quam mulctam persoluant,
tam qui in Ecclesijs dormierint, quam qui consentientes fue-
rint. Hoc tamen Decreto non prohibetur, nè tẽpore necessitatis
ad templa confugiant; si ibi cum debita reuerentia cõmorentur.

§. V.

IN cæmeterijs Ecclesiarum Taurorum spectacula nè fiant,
subpæna excommunicationis latæ sententiæ, quam incur-
rant Iudices, aut Superiores, quorum iussu id fit, si vero com-
munitas sit Ecclesiastico subiaceat interdicto.

§. VI.

NE leuitate animi, reliquias falsas pro veris sanctorum
reliquijs venerari contingat, decernit, & iubet, hæc Sy-
nodus, vt nèmini liceat secum reliquias gestare, aut eas in loco
publico venerandas proponere; nisi prius ab Episcopo exami-
natæ, authenticæ comprobentur, vt titulo de Episcoporum of-
ficio præmissum est; consuetudo tamen, & pia deuotio Agnos
Dei deferendi, qui à Pontifice Romano bene dicuntur, inter fi-
deles conseruetur, dummodo picturæ, & illuminationes, sicut
fœlic. Record. Gregorij Decimi Tertij motu proprio constitu-
tum est, eis non adhibeantur.

T iij

Quia

Granat. tit. de reliquijs, &
venerat. sanct. n. 6.

Lex 1. & 2. tit. 2. lib. 1.
recopil.

Concil. Antistodor. c. 5.
& Trid. sess. 25. in Decr.
de purgatorio tit. de inuocat.
venerat. & reliquijs SS. ad
finem. Mexic. 1. c. 27. §.
vnico, Guadix tit. 6. tit.
19. & 20. & Milan. 1. 2.
p. tit. de Ecclesijs, & ea-
rum cultu, verbo Rector, &
Tolet. act. 2. c. 20. & Cõ-
postelan. act. 3. c. 40. &
Granat. tit. de reliquijs, &
venerat. SS. n. 5. & Synod.
de Quirog. const. 74. & Li-
mens. 3. act. 3. c. 43.

Lex reg. 1. tit. 2. lib. 1.
recopil. Mexi. 1. c. 29. &
Milan. 1. p. 2. tit. de Ec-
clesijs, & earum cultu, &
Granat. tit. de reliquijs, &
venerat. SS. n. 7. & Syno-
dal de Quirog. const. 69. &
Milan. 4. tit. de prophano
vsu à Sacris locis tollendo.
Fundatur in Concil. Trid.
sess. 25. Decreto de indul-
gentijs.

Milan. 1. p. 1. tit. de sanc-
tarum reliquiarum venera-
tione, & Compostel. act. 2.
c. 6. & Limens. 3. act. 4.
c. 10.

Motus propius Greg. XIII.
in Bullario Apostol.

Concil. Milan. 3. verb. san-
ctissimi, & 5. verb. sanctis-
simi.

§. VII.

Granat. tit. de reliquijs, & venerat. SS. n. 2. & Compostel. act. 2. c. 6.

QUIA inter rudes viget abusus levis cuiusdam credulitatis, qua existimant, se certa verba scripta, aut certas orationes secum deferentes, aut ad collum suspendentes igni, & aqua minimè perituros, aut bona aliqua, quæ desiderant, obtenturos; Subpæna excommunicationis præcipitur, vt quicumque hæc secum gestauerint, vel alia similia, intra mensem post huius Decreti publicationem Episcopo tradant, eaq; ipse consumat, deinceps verò nemo hæc secum habeat, sine examine, & approbatione Ordinarij, confessarij vero admonentur, vt à superstitiosa vanitatis huiusmodi errore sibi consentientes peccata cauere hortentur.

§. VIII.

Seß. 25. in principio, & in §. illud vero.

Mexic. 1. c. 34. & Compostel. act. 2. Decreto 5. Synodal de Quiróg. const. 67. & 68. Milan. 1. p. 1. tit. quæ seruanda sint in Sacris imaginibus effigendis, & 4. tit. de Sacris reliquijs, & tit. de ornatu, decore, & nitore Sacrorum locorū verb. quibus in Ecclesijs. Concil. Limens 2. c. 53. & Concil. 1. Prouinc. Bononiense 4. p. tit. de imaginibus Sacris, in Archiepiscopali Bononiensi, Concil. Diocesani de Cadiz sub D. Garcia de Haro c. 14. & Diocesani de Astorga sub D. Petro de Rojas cōst. 14. c. 9. & Diocesani de Burgos sub Archiep. D. Fracisco Pacheco de Toledo lib. 1. tit. de reliquijs, & venerat. sanctor. c. 8.

Vide Concil. citata supra.

PROBATÆ, & authenticæ reliquæ in aliqua Ecclesia existentes, extra tabernaculum sanctissimi Sacramenti Eucharistiæ, in loco decenti collocentur. Interim tamen si locus huiusmodi non est deputatus, in aliqua parte eiusdem tabernaculi asseruentur: vt autem pia, & laudabilis consuetudo Sacras imagines venerandi in animis fidelium eum effectum operetur, ad quem illæ institutæ sunt, populusque sanctorum recolat memoriam, eosque venerentur, & ad eorum imitationem, vitam, moresque componat, maximè conueniens est, vt nihil in imaginibus prophanum, aut indecens appareat, quo possit deuotio fidelium impediri. Eam ob causam iuxta Concilij Trid. Decretum prohibetur, nè posthac quisquam Hispanus, Indus vè imagines ad vsum alicuius Ecclesiæ huius Archiepiscopatus, & Prouinciæ depingat, nisi prius ab Episcopo, aut ab eius officiali examinetur, aliter operarum, quas in his fabricandis, & depingendis collocauit stipendium ammittat. Visitatoribus vero iniungitur, vt quas repererint imagines, historias apochriphas exprimentes, aut indecentes sculptas, siue depictas deleri, seu indè amoueri præcipiant, aliasq; in earum loco decentes substituant.

§. IX.

IMAGINES de cætero construendæ (si fieri possit) piæ sint, si fingi debent, ita vt sculpanitur, vt eas vestibus ornare minimè opus sit; Quæ vero hoc tempore iam extant, proprias habeant vestes deputatas. Si vero aliqua persona secularis ad ornatum imaginis vestimenta aliqua commodauerit, & his imago induta fuerit, eo ipso ad ei⁹ cultum applicentur. Imagines autem quando vestibus, aut alio modo erunt ornandæ ad effectum huiusmodi extra Ecclesias nè ferantur.

Ob re-

§. X.

OB reuerentiam sanctissimæ Cruci, sanctorumque imaginibus debitam, interdicitur, nè in sacro, buccaro vè, aut alijs sculentis, nec in sepulchris, aut inferramentis, quib⁹ peccudes signantur, Crucem imagines vè sanctorum, aut alias res Sacras depingere liceat, aliter, qui secus fecerit à Iudicibus Ecclesiasticis corrigetur.

§. XI.

NULLVS mercator, alius vè quisquam Sacros lapides, Calices, ornamenta Sacra, aut benedicta venalia habeat; seu benedici, & consecrari faciat, vt diuendat, subpæna excommunicationis, ac præterea rei venditæ huiusmodi, prætium fabricæ Ecclesiæ applicetur.

§. XII.

QVIA omnes speciali deuotione gloriosissimam Virginem M A R I A M vniuersalem Patronam, & aduocatam prosequi debemus, statuitur; ac iubetur, vt in omnib⁹ Ecclesijs Cathedralibus, huius Archiepiscopatus, & Prouinciæ Antiphona Salue Regina cum omni solemnitate cantetur singulis Quadragesimæ diebus, vsque ad feriam tertiam maioris hebdomadæ, necnon singulis Sabbatis per annum, cui assistet ad recitandam orationem Canonicus pro tempore hebdomadarius, necnon Capellani, & Cantores omnes intersint, ijque cum hoc onere ad officia huiusmodi admitti debeant, Episcopis vèro valdè commendatur, vt omni sollicitudine piam in sanctissimam Virginem deuotionem huiusmodi augeri procurent, omnemque adhibeant diligentiam, vt pro celebrandis Missis de Beata M A R I A in Sabbatis, & pro Antiphona Salue Regina vt præmissum est solemniter decantanda, aliqua sit dotatio, siue institutio.

§. XIII.

QVò vero in omnium fidelium memoria Domini nostri, ac Redemptoris I E S V C H R I S T I Passio semper retineatur (alijs obhanc causam deuotionibus, & laudabilibus populi consuetudinibus minimè sublati) Hęc Synodus statuit, ac mandat, vt singulis diebus hora tertia pomeridiana in omnibus Cathedralibus, & Parrochialibus Ecclesijs, ad effectum huiusmodi, campana per tres interpolatus ictus pulsetur, fidelesq; hęc Synodus quantum potest in Domino exhortatur, vt hoc signo audito, pro sua quisq; deuotione, aliquas in memoriam Passionis Domini preces effundat. Quoties vè prædicta hora dato signo id effecerint; Quadraginta dierum indulgentiam consequantur. —

Suadetur ex leg. 3. tit. 1. lib. 1. recopil. Concil. Milan. 3. verb. quod præterea.

Mexic. 1. c. 36. & Synod. de Quirog. const. 66.

Guadix tit. 3. const. 16. & Granatens. tit. de celebrat. Missarum n. 16. Synodal de Quirog. const. 42. & Limens. 3. action. 3. c. 27. & Concil. Milan. 3. verbo religiosi.

Ex Matthei c. 27. & Lucæ c. 23. & constat ex Clemente PP. M. lib. 5. const. Apostol. c. 16. ad finem, & lib. 8. c. 40. tom. 1. Conciliorum. Concil. Mediolanense 2. tit. 2. Decreto 10. de qua oratione vespertina, & de indulgentia cōcessa à Greg. XIII. Vide Carolum Borromeum Archiepisc. Mediolanensem in actibus suæ Ecclesiæ, tom. 2. par. 7. agit. Cæsar Baronius in annalibus Ecclesiast. tom. 1. fol. 221. vers. is de Anno, & Nauarrus de horis canonicis c. 18. n. 43. & Frater Antonius de Aranda in lib. (Loores del sancto Caluario) c. 30. fol. 242. Durand. in rationali diuinor. officior. lib. 4. c. 1. n. 20. & Ioannes Stephanus Durand. lib. 3. de ritibus Ecclesiæ Catholicæ c. 10. fol. 314.

LIBRI TERTII
TITVLVS XIX.

De Immunitate Ecclesiarum,
ET CLERICORVM.

§. I.

SI Imperatorum, & Regum temporalium palatia, eorumque famuli priuilegijs, & immunitatibus iure gaudent; quanto magis Ecclesias, & Ecclesiarum ministros immunes esse oportet qui æterno Deo viuunt, & vero dicantur. Quare hæc Synodus decernit, ac iubet, vt nemo cuiuscumque qualitatibus existat, contra libertatem Ecclesiasticam leges condant, aut statuta decernant, nec obsideant, inuadant, aut occupent Ecclesias, nec liberum earum ingressum, & egressum, impediunt, nec ab Ecclesijs eos extrahant, qui eò confugerint; & hac immunitate gaudere possunt, nec eos vinculis constringant, aut eis Custodes adhibeant in Ecclesijs, vel cæmeterijs; nec villo modo Ecclesijs vim inferant, vel earum portas confringentes, aut parietes deicientes, admotis vel scalis, ad eas ascendentes. Quod si secus fecerint priuatæ personæ penam excommunicationis ipso iure incurrant. Communitates vero Ecclesiastico subiaceant interdicto, à quibus censuris non absoluantur, nisi post plenam satisfactionem damni Ecclesijs illati; Dum vero Ecclesia obsessa tenebitur, cessatio à diuinis fiat. Quod si Episcopo videbitur, illi qui vim Templis intulerint, pecuniarijs penis fabricæ Ecclesiæ applicandis plectentur.

§. II.

NE vero quisquam, Ecclesiastica immunitate, ad perpetranda noua delicta abutatur, mandat hæc Synodus, vt nemo ex his, qui ad Ecclesiam confugerint, extra eam egrediatur ad iniuriam alicui irrogandam, aut aliud delictum committendum, neque suspectas mulieres in Ecclesia secum habeat, aut ludos exerceat, nec ad portas Ecclesiæ, aut cæmeteriorum lyram, aut alia musica instrumenta pulset. Cum verò minister aliquis Iustitiæ per Ecclesiam, aut proximum Ecclesiæ locum transierit, hi qui ad Ecclesias confugerunt, ab eius conspectu se abscondant, quod si secus fecerint ab Ecclesiarum huiusmodi locis expellantur, & in alijs nè recipiantur, nisi ex huiusmodi expulsiōe periculum aliquod eis proueniat.

Tunc

*Tx. in c. inter alia de immunitate Ecclesiarum.
Concil. Trid. sess. 25. c. 20. de reform.*

Mex. l. c. 30. Guadix tit. 4. const. 4. Milan. l. 2. p. tit. de Ecclesijs, & earum cultu verb. sicut Ecclesiastica, & ead. par. 2. tit. quæ pertinent ad bonorum, & iurium Ecclesiasticorum. conseruationem. verb. omnes vero, & 5. Milan. tit. de Ecclesijs, & earum suppellectili, & fructib. & Granat. tit. de immunit. Ecclesiarum. & Synod. de Quirog. const. 72.

Tx. in c. final. de immunit. Ecclesiarum.

Mexic. l. c. 31. & Guadix tit. 4. const. 4. in fine, & Granat. tit. de reliquijs, & venerat. sanctor. n. 9. & Synod. de Quirog. const. 73.

§. III.

TVNC enim aliter corrigendi sunt, & vinculis intra Ecclesias coercendi; si vero ij Decretum huiusmodi violauerint, Sacristæ, aut qui Ecclesiarum curam gerunt officialibus annuntient, vt quod fuerit opportunum provideant. —

§. IIII.

QVONIAM vero æquum non est, vt delinquentes propriam habitationem Ecclesiam sibi constituent, ea negligenter præstantes, quibus tutus sit eis extra Ecclesias egressus; Mandat hæc Synodus, nè hi sine speciali Episcopi licentia, vltra nouem dies in Ecclesia permittantur. Illi vero, qui ad Ecclesiam se receperunt, nè ad exilium condemnati illud adimpleant; ab Ecclesijs eiiciantur, nisi graue aliquod periculum eis immineat, aut aliud valdè notabile si ab Ecclesia expellatur.

§. V.

VT controuersia inter secularem, & Ecclesiasticam iurisdictionem (depuniendis Clericorum prima tonsura, aut quatuor minoribus initiatorum delictis) vitentur, præcipit hæc Synodus, vt Iudices Ecclesiastici, quò ad hoc Concilij Tridentini Decretum obseruent, ad cuius executionem, priusquam officialis, aut Iudex Ecclesiasticus in fauorem alicuius Clerici ex prædictis, inhibitorias literas concedat, inquirat, & examinet, si titulum legitimum habet, aut si Clericus ille est idem cum eo, qui in titulo continetur. Hoc tamen intelligitur casu, quo Clericus huiusmodi à seculari Iudice captus non detineatur, tunc enim ob periculum, quod ex dilatione imminet, eius petitio admittenda est, & iuxta iuris dispositionem prouidendum, vt in primis è seculari carcere, ad Ecclesiasticum transferatur, deinde vero vterius procedatur.

§. VI.

QVANDO inhibitorias litteras Iudici seculari directas contigerit, cum debito honore Iudici huiusmodi intimentur, Iudices vero Ecclesiastici curent diligenter, nè Clericorum huiusmodi ad se transmissorum delicta impunita remaneant; nec à causæ prosecutione desistant, vsq; ad sententiam definitiuam, ad idque parte contraria desistente, aut Iudice ex officio procedente, causæ vices, & voces Fiscali tradantur; curentque vt is causam vsque ad conclusionem prosequatur. Si vero delictum graue fuerit, reos captos adhibitis fideiussoribus, nè liberent, donec omnino causa terminetur, & definatur; ac delinquentes huiusmodi pro grauitate delicti puniantur, nè eis Clericalis status delinquendi licentia sit.

Mexi. l. c. 31. §. 2. ad finem, & Guadix tit. 4. cõst. 3. & Granat. tit. de reliquijs, & venerat. sanctor. n. 9. in fine, & Synod. de Quiroga cõst. 73.

Seß. 23. c. 6.

Mexi. l. c. 85. & Guadix tit. 2. cõst. 45.

*11^{te} § 25 erectionis
coleris Mexic*

LIBRI TERTII
TITVLVS XX.

Nè Clerici, vel Monachi ne-
GOTIIS SECVLARIBVS SE IMMISCEANT.

§. I.



QVONIAM cupiditas malorum om-
nium radix, valde hoc nostra tempesta-
te Ecclesiasticorum quorundam ani-
mos inuasit, ideo nè in domo Dei, quæ
domus orationis est, negotiationes exer-
ceantur, hæc Synodus statuit, ac præci-
pit omnibus huius Prouinciæ Episco-
pis, & Clericis Sacro ordine initiatis, cu-
iuscumq; dignitatis, & conditionis exi-

stant, vt non solum ab vsurarijs contractibus, & iure diuino
damnatis abstineant sese: sed etiam ab his, qui quamuis secula-
ribus permittuntur, Clericis ratione sui status à Sacris canoni-
bus prohibentur. In cuius rei executionem hæc edicuntur. Ne-
mo negotiationes, mercaturas exerceat, aut alicuius procura-
tor, negotiorum vè gestor sit, aut alienarum mercium curam
suscipiat, easq; administret, vel earum prærium transmittat;
aut alio quouis modo, in huiusmodi negotiationibus se immif-
ceat. Quod si aliqui hoc Decretum violauerint, si Episcopi
sint, ipso facto Ecclesiæ ingressu interdican-
tur, à quibus Prouinciali Synodo huius rei ratio petetur. Cæteri vero Clerici, cu-
iuscumque conditionis existant, præter pænas à iure statutas,
quæ in suo robore, & firmitate permanent, ipso facto, pænam
excommunicationis maioris incurrant, & si semel id commisse-
rint ducentum minarum pondo mulcentur; si iterum quatuor-
centum, si tertio sexcentum, ac præterea suppelectilem, & pe-
cunias amittant, quibus negotiationes exercuerint, totumq;
id, quod ex contractibus prædictis prouenerit, cuius tertia vna
pars hospitali domui Cathedralis Ecclesiæ applicetur, tertia
vero pars altera Iustitiæ sumptibus erogetur, alia vero Iudici,
& accusatori æquè tribuatur. Qui vero per interpositam per-
sonam negotiabitur, aut ad negotiandum pecunias in societa-
tem dederit, pænis pecuniarijs hoc Decreto statutis mulcabi-
tur, Hoc tamen Decreto, quæ Clericis per canones licent pro-
hibita non intelligantur.

Præ-

*Latè vide iura in praxi Ca-
nonica Ioannis Bernard. c.
50.*

*Mexic. 1. c. 56. & Mex.
2. c. 27. & 28. & Guadix
tit. 5. cõst. 6. & 7. & Mi-
lanens. 1. p. 2. tit. de nego-
tijs secularibus à Clerico fu-
giendis, & Granat. tit. nè
Cleric. vel Monachi, &
Synod. de Quirrog. cõst. 108.
& Linens. 3. act. 3. c. 4.
& 5.*

Linens. 3. c. 4. & 5.

§. II.

PRÆCIPITVR item sub præmissis pænis, nè vllus Clericus Indorum curamgerens, in suis regionibus perse, aut per interpositam personam contractus redimendi pisces, aut quod venatione capitur, gossipium, salem, mayzum, & alia huiusmodi, quæ in terris Indorum nascuntur, vt hæc iterum diuendat. Neq; etiam negotiationis, seu lucri gratia Indos suæ iurisdictionis nere, aut texere, aut alias artes huiusmodi exercere faciat; Quò fiet vt Indi his molestijs non diuexentur, & hi, qui Indorum curamgerunt, liberius eorum vitia reprehendant, eosque commodius instruant.

§. III.

Prohibetur itidem omnibus Sacro ordine initiatis, nè perse, aut per interpositam personam, in toto, aut in parte Ecclesiasticos, aut seculares redditus locent, aut in se translationes similium reddituum recipiant. Quodsi per interpositam personam secº fecerint pondo centum minarum persoluant: si vero perse ipsos pondo ducentum, quæ in piorum operum, & fabricæ Cathedralis Ecclesiæ, accusatorisque vsus æquis partibus erogentur, si verò his pænis cautiores non fiant, grauioribus iuxta qualitatem delicti punientur.

§. IIII.

NVLLVS Beneficiatus, aut Curatus Indorum, tam secularis, quam regularis, ex auctionibus regijs, aut ex his, quibus à Rege commendata sunt oppida in suo districtu emat mayzum, gossipium, aut gossipinas telas, mel, & alia, quæ eius Parochiales in tributum dant, perse, neq; per interpositam personam, aliter id omne amittant, quod inde exportauerint, aut emerint, & in vsum fabricæ Ecclesiæ districtus huiusmodi, accusatoris, & sumptuum Iustitiæ æquis partibus conferantur, nè si ministri Indorum huiusmodi contractibus implicentur, (vt euenit aliquando) eorum ministerium in contemptum veniat.

§. V.

QVIA vero multi Curati, & Beneficiati Indorum hanc curam suscipiunt, magis lucri cupiditate, (vt videlicet Indi sua colant prædia, aut minas effodiant) quam vt ipsi rudium Indorum animas instruant, hæc Synodus præcipit, vt nullus Curatus Indorum siue secularis, siue regularis possit intra suam iurisdictionem, nec intra decem leucas in eius ambitu, prædia (etiamsi patrimonialia, aut Ecclesiæ fuerint) colere, si sint qui ea conducere velint. Quodsi conductores minime reperiantur, ea ipsis colere liceat etiam per Indos, quos tamen, ad id volen.

*Mexic. 1. c. 50. §. 2. &
Guadix tit. 5. const. 6. &
Granat. tit. nè Clerici, vel
Monachi, & Limens. 3.
act. 3. c. 21.*

*Hoc est almonedas reales
Limens. 3. act. 3. c. 5.*

*

Limens. 3. act. 3. c. 5.

TITVLVS VIGESSIMVS.

volentes tantum adhibeant, debitamque eis operum, & laboris mercedem persoluant, benignèque, & comiter segerant, si secus fecerint, Episcop^o Curatos seculares beneficio priuet, Regulares autem à regimine Ecclesiæ amoueat, & voce actiua, & passiua perpetuo suspendat.

§. VI.

E ADEM etiam obligatione teneri, declarat hæc Synodus ministros Regulares, qui stipendium à Maiestate Regia, vel abhis, quibus à Rege commendata sunt oppida recipiunt, vnde de suis laboribus possent Indis satisfacere. Non tamen ex hoc intelligitur, Indis Cantoribus, & alijs ad vsum diuini cultus necessarijs, ministros debere stipendium aliquod persolvere. —

L I B R I T E R T I I

TITVLVS XXI.



De obseruatione Ieiuniorum.

§. I.



I NTER præcipuas Christianæ vitæ exercitationes ea vna est, quæ vt diuinæ legis mandata omni sollicitudine obseruem⁹, rebellatricis carnis motibus frenos imponimus, eandemq; spiritui subiugamus. Quam ob causam sancta Mater Ecclesia, quæ à Spiritu sancto regitur, & guuernatur, statutos dies instituit ad ieiunium, & abstinentiam, quo carnis appetitus maxime edomatur, rationiq; subijcitur. Igitur, vt omnes Christi fideles huius Archiepiscopatus, & Prouinciæ dies, quibus ad ieiunium tenentur optimè intelligant, hæc Synodus, tam Indis, quam Hispanis in hac Prouincia degentibus, respectiue sequentes dies ad ieiunandum proponit.

Dies, quibus ieiunare tenentur

OMNES HVIVS ARCHIEPISCOPATVS, ET PRO-
VINCIE, VTRIVSQUE SEXVS FIDELES
(INDIS EXCEPTIS.)

§. II.

I N primis omnes dies Quadragesimæ, exceptis Dominicis diebus.

Mexi. 1. c. 37. Mex. 2. c. 25. Guadix tit. 6. const. 21. Milan. 1. p. 2. tit. de ieiunio, & Granat. de obseruatione ieiuniorum. Synodal de Quirog. const. 99. Limens. 3. act. 3. c. 41. & Milan. 5. verbo omnis Sacror.

MENSE FEBRVARIO.

¶ Vigilia sancti Mathiæ Apost. 23. anno vero bisexti 24.

I V N I O.

¶ Vigilia Natiuitatis sancti Ioannis Baptistæ. 23

¶ Vigilia Apostolorum Petri, & Pauli. 28

I V L I O.

¶ Vigilia sancti Iacobi Apostoli. 24

A V G V S T O.

¶ Vigilia sancti Laurentij. 9

¶ Vigilia Assumptionis Beatæ Marię Virg. 14

¶ Vigilia sancti Bartholomęi Apost. 23

S E P T E M B R I.

¶ Vigilia sancti Matthæi Apost. & Euangelistæ. 20

O C T O B R I.

¶ Vigilia SS. Apost. Simonis, & Iudæ. 27

¶ Vigilia sanctorum omnium. 31

N O V E M B R I.

¶ Vigilia S. Andreæ Apostoli. 29

D E C E M B R I.

¶ Vigilia sancti Thomæ Apostoli. 20

¶ Vigilia Natiuitatis Domini N. IESV CHRISTI. 24

¶ Itidem tenentur ex consuetudine introducta ieiunare in Vigilia Penthecostes.

¶ Ex præcepto quoque ieiunare tenentur in diebus quatuor Temporum qui quidem dies duodecim sunt.

¶ In Hieme feria Quarta immediata post festum sanctæ Lucię cum feria sexta, & Sabbato sequentibus.

¶ In Vere, feria Quarta, sexta, & Sabbatum post Dominicam primam Quadragesimæ.

¶ In Æstate feria Quarta, sexta, & Sabbatum post Pentecostem.

¶ In Autumno feria Quarta, sexta, & Sabbatum post festum exaltationis sanctissimæ Crucis.

V iij

Dies

Dies, quibus Indi ieiunare te-

NENTVR EX CONSTITVTIONE FOELIC.

RECORDAT. PAULI PAPÆ TERTII.

IN primis, omnes sexta feriæ Quadragesimæ, Vigilia Natiuitatis Domini nostri IESV CHRISTI, Sabbatum Maioris hebdomadæ.

§. III.

IN his omnibus diebus, tam Hispanis, quam Indis assignatis omnes vtriusque sexus fideles huius Prouinciæ, vigesimo primo ætatis anno maiores ieiunare tenentur sub pæna peccati mortalis, vnaque tantum commestione, eaque in meridie his diebus vti debent, illis exceptis, qui vel ægritudine, vel senectute, vel ex magno corporali labore, vel alijs iustis impedimentis ieiunio non obligantur; In ieiunio autem seruando nemo suam sententiam sequi debet, sed suum confessarium consulat, eiusque sententiæ adhæreat. Exhortatur tamen hæc Synodus omnes quinto decimo ætatis anno maiores, & vigesimo primo minores, vt paulatim ieiunijs assuescant, in aliquibusque diebus à cibis se abstineant, quod facilius cum tempus ieiunandi ex præcepto occurrerit ieiunium obseruent. Monet quoque, & hortatur omnes huius Prouinciæ fideles, vt laudabilem consuetudinem ieiunandi in Vigilijs Beatæ MARIÆ Virginis, & festi Corporis Christi, itidemque à cibis carnalibus abstinendi in diebus Rogationum (quamuis ex præcepto non teneantur) obseruent, conceditque hæc Synodus ieiunantibus in his diebus Quadraginta dierum indulgentiam pro singulo quoque die.

§. IIII.

PRÆCIPIT quoque hæc Synodus Curatis omnibus secularibus, & Regularibus, vt id suis subditis annuntient.

§. V.

DECLARAT præterea hæc Synodus abstinendum esse omnino in diebus Ieiunij Quadragesimalibus à lacte, ouis, caseo, butyro, alijs vè cibis ex his conditis, nisi ad id Bulla, aut priuilegium concessum sit. Declarat etiam in omnibus Ieiunij diebus, ferijs sextis, & Sabbatis per annum; & in Dominicis Quadragesimæ æsum carniū esse prohibitum, nisi alicui de consilio Medici corporalis, & de facultate Episcopi, aut eius officialis inscriptis, æsus carniū licitus sit. Hæc tamen facultas, examinata causa, ad tempus limitatum, & gratis concedere.

*Concil. Auelianense 1. c.
29. refertur in cap. Rogationes de consecrat. dist. 3.*


cedetur. In omnibus vero his diebus, quibus ab æsu carniū abstinendum est, carnes publicè nè diuendantur, nisi ad vsum infirmorum, facultatem prædictam obtinentium.


§. VI.

MEDICIS itidem iubetur, nè prius cuiquam in diebus prohibitis ædendi carnes facultatem dent, quam profexerint rei necessitatem, quæ si sufficiens non sit, facultas huiusmodi denegetur. In concedendis vero huiusmodi facultatibus, nè faciliores se erga diuites, quam erga pauperes præbeant, præsertim cum diuites alijs possent vti alimentis sine detrimento salutis, quibus pauperes, & miserabiles personæ ob inopiam vti non possunt. —



LIBRI





LIBRI QVARTI
TITVLVS I.




De sponſalibus, & Matri-
MONIIS.

*Concil. Trid. Seſſ. 24. c. 1.
de reform. matrim.*

*Milan. 1. p. 2. tit. quæ ad
Sacram. matrim. pertinent,
& Guadix tit. 2. à coſt. 57.
& Granat. tit. de ſponſali-
bus, & Synodal de Quirog.
à coſt. 28.*

*Seſſ. 24. c. 1. de reform.
matrim.*

Guadix tit. 2. coſt. 66.



§. I.

X eo magna incōmoda, & in fœ-
lices euentus oriuntur, quod Ma-
trimonia, nec ſincero animo, nec
ad Sacrorum Canonum præſcrip-
tum contrahantur. Quare Epifcopi,
& Eccleſiaſtici Iudices in execu-
tione eorum, quæ de Sacro Matri-
monij Sacramento iure diſpoſita
ſunt, omnem operam collocare de-
bent. Quod maximè cupiens hæc

Synodus, præcipit Curatis omnibus, tam ſecularibus quam re-
gularibus, vt curent diligenter, nè aliqui ex ſibi ſubditis, prius
per verba de præſenti Matrimonium contrahant, quam pecca-
ta ſua confiteantur, quò ſe ad ſuſcipiendam gratiam præparent,
quæ in hoc Sacramento confertur. Hoc enim, & ad vitam con-
iugalem cum omni pietate, & tranquillitate degendam, & ad
prolem educandam, ad cœlorumque patriam dirigendam con-
uenientiſſimum principium erit. Præterea Curati ſubditos do-
ceant, tunc ſe Matrimonij Sacramentum ſuſcipere, cum per
verba de præſenti contrahunt.

§. II.

DECRETO autem Tridentini Concilij Synodus inni-
xa hortatur, vt coniuges ante Sacerdotalem benediſtio-
nem in templo ſuſcipiendam, eadem domo non cohabitent, ſta-
tuitque benediſtionem à proprio Parocho fieri, neque à quo-
quam, niſi ab ipſo Parocho, vel ab Ordinario licentiam ad præ-
dictam benediſtionem faciendam, alij Sacerdoti concedi poſſe.

Vt

§. III.

VT multis malis, quæ ex clandestinis coniugijs ortum habuere, medicinam afferret, vniuersalis Tridentina Synodus clandestina huiusmodi Matrimonia irritauit, nullaque decreuit, ac formam, qua Matrimonia debent celebrari in hunc modum præscripsit (videlicet) vt Matrimonium præfente Parocho, vel alio Sacerdote de ipsius Parochi, vel Ordinarij licentia, & duobus, vel tribus testibus contrahatur. Quod si aliqui secus contrahere attentabunt, huiusmodi contractus eadem Synodus irritos, & nullos decreuit. Huius igitur Concilij auctoritatem sequuta hæc Synodus decernit, ac iubet, nè quisquam per verba de præfenti Matrimonium contrahere attentet; nisi ad præscriptum Concilij Tridentini. Siqui vero secus fecerint, vltra pænas à iure statutas, etiam excommunicationis pæna proponitur; contrahentes autem in triginta pondo condemnentur: singuli vero testes in quindecim, quæ in vsum Ecclesiæ, cuius fuerint Parochiales, erogentur. Parochus vero, aut Sacerdos per mensem vnum carcere inclusus teneatur.

§. IIII.

EX Decreto itidem Concilij Tridentini statuit, ac præcipit hæc Synodus, vt antequam Matrimonium contrahatur, ter in Parochia, siue Parochijs contrahentium, tribus continuis dieb⁹ festiuis à proprio Parocho inter Missarum solennia publicè denuntietur, inter quos Matrimonium sit contrahendum, ab eodemq; Parocho subditi moneantur, vt si ad aliqui⁹ notitiam legitimum aliquod impedimentum peruenit, quo contrahentes impediuntur, illud reuellent. Denuntiatores vero huiusmodi, nequaquam fieri ommittantur, nisi quando probabilis fuerit suspitio, Matrimonium malitiose impediri posse, si tot præcesserint denuntiationes: Tunc enim, vel vna tantum denuntiatio fiat, vel saltem Parocho, & duobus, vel tribus testibus præfentibus Matrimonium celebretur. Episcopis vero iniungitur, vt ad id, non per quoslibet suos officiales, sed ipsi perse, aut per suum Generalem Vicarium, ex graui causa facultatem concedant: declarat autem hæc Synodus, in Indorum oppidis satis esse, si quando minister visitauerit, tres huiusmodi denuntiationes ab eo fiant, tribus diebus etiam non festiuis, dummodo eo tempore Populus in Ecclesiam conueniat. Aliter enim Matrimonia Indorum celebrari non possunt, sine magno impedimento Doctrinæ Christianæ, qua Indi sunt erudiendi. —

Seß. 24. c. 1. de reform. matrim.

Dicta seß. 24. c. 1. vbi supra.

Mex. 1. c. 38. Guadix tit. 2. const. 57. & Granat. de sponfal. n. 1. Synod. de Quiroga const. 29. & Limens. 3. act. 2. c. 34.

Seß. 24. c. 1. de reform. matrim.

Limens. 3. act. 2. c. 34. & Prouincial de Quirog. act. 3. c. 48. & Cöcil. Milan. 5. tit. quæ ad matrimonium pertinent.

§. V.

*D. Seß. 24. c. 1. de refor.
matrim.*

IVXTA Decretum Concilij Tridentini prohibet hæc Synodus, vt nullus Sacerdos secularis, siue regularis, etiam si Parochus sit, alterius Parochiæ sponſis: sine Ordinarij, vel eorum Parochi licentia, benedictionem nuptialem conferre audeat, quolibet priuilegio, aut consuetudine non obstantibus. Quod si secus fecerit, ipso iure tamdiu suspensus maneat, quamdiu ab Ordinario eius Parochi, qui Matrimonio interesse debebat, seu à quo benedictio suscipienda erat, absoluitur.

§. VI.

PRÆCIPIT quoque hæc Synodus secularibus, & regularibus Curatis, vt in benedictionibus nuptialibus Indorum naturalium arras benedicant, cum reliquis caremonijs, quibus in benedictionibus nuptialibus Hispanorum vti solent; Pro huiusmodi autem benedictionibus conferendis, quidquam prorsus nè accipiant, præterquam à sponte dantibus post præstitam liberam benedictionem: aliter quidquid acceperint, restituere etiam in foro conscientia tenebuntur, & præterea seuerè punientur. —

§. VII.

NULLVS Parochus, aut Sacerdos secularis, siue regularis, quemquam per verba de præſenti Matrimonio coniungant, qui non sit ætatis legitimæ à iure statuta, cuius ætatis per librum baptismi, aut per sufficientem probationem constare debeat, Nec sponsalitijs similium personarum, quæ per verba de futuro fiunt adſistat, nisi de Episcopi licentia. Siquis vero secus fecerit, Ordinarij arbitratu punietur.

§. VIII.

*Seß. 24. c. 9. de re form.
matrim.*

Mex. 1. c. 72. §. unico.

VOLENS Tridentinum Concilium liberum consensum, qui ad Matrimonij cōtractum requiritur, conseruari, præcipit sub anathematis pana, quæ ipso facto incurratur, nè quisquam vllatenus cogatur, quominus libere Matrimonium contrahat, cuius auctoritatem sequuta hæc Synodus, cum his in partibus multi ob suam propriam vtilitatem, Indos, & seruos inuitos contrahere Matrimonium compellant, vt suis operis vtantur; statuit, ac mandat, nè vllus Hispanus Indum, aut seruum cogat ad Matrimonium contrahendum, nec per vim eos impediatur, vt liberè cum quibus libuerit Matrimonium contrahant, sub pana excommunicationis latae sententia. Idemque præcipitur * proceribus Indorum, ea pana statuta, si secus fecerint, vt triginta diebus in carcere sint inclusi, ac præterea seuerè puniantur. —

* Id est Caziques.

§. IX.

ITIDEM præcipitur, vt hi, qui seruos coniugatos possident, eos vendere possint, nec vendant in partibus adeò distantibus, vt probabile sit, eos cum vxoribus per longum tempus cohabitare non posse. Quod autem sit tempus longum reputandum arbitrio Ordinarij censendum relinquitur.

§. X.

VT vero corruptelæ, inter hos * indigenas aliquando receptæ, non sine graui Matrimonij iniuria, occurratur, quàm cum quis fœminam aliquam in vxorem ducere volebat, eam à suis parentibus emens, cum eaque multo tempore ante Matrimonium cohabitans sepe innuptam dimittebat; decernit, ac iubet hæc Synodus, vt Indorum Parochi diligenter in suis districtibus de hoc delicto sciscitentur, ac Episcopum certiolem faciant, vt tantum facinus puniatur, & funditus, vt decet, extirpetur. —

* Hoc est naturales.

§. XI.

QVORVMDAM dolis, ac fraudibus, quas aliqui machinantur, vt binas nuptias contra indissolubile Matrimonij vinculum exerçant, obuiare volens hæc Synodus præcipit, vt nullus ex his, qui in facie Ecclesiæ Matrimonium contraxerunt, eo, quod ab altero coniuge absens sit, secundas nuptias contrahere audeat, nisi sufficienter probet ad præscriptum iuris, alterius coniugis mortem. Quod si quis secus attemptauerit pœna graui pro qualitate personæ punietur.

Mexic. 1. c. 40. Synodal
de Quirog. const. 33.

§. XII.

QVI ex Hispania, aut ex alijs partibus distantibus in hanc Prouinciam peruenerint, & secum fœminas duxerint, vxorum nomine; nisi huius rei authenticum testimonium exhibeant ad illud deferendum. Si Episcopo videbitur, terminus vni⁹ anni cum dimidio præfiniatur. Quod si intra præfixum terminum, de Matrimonio per testimonium, aut per sufficientem probationem non constiterit, ab Ordinario separentur, nec cohabitare permittantur.

Mex. 1. c. 39. §. unico.

§. XIII.

SI quando euenerit, vt stante duorum infidelium Matrimonio, alter coniugum ad Fidem conuersus baptismum susceperit, altero, vel villo modo ad Catholicam fidem conuertere se nolente, vel non sine blasphemia diuini nominis, vel eum vt pertrahat, ad mortale peccatum ei cohabitare volente: qui relinquitur ad secunda, si voluerit vota transibit, sed si baptizatus, sine detrimento Fidei, & legis diuinæ, aut cum spe, quod

Tx. in cap. quanto, & in c.
gaudemus de diuortijs.
Limens. 3. act. 2. c. 36.

ad Catholicam Fidem conuertatur, cum infideli cohabitauerit, fidelis alteri Matrimonio nè se coniungat, sed cum infideli cohabitetur. Si vero infidelis conuersionem ad Fidem distulerit per sex menses ambo cohabitent: quò elapso termino, Episcopus dehac re certior fiat, vt ipse decernat, an terminus prorogandus sit, an fideli concedenda facultas, vt alteri Matrimonio se coniungat. Itidemque Episcopo annuntiabitur. Quando aliquis Matrimonium contrahere velit, qui alterum coniugem in locis infidelium reliquit, cui suæ infidelitatis tempore cohabitabat, vt Episcopus, causa examinata, ei iungendi se alteri Matrimonio facultatem si sibi visum fuerit, concedat.

§. XIII.

*Mexic. 1. c. 41. & Synod.
de Quirog. const. 34.*

QVOS DEVS Matrimonij vinculo coniunxit non possunt, nec debent separari. Quare omnino reprobatum est maritum, & vxorem dato libello separationis coram Iudicibus, & Notarijs se ad inuicem separare, existimantes se illius libelli virtute à vinculo Matrimonij esse solutos: Id circo statuit hæc Synodus, vt nullus Ecclesiasticus Iudex, in libellis huiusmodi auctoritatem suam interponat, subpæna priuationis officij; Nullusq; Notarius eosdem conficiat, aut subscribat. Quod si secus fecerint, præter pænas Capit. *Cum æterni Tribunal*, statutas, ab officijs sint ipso facto priuati, Quadragintaque pondo minarum persoluant, in vsum fabricæ, pauperum, & accusatoris æquis partibus eroganda. Qui vero ob prædictas causas non cohabitantes denuò Matrimonium contrahere attentauerint, propter binas nuptias punientur.

*In cap. cum æterni de sent.
& reinducata lib. 6.*

§. XV.

QVONIAM vero aliqui, eo animo lites de diuortio mouent, easque minimè prosequuntur, vt liberè in suis infordeſcant vitijs; quò diabolicè eorum fraudi occurratur statuit, ac præcipit hæc Synodus, vt quando cumque lis de diuortio mota fuerit, vxor statim, in aliqua Domo honesta constitutur. Casu vero, quo pars litem non prosequatur, Fiscali detur facultas petendi, vt simul cohabitent. Quod si sententia lata fuerit de diuortio quò ad thorum, vxor in domo honesta, ac minime suspecta pro ratione suæ ætatis, & conditionis collocetur, nè vlla in Deum committatur offensa, Fiscalis verò, qui in hoc negligenter egerit, in pondo triginta condemnatur, & iuxta causæ qualitatem, vsque ad officij suspensionem puniatur, si Episcopo ita videbitur. —

LIBRI QVARTI 83
TITVLVS II.

De cognatione spirituali, & alijs
MATRIMONII IMPEDIMENTIS.

§. I.



VONIAM aliqui, Dei timore post habito, intra gradus à iure prohibitos, in quibus Matrimonium inualidum est contrahere præsumunt, vnde consequitur, vt in peccato vitam ducant: eam ob causam ex Decreto Concilij Tridentini, interdicat hæc Synodus nè quisquam intra hos gradus Matrimonium contrahe-

re audeat, nè Sacerdos vllus in aliquò huiusmodi contractu interveniat. Quod si aliqui scienter intra gradus prohibitos, qui Matrimonium dirimunt, cōtrahere attentauerint, præter penam excommunicationis, quam ipso facto incurrant, & alias penas à legibus Ecclesiasticis, & Regijs * statutas, centum pondo persoluant. Sacerdos vero, qui huius rei conscius, huiusmodi Matrimonij contractibus interfit, si Beneficiatus fuerit, fructus, seu redditus vnus anni amittat: aut si Beneficiatus non fuerit, centum pondo mulctetur. Quæ omnis mulcta fabricæ Cathedralis Ecclesiæ sumptibus Iustitiæ, accusatori, aut si is desit, Iudici æquis partibus applicetur.

§. II.

QVò verò his euitandis accurata diligentia adhibeatur, hæc Synodus Sacerdotibus exponit gradus prohibitos cognationis corporalis, & spiritualis hos esse.

§. III.

PRIMVS consanguinitas vsque ad quartum gradum inclusivè. Secundus affinitas ex Matrimonio contracta vsq; ad quartum gradum. Tertius affinitas ex fornicatione contracta, vsq; ad secundum gradum inclusivè, pro vt est à Tridentino Concilio dispositum. Quartus impedimentum publicæ honestatis, vbi sponsalia quacumque ratione non fuerunt valida prorsus tollitur, vbi autem valida fuerunt, primum gradum non excedit,

§. IIII.

COGNATIO spiritualis in baptismo contrahitur inter baptizantem, & baptizatum, & illius patrem, & ma-

X iij

trem,

*Seß. 24. c. 5. de refor. ma-
trim.*

*Mexic. 1. c. 38. §. vnico,
& Synodal de Quirog. const.
30.*

*Tx. in Clem. vnica de con-
sanguinitat. & affinitate.*

*Lex Regia 3. tit. 18. parti-
ta 7. & lex 7. tit. final lib.
8. ordinamenti.*

*Vide Couarrub. in 4. 2. p.
c. 6. §. 8. n. 2. & 3.*

*Ex Synod. de Quirog. const.
30.*

*Seß. 24. c. 4. de reform.
matrim.*

Seß. 24. c. 3. de reform.

*Seß. 24. c. 2. de reform.
matrim.*

LIB. QVARTI TITVLVS SECVNDVS.


Motus prop. Pij V.

*Tx. in cap. final. de diuor-
tijs.*

trem, & inter compatrem, & commatrem baptizati, & inter illius patrem, & matrem tantum. Ex confirmatione verò contracta cognatio confirmantem, & confirmatum, illiusque patrem, & matrem, ac tenentem non egreditur. Aduertendum tamen est, in impedimentis huiusmodi fœlic. record. Pium Papam Quintum suis proprijs motib⁹ declarasse in gradibus ante Concilium Trident. prohibitis, & postea ab eodem Concil. sublatis tamquam Matrimonium non impredientibus, non solum intelligit post Concilium impedimētum esse sublatum ijs, qui denuò ad illum gradum peruenerunt; sed etiam ijs, qui ante Concilium eo gradu erunt coniuncti, dummodo Matrimonium, aut contractum sit, aut contrahendum post Tridētinum Concilium.

§. V.

NE F A N D A inter fratres, & sorores primo gradu coniuncta Matrimonia, omni iure prohibentur. Quare præcipitur, vt infideles huius Prouinciæ, qui tempore suæ infidelitatis, in hoc gradu coniuncti erant Matrimonio: cum primum baptismum susceperint, separentur, Matrimoniumque huiusmodi irritum, ac nullum decernatur.




LIBRI





LIBRI QVINTI
TITVLVS I.



De Visitationibus.

§. I.



VISITATIONVM præcipuus scopus, (vt sanctum Concilium Tridétinum exponit,) est, sanctam Orthodoxamque Doctrinam, expulsi hæresibus, inducere, bonos mores tueri, prauos corrigere, populum cohortationibus, & admonitionibus ad religionem, pacem, innocentiamq; accendere, ad quod efficiendum, vltra ea, quæ locus,

tempus, & occasio, visitatarumque personarum conditio, Deo, ac Dño inspirante visitatorem docuerint, is ordo seruabitur.

§. II.

CVM primum ad locum, quem visitaturus est, visitator peruenerit, Ecclesiam adeat, vbi eum populus expectat, ibique preces ad Deum effundet, ac deinde ipse, aut eius loco alius concionem habebit, qua summam visitationis scopum exponat. Præterea generale huius Synodi Decretum legi efficiet, populumque admonet de obligatione, qua singuli tenentur denuntiandi publica peccata, vt tale remedium adhibeatur, quò omnes in Deum offensæ funditus tollantur.

§. III.

SANCTISSIMUM Eucharistiæ Sacramentum, sanctum Chrisma, oleumq; ac baptismalem fontem, Manuale etiam Sacramentorum, ac omnia Ecclesiæ ornamenta visitabit, accuratèque respiciet, an hæc decenter teneantur.

Libel.

*Seß. 24. c. 3. de reform.
Mex. 1. c. 92. Guadix tit.
8. & Milanens. 1. p. 2. tit.
de visitatione, & Tolet. act.
2. c. 2. & Granat. tit. de
visitat. & Synod. de Quirog.
à const. 116. Limens. 3. act.
4. à c. 1. vsque ad 5. Latè
Concil. 4. Milan. tit. de
visitatio.*

*Vide Granatens. & Synod.
de Quiroga vbi supra.*

§. III.

LIBELLVM præteritarum visitationum requirat, scisciteturque an statuta in prædictis visitationibus executioni mandata sint: si vero aliqua adimplenda defunt, compleri curet, reprehendatque, ac corrigat eos, qui in his adimplendis negligenter se gesserunt.

§. V.

QVO ad bona vero Ecclesiæ inquiret in primis, an inventarium, liber ve sit, ubi descripti sint, tituli possessionum, quas Ecclesia obtinet, exploretque an aliqua Ecclesiæ bona alienata sint, an ea quisquam usurpauerit, an vero aliqui sumpt⁹ in ædificijs, alijs ue rebus facti sunt, qui eam summam excedant, quæ est ab hac Synodo constituta, aut si Ecclesia ius habet ad aliqua bona nondum ab Ecclesia recuperata. In quibus omnibus id adimpleri efficiet, quod titulo de rebus Ecclesiæ conseruandis, alienandis, vel non, iussu est.

§. VI.

VISITET quoque Ecclesias, & Eremitoria, videatque an aliqua superflua sint, aut non bene restaurata, & an sine Episcopi licentia fabricata sint, Episcopumque de hac re certiores faciat, vt de conuenienti remedio prouideat. Præterea iuxta Concilij Tridentini Decretum peculiari cura exquirat, & exploret attentè, an imagines indecentes teneantur, quasque sic repererit, deleri faciat, aliasque in earum loco constitui iubeat, pro vt est titulo de reliquijs, & veneratione sanctorum dispositum. —

§. VII.

HOSPITALIA etiam, Eremitoria, Confraternitates, & alia pia opera visitet, dispiciatque, an eorum institutione, & fundatione, Episcopi que ordinationibus constituta obseruentur, idque prouideat, quod sibi conueniens videbitur, vt hæc opera conseruentur, & augeantur. Missarum, & piorum operum, quæ ex testamento relicta sunt libellum petat, vtque ea adimpleantur, quod est titulo de testamentis Decretum, obseruet. —

§. VIII.

CORAM Parochis Decreta huius Synodi, quæ ad eorum officium spectant legi faciat, & an obseruentur, diligenter exploret, specialiter vero inquiret, an Parochus libros habeat, ubi Baptizatorum, Confirmatorum ve, aut eorum, qui Matrimonio coniuncti, & mortui sunt nomina descripta teneat; Si habet Catechismum, Directoriumque confessorum, librumque Decre:

Sess. 25. in princip. tit. de inuocatione, & Sacris imaginibus.

Decretorum huius Synodi; Si permittit à Clericis peregrinis sine licentia Missam celebrari. Si habet Tabullam salariorum, iuxta taxam ab Episcopo designatam. Quod si quid repererit, quod non sit executioni mandatum, diligenter adimpleri curet, excessusque, & negligentias corrigat.

§. IX.

DE vita, & honestate Clericorum priuatim exquiret, si onera suorum officiorum obierint, & quæ his Decretis iussa sunt adimpleuerint. Aut si in aliqua delicta reinciderint, aut aliqua receperint, quæ à iure, aut ab hac Synodo eis prohibentur. Exquiret præterea, an Clerici, vel seculares publica aliqua peccata, aut scandala committant, an aliqui sint concubinarij, blasphemij, susceptores aleatorum, vsurarij, & alijs huiusmodi vitijs implicati. In reb⁹ autem occultis inquisitionem in speciali nè faciat, ex qua infamia oriri possit, sed vt est à iure communi dispositum inquirat.

§. X.

VISITATOR omnia, quæ animaduersione digna repererit, effecerit, aut prouiderit, dum exercuit visitationem in suo libro describat: cum vero ad ciuitatem, vbi Episcopus residet, peruenerit, de his omnibus intratres dies Episcopo rationem reddat.

§. XI.

VT verò liberius morum reformationem, quæ visitatoribus valde commissæ est, procuret, nihil quidquam visitator vllatenus accipiet, quocumq; modo ei offeratur, ornamento, nec pro ratione petenda de hospitalibus, confraternitatibus, Oeconomisue Ecclesiarum, aut alijs similibus, nisi tantum quæ ad victum, & hospitium sibi, & his, qui eum cõmittantur, (quorum paruus numerus esse debet) ab Episcopo dari constituta sunt. Quòd si sec⁹ fecerit, penas incurrat à constitutione Concilij Lugdunensis, quæ incipit, *exigit*, statutas, & reliquas à Concilio Tridentino impositas, ex cui⁹ Decreto decernitur, vt si visitatores ratione visitandi baptismales fontes aliquid acceperint, illud, in foro etiam conscientia, restituere tenentur; Hoc tamen Decreto non prohibetur, nè Notarij, & computatores, quos secum duxerint, id exigere possint, quod ex taxa huius Synodi eisdem debetur, ratione actorum, & scripturarum, rationumque, seu computorum, in quibus se exercuerint.

§. XII.

QUAMVIS ex iure, & ex Decreto Concilij Tridentini Ecclesiæ, & oppida, quæ visitantur, Episcopis, aut

Y

eo.

Tx. in c. qualiter, & quando, el 2. de accusationibus, & in cap. licet æli de Symonia.

Vide concilia citata supra

§. 1.

Tx. in c. exigit de censibus lib. 6.

Seß. 24. c. 3. de reform.

*Tolet. act. 2. c. 7. & Li-
mens. 3. act. 4.*

Seß. 24. c. 3. de reform.

LIB. QVINTI TITVLVS PRIMVS.

eorum visitatoribus, ratione procurationis, sibi, & his, qui in eius comitatu sunt, congrua victualia suppeditare debeant, & in hoc etiam Archiepiscopatu, & Prouincia consuetum sit, Tamemes (baiulos scilicet homines) iumentaue, sine vlla mercede tribuere, vt ex vno oppido in aliud, quæ ad hoc necessaria sunt, exportentur, nihilominus hæc Synodus statuit, ac præcipit, vt posthac Episcopi, siue eorum visitatores, cum visitaerint, iustam mercedem baiulis huiusmodi, aut alijs Indis, profe, & iumentis, quæ ad hoc adhibuerint persoluant, pro distantia, quæ est inter vnum, & alterum oppidum, & terræ consuetudine attenta, ita vt omnes intelligant vitari id omne, quò subditi vexari, aut molestari videantur, ac præterea ea solum visitatores proponere, quæ animarum saluti maximè conueniunt.

§. XIII.

Caciques, y Tequitlatos.

NE Indi, visitationum occasione * à proceribus molestetur, statuitur, ac iubetur, vt visitatores inscriptis annotatum suis nominibus relinquant quidquid pro suis, & eorum, qui eos comittantur victualibus sumptus fecerint, quò possit œconomus, si secularis fuerit, regijs magistratibus, si ab eisdem petatur rationem reddere, aliter promodo culpæ grauiter puniatur. —

LIBRI QVINTI
TITVLVS II.

De calumniatoribus.

§. I.

De hoc tit. Granatens. tit. de calumniatoribus n. 1. 2. & 3. quò reformatur Conciliū Mexic. 1. in c. 79.

Lex Reg. 4. tit. 17. lib. 8. recopil.

GRAVISSIMA iniuria tribunalibus irrogatur, quæ Deus in Ecclesia sua pro administranda iustitia constituit, dum his nonnulli ad suas vindictas, & flagitia abutentes, dolo malo innocentes criminantur. Cui malo remedium afferre volens hæc Synodus præcipit, vt si aliquis articulos dederit, aut calumniosam accusationem, perse, vel interpositam personam contra aliquem Clericum obtulerit, in casibus, quibus iuxta iuris dispositionem calumniosa talis accusatio reputabitur, iisdem penis criminator plectatur, quibus puniendus esset accusatus, vel denuntiatus, si contra eum pro-

probaretur. Ac præterea in omnibus expensis, & damnis condemnatur, quæ accusato, vel denunciato inde prouenerint, & in pondo quinquaginta, quorum medietas ei, qui calumniam passus est, tribuatur.

§. II.



SI quis accusauerit, aut denunciauerit, siue Clericus sit, siue secularis iniuriam suam non fuerit prosequutus, ab eo articuli nè admittantur, nec accusatio pro sua recipiatur, sed Fiscali tradetur, qui ad eius prosecutionem tenebitur, in his casibus, & eo modo, quo titulo de officio Procuratoris Fiscalis continetur, & non aliter, vltra ea tamen, quæ ibidem disposita sunt, secularis Clericum fideiussorem ad id præbeat, qui secularis in probatione defecerit, expensas, & penam prædictam, se soluturum promittat, aliter eius accusatio nequaquam admittatur.

§. III.

QUAMVIS is, qui calumniosè fuerit accusatus, calumniatorem non accusauerit, possint Iudices (si casus id postulat, eisque videatur) contra calumniosum criminatorem ex officio procedere, eumque pro merito culpæ condemnare.

§. IIII.

QUONIAM vero sæpe Indi nomine communitatis, aut particularium articulos contra nonnullos Clericos dare solent, decernitur, ac iubetur, vt attento quod cum Indis Decretum de fideiussoribus exhibendis, & pænis supra nominatis in rigore exequendum non est, Fiscalis causam suscipiat, eamque prosequatur, etiam si Indi ab ea desistant; ita vt Fiscalis ac in re eorum se protectorem ostendat, ea tamen conditione statuta, vt (Indis desistentibus) huiusmodi prosecutio, nec fieri, nec inchoari, nec inchoata deferri à Fiscali possit; nisi prius sententia, & consensus Episcopi præceserit, cuius paternæ prudentiæ hæc Synodus relinquit, vt quid hac in re magis ad Dei honorem, & indigenarum protectionem, excessuumque coercionem conueniat attentè consideret.



TITVLVS III.

De Simonia.

*Milanens. 1. p. 2. tit. quæ
pertinent ad collationem be-
neficiorum, vers. vt omnis,
& Granatens. tit. de Simo-
nia n. 4.*

*Tx in cap. nobis fuit de Si-
monia, & in extrauaganti 1.
de senten. excommunicationis
inter cōmunes confirmata per
Greg. XIII. in Bulla cuius
titul⁹ est de Datis & pro-
missis quam ad literam re-
fert, & eleganter legit Na-
uarrus in tractatu de datis,
& promissis.*

*Tx in extrauaganti, 2. de
Simonia inter communes.
Motus proprius Pij V.*

DE **§. I.** ab ipso renascentis Ecclesiæ initio, semper
Simoniæ vitium abominabile, & execrabile fuerit,
ac Sacris Canonibus prohibitum, grauibusque pæ-
nis punitum; Tamen ea fuit hominum malitia, vt
diuersis fraudibus, & fallacijs sua Simoniaca pacta occultare,
& palliare procurent. Quod malum in hunc Archiepiscopa-
tum, & Prouinciam adeò grassatum est; tam ad præsentationes,
quæ in his partib⁹ sunt, obtinendas, quam ad eas in curia Ca-
tholicæ Maiestatis procurandas, vt conueniens remedium, &
opportunum sibi afferri postulet, de quo providere volens hæc
Synodus præcipit nè quisquam Ecclesiastic⁹, siue secularis cu-
iuscumque dignitatis, conditionisve existat, pacta, conuentio-
nesve faciat, aut pecunias promittat, aliave strenarum nomi-
ne, si præbenda obtineatur, aut mercedis prætextu, pro sollici-
tudine, aut ad obtinendum fauorem quorumcumque aulicorum,
sollicitatorumve, aut procuratorum, seu aliarum personarum
eis propin quarum, qui præsentationes huiusmodi conferre de-
bent, nec scripturas nomine debitorum alijs de causis contra-
ctorum concedat, aut alios concedere faciat, quibus eos, qui se
obligauerint indemnes seruaturum promittat, ratione eius sum-
mæ quam persoluerint, nec aliter quouis modo desimilibus pa-
ciscatur perse, nec per interpositam personam. Quod omnes
hæc Synodus Simonicos declarat, & qui hæc cōmiserit, pænas
à iure statutas, & à fœlicis recordationis Pio Papa Quinto mo-
tu proprio confirmatas incurrere decernit; Quæ quidem pænæ
hæ sunt: videlicet ipso iure priuatos esse beneficio, aut præben-
da, hac ratione ab eis obtenta, ac præterea inhabiles reddi ad
alia quæcumque beneficia obtinenda, necnon ad restitutionem
fructuum omnium, atque reddituum ab eis receptorum teneri.
Itidem ipso facto incurrunt excommunicationem maiorem, à
qua nisi in articulo mortis ab alio quam à Summo Pōtifice ab-
soluti non possunt.

§. II.

DECLARAT præterea hæc Synodus, hos, qui præsen-
tationem obtinent per illicita huiusmodi media impetra-
tam,

tam, non fore admittendos ad similia beneficia, siue præbendas obtinuerint, hæc Synodus admonet, eisdemque pœnas à fœlicis recordationis Pio Papa Quinto innouatas notas facit, eorumq; conscientias grauiter onerat, quatenus animaduertant, teneri se ad resignandum beneficia, & fructus male perceptos restituendum, necnon eosdem exhortatur, vt ab hoc nequissimo vitæ statu resipiscant, ad illudq; acerrimum, ac tremendum Dei Iudicium mentis oculos conuertant.

§. III.

EPISCOPIS vero, quò omnis Simonix cesset occasio, monet hæc Synod⁹, vt familiaribus suis, ratione officiorum quæ exercent, certam mercedem constituent, nè illi hoc subsidio destituti, beneficia Ecclesiastica, tamquam suæ operæ, & laboris pretium præcipue sibi proponant. Fraudari tamen Ecclesias non vult hæc Synodus probatorum hominum ministerio, siqui sunt in Episcoporum familia, quibus ob suam Doctrinam, & pietatem vtiliter beneficia, siue præbendæ conferri possunt. Qua in re Episcopis vehementer commendatur, vt familiarium merita, & Doctrinam examinent, ita vt benemeriti non grauentur, si eis familiares Episcoporum præferantur. Cum in Ecclesiarum damnum, & tertiæ personæ incòmodum familiaribus satisfaciendum non sit. Quando Sacros lapides, calicesve, aut ornamenta benedicta, vasque aureum, aut argenteum, quod intus sanctorum reliquias contineat vendi contigerit, præcipitur, vt ratione consecrationis, benedictionis ve, aut reliquiarum, nihil quidquam pretij exigatur, nec maiori pretio hæc diuendantur, quam eo, quo materia; aut opus æstimabitur, subpœnis contra Simoniacos statutis.

§. IIII.

QVI Beneficia, seu Parochias, multis, & ambitiosis precibus, donis, promissionibus, fauoribusve ad Episcoporum Guernatores, aut examinatores allatis petierint, pro illa vice reddantur inhabiles ad tale beneficium, seu præbendam obtinendam, in quo eorum conscientias respectiue hæc Synodus valde onerat.

Milanens. 1. vbi supra.

*Concil. Trid. Sess. 24. c. 18.
de reform. cum motu proprio
Pij V.*

LIBRI QVINTI
TITVLVS III.



De hæreticis.


§. I.

PERPENDENS hæc Synodus quam graue peccatum sit, eos à Fide Catholica deficere, qui diuina fauente misericordia; Etenebris Idololatriæ, & gentilitatis ad lucem Euangelij eruti, Fidem Christianam in Sacro baptismo professi sunt; quæ à Fide defectio, in his præsertim grauior culpa est, qui aliorum duces, & magistri cum sint, eos peruertunt, & à veri Dei cultu ad Idola adoranda, & Dæmones colendos seducunt: grauitèr, molesteque ferens, & eam, quæ nostræ Fidei irrogatur, iniuriam, & tot animarum iacturam. Necnon intimis visceribus cupiens, * natiuis Indis tamquam nouellis in Ecclesia plantis in Fide roborentur, afferre remedium. Attendens præterea nimiam Episcoporum indulgentiam, quæ paterna pietate canonum rigorem temperantes, hætenus blanditijs, potius quam seueritate, ad viam salutis trahendos Indos existimarunt, non solum Indis vtilem fuisse, immo eis occasionem præbuisse, vt proiecta quadam audacia ad suos errores, & antiquas superstitiones (quod plerisque in partibus huius Prouinciæ experientia docet) redirent. Timens denique quam graue damnum conuersioni, & conseruationi Indorum in Fide Christiana proueniret, si hæc panis impositis non reprimeretur audacia, statuit, ac præcipit Prælati omnibus huius Prouinciæ, vt diligentissime inquirant, ac seiscitentur de huiusmodi Idololatrijs, præsertim dogmatistis, & errores inter alios disseminantibus. Quod si postquam eos piè monuerint, & corripuerint, nihilominus in suis perseuerare erroribus comperiantur, rigidè contra eos procedant, easq; penas applicent, quas magis cōuenire iudicauerint, & ad horum emendationem, & ad aliorum remediū. Paternæ autem Episcoporum prouidentię hæc Synodus cōmittit arbitrium qualitatis penarum, monens eos, nè pænas pecuniarias imponant, quæ nec grauitati delicti, nec Indorum paupertati respōdent, sed eos corporalibus penis coerceant, quib⁹ solum eorum saluti consultum videatur.

Nec-

Naturales Indios.

Necnon vehementer Episcopis eorum cura cōmendatur, cum indie tremendi Iudicij, de animabus sibi commissis, omnipotenti Deo rationem sint reddituri.



LIBRI QVINTI TITVLVS V.

De vsuris.

§. I.



VI volunt diuites fieri, ait Apostolus, incidunt in tentationem, & in laqueum Diaboli, & desideria multa, & nociua, quę mergunt homines in interitum, & perditionem; Hinc est, quod multi his Indiarum partib⁹ appulere, insatiabili quoad diuitiarum siti, & cupiditate ex cęcati, qui facile se his contractibus implicant, vnde maius lucrum reportari pos-

se sperant, nihil curantes iusti nē, an iniusti contractus illi sint. Quod fit, vt constitutionis vinculo, non sine magno animarum periculo obligentur, ob nimiam difficultatem, quę aliena quę retinent bona veris eorum Dominis restituant. Quare hac Synodus ardenti salutis animarum, quarum cura Episcopis commissa est, desiderio flagrans, à virisque prudentia, & experientia probatis intelligens, Tricasuarias, variasq; fraudes lucri cupiditate in his partibus inuentas, quib⁹ iniustitia, quę dolo malo in proximum exercetur, occultari, ac palliari possit, quantum valet, omnes huius Prouincię fideles in Domino exhortatur, vt rationem, quam Deo indie tremendi Iudicij reddituri sunt, certamq; animarum suarum damnationem, si iniustē aliena bona sibi vsurpant, ob oculos ponentes, viros Doctrina, & vita probatos consulant, eisq; modum, quem in negotiando, & contrahēdo tenent, aperiant, atq; eos solum contract⁹ exerceant, ad securitatem conscientię, quos iuris periti huiusmodi licitos probauerint. Sed nē posthac iniusti contractus, sub iustorum specie

specie lateant, ac de eis ignorantia præsumatur, hæc Synodus, quid de aliquibus contractibus, quorum frequentior est in hac Prouincia vsus, ac de quibus per multas difficultates propositæ occurrunt, iuxta iuris dispositionem, faciendum sit, exponit, atq; declarat. Aliorum vero contractuum discussionem ad directorium confessorum, ab ea probatum refert, vt tam confessorijs, quam pœnitentes in his omnibus dirigantur.

§. II.

Primus casus.

*Tx. in leg. Reg. 5. tit. 21.
lib. 5. & lex 1. & 2. tit.
24. lib. 5. recopil.*

Quando este Decreto se ordenò no se hauiã asentado el ensaye de la plata: como lo està agora: por orden de su Magestad.

QUIA is contractus in hac Prouincia frequens est, vendendi (scilicet,) aut credendi argentum ad certum tempus, vt æstimato iuxta legem Regni pretio, sexaginta tomnorum pro vnaquaque argenti Marca, venditi, aut crediti, argenti pretium in moneta regalium præfinito tempore solvatur. Hæc Synodus illegitimum, tunc esse contractum huiusmodi declarat, quando argentum valorem à lege constitutum non attingit, scilicet, denariorum vndecim, & granorum quatuor. Quia ad dilatam solutionem, argentum minoris valoris eodem pretio vendere, quod argentum pretiosius, & valorem à lege æstimatum pertingens diuenditur, contractus illegitim⁹ est, & vsurarius. Maiori enim pretio in eo argentum venditur, ratione dilatæ solutionis, quam à lege præscribitur, & pecunia numerata vendi potest. Hoc igitur genus contrahendi Synodus damnat, illicitumque, & vsurarium decernit, idemque tale iudicari, & reputari mandat. Reos verò, & in sic contrahendo delinquentes Ecclesiastici Iudices corrigant, omniq; iuris rigore puniant, in eosq; & in eorum bona pœnas omnes exequantur, quas contra vsurarios, & foeneratores statutas inuenerint. A confessorijs verò minimè absoluantur, nisi post plenè factam restitutionem eorum, quæ ex illicito, & vsurario contractu percipiunt, & acquisierunt, ab huius generis contractu omnino abstineant.

§. III.

Secundus casus.

ALIVANDO vero argentum vndecim denariorum, & quatuor granorum valorem attingens, in pecunia numerata iusto legis pretio vendi non potest, dilata vero solutione iustæ legis pretio venditur, cuius contractus iustitiam, vel iniustitiam perpendens hæc Synodus, ex varietate circumstantiarum, aliorumque plurium posse variari, quod fit, vt de eo certa definitio dari non possit, volensque fideles huius Prouinciæ ad rectam iustitiam dirigere, & conscientia detrimenta, ac proximi damna vitare, statuit, ac iubet, vt tam in contractib⁹ huius generis factis, quam in his, qui in posterum fient, ante omnia contrahentes consulere debeant, & consulant viros vita,

&

& scientia, conscientiaque probatos Theologos, aut Iurisperi-
tos, quibus circumstantias, motiones, & causas contractuum hu-
iusmodi apperiant, eorumq; sententiam, & consilium sequan-
tur, vt de contractus huiusmodi iustitia tuti in conscientia sint;
Quod si secus fecerint valde eorum conscientia ab hac Syno-
do onerantur. —

§. III.

PORRO, quia etiam huic Synodo renuntiatum est, ob pe-
cuniæ penuriam, & vrgentem necessitatem, per multos
præsertim eo tempore, quò Classis in Hispaniam proficiscitur,
mutuo pecunias non inuenientes, vt suis creditoribus satisfa-
ciant, solere ad id permutationes facere, merces ad dilatam so-
lutionem ementes, quas in pecunia numerata minori pretio di-
uendunt, sæpeque nullis mercibus interuenientibus, quæ re ip-
sa emptioni, aut venditioni subiiciantur, fictè conuenerint, &
contrahunt ad certum terminum soluere se obligâtes summum
pretium, quò falsò præsupponitur merces emptas fuisse, cum
re vera in pecunia numerata aliquam tantummodo summam
recipiant, & ad certum tempus maiorem summam redditu-
ros, obligatione se deuinciant. Qui quidem contractus, siue
merces fingantur interuenire, & vendi, cum nec interueniant,
nec diuendantur; siue argentum sit, quod emi confingitur iux-
ta pretium legis, viliusque vendi ratione numeratæ pecuniæ,
abhac Synodo declaratur illicitus, & vsurarius, quia in eo mi-
nor summa pecuniæ mutuo datur, cum obligatione reddendi
maiolem; Reliquæ verò conuentiones, in quibus, vt dictum est,
vera emptio, vel venditio non interuenit, fraudulentæ, & so-
lum ad palliandas vsuras inuentæ decernuntur. Quare hæc Sy-
nodus præcipit, vt qui contractibus huiusmodi se implicaue-
rint, * & Proxenistæ, qui in eis interuenerint, penis contra vsu-
rarios statutis puniantur; Iudices autem Ecclesiastici diligen-
tissimè inquirent de huiusmodi delinquentibus, vt rei tam per-
nitiosæ, & quæ sic palliata, & velata facile committitur, reme-
dium adhibeatur.

* Corredores.



§. V.

PRÆTEREA, quoniam per multi homines illicitum
esse intelligentes vendere aliquid ad dilatam solutionem
maiori pretio, quam in pecunia numerata in venditione mer-
cium, pretium, quod summum appellatur, ratione dilatæ solutio-
nis ad aliquod tempus excedendo, qui contractus vsurarius est,
vt illum cōmittant, varios quærent colores, & fallacias, pur-
puram, cacaum, & similes alias merces maiori pretio ad dila-
tam

tam solutionem diuendētes, quam pecunia numerata æstimantur, & fortasse maiori, quò eas ad dilatam solutionem crediderunt. Id circo hæc Synodus iuxta iuris præscriptum decernit, ac declarat, in his, & alijs mercibus, in quib⁹ diuendendis multi sese exercent, easque nulla necessitate compulsi pecunia numerata diuendunt, vnde verum pretium, quo in pecunia numerata æstimantur liquidò constare potest vsuram committi ab illo, qui eas ad dilatam solutionem maiori pretio vendiderit, quam summo, & eo, quò in pecunia numerata venduntur, Nec non causa non obstante, qua se communiter excusant, eo quod nullum pretium in pecunia numerata constitutum sit, delinquentes hæc Synodus puniri mandat, penis contra vsurarios impositis. Itidemque fiat cum illis, qui ad dilatam solutionem magnam quantitatem cacaï, alterius ve generis mercium collectiue maiori pretio vendunt, quam in pecunia numerata collectæ in vnum merces huiusmodi diuenduntur. Hoc enim est iustum pretium istius modi mercium, non autem illud, quod si minutatim diuenderentur, pro eis reperiretur. Pretium siquidem mercium, quæ minutè diuenduntur ob laborem, periculum, & industriam maius est, quam earum, quæ collectim emuntur. Quapropter si contrahentes, hac executione non obstante, eadem pena plectendi sunt, qua illi, qui carius ad dilatam solutionem, quam pecunia numerata merces extrudunt.

§. VI.

QVONIAM verò casus alij per multi, qui in his partibus passim inter negotiandum occurrunt, quique specialem circumstantiarum indaginem requirunt, vt probentur, vel condemnentur, huic Synodo propositi sunt eos ad directorium, & examen confessoriorum refert. Idque negotij, confessoribus datur, vt directorio Synodi huius auctoritate probato, in discussione istorum casuum vtantur.



LIBRI QVINTI 90
TITVLVS VI.



De fortilegis.

§. I.



AGNA in Deum verum cōmittitur of-
fensa, in quo totius nostræ miserię consistit
remedium. quique omnipotens est, & sum-
mè sapiens, si fortilegi, magi, malefici,
ariolive consuluntur, ab eisq; futuri inqui-
runtur euentus. Quæ res acerrimè in sacra
scriptura reprehenditur, & diuina lege pro-

hibetur. Eam ob causam hæc Synodus interdicit, nè quisquam
cuiuscumque conditionis existat auguribus, sortibusve vtatur,
circulis, aut incantationibus, ad futuros rerum euentus prenosc-
cendos, nec cuiquam filtra, aut veneficia propinet, vt ad amo-
rem, vel odium incitetur; aliterque, qui secus fecerint, flagel-
labuntur, mytraque capite imposita in publicæ ignominia sig-
no punientur; aut iuxta qualitatem delinquentium pœna pecu-
niaria plectentur, ita vt Episcopi arbitrio grauitati culpæ pœ-
na respondeat.

§. II.

NEMO etiam sortilegos, veneficos, incantatores ve hu-
iusmodi adeat, vt eorum maleficijs, seu veneficijs, vtan-
tur, aliter solemnem aget pœnitentiam die festiuo dum Missa
Conuētualis in sua Parochia celebratur, vbi detecto capite, sine
pallio, & nudis pedibus, fune præcinctus, candelamque incen-
sam in manib⁹ tenens, stet, ibiq; publicè sententia in eum lata
legatur, & Præterea si Hispan⁹ fuerit, duas argenti marcas per-
soluat fabricæ Ecclesiæ, accusatori, & pijs operibus applican-
das. Poterunt tamen Iudices cum illis misericorditer agentes
pœnas huiusmodi moderari, qui sponte sua, sine cuiusquam ac-
cusatore ad eos confugerint, delictum à se cōmissum accusan-
tes, necnon in eodem casu pro qualitate personæ, corporalem
pœnam, in aliam commutare poterunt.

§. III.

NEMO itidem impostero eorum officium exerceat, qui
per verba, aut per benedictiones mederi morbis dicun-
tur. Hispanicè (saludadores, ensalmadores, ò santiaguadores) nuncupati,

Z ij

nec

Mexi. 1. c. 5. Guadix tit.
5. const. 20. & tit. 6. cōst.
44. Milanens. 1. p. 1. tit.
de Magicis artib⁹, & Gra-
nat. tit. de fortilegis n. 1.

bebedizos.

Milan. 1. & Granat. vbi
supra.

Guadix tit. 5. const. 23. &
Granat. tit. de fortilegis
n. 2.

nec preces, aut orationes publicè in plateis, & in Ecclesijs recitet; nisi prius ab Episcopo examinatus facultatem obtineat, aliter iuxta iuris formam punietur, vt per multæ superstitiones exterminentur, quæ ab huiusmodi hominum genere in his exercendis permisceri solent.

LIBRI QVINTI TITVLVS VII.

De maledicis.

§. I.

*Mexic. l. c. 49. & Milan.
l. i. p. tit. de blasphemia.*

VT corruptela, qua in Dei offensam multi innaniter iurant, funditus tollatur, maximè oportet, vt Ecclesiastici viri vitam suam quoad hoc emendent, mores reforment, bonumq; vitæ exemplum alijs præbeant. Quare Clericis omnibus huius Prouinciæ hæc Synodus mandat, vt habita Dei, ac Domini Nostri, eiusque sanctorum nomini reuerentia, in vanum, & absque necessitate nè iurent, immo quos sic iurare audierint, ipsi moneant, & exhortentur, quatenus iuramentis abstineant. Quod si Clericus aliquis iurare consueuerit absque necessitate, vt dictum est, arbitrio Episcopi punietur.

§. II.

*Lex reg. l. 2. & 7. tit. 17.
lib. 8. recopil.*

*Concil. Lateranès. sub Leone X. tomo 5. Concil. general.
Et Motus proprius Pij V.
§. ad abolendam. Milan. l. 1.
p. 1. tit. de blasphemia, &
Synod. de Quirog. cōst. 107.*

GR A V E admodum est, & seверо supplicio dignum, vt ij, qui Dei honori, & cultui addicti sunt, in illud perditionis baratrum prolabantur, vt in diuinam maiestatem, eiusque sanctos furiosè passim blasphemant. Quare cum Sacris Canonibus, & regijs legibus in seculares blasphemantes, graues pænæ institutæ sint; æquius multo erit, vt contra Ecclesiasticos blasphemos pænæ itidem decernantur. Itaq; hæc Synodus statuit, ac præcipit, vt si aliquis Clericus tantum scelus commiserit, seuerè his pænis puniatur, quæ in Concilio Lateranensi sub Leone Decimo, constitutione, quæ incipit, *statuimus*, statutæ sunt, & à fœlicis recordationis Pio Papa Quinto in speciali sua constitutione innouatæ, eæ autem sunt, quæ sequuntur.

§. III.

CLERICI Deum, & Dominum Nostrum blasphemantes, si beneficiati sint, & hoc delicto conuicti, pro prima,

ma, & secunda vice, beneficiorum fructibus vnus anni mul-
 dentur, pro tertia vero ipso facto suspensi sint, & beneficijs
 priuati, ac præterea tamdiu in exilium relegentur, quamdiu
 Episcopo videbitur. Si vero Beneficiati non sint, & hoc scelus
 primo admiserint, pecuniaria, aut corporali pæna Episcopi
 arbitrio punientur, si secundo carcere includentur: si tertio de-
 gradentur, & intriementis conijciantur.

§. III.

SI verò in sanctos blasphemauerint, pæna arbitrio Episco-
 pi relinquitur, pro qualitate blasphemix, & circumstan-
 tiarum. —



LIBRI QVINTI

TITVLVS VIII.



De iniurijs, & damno dato.

§. I.

NE ita rerum ordo perturbetur, vt ab il-
 lis iniuriæ irrogentur, qui deberent inno-
 centes, & miserabiles personas tueri,
 atque defendere, cum experientia com-
 probatum sit, ex bellis, & irruptionibus,
 quæ in regiones infidelium fiunt, grauif-
 sima damna oriri, statuit, ac præcipit hæc
 Synodus, nè vllus Clericus in huiusmo-

di irruptionibus milites committetur, sine expressa Episcopi
 facultate, sub pæna excommunicationis maioris latæ sententiæ,
 ac præterea arbitrio Ordinarij alijs pænis puniatur. Idemq; ob-
 seruari à Religiosis monet, cum tanti ponderis negotium sit.
 Si secularis Clericum percuserit, aut in eum manus violentas
 iniecerit, præter excōmunicationis sententiam à canone; Siquis
 suadente, infligam, & satisfactionem, quam parti facere debet,
 triginta pondo muldetur in sumpt^o Iustitiæ, fabricæ Cathedræ,
 lis Ecclesiæ, & hospitalis vsus equis partibus erogandis. Quod
 si Clericus suam iniuriam non accusauerit, id Fiscalis efficiat,

Z iij

ob

Concil. Limens. 3. act. 2.
 c. 7.

Tx. in cap. si quis suadente
 17. q. 4.
 Granat. tit. de iniurijs n. 1.
 c. 2.

ob iniuriam libertati Ecclesiasticę illatam. Si vero Clericus secularē percusserit, in eum Episcop⁹ iuxta modum culpę arbitrato suo animaduertat. Cui hæc Synodus vehementer commendat, vt eo supplicio delinquentem huiusmodi afficiat, ex quo Populus intelligat, dignas suis excessibus penas ab huiusmodi reis dari. —

§. II.

NIHIL magis eorum curæ à Deo commissum esse, Episcopi, & Guernatores harum prouinciarum, & regnorum existimare deberent, quam vt Indos recens in Fide natos, intimo animi affectu, visceribusque paternis protegerent, atque defenderent, corporalibus, & spiritualibus eorum commodis consulentes. Indorum enim innata mansuetudo, summissio, & assiduus labor, quibus Hispanorum vtilitati deferuiunt, cuiuscumq; efferatę gentis animos inducerent, vt eorum potius defensionem susciperent, miserijs compaterentur, quam, vt eos molestijs, iniurijs, violentijsq; illatis, quib⁹ quotidie ab omni hominum genere diu vexantur, afficerent. Quod perpēdens hæc Synodus, dolensque vehementer in his pietatem, & humanitatem non esse, in quibus maxima esse deberet; quantum potest in Domino cohortatur, Guernatores, & Magistratus regios huius Prouincię, vt cum miserabilibus Indis piē, benigneque agant, ministrorum suorum, & eorum, à quibus Indi molestijs, & grauaminibus afficiuntur insolentiam reprimant, vt ab his, Indi non serui, sed liberi existimentur. Quoniam vero ad huius Synodi notitiam varia grauaminum genera peruenerunt, quibus Indi, tam in bonis, quam in proprijs personis afficiuntur; hæc declarantur, & exponuntur in directorio confessorum ab hac Synodo approbato, eademq; nota fiunt tam magistratibus, vt in posterum emendentur, & viros doctos consulant, ab eisq; de restitutione, & satisfactione ob damna hactenus illata Indis in foro conscientię facienda, sciscitentur, quam confessarijs, vt quos contumaces inuenerint, seq; emendare nolentes, nec satisfactionem, vt decet facere, minimē absoluant, obseruantes ea, quę de damnis, & molestijs Indis illatis, directorium huiusmodi docet, in quibus omnib⁹ adimplendis hæc Synodus conscientias onerat, prauaricatoribusq; huiusmodi, iram omnipotentis Dei in die tremendi Iudicij minatur.

Limens. 2. c. 128. & 3. act. 3. c. 3.

Tx. in cap. 1. cum tribus seqq. 87. d. & in c. administratores 23. q. 5. facit tx. in authentico, vt disseverentes Iudi. §. final collat. 9.

Tx. in extrauag. 2. de Iudeis.

Ioannis 22. & in extrauag. comuniū latē de multis prerogatiuis, & priuilegijs concessis Neophitis, & nouiter ad Fidem cōuersis. Est cōst. 29. Pauli III.

Bulla Pauli PP. III. lata Romę Nonis Iunij, 1537. & vide Iosephum de Acof. ta lib. 3. de procuranda Indorum salute c. 17.

Concil. Limens. 2. c. 122. 123. & 125. & 128.



TITVLVS IX.



De Pænis.

§. I.

PENÆ ad coercendas culpas legib⁹ statutz sunt, ideoque personis, de quibus leges loquuntur, accō-
modari debent. Quare hæc Synodus paupertate, &
pusillanimitate Indorum attenta, iuxta id, quod per
Regiam Maiestatem statutum est, præcipit, nè Indis pænæ pe-
cuniariæ, ob quodcumq; delictum imponantur, nec pecuniarijs
pænis, his Decretis contentis, Indi comprehendi intelligan-
tur. Quod si in casu aliquo Iudici videretur pænam huiusmodi,
omni alia ad excessus sui remedium alicui conueniētiorem esse,
eam nè imponat sine Episcopi facultate, & cum maximo mo-
deramine, Ecclesiæque, cuius Indus Parrochialis est, tantum-
modo, & non alteri multa huiusmodi applicetur, sin minus Iu-
dex tantundem fabricæ eius Ecclesiæ persoluat, cui pæna erat
applicanda. —

Mexic. 1. c. 92. §. 1. &
Limenf. 3. act. 4. c. 7.

§. II.

QUANDO Episcopus, aut alius Iudex in pænam deli-
cti Clericum in aliqua parte distributionum quotidia-
narum condemnauerit, nè huiusmodi condemnatio frustrato-
ria sit, præcipitur, vt alij præbendati delinquenti remittere non
possint, nec ei condonare quod ratione sententiæ contra eum
lata amisit, vt titulo de Beneficiatis, & eorum officio habetur.

Tolet. act. 3. c. 20.

§. III.

PORRO declaratur, & exponitur, vt quandocumque in
Decretis huius Concilij de Curatis secularibus, & regula-
ribus mentio fit, & pæna aliqua imponitur, eam tantummodo
incurrere seculares Curati intelligantur. Nam Curati regulares,
ex Decreto Concilij Tridentini, cuius executio valde Episco-
pis commendatur, corrigi debent. —

**

Seß. 25. c. 11. de regulari-
bus.



LIBRI QVINTI
TITVLVS X.

De concubinato, & pænis concu-
BINARIORVM, ET LENONVM.

§. I.

*Mexi. 1. c. 43. & Guadix
tit. 5. const. 19. & 20.*

Seß. 24. c. 8.

*Lex reg. 1. 2. 3. & 5. tit.
de los Amancebados lib. 8.
recopilat.*

Mexic. 1. c. 81.

Seß. 24. c. 8.

*Mexi. 1. c. 43.
Iuuat tx. in c. cum secundū
leges de hereticis lib. 6. &
lex 7. tit. 20. lib. 8. recop.*

Guadix tit. 5. const. 19.

GR A V E eorum scelus est, qui cum scandalo po-
puli publicè in concubinato viuunt; grauissimum
vero eorum, qui cum coniuncti sint Matrimonio,
Sacramento iniuriam irrogantes, Fidemq; violan-
tes, quam coniuges inuicem seruare debent, in hoc nequissimo
vitio versantur. Eamq; ob causam Sacrosanctum Tridentinum
Concilium seuerè contra hos procedendum iussit. In cui⁹ exe-
cutionem statuit, ac mandat hæc Synodus, vt Iudices Eccle-
siastici diligentissimè inquirent, an aliqui publicè in hoc statu
viuant, contra eosq; pēnas à iure statutas exequantur, eosdem
aggrauantes ratione cōtumaciæ, reincidentia, & grauitatis cul-
pæ, & reorum, ita vt à pessimo huiusmodi statu desistant, & à
periculo animarum, in quò sunt constituti recedant. Quodsi fœ-
mina, quæ in hoc statu viuit coniugata sit, & postquam ter fue-
rit admonita non obedierit, grauiter pro ratione culpæ punia-
tur, ab eoque oppido, aut Diœcesi si Episcopo visum fuerit, in-
vocato ad id (si opus fuerit) brachio seculari, vt est à Conci-
lio Tridentino dispositum. Quod si ij, qui in concubinato de-
gunt, ambo soluti sint, vltra pēnas à iure statutas, alijs arbitra-
tu Episcopi coerceantur.

§. II.

PRÆCIPITVR quoque, vt si aliquis in concubinato
cum consanguinea intra quartum gradum; aut cum infi-
deli versetur, pānam excommunicationis latæ sententiæ incur-
rat, & ab Episcopo pro qualitate delicti puniatur.

§. III.

DECLARATVR quoque non solum illum, qui in ea-
dem domo cum concubina cohabitauerit, pāna in concu-
binarios statuta comprehendi, sed etiam quemcumq; in pec-
cato huiusmodi constitutum, si delictum iuxta formam iuris
probari possit. In quò Episcopi, & Ecclesiastici Iudices omni
Christiana prudentia segerant, prout rei ratio postulat.

dili-

§. III.

DILIGENTER cauendum est, vt à populo Christia-
no, tamquam amesse zizaniz lenonum, & lenarum pestis
extirpetur, qui tamquam laquei quidam diaboli hominum ani-
mas illaqueant in interitum. Id circo iubetur, vt si quisquam in
hoc pernicioso delicto fuerit primo deprehensus, publicam pe-
nitentiam faciat, & in scala ad portam Ecclesię mytra in igno-
miniam capiti imposita, tamdiu, quamdiu Episcopo videbitur,
stet: si secundo publice verberibus percutiatur, mytramque in
signo publicę ignominiz gestet; Episcopique arbitrato in exi-
lium mittatur. —

§. V.

PERPENDENS hæc Synod^o grauius, turpius, & per-
nitiotius esse, tam in Ecclesiasticis, quam in secularibus in-
continentiæ vitium, cupiensque vt ij non solum ab omni vitæ
inhonestate abhorreant, sed ab omni periculo, & suspitione im-
pudicitiz alieni ad eam, quam decet continentiam, ac vitæ in-
tegritatem reuocentur, ex Decreto Concilij Tridentini statuit,
ac præcipit, nè vllus Cleric^o Sacro ordine initiatus, cuiuscumq;
qualitatis existat, in domo, aut extradomum concubinam tene-
re audeat, nec similibus mulierum domos frequentet, aut cum
ipsis consuetudinem habeat. Quod si aliqui primò à superiori-
bus moniti ab his non abstinuerint, si beneficia Ecclesiastica
obtinent, fructuum, & prouentuum beneficiorum suorum tertia
parte, ipso facto, priuati sint. Qui fructus fabricę Ecclesię, aut
alij pio loco arbitrato Episcopi applicetur. Si vero secundo ad-
moniti in eodem delicto, cum vel eadem, vel cum alia femina
perseuerantes adhuc non paruerint, non tantum fructus, & ob-
uentiones suorum beneficiorum ammittant, qui prædictis locis
applicentur, sed etiam à beneficiorum ipsorum administratio-
ne (quoad Ordinarius etiam, vti Sedis Apostolicę delegatus
arbitrabitur) suspendantur. Quod si ita suspensi nihilominus
eas non expellant, aut cum ijs etiam versentur, tunc beneficijs,
ac officijs, & pensionibus quibuscumque, honoribus, & digni-
tatibus Ecclesiasticis perpetuò priuentur, atque inhabiles, ac
indigni, his, & quibuscumq; in posterum reddantur, donec post
manifestam vitæ emendationem, ab eorum superiorib⁹, cum ijs
ex causa fuerit dispensandum; sed si postquam eas semel dimi-
serint, intermissum consortium repetere, aut alias huiusmodi
scandalosas mulieres sibi adiungere ausi fuerint, præter prædi-
ctas pœnas, ex communicationis gladio plectantur. Nec quauis
appellatio, aut exemptio huius Decreti executionem impediat,

Aa

aut

Granat. de sortilegis n. 4.

Seß. 25. c. 14.

Mexi. 1. c. 51. §. 1. 2. &
4. & Guadix tit. 5. const.
18. Synodal de Quirog. const.
38. & Limens. 3. act. 3. c.
19.

Limens. 3. act. 3. c. 19 ad finem.

aut suspendat. Nomine vero beneficiorum, de quibus Decretum hoc mentionem facit, quamcumq; Indorum administrationem à Clericis obtentam compræhendi hæc Synodus declarat.

§. VI.

CLERICI vero hoc peccato delinquentes, qui beneficia Ecclesiastica, aut pensionem non habent, iuxta delicti, & contumaciæ perseverantiam, & qualitatem ab ipso Episcopo carceris pæna, suspensione ab ordine, ac inhabilitate ad beneficia obtinenda, alijs ve modis iuxta Sacros Canones puniantur. —

§. VII.

QVONIAM vero aliqui cum mulieribus coniugatis in concubinato versantur, vt liberius in suo nefario scelere perseverent, existimantes contra se minimè procedendum, nè similitum fœminarum adulterium in apertum proferatur, hæc Synodus statuit, ac præcipit, vt quando maritus, eiusque in concubinato cum Clerico versatur, conscius delicti fuerit, ad punitionem delicti, sicut in alijs concubinatibus fit, procedatur. Quando vero crimen vxoris ad mariti notitiam minimè venisse comperiat, iuxta Concilij Tridentini Decretum iubetur, vt si delictum publicum sit, & delinquentes tẽr admoniti ea de re se non emendauerint, ad puniendum delictum procedatur, ea tamen adhibita cautela, nè nomen coniugate mulieris in processu euulgetur ad euitandum damnum, quod inde ortum habere posset. In modo autem procedendi in casibus similibus, is ordo seruabitur, qui Ordinarij arbitrato magis expedire videbitur. Eius enim prudentia erit, remedia coercere, & ita de remedio in delictis prouidere, vt nullum inde nascatur incommodum. —

§. VIII.

PORRO, si Clericus, (quod absit) in continenter vixisse cum sua serua comperiat, eum ipso facto amisisse dominium eius seruæ hæc Synodus declarat, de cuius seruæ pretio Episcopus disponat in vsus piorum operum. Ac præterea iubetur Clericus puniri iuxta iuris rigorem; si vero ex ea filios procreauerit, ipso facto ab omni seruitute liberi sint.

§. IX.

VT aliquorum Clericorum malitiæ occurratur, qui cum famulabus in continenter cum vixerint, eas suis famulis, aut alijs, in vxorem dant, qui in eodem delicto easdem versari patiantur, hisq; fallacijs sua flagitia occultare contendunt, præcipit hæc Synodus, nè Clerici in suis domibus famulas prædictas

Seß. 24. c. 8.

Mexi. 1. c. 81. & vide supra §. 1.

Mexi. 1. c. 51. §. 3.

Lex Reg. 3. tit. 19. lib. 8. recopil.

ctas tenere possint, aliter ducentum pondo panam incurrant, pijs operibus, accusatori, & iustitiæ sumptibus æquè applicandorum. Si vero in contumacia delicti perseverauerint, priuatione etiam beneficiorum, & inhabilitate ad ea obtinendum, nec non exilio ad arbitrium Episcopi plectantur. Quò vero Clerici omnem in cōtinentiæ suspicionem effugiant, interdicat hæc Synodus, nè Clerici, maximè illi, qui in oppidis Indorum cōmorantur, fœminam aliquam suspectæ ætatis in famulatum adhibeant, nec per diuturnum tempus, nec per menses, nec per hebdomadas, sed ad id, vel viri alicuius seruitute, vel fœminæ in ea ætate constitutæ vtantur, de qua nulla possit haberi suspicio. Clerici itidem, qui ex suis regionibus, aut aliunde progerendis negotijs ad ciuitatem diuerterint, honestas domos, & minimè suspectas sibi in hospitium quærant, in eis que commorentur, aliter ab ordinario punientur, cuius rei executio eidem valde commendatur. —

§. X.


VT omnis à populo auferatur occasio, omneque in eo vestigium deleatur, quibus Sacerdotum fama vllatenus maculari possit, statuit hæc Synodus; ac præcipit, nè vllus Clericus cuiuscumque status, aut conditionis existat, præsens intersit baptismo, nuptijs, Missæ nouæ, aut exequijs sui filij, vel filia, aut sui Nepotis, qui non ex legitimo nati sunt Matrimonio, nec educare, aut in suis domibus eos, nec etiam suos generos tenere possit, neque eos sibi in comitatu adhibere. Præsertim vero in Ecclesia, vbi beneficia, seu præbenda obtinet, eos minimè teneat in graue aliorum scandalum. Quotiescumq; vero secus fecerit, triginta pondo persoluat, eaq; sumptibus iustitiæ, accusatori, & Iudici, si accusator desit, æquis partibus applicentur, Episcopis vero, & Iudicibus Ecclesiasticis valde cōmendatur, omnia ad implentes, quæ contra filios Clericorum Concilium Tridentinum decreuit. —

*Mexic. 1. c. 51. cum §. 1.
& Limens. 3. act. 3. c. 19.
ad finem.*

Concil. Lateranense sub Leone X. sess. 11.

*Mexic. 1. c. 51. §. 5. &
Guadix tit. 5. const. 21. &
Toletan. act. 3. c. 19. ad finem,
& Granat. tit. de filijs
præbitorum, & Synod. de
Osma tit. 8. const. 1. §. 9.*

Sess. 25. c. 15.



Aa ij

LIBRI

LIBRI QUINTI
TITVLVS XI.



De sententia excommunica-
TIONIS.

§. I.



VM excommunicationis sententia p̄na valde grauis sit, & gladi⁹ salutaris, quo Ecclesia vtitur, vt fideles in officio contineantur, & à vitijs reuocētur, leui de causa exercendus non est, nè magis contemni, quam formidari videatur. Quapropter ex Decreto Concilij Tridentini præcipit hæc Synod⁹,

nè excommunicationes pro rebus furto subtractis decernantur, si res illæ ablata quinquaginta pondo valorem non attingunt, de quo valore, per informationem, aut iuramentum partium constet, necnon alijs adhibitis diligentijs arbitrato Episcopi sufficientibus, quibus non obstantibus, res huiusmodi recuperari minime potuerunt, & non aliter. Ex cōmunicationes etiam ad effectum manifestandi rem aliquam occultam, nisi in re graui, & magni momenti, quæ præstitis omnibus diligentijs aliter reuelari non potest, minime concedantur. Quodsi excommunicationes huiusmodi petantur lite aliqua inchoata, vel ad testes, vel ad alicuius rei ad litem spectantis declarationem, nisi citata parte minimè concedantur, quibus illi solum modo ligentur, qui in fauorem eius, ad cuius instantiam excommunicatio decreta est, aliquid nouerint, præterea pro rebus in facto consistentibus, & permanentibus, veluti pro limitibus, finibus, aut metis, pro iure pascendi, scindendi, aut venandi, alijs ve rebus similibus, quæ aliter de iure decerni possunt, nè concedantur.

§. II.

PORRO statuitur, ac iubetur, nè excommunicationes huiusmodi pro rebus furtiuis, vel ad effectum reuelationis ab alio, quam ab Episcopo, vt Concilio Tridentino constitutum est, nè decernantur, & tunc non aliàs, quam causa diligenter, & maturè per Episcopum Examinata, subp̄na pondo triginta

Seß. 25. c. 3. de reform.

Mexic. 1. c. 14. Synod. de Quirog. const. 21. & Cöcil. Milan. 4. 3. p. tit. de foro Episcopali.

Granat. tit. de sent. excommunic. n. 6. 7. 8.

Seß. 23. c. 3.

Milanens. 4. 3. p. tit. de foro Episcopali, verbo Cum

ginta fabricæ Ecclesiæ, accusatori, & pijs operibus applicando-
rum. Quam penam incurrat Iudex Ecclesiasticus, qui id propria
auctoritate effecerit, (non obstante quacumque in contrarium
consuetudine.) Nullatenus autem censuræ huiusmodi, aut aliæ
citationis ve in albo expediantur, vt fraudes, & falsitates, quæ
inde ortum habere possunt, omnino vitentur.

§. III.

VT excōmunicati ab alijs fidelibus euitentur, & hoc mo-
do incitati, quam primum sibi remedium quærant, & à
pessimo statu, in quo versantur liberari procurent, statuit, ac
mandat hæc Synodus, vt in vnaqua; Parochia in loco publi-
co, vbi legi possit, tabella vna collocetur, quæ nomina scripta
contineat eorum, qui in tali Parochia excōmunicati sunt. Pa-
rochi vero, aut Sacristæ singulis Dominicis diebus infra Mis-
sarum solemnia tempore offertorij, excommunicatos huius-
modi denuntient, aliter quoties in hoc negligenter egerint, pon-
do dimidium fabricæ Ecclesiæ persoluant. In reliquis vero Ec-
clesijs, & Monasterijs hoc item annuntiari curent, vt vbique
noti fiant, & à diuinis officijs arceantur.

§. IIII.

QUIA vero nonnulli adeo obstinato animo sunt, vt spi-
rituale detrimentum contemnentes, per multum temp⁹
in excommunicatione, aut in alijs Ecclesiasticis censuris infor-
descunt, statuit, ac præcipit hæc Synodus, vt si aliquis Clericus
per decem dies excommunicatus, aut suspensus per manserit,
pondo duo persoluat, si per viginti dies, pondo quatuor, si per
mensem pondo sex, sicque cum tempore contumaciæ pæna
etiam accrescat. Quæ quidem multa fabricæ Ecclesiæ, & exe-
cutori æquè applicetur. Hoc tamen declaratur, nè scilicet per
totum tempus prædictum excommunicatus Clericus huiusmo-
di fruct⁹, & obuentiones beneficij ab eo obtenti lucretur. Si vero
per annum censura innodatus perseuerauerit, carcere include-
tur, & contra eum, vsque ad beneficij priuationem procedetur,
& alijs etiam pænis plectetur quas Episcopus iudicauerit.

§. V.

SI VERO aliquis secularis in excommunicatione per
mensem, aut per maius temporis spatium, postquam ei
fuerit notificata inforduerit pænas à iure statutas incurrant, si
vero per annum in dicta excommunicatione perseuerauerit,

Aa iij

in e.

vero vers. ibi (neq; vero eius
Vicario etiam Generali,) &
Synod. de Osma tit. 3. cōst.
1. §. 23. & Prouincial de
Quirog. act. 3. c. 4.
Granat. tit. de sent. excō-
munic. n. 6.

Granat. tit. de sent. excō-
munic. n. 3. & Synod. de
Quirog. const. 18.

Granat. tit. de sent. excom-
munic. n. 1. & Synod. de
Quirog. const. 19.

Lex reg. 1. tit. 5. lib. 8.
recopil. & Synod. de Qui-
roga const. 19. ad finem.

Seß. 25. c. 3. de reform.

in eum tamquam de heresi suspectum ex Decreto Concilij procedetur. —

§. VI.

*Mexi. c. 13. Synod. de Qui
rog. const. 20.*

CVPIENS hæc Synodus, vt nullus in excommunicationis statu perseveret, vidensq; ex eo aliquos in eo permanere, quod ad ciuitatem, seu oppidum, vbi Iudex habitat, quod valde distare solet, accedere debent absolutionem recepturi, aut ex eo, quod ratione absolutionis ab excommunicatione, aliqua recipiant salaria, aut recipi patiantur. facultatem quoq; Curatis dat absoluendi quascumque personas ab excommunicationibus pro rebus furtiuis decretis, si eis constiterit de satisfactione partium, tam quoad sortem principalem, quam quoad expensas. Absolutionem autem si notoria sit excommunicatio, aut excommunicatus denunciatus fuerit, conferent coram Notario, & testibus, idemque intelligatur ab eis posse fieri ad instantiam partis absoluendo eos, quos pars absolui consenserit in totum, vel ad reincidentiam.

§. VII.

*Tx. in cap. Alma Mater
de sent. excommunic. lib. 6.*

NE ministri Ecclesiæ, aut alia quæcumq; personæ ob ignorantiam efficiant quod tempore interdicti, aut cessationis à diuinis iure prohibitum est, hæc Synodus iuxta contenta in capitulo *Alma Mater*, declarat ab eis sequentes regulas obseruari. —

¶ Tempore Apostolici, seu Ordinarij interdicti, Missa, & alia diuina officia celebrentur clausis Ianuis, & ab Ecclesia interdictis, & excommunicatis exclusis; tantummodoque Clericis non coniugatis admissis.

¶ Ex Sacramentis vero hæc administrentur, videlicet, baptisumus paruulis; & Adultis conferatur; confirmatio omnibus, penitentia sanis, & ægrotis: Eucharistia ægrotis tantummodo cum eadem solemnitate, quæ seruatur in tempore quando non est interdictum: Matrimonij quoque Sacramentum per verba de præsentibus; benedictio tamen nuptialis eo tempore conferri non potest. Extrema vñctio nulli potest tunc ministrari, sepultura vero in loco Sacro solum Clericis nō coniugatis, qui non fuerint violatores interdicti concedatur.

*Guadix tit. 3. const. 23. &
24.*

¶ In die Natiuitatis Domini, Resurrectionis, & Penthecostes, & in festo Corporis CHRISTI cum octaua, & in die Assumptionis Beatæ MARIÆ, sicut in literis Apostolicis Eugenij Quarti, & Martini Quinti continetur interdictum tollatur, dies autem prædicti cum omni solemnitate celebrentur, à primis vsque ad secundas vesperras.

Tem-

Tempus cessationis à diuinis.

TEMPOR E cessationis à diuinis hæc obseruentur. Primo cessatione à diuinis stante eo in loco diuina officia celebrari non possint in vlla Ecclesia, sed omnino cessent.

¶ Secundo ad Sacram Eucharistiam renouandam, singulis octo diebus, Sacerdos (vno adhibito Ministro secreto) poterit Missam celebrare. —

¶ Tertio quoad horas recitandas, eas singuli solum recitent, non autem bini, priuilegiatis exceptis.

¶ Quarto quo ad Baptismum, tam paruulis, quam Adultis cum omni solemnitate necessaria conferatur, ac si non esset interdictum, nec cessatio à diuinis; itidemq; fiat de Sacramento confirmationis.

¶ Quinto quoad Sacramentum pænitentiae, tam ægrotis, quam sanis, ministretur.

¶ Sexto Eucharistia ad infirmos solemniter, & pulsato cymbalo, etiam si diuina officia non recitentur deferri poterit.

¶ Septimo extrema vnctio nulli possit personæ conferri.

¶ Octauo Ecclesiastica sepultura Præbiteris concedi poterit in Cæmeterio non intra Ecclesiam.

¶ Nono Matrimonium per verba de præsentì contrahi poterit, benedictiones tamen nuptiales nequaquam dentur.

¶ Decimo, & vltimo quoad literas Apostolicas, & priuilegia aliquibus concessa, vt his temporibus Missam audire possint illi, qui ea obtinent, si tantum sibi ad tempus interdicti concessa sunt, tempore cessationis à diuinis, literis, & priuilegijs huiusmodi nè vtantur, & vice versa obtinentibus tamen literas, & priuilegia huiusmodi valde commendatur, vt antequam eis vtantur, viros doctos consulant, & de literis, & priuilegijs huiusmodi inquirant, ad quæ se ex tédant, & an per Bullam Cruciatæ, vel aliter sint reuocata, nè formam in eis præscriptam excedant, & eis, vt decet, sine aliquo conscientiae scrupulo vtantur. Item in his locis, vbi in priuatis domibus Sacrum peragi consuevit, vna solum Missa singulis diebus celebrari possit.

Guadix dicto tit. 3. const.

23. & 24.

De hac mat. consule: Bart.

de Medina in sum. c. 11. §.

14. & Geronimum Curiel,

tract. de cessatione à diuinis

pag. 164. & Ioannem Gutt.

in qq. Canonicis c. 10. An-

tonium Gomez latè in expo-

sitio. Bullæ Cruciatæ Clau-

sula §. & 6. à n. 20. fol. 59.

colum. 2. & post clausulam

11. ibi fol. 121.

LIBRI QVINTI
TITVLVS XII.

De penitentijs, & remissionibus.

§. I.



AGNI ponderis, & momenti in Ecclesia est, toto conatu ad id incumbere, vt homines, qui in statu innocentia minime perseuerantes ab eo cecidere, sancti penitentia Sacramenti beneficio restituantur, & reuocentur. Quia vero in hoc ministerio versari non minus difficile, quam salutare est, hac Synodus confessarios omnes exhortatur, & monet, vt sui officij memores, aeternam animarum salutem, qua sibi commissa est, omni Christiano zelo procurent, talesque segerere contendant, vt alijs beatitudinis ianuam aperientes, ipsi ab ea non excludantur. Qui vero in hoc officio exercendo melius dirigantur, haec Decreta proponuntur.

§. II.

NVLLVS Sacerdos, siue secularis, siue regularis, ex quocumque priuilegio, aut consuetudine seclarium personarum, etiam Sacerdotum confessiones audire potest, nec Idoneus ad id reputare, nisi aut Parochiale beneficium, aut ab Episcopo per examen si illi videbitur esse necessarium, aut alias Idoneus iudicetur, & approbationem obtineat iuxta praescriptum Concilij Tridentini, cuius auctoritatem sequuta hac Synodus, omnibus huius Prouinciae Sacerdotibus, tam secularibus, quam regularibus iubet, vt sine approbatione, & facultate Dioecisani Sacramentum penitentiae ne administrent, aliter confessiones factas irritas declarat, & penitentes a peccatis non esse absolutos, ac praeterea hi, qui secus, vt dictum est confessiones audierint, pro qualitate delicti, & sacrilegij hac inre commissi, punientur. Itidem declarat hac Synodus illos confessarios, quibus Episcopus limitatam facultatem ad certos personarum status concesserit, reputari Idoneos non debere, ad aliarum personarum confessiones audiendas. Nec per Bullam Cruciatam eligi possunt in confessarios ab alijs, quam ab huiusmodi personis. Confessiones vero si quas audierint, facultatem, & approbationem suam excedentes, irritae sunt, & nullae.

Ad

Concil. Trid. Sess. 14. c. 1.
& 6. de Sacram. penitentiae.
Mexi. 1. c. 8. Guadix tit.
2. a const. 19. cum seqq. &
Milanens. 1. p. 2. tit. quae
pertinent ad Sacramenti penitentiae administrationem.
Granat. tit. de penitent. &
remission. Synod. de Quirog.
a const. 11. Concil. Milan. 4.
p. 2. tit. quae pertinent. ad
Sacram. penitentiae. Idem
Milan. 5. tit. quae ad penitentiae Sacram. pertinent, &
sanctus Carolus Borromeus
in tractatu de hoc tit. editum
quem refert Antonius possen-
uinus lib. 3. suae Bibliothecae
selectae c. 23. fol. 286.

Sess. 23. c. 15.

Mexic. 1. c. 9. & Granat.
tit. de penitentijs, & remissionibus n. 4. & 5. & Synod.
de Quirog. const. 12. & Prouinc. eiusdem, act. 3. c. 47.
& Limens. 3. act. 2. c. 14.
Aduersus Sacerdotes, tum
seculares, tum regulares in
hoc sacrilegij delicto incidentes,
excommunicationis penam
infligit. Concil. 4. Milan.
p. 2. tit. quae pertinent ad
Sacramentum penitentiae. verb.
excommunicationis.

§. III.

AD tollendas difficultates, quæ oriri possunt, declarat hæc Synodus confessarios omnes ex licencia Episcopi expositos, si is obierit, in eadem facultate, & auctoritate remanere, donec à Sede vacante, aut ab Episcopo successore facultas huiusmodi reuocetur, aut limitetur.

§. IIII.

QUOD verò liberè, & integrè confessarius conuenientem medicinam culparum morbis afferre possit, nulloque affectu, quominus id præstet, impediatur, præcipit hæc Synodus, & interdicat, nè vllus confessarius quidquam à penitente accipiat, cum is ad sua peccata confitendum accedit, vel statim postquam ea confessus est, ita vt eius rei causa dari intelligatur, subpana excommunicationis lata sententiæ. Ac præterea teneatur in foro conscientie restituere id, quod hac de causa accepit fabricæ eius Ecclesiæ, in qua confessiones audit. Si vero primò de hoc delicto conuictus fuerit, ab huiusmodi officio per annum suspendetur, si secundo per duos annos, si tertio ad audiendas confessiones in perpetuum inhabilis reddetur, & à beneficio, si illud obtinet, priuabitur, si vero non tamdiu exul erit, quamdiu Episcopo videbitur.

§. V.

QVONIAM vero multi Curati, & Confessarij Indorum, vel ob imperitiam lingue penitètiū, vel ob alias causas, aliquod, vel aliqua peccata tantummodo audiunt, vt inde materia ad absoluendum sibi suppeditetur, confessionem dimidiantes, graueque delictum contra integritatem huiusmodi confessionis committentes, hæc Synodus statuit, ac præcipit, nè imposterum, præterquam in mortis articulo vllus Sacerdos ante quemquam absoluat, quam integrè à penitente audierit, & intellexerit, omne id, quod opus est, vt integrè confiteatur. Quod si aliquid ad penitentia substantiam necessarium, à penitente intelligere non possit, eum ad alium Sacerdotem in ea lingua peritiorem remittat. Si verò secus fecerit, pro grauitate delicti punietur.

§. VI.

ÆQUVM est, vt hoc Sacramentum, quæ medicina peccatorum est, ita decenter administretur, vt omnis ab eo peccandi occasio abhorreat. Quare præcipit hæc Synodus, vt in Ecclesijs sedes constituentur, ad mulierum confessiones audiendas; ita vt inter confitentem, & confessorem tabella inter-

Bb

iecta

Provinc. de Quirog. act. 3. c. 27. iuuat Guadix tit. 2. const. 3. & Granat. tit. de penitent. & remissionib. n. 12. Concil. Milan. 3. fol. 591. verb. si penitentib. & 4. tit. quæ pertinent ad Sacram. penitentia verb. demonstrat, & Synod. de Osma tit. 3. const. 1. §. 8.

Concil. Trid. sess. 14. c. 5. de confessione.

Ita sancisse Greg. XIII. notat Zenedo ad sextum lib. decretalium collect. 11. n. 5. Guadix tit. 2. const. 30. Milan. 1. p. 2. tit. quæ pertinent ad Sacram. penitentia

TITVLVS DVODECIMVS.

administratione verbo Sacerdotes. Granat. tit. de penit. & remiss. n. 18. & Synodal de Quirog. const. 15. & Prouinc. eiusdem, act. 3. c. 28. & Limens. 3. act. 2. c. 18. & Synod. de Osma tit. 3. const. 1. §. 6.

Mexican. 1. c. 59. §. 2. & Mexi. 2. c. 8. & Gran. tit. de penit. & remiss. n. 17.

Motus prop. Pij V. cost. 3. & Greg. XIII. cost. 71. fol. 33. in Bullario Apostol. de quo consule Posseniũ in Biblioteca selecta lib. 14. c. 4. fol. 153. & Zenedo ad Decretal. collect. 107. & collect. 163. fol. 363.

Cum dictis motibus proprijs Pij V. & Greg. XIII. loquitur lex Reg. 3. tit. 16. lib. 3. recopil.

Mexic. 1. c. 10. Milan. 1. p. 2. tit. quæ pertinent ad Sacram. penit. administrationem verb. iubemus, Synod. de Quirog. cost. 17. & Limens. 3. act. 3. c. 39. & Concil. Milan. 2. tit. 1. Decreto 17. & Milanens. 3. fol. 591. verb. grauissima, & Milan. 4. tit. quæ pertinent ad Sacram. penitentiæ verbo Medici quicumque, & Synodal de Osma tit. 3. const. 1. §. 12. & Synod. Burgenf. tit. de penit. & remiss. c. 9.

Estã este directorio aprobado por su sanctidad conforme à este Decreto, y en los demas decretos dõde se habla del.

iecta sit cum foraminibus, seu Clatris, per quos confessiones audiantur. Sedesque huiusmodi ad confitendum ita pateant, vt tam pœnitens, quam confessor conspiciantur. In hospitalibus verò, aut eremitorijs mulierum confessiones nẽ audiantur, nisi in sede, vt præmissum est, constituta id fiat. Nec sine causa necessaria in priuatis adibus confessiones audiantur.

VII.

SÆP Euenit ex eo, quod infirmus ægritudinis suæ periculi non admonetur, & ad confitendum peccata incitatur, dum sibi constans est, eundem postea ægritudine urgente, absq; peccatorum confessione mori, & eterno forsam supplicio damnari. Quare iuxta motum proprium fœlicis recordationis Pij Papæ V. hæc Synodus statuit, ac præcipit, omnibus Medicis, qui ad curandum infirmum iam in lecto iacentem, fuerint vocati, vt eum primum admoneant, quatenus peccata sua confiteatur, quibus si per schedam confessarij non constiterit, ab infirmo id præstitum esse, amplius quam tres dies infirmum nẽ visitent. Quod si secus fecerint, penas in motu proprio prædicto contentas incurrant, videlicet perpetuam infamiam, priuationem gradus, quem in Medicinæ facultate obtinent, exclusionem à congregatione Doctorum, & eorum, qui in vniuersitatibus, honoris gradu insigniti sunt. Ac præterea decem pondo persoluant, fabricæ eius Ecclesiæ in qua infirmus commoratur. Idem etiam Chirurgis iniungitur, & eorum conscientia imponitur, nẽ saluti corporis prospicientes, aliquid contra salutem animæ consulant, aut præcipiant. Nẽ vero eorum, quæ in Motu proprio huiusmodi præcipiuntur, ignorantia præsumatur, iubet hæc Synodus, vt in omnibus Cathedralibus Ecclesijs huius Archiepiscopatus, & Prouinciæ, quotannis initio Quadragesimæ is publicetur.

§. VIII.

QVONIAM verò hæc Synodus, vt sufficienti Doctrina confessarios instrueret, & eorum, quæ ad suum officium pertinent, admoneret: præsertim verò in casibus, & difficultatibus quibusdam specialibus in hoc Archiepiscopatu, & Prouincia occurrentibus, cupiensque fidelium pœnitentium necessitati occurrere, directorium Confessorum, & pœnitentium constituit, & approbavit: eam ob causam statuit, ac iubet, vt Curati omnes huius Prouinciæ, tam seculares, quam regulares, & quicumque Sacerdotes, qui confessiones sunt audituri directo-

directorium huiusmodi secum habere teneantur, eiusque formam obseruent, aliter, qui illud non habuerit, & ad aliquod beneficium concurrat, ab eo concursu excludatur, donec directorium habeat, Beneficiati verò illud non habentes, à suis beneficijs suspendantur quò vsq; huiusmodi directorium sibi comparent, & per legant; Nemo autem ad maiores ordines admittatur, nisi prius constiterit reuera penes se habere directorium huiusmodi, ad cuius præscriptum examinari debent. Examinatorib' verò præcipitur, & eorum conscientia iniungitur, vt sine vlla exceptione (omni humano affectu post habito) Decretum huiusmodi obseruent, & executioni mandent, tam quoad examen ad ordines, facultatem celebrandi, & confessiones audiendi, quam quoad concursum beneficiorum.

§. IX.

SEMPER in Ecclesia Catholica viguit consuetudo, quæ atrociora quædam, & grauiora crimina Episcopis referuntur, vt difficultate absolutionis, ea subditi perpetrare formident. Quam ob causam sanctum Tridentinum Concilium decernit hanc casuum reservationem maximè conuenire, & Episcopos in sua Diocesi posse casus reservare, cuius auctoritatem sequuta hæc Synodus, declarat in hoc Archiepiscopatu, & Prouincia, hos esse casus Episcopis reseruatos, à quibus nullus absoluat, nisi ei ab Episcopo facultas permissa sit.

Seß. 14. c. 7. & Canone.

11.

Mexi. 1. c. 91. Milan. 1. p. 2. tit. quæ pertinent ad Sacramenti penitentia administrationem verbo ad eorū etiam criminum, & Granat. vbi supra, & Synodal de Quirrog. const. 23.

Casus Episcopis reseruati.

IN primis homicidium voluntarium, aut abortum cum effectu procurare.

2 Qui circulis Dæmones coercent, vt cum eis loquantur.

3 Qui ad Magicas artes, veneficia, superstitiones, & alia huius generis Eucharistia, Oleo sancto, lapidibus, aut Altaribus, Sacris ve rebus abutuntur.

4 Qui sacrilegium commiserit, aut Ecclesiam violauerit.

5 Qui in damnum proximi peierauerit.

6 Qui excommunicationem ab Episcopo, Superiori ve, aut Iudicibus Ecclesiasticis decretam incurrerint, excepta excommunicatione pro rebus furtiuis, quam incurrentes post satisfactionem parti factam, à Curatis, & Rectoribus absolui poterunt.

7 Qui Matrimonio coniuncti altero coniuge in Hispania relicto

Bb ij

lieto

lito in his partibus quinque annis amplius commorantur.

8 Qui Matrimonium Clandestinum contrahere attentabunt, & tam seculares, quam regulares, qui in eo interuenerint.

9 Qui solutionem decimarum, aut primitiarum, verbo, consilio, aut opere prohibuerint.

10 Qui publice blasphemauerint.

11 Qui incestum Matrimonium dirimens admiserint.

12 Sodomiam, aut bestialitatem committentes.

13 Qui scripturas in præiudicium proximi deprauauerint.

14 Incendiarij, qui scienter, & prudenter incendium admittunt, si adhuc publicati non fuerint, quando quidem post publicationem absolutio reservata est sanctissimo Domino nostro Papæ. —

Excommunicationes quoq; latae

SENTENTIAE AB HAC SYNODO STATUTAE,
QUARVM ABSOLVTIO EPISCOPO RESER-
VATUR, SVNT HÆ.

1 VI iubent, aut consentiunt Tauro-
rum cursus in Cæmeterijs.

2 Qui Ecclesias obsident, earum ianuas
claudunt, & ingressum impediunt.

3 Qui pro reliquijs sanctorum prætium
recipiunt.

4 Hispani, qui liberum Indorum, & ser-
uorum cōsensum ad Matrimonium
impediunt.

5 Qui in concubinato cum consanguinea intra quartum
gradum, aut cum infideli viuunt.

6 Examinatores, qui suffragium, quod secreto tulerunt re-
uelant.

7 Qui Clericis peregrinis testimonium non deferentibus,
necessaria ad Missam celebrandum tribuunt, Iudices etiam, qui
eis licetiam cōcedunt, testimonijs prædictis minimè recognitis.

8 Clericus, qui ex sua regione sine facultate discesserit.

9 Qui aliqua Christianæ Doctrinæ documenta in suam lin-
guam conuersa Indis, sine Ordinarij facultate dederint.

10 Qui libros sine licentia imprimunt.

11 Qui decimarum exactionem impediunt.

12 Qui bona alicuius Capellæ, absque eo, quod locentur,
aut aliter in vtilitatem Capellæ exercentur, in depositum dant.

Secu-


13. Seculares, qui dum diuina celebrantur officia intra Chori cancellos ingrediuntur, contra id, quod titulo de celebratione Missarum prohibetur.

14. Qui Matrimonium per verba de presenti contrahere attentant sine Parocho, & testibus, & qui in huiusmodi contractus interuenerint. —

Hæc, quæ Libris quinque certis titulis distinctis, statuta, decreta, atq; sancita continentur, Prouincialis Mexicana Synodus, vt publicum in perpetuum monumentum ex ter; subscribi, & sigillo in forma cōmuniri mandauit, Mexici Die decima sexta Octobris, Anno Incarnationis Dñicæ, millesimo quingentesimo octuagesimo quinto.

P. Archieps Mexicanus. Fr. Garcia Episcopus Guatemalensis. Fr. Ioannes Episcopus Mechoacanus. D. Episcopus Tlaxcalensis. Fr. G^o. Episcopus Yucatanensis. Fr. Dominicus Nouæ Galiciæ Episcopus. Fr. B. Episcopus Antequerens.

In veritatis testimonium meum nomen subscripsi Doctor Ioannes de Salzedo secretarius. —



NOS Antonius. ti-

tuli SS. Ioannis, & Pauli Præbiter Cardinalis Carrafa fidem facimus, & attestamus Synodum Prouincialem à Reuerendissimo D. Archiepiscopo Mexicano, cum suis Comprouincialib⁹ Episco-

pis Anno Dñi millesimo quingentesimo octuagesimo quinto celebratam, à Sacra Congregatione Cardinalium Concilio Tridentino interpretando auctoritate sanctissimi Domini Nostri præpositorum emendatam, atque aptatam fuisse. Eiusq; Synodi originale apud ipsam cōgregationem remansisse, cum quo præsens Synodus hoc libro chartarum centum viginti septem quarum prima incipit, In nomine sanctæ, & indiuiduæ Trinitatis Patris, & Filij, & Spiritus sancti. Vltima vero desinit Doctor Ioannes de Salzedo Secretarius descripta, & collata, in omni-

LIBRI QVINTI TIT. DVODECIMVS.

bus, & per omnia concordat. In quorum Fidem his propria manu subscripsimus, & ab infra scripto Secretario item subscribi, sigillumque nostrum, quod in congregationis prædictæ literis, & scripturis ob signandis vtimur, apponi mandauimus. Romæ die vigesimo septimo Octobris Milleesimo quingentesimo octuagesimo nono. Ita est. A. Card. Carrafa. Laurentius Frizolius Sacre Congregationis antedictæ Secretarius mandato: Et est signatum sigillo Illustrissimi D. Cardinalis Carrafa.



Locus sigilli Illustriss. C. Carrafa.



INDEX CONCILIO- rum, Canonum, Legum, Regaliumque

SCHEDARVM, QUÆ IN HOC SACRO MEXI-

CANO CONCILIO CITANTVR.

Sacrosanctum Concilium Tridentinum.

CONC. Milanense. 1. 2. 3. 4. & 5.

Conc. Granatense. D. Petri Guerrero.

Concilium de Guadix.

Conc. Limense. 1. 2. & 3.

Conc. Arausicanum.

Conc. Compostelanum.

Conc. Toletanum.

Concilium Remense.

Concilium Moguntinum.

Conc. Prouinciale de Quiroga.

Synodal eiusdem Quiroge.

Concilium Tarraconense.

Synodus de Osma.

Synodus de Valladolid.

Concilium Basiliense.

Conc. Mexicanum 1. & 2.

Concilium Fors Iuli.

Conc. Hispalense de Deça.

Conc. Prouinc. Bononiense. Card. Palleoti.

Concilium Vallefoletanum.

Concilium Aurelianense.

Concil. Diœcesanum de Osma.

Concil. Prouinc. de Burgos.

Concilium Lateranense.

Concilium Elibertinum.

Concilium Antisiodorense.

Concilium Cautilonense.

Conc. Valent. sub Archiep. DD. Ioan. de Ribera.

Concil. Prouinc. Bononiense.

Conc. Diœces. de Cadix sub D. Petro Garcia.

Conc. Diœces. de Astorga sub D. P. de Rojas.

Conc. Diœces. de Burgos sub Archie. D. Francisco Pacheco.

Conc. Lateranense sub Leone. X. ~

CANONES.

TX. in c. inter cetera de offic. Ordinar.

TX. in c. baptizandos.

TX. in c. non liceat.

TX. in c. annis.

TX. in c. decernimus.

Decretalis Epistol. cum personæ.

C. inter dilectos de excess. prelat.

TX. in c. penult. de simonia.

Cap. ad Apostolicam.

Cap. non satis de simonia.

TX. in c. abolendum de sepulturis.

TX. in c. de consang. & affinit.

TX. in c. finalincipienti quanquam.

TX. in c. de iuramento calumniæ.

TX. in c. unico de reliquijs.

TX. in cap. final. de ferijs.

TX. in c. 1. de consecrati. d. 3.

TX. in c. final. 3. q. 6.

TX. in cap. suspectos.

TX. in cap. nullus 3. q. 5.

TX.

Tx. in cap. officialis.
 Tx. in cap. si contra unum.
 Tx. in c. quoniam in plerisque.
 Tx. in c. exigit de censibus.
 Tx. in c. sicut olim de accusatione.
 Tx. in c. Episcopus in Synodo 35. q. 6.
 Tx. in c. Statutum de rescriptis.
 Tx. in c. unico de vita, & honest. Cleric.
 Tx. in Cl. 1. vers. aduers. vers. alios eodem tit.
 Tx. in c. Clerici de vita, & honest.
 Tx. in c. in Canonibus 16. q. 1.
 Tx. in c. isci eodem tit. in 6.
 Tx. in c. 2. de donationibus.
 Tx. de iure Regio in l. 6. & 10.
 Tx. in c. nullus 44. dist.
 Tx. in Clem. cupientes de penis.
 Tx. in Clem. Religiosi de decimis.
 Tx. in c. periculoso de Statu Regul.
 Tx. in c. 1. de institutionibus.
 Tx. in c. autoritate §. sane.
 Tx. in c. monasteria de vita, & honest. Cleric.
 Tx. in c. decet de immunit. Eccles.
 Tx. in c. Sacerd. aliorūq; Cleric. de consec. d. 2.
 Tx. in c. nocte sancta de consec. dist. 1.
 Tx. in c. consuluit de celeb. Missarum.
 Tx. in Clem. unica de reliquijs, & vener. sanct.
 Tx. in Clem. unica de baptismo.
 Tx. in c. quod in te de penitent. & remiss.
 Glos. in Clem. 1. eodem tit.
 Tx. in c. de immunit. Eccles.
 Tx. in c. inter alia de immunit. Eccles.
 Tx. in c. final de immunit. Eccles.
 Tx. in c. Quanto.
 Tx. in c. gaudemus de diuortijs.
 Tx. in c. si quis suadente 17. q. 4.
 Tx. in c. 1. cum tribus seqq. 87. d.
 Tx. in c. administrator 23. q. 5.
 Tx. in auth. vt differentes Iudic. §. fin. coll. 9.
 Tx. in extrau. 2. de Iudeis Ioan. 22.
 Tx. in extrau. Communia.
 Tx. in c. cum sū. leges de hæretic. lib. 6.
 Tx. in c. Alma mater de sent. excom. lib. 6.
 Tx. in c. qualiter, & quando el 2. de accusat.
 Tx. in c. licet de simonia.
 Tx. in c. nobis fuit de simonia.

Tx. in extrau. 1. de sentent. excom.
 Tx. in extrau. 2. de simonia.
 Bull. Pij V. fol. 83. Bullarij Apost.
 Bull. Pij III. in fauorem Indorum.
 Pius V. const. 5. verb. pauperes.
 Motus P. Pij V. const. 3.
 Const. 29. Paul. PP. III.
 Bulla Pauli III. dat Rom. Non. Iun. 1537.
 Bulla Pij III. 101.
 Bulla 107. in Bull. Apost.
 Motus Pij V. in Bull. ipsius Bull. 24.
 Mot. P. Greg. XIII. const. 71. fol. 33. in Bul-
 lario Apostolico.

LEGES REGIÆ.

LEX 23. tit. 20. lib. 2. recopil. § L. 1. tit.
 27. lib. 4. recop. § L. 4. tit. 10. lib. 8. recop.
 § L. 19. tit. 9. lib. 3. recopil. § L. 17. tit.
 20. lib. 2. recopil. § L. 24. tit. 25. lib. 4. recopil.
 § L. 12. cum seqq. tit. 25. lib. 4. recopil. § L. 31.
 tit. 20. lib. 2. recop. § L. 6. tit. 9. lib. 3. recopil.
 § L. 7. tit. 2. lib. 7. recopil. § L. 20. & 21. tit.
 12. lib. 1. recopil. § L. 5. tit. 7. lib. 1. recop. § L.
 1. & 2. tit. 5. lib. 4. recopil. § L. 1. & 2. tit. 7.
 lib. 4. recop. § L. 9. tit. 8. lib. 2. recop. § L. 1. &
 2. tit. 11. lib. 4. recop. § L. 4. tit. 7. lib. 3. recop.
 § L. 13. tit. 7. lib. 8. recopil. § L. 9. tit. 1. lib. 1.
 recop. § L. 3. tit. 1. lib. 1. recop. § L. 7. tit. final.
 lib. 8. ordinam. § L. 7. tit. 20. lib. 8. recopil. § L.
 1. & 2. tit. 24. lib. 5. recopil. § L. reg. 2. tit. 5.
 lib. 5. recopil. § L. reg. 16. tit. 22. lib. 1. recopil.
 § L. reg. 1. tit. 2. lib. 1. recopil. § L. reg. 3. tit.
 18. partit. 7. § L. reg. 1. 2. & 7. tit. 17. lib. 8. re-
 copil. § L. 1. 2. & 5. tit. de los amancebados lib. 8.
 § L. reg. 3. tit. 19. lib. 8. recopil. § L. reg. 1. tit.
 5. lib. 8. recopil. § L. reg. 3. tit. 16. lib. 3. recop.
 § L. reg. 5. tit. 21. lib. 5. recop. § L. reg. 4. tit.
 17. lib. 8. recopil. —

REGALES SCHEDVLÆ.

Sched. Reg. de Barcelona por Iunio 1585.
 Sched. Reg. Septiembre 24. 1570.
 Sched. Reg. Generalis in Indijs.

I N D E X

TITVLORVM, ET DE-

cretorum, quæ subsunt cuilibet huius

CONCILII LIBRO.

Sub Libro primo.

D	DE summa Trinitate, & Fide Catholica. Titulus primus.	fol. 1
	De Fidei professione.	ibidem
**	De Prædicatione Verbi Dei.	fol. 2
	De Doctrina Christiana rudibus tradenda.	fol. 3
	De Sacramentis Doctrinæ Christianæ Ignaris non administrandis.	fol. 4
**	De Impressione, & lectione Librorum.	ibidem
	De impedimentis propriæ salutis ab Indis remouendis.	fol. 5
¶	De constitutionibus. Titulus secundus.	fol. 6
	De Auctoritate Decretorum, & publicatione eorum.	ibidem
¶	De Rescriptis. Titulus tertius.	fol. 7
**	De obedientia, & executione rescriptis Apostolicis debita.	ibidem
¶	De ætate, & qualitate ordinandorum, & præficiendorum. Titulus quartus.	fol. 8
**	De scientia ad Sacros ordines, & curam animarum necessaria.	ibidem
	De vita, fama, & moribus ordinandorum.	fol. 9
	De Titulo Beneficij, aut Patrimonij.	fol. 10
	De modo conferendi ordines, & literas dimissorias.	ibidem
***	De Examine ordinibus præmittendo.	fol. 11
¶	De Sacramentorum Ecclesiæ administratione. Tit. quintus.	fol. 12
¶	De Sacra vñctione. Titulus sextus.	ibidem
***	De Clericis peregrinis. Titulus septimus.	fol. 13
¶	De officio Iudicis Ordinarij, & Vicarij. Titulus octauus.	fol. 14
¶	De officio Fiscalis, & iure fisci. Titulus nonus.	fol. 19
¶	De officio Notarij, & de Fide instrumentorum. Titulus X.	fol. 22

¶	De officio executoris Iustitiæ Titulus vndecimus.	fol. 26
¶	De officio Custodis, & Custodia reorum Titulus duodecim ^{us} .	fol. 27
¶	De Maioritate, & obedientia Titulus decimus tertius.	fol. 28

Sub Libro secundo.

D	De ordine Iudiciorum. Titulus primus.	fol. 29
¶	De Procuratoribus. Titulus secundus.	fol. 32
¶	De Ferijs. Titulus tertius.	fol. 33
	De Festis ex præcepto obseruandis.	ibidem
	De Festis mobilibus.	ibidem
	De Festis Indorum.	fol. 35
¶	De Dolo, & contumacia. Titulus quartus.	ibidem
¶	De testibus, & probationibus. Titulus quintus.	fol. 36
¶	De sententia, & reiudicata. Titulus sextus.	fol. 38
	De appellationibus, & recusationibus Iudicum. Tit. septimus.	ibidem

Sub Libro tertio.

D	De officio Episcoporum, & vitæ puritate. Tit. primus.	fol. 40
	De his, quæ ad propriam personam Episcopi pertinent.	ibidem
	De Cura subditorum, & propriæ familiæ.	fol. 41
	De Doctrinæ cura.	ibidem
***	De visitatione propriæ Prouinciæ.	fol. 42
¶	De officio Rectoris, & Plebani. Titulus secundus.	fol. 46
	De officio Parochi, & Doctrinæ cura.	ibidem
	De vigilantia, & cura circa subditos, præsertim in Sacrorum receptione.	fol. 47
	De sollicitudine præstanda, vt peccatis remedium adhibeatur.	fol. 49
***	De his, quæ ad Parochos Indorum attinent.	ibidem
¶	De Beneficiatis Cathedralium, & Parochialium, & eorum officijs. Titulus tertius.	fol. 51
	De assistentia Beneficiatorum diuinis officijs debita.	ibidem
**	¶ De officio Sacristæ. Titulus quartus.	fol. 52
**	¶ De vita, & honestate Clericorum. Titulus quintus.	ibidem
	De Clericorum habitu, & cultu externo.	ibidem
	De eui-	

**	De euitandis spectaculis vanis, & actionibus prophanis.	fol. 53
**	De ludis Clericis prohibitis.	fol. 55
	De vsu frequenti Eucharistiæ.	fol. 56
¶	De Clericis non residentibus. Titulus sextus.	ibidem
¶	De institutionibus, & iure patronatus. Titulus septimus.	fol. 57
***	¶ De rebus Ecclesiæ conseruandis, alienandis vel non. Tit. VIII.	fol. 58
***	¶ De testamentis, & vltimis voluntatibus. Titulus nonus.	fol. 60
	¶ De sepulturis, defunctis, & funeralibus. Titulus decimus.	fol. 61
	¶ De Parochijs. Titulus vndecimus.	fol. 62
	¶ De Decimis, & Primitijs. Titulus duodecimus.	fol. 63
***	¶ De Regularibus, & Monialibus. Titulus decimus tertius.	ibidem
***	¶ De Religiosis, & pijs Domibus. Titulus decimus quartus.	fol. 67
	¶ De celebratione Missarum, & diuinorum officiorum. Tit. XV.	fol. 69
	¶ De Baptismo. Titulus decimus sextus.	fol. 72
	¶ De sanctis. Eucharistiæ Sacram. & eius custodia. Tit. XVII.	fol. 73
	¶ De Reliquijs, & venerat. sanctor. & templorum. Tit. XVIII.	fol. 76
	¶ De immunitate Ecclesiarum, & Clericorum. Titulus XIX.	ibidem
**	¶ Nè Clerici, vel Monachi negotijs secularibus se immisceant.	
	Titulus vigessimus.	fol. 77
¶	De obseruatione Ieiuniorum. Titulus vigessimus primus.	fol. 78
	De diebus, quibus ieiunare tenentur omnes huius Archiepiscopatu, & Prouinciæ (Indis exceptis.)	fol. 78
	De diebus, quibus Indi ieiunare tenentur ex constitutione fœlic. record. Pauli Papæ III.	fol. 79

Sub Libro quarto.

D	E sponsalibus, & Matrimonijs. Titulus primus.	fol. 80
¶	De cognatione spirituali, & alijs Matrimonij impedimentis. Titulus secundus.	fol. 83



Sub Libro quinto.

***	D E Visitationibus. Titulus primus.	fol. 84
	¶ De calumniatoribus. Titulus secundus.	fol. 85
***	¶ De Simonia. Titulus tertius.	fol. 86

Cc ij

De Hæ-

¶	De Hæreticis. Titulus quartus.	fol. 87
*** ¶	De vsuris. Titulus quintus.	fol. 88
¶	De sortilegis. Titulus sextus.	fol. 90
¶	De Maledicis. Titulus septimus.	ibidem
¶	De iniurijs, & damno dato. Titulus octauus.	fol. 91
¶	De panis. Titulus nonus.	fol. 92
*** ¶	De Concubinato, & panis Concubinariorum, & lenonum. Titulus decimus.	ibidem
¶	De sententia excommunicationis. Titulus vndecimus.	fol. 94
¶	De panitentijs, & remissionibus. Titulus duodecimus.	fol. 96






STATVTA OR.
dinata, à sancto Concilio Pro-
VINCIALI MEXICANO III. ANNO
DOMINI MILLESSIMO QVINGENTESSI-
MO OCTVAGESSIMO QVINTO.

EX PRÆSCRIPTO

Sacrofancti Concilij Tridenti-
ni Decreto Sess. 24. Cap. 12. de reform.
verbo cætera.

REVISA

A CATHOLICA
MAIESTATE, ET A SACROSANC-
TA SEDE APOSTOLICA CONFIRMATA
Anno Domini millesimo quingentesimo
octuagesimo nono.



STATVTA

Constituta & Sancto Concilio P...

IN NOMINE DOMINI AMEN

QUODAM TITULO...

...

...

Sacramenti Concilio Tridentino

in Hunc Sessum Cap. 12. de reformatione

et de sacramento

...

A CATHOLICA

MAJESTATE...

...

...

...



ANCTA

SYNODVS PROVINCIA-
lis in ciuitate Mexicana, quę Pro-
uincia nouę Hispaniæ caput, &
Metropolis est, legitimę congre-
gata: Præsidente in ea Illustrissi-
mo, & Reuerendissimo D. D. Pe-
tro Moya de Contreras, eiusdem
ciuitatis, & Diocesis Archiepis-
copo, per cui⁹ indictionem, & con-

uocatorias literas, eadem Synodus, hoc anno Domini millesimi-
mo, quingentesimo, octuagesimo quinto, inibi celebrata fuit,
prout celebratur de præfenti; Illustrissimo Domino Archiepiscopo Me-
tropolitano, & Reuerendissimis Dominis Episcopis suffraganeis, Cathedra-
liumque huius Archiepiscopatus, & Prouinciæ Ecclesiarum Decanis, & Ca-
pitulis, omnibusque Beneficiatis, Vicarijs, Parochis, Capellanis, & Clericis
cuiuscumque ordinis, qualitatibus, & præeminentie honore fulgentibus; ac qui-
busvis eiusdem Prouinciæ Notarijs, Scribis, & officialibus, quos hic contine-
ta concernunt, aut concernere possunt, in CHRISTO IESV Domi-
no nostro, qui vera salus est, salutem &c.

QUAMVIS nobis Christiana Religio non ostenderet
quantum Sacrarum cęremoniarum ritus, & obseruantia
conferat, vt anim⁹ ad diuinum cultum, & verę religionis custo-
diam eleuetur: iuuat tamen plurimum cõmunis omnium natio-
num cõsensus: in quib⁹ nulla vnquam fuit adeo barbara, quę li-
cet suos falsos Deos, tamquam veros colendo errauerit, primo
tamen humanorum bonorum principio, & causã, nempe Deo,
adorationem, ac reuerentiam tribuit. Sic enim cęremoniarum
ritum necessarium esse gentes æstimabant, vt in earum debita
obseruantia spes suas collocarent, incuriæ autem, ac negligenti-
æ in eis commissæ aduersos euentus imputarent, eosque præ
ceteris religiosiores, & magis pios iudicantes, qui se in earum
ritu

* ij Dd

D. August. lib. 10. de ciui-
tate Dei c. 4. & D. Tho-
mas lib. 3. contra gentes c.
120.

Seß. 24. c. 12. verbo cætera de reform. ad finem capituli.

Iuuant diuina verba sancti Gregor. quæ refert Cardin. Antonius Carrasa ex eiusdem sanctissimi Pontificis Epistolis tom. 2. in response ad 3. interrogationē D. Augustini primi Anglorum Episcop. fol. 553.

ritu diligentiores, ac obseruationes ostēdissent. Quin etiam tam diuina Fide, quàm communi experientia constat, exteriori cæremoniarum cultu ad diuinarum rerum contemplationem spiritum summopere excitari, ac suauissimè ferri. Vnde videm⁹ tot in lege scripta cæremonias à Deo præscriptas, illarum quidem figuras, quib⁹ Redemptor noster, eiusq; Sacri discipuli vñ fuerunt, quasque mater, ac magistra nostra Catholica Romana Ecclesia, vel per traditionem Apostolicam, vel sancto zelo, ac diuina prouidentia, ad piorum, & obedientium Catholicorum ædificationem, superborumque, & arrogantium hæreticorum, ac infidelium confulsionem introductas recepit, quarum, quædam vniuersales, ac toti Ecclesiæ communes, vt in sanctorum Sacramentorum, aliorumq; cœlestium mysteriorum administratione; quædam vero pro cuiusq; Prouinciæ, & Ecclesiæ instituto peculiare existunt: vt igitur nō solum sancta hæc Metropolitana Ecclesia Mexicana, sed etiam reliquæ, eiusdem Archiepiscopatus, & Prouinciæ Cathedralis Ecclesiæ, tam in diuini cultus, & diuinorum officiorum cæremonijs, quàm in legibus, & statutis per earum Prælatos, Capitula, atq; ministros custodiendis, & obseruandis, omnimodam, (vt par est,) conformitatem habeant, atq; adeò diuersitatem (quæ plurimum sepe absurdorum causa esse dignoscitur) quoad fieri possit, fugiant: Id circo hæc eadem sancta Prouincialis Synodus, collata sibi à Sacrosancto Concilio Tridentino, ad præmissa omnia, & singula auctoritate fungens, in eiusdem sancti Concilij obedientiam, & executionem, ac eorum, quæ tam in Missali, & Breuiario sanctissimi Patris Nostri fœlicis recordationis Pij Papæ V. iussu editis; quàm in huius Metropolis, ad quam cætera eiusdem Prouinciæ Cathedralis Ecclesiæ conformari, & regulari debent, erectione disponuntur, & ordinantur, obseruantiam statuit, decernit, & mandat: cæremoniale, & statuta infra scripta, in omnibus eiusdem Archiepiscopatus, & Prouinciæ Cathedralibus Ecclesijs huiusmodi inuiolabiliter obseruari, præcari, ac executioni mandari. Pro cuius rei fundamento præcipit eiusdem Metropolitanæ Ecclesiæ erectionem poni tenoris (videlicet) sequentis. —



B R E C

ERECTIONE

2

CLESIAE MEXICANAE, QVÆ EADEM
EST, CVM CÆTERIS EIVSDEM
PROVINCIAE.



IOANNES DE ÇVMMAR-
raga DEI, & Apostolicæ Sedis
munere Episcopus, & seruus Ec-
clesiæ MEXICANENSIS,
cuius sub CHRISTI Dei Euan-
gelio eterno militanti, gratia, &
Pax à Deo Patre, & eius confub-
stantiali vnigenito Filio pacis au-
thore, qui sui diuini corporis ef-
fuso sanguine donauit nobis om-

nia delicta delens, quod aduersus nos erat Chirographum decre-
ti, quod erat contrarium nobis, & ipsum tulit de medio, affigens
illud cruci pacificans per sanguinem crucis ei⁹, siue, quæ in ter-
ris; siue, quæ in cœlis sunt. Placuit diuinæ bonitati hispaniarum
regnis à deo celebres præficere heros, qui nè dum barbaricos
enses, ac moles, qui illorum victoriam sequuntur è medio effu-
garent: verum sui patrimonij, ac vitæ prodigi facti, remotis-
simas, & incognitas penetrarunt regiones, ac Idololatriæ mon-
stro inde sublato, Euangelium vitæ, crucis vexillo hinc inde
triumphante, Christianorum magna stipante caterua, plauden-
te religione Christiana magnis auspicijs latè diffusèque plan-
tarent; Sic sunt serenissima Regina Ioanna, ac illius genitus in-
uictissimus Carolus Maxim⁹, Imperator semper Augustus rei
secularis, ex Dei electione solus, & indubitat⁹ Monarcha, quo-
rum cura, circa hoc potissimum versatur, vt omnes gētes eam-
dem orthodoxam profiteantur fidem, & vniuersus orbis ad vni⁹
veri Dei cultum redigatur, fiatque vnum ouile, & vnus pastor,
atq; iuxta Beatissimi Pauli oraculum vnum corpus, vnus spi-
ritus, vna spes, vnus Dominus, vna Fides, vnum baptisma, vnus
Deus, & Pater omnium, qui super omnes, & per omnia, & in
omnibus nobis, acunctis proclametur, vniformiter, ob hoc in-
numeratas quippe rates, carinas, atq; triremes scyllæ, caribdi,
ac alijs compluribus cerulei maris augusti exposuere; ob hoc

Dd ij

fanè

fanè ineffabiles suorum regnorum thesauros, quasi manu vindiquaque per fossa, per abruptas, & in cultas oras, etiam nec assem mundani lucri inde sperantes, Herculeo illo suo animo, sepius, & assatim proiecerunt, attentantes iter vel euntibus, vel redeuntibus, multis nominibus infaustum, nullo tamen infelicius, quam quod pluries Christiani nominis augmentum non contingebat, ac pene duplicabat molestiam, quod gentem illam omnino aduersam, & inducibilem, cuius utilitati potissimum, tantum laboris desudabatur. Ob hoc res utique lucidissima est, selectos viros quam plurimos, ne dum in arte militari, verum etiam in omnigena eruditione, ac pietate ad barbaros, & ferè bestialiter viuentes homines destinarunt: Alteros quidem, qui illos suo regali sceptro submitterent, alteros vero, qui Sacra Dei templa ædificarent, & ad sinceram Fidei veritatem radijs veræ Theologiæ illuminatos illos redigerent, & immaculatam quam ædificarent Ecclesiam (si forte diabolico instinctu misceretur) à sede barbarica appellatione vendicarent, perspiciebat nimirum Regia prudentia id, quod verissimum est non mediocriter ad Christianæ religionis ornamentum facere, ne quid omnino canatur, aut legatur in templis, quod non grauissimo, doctissimo cuique placere possit, hoc est, quod non ex diuinis libris haustum sit, aut certe à viris eximijs profectum. Demum tanta solertia, tam in genti cura, & augusta opera huius rei studio in fatigabili Christiani nominis sumpta Prouincia annis non paucis insudarunt, ut illis in locis, in quibus ab incognitis sæculis Astaroth, Bel, Baal, Dagon, & reliquæ Baraticæ ferinæ, spurcitate Colebantur, iam non nisi diuinum nomen Sacri hymni Hypostaticæ laudes, Virginei cantus, Diuorum panegyrici, Martyrum sanguis, Virginum puritas, Ecclesiæ dogmata, & Pontificia iura hinc inde resonent, atque tripudiant: loquantur ipsa opera, testentur rem quondam prophanæ blasphemix, & demonum nominibus plenæ regiones. Nunc vero insulæ Christianæ, & oppida felicissima CHRISTO, ac gloria militia dicata huius felicitatis participes sunt. Cumana perlarum flumen, Venetia minor, sancta Martha, nomen Dei Diarenium, Panama, Nicaragua Indica, Cartago, Profunda loca, Perutum, Yucatanum, Cocumellum flumē palmarum, Hispanica insula, Fernandina, Margarita, Iameca, & sancti Ioannis, ac alia quam plurima loca, quædam à fluminibus, quædam verò à Ducum illa conquistantium genealogijs nomina trahentia, quæ à deo diuini cultus schemate fulgent, ex vberatissimis templis, ac monachorum canobijs hinc inde constructis, ut verè de illis respectu nostri, diui-

diuinum iudicium iam verificetur; Erunt nouissimè; hoc vero ingens diuini amoris incendium, pijsimorum horum Regum studio actum est; quibus taliter fauit diuina clementia, vt non solum regali sceptro cunctos nostri æui Reges antecedant; verum pietate præcipua Fidem Christianam præcunctis amplauerint. Quapropter mihi magis intereà libet, illis mentem istam regibus dignam, quam fortunam quamlibet amplam gratulari. O fœlicem Christi populum si passim cōtingat tales esse principes, quibus Christi gloria nihil sit antiquius, qui totum regum ornatum moribus, & vita refrenant, quib⁹ etiam si sceptrum detrahas, tamen reges Christianos agnoscas, in quibus sanè fortuna, quam antiquitas cæcam faciebat occulta videtur, qui generis sui longe clarissima schemata, morum suorum ornamentis illustrent, Regiam dignitatem vitæ integritate conduplicant, Imperiali Aquilæ, nescio quid maiestatis additum videtur; postquam hi similes non habentes principes totius orbis Monarchiam tenent. Quid super est: nisi vt CHRISTVM optimum, maximumq; comprecemur, vt istam mentem illis, illos vero nobis quam diutissimè seruet in columnes, ad tantam itaque exuberantiam (vt ad rem breuiter veniamus) horum principum deuenit, clementiaque Mexicanam Prouinciam, inter omnes regiarum ditioni submissas, præcipuam in terra firma, quam nouam Hispaniam nuncupamus situatam, non solum ab barbarico illo cultu, Christi Fide vndequa; euangelizata, mundauerint; verum, & ordo Hyerarchicus, quem Romana tenet Ecclesia in illa obseruetur. Apostolico super hoc implorato consensu, Episcopale Cathedrale Templum, ac Parochiales, & Ecclesiasticas dignitates, Canonicatus, Præbendas, Beneficia, & cætera huiusmodi in ipsa erigere, construere, ædificare, & fundare omnino (regio super hoc habito consilio,) decreuerint: } atque, vt rem effectui commendarent, me inutilem, & omnino, ad tantæ rei executionem, inhabilem, cum apud illos plurimi non de essent, qui mea sententia, cumulate valerent suis sanctissimis votis satisfacere, ex angulo mei Franciscani instituti semi sepultum, extraxerunt, & in primum Mexicanensem nominauerunt, & elegerunt Episcopum. Quorum piæ petitioni, & electioni sanctissimus D. N. Papa Clemens, hui⁹ nominis septim⁹, paternali affectu (vt par est) condecendens, Apostolicas literas per man⁹ regias, nobis suppeditadas solerti cura destinauit, quas quidem literas, in membramine more Romano conscriptas, Apostolico plumbo infilis sericeis rubei, croceiq; coloris

pendente, sanas, integras, non vitiatas, non cancellatas, nec in aliqua sui parte suspectas, sed omni prorsus vitio, & suspicionem carentes, is, qui regium agebat negotium coram magno cætu, in præcipuo templi Sacro loco, sancti Spiritus invocato fauore, nobis præsentauit. Quas quidem ea, qua decuit reuerentia, & submissione suscepimus, & legimus. Series vero earum de verbo ad verbum est, quæ sequitur.



CLEMENS EPISCOPVS, seruus seruorum DEI ad perpetuam rei memoriam. Sacri Apostolatus ministerio, meritis licet in sufficientibus superna dispositione præsidentes vniuersi orbis Prouincias, & loca, ea præsertim, quæ omnipotentis DEI misericordia, Christianæ veritatis lucem nostris potissimè temporibus inceperunt agnoscere, frequenti meditatione intendimus, vt in illis orthodoxæ Fidei cultus, augeatur, & Christiana religio propagetur, ac eorum Incolæ, & habitatores, venerabilium Præsulum Doctrina, & auctoritate suffulti, in eadem Fide semper proficiant, ipsaq; loca, maximè insignia dignioribus titulis attollantur, & maioribus honoribus decorentur; præsertim cum id Catholicorum regum, & etiam Cæsareæ maiestatis pia vota exposcunt, & cognoscimus in Domino salubriter expedire. Sanè cum oppidum Mexicanense in Indijs maris tirreni Indici nuncupati, olim auspicijs claræ memoriæ Ferdinandi Aragoniæ regis, & Elisabethæ reginæ Castellæ, & legionis regnorum, per dilectum filium, nobilem virum Petrum Arias militem Segouiensem, eorum gentium, armorum ad easdem Indias destinatorum exercitus Generalem Capitanum nouiter repertis, & emanibus infidelium illas tunc occupantium ereptis, ac ad ditionem, & dominium eorum, & pro tempore existetium regum eorumdem regnorum redactis, illisq; in temporalibus subiectis, quæ eisdem regib⁹ dum vixerunt, & deinde charissimo in Christo filio nostro Carolo Romanorum Imperatori semper Augusto, dictorum regnorum nè dum hæredi, & successor; Verum etiam in desiderio orthodoxam Fidem vbique exaltandi imitatori, ac sub eorum obedientia, & dominio, ratione dictorum regnorum, ex tunc successiue eodem Petro Capitano Guuernatore permanētibus, consistens: admodum insigne existat, longumq; & latissimum

mum, & distinctum territorium circum circa habeat; adeoque
 in eo vltra viginti millia vicinorum, vel Incolarum, quorum
 plures fideles, tam nouiter conuersi, quam etiam alij forenses,
 & de diuersis mundi partibus ad illud habitandum confluentes
 commorentur, & resideant, ac in eo inter alias Ecclesias, mo-
 nasteria, pia loca, ex deuotione regum maiestatis, & Capitanei
 predictorum inibi constructa: vna Parrochialis Ecclesia sub in-
 uocatione Beatæ M A R I Æ Virginis, cum structuris, & ædi-
 ficijs conuenientibus, ad quam omnes ipsi fideles, pro Missis,
 & diuinis officijs audiendis, ac Ecclesiasticis Sacramentis sus-
 cipiendis, tamquam ad eorum Parrochiam Ecclesiam recur-
 runt, etiam consistit; ac idem Carolus Imperator summopere cu-
 piat eandem Parrochiam Ecclesiam, in Cathedralem, ipsum-
 que oppidum in ciuitatem Mexicanensem erigi, & instrui. Nos
 habita super his, cum venerabilibus fratribus nostris S. R. E.
 Cardinalibus, matura deliberatione; eodem Carolo Imperatore
 nobis super hoc humiliter supplicante, Ad laudem, & gloriam
 Omnipotentis D E I, & eiusdem Beatæ M A R I Æ Cœlestis,
 necnon ipsius Fidei exaltationem, Apostolica auctoritate, te-
 nore præsentium supplicationibus Caroli Imperatoris huius-
 modi inclinati, de eorumdem fratrum consilio pariter, & assen-
 su, oppidum Mexicanense, ac Parrochiam Ecclesiam Beatæ
 M A R I Æ, huiusmodi in Cathedralem Mexicanensem, sub
 inuocatione eiusdem Beatæ M A R I Æ nuncupandam, pro vno
 Episcopo Mexicanensi, qui inibi, & in illius ciuitate, ac Dio-
 cesi Verbum Dei prædicet, & infideles ad eandem Fidem con-
 uertat; ac tam illos sic conuersos, quam alios predictos fideles,
 in eadem Fide expertius instruat, doceat, & confirmet: ac Sa-
 cramenta Ecclesiastica eis ministret, & ministrari, ac prædictam
 erectam Ecclesiam, illiusque ædificia ad formam Cathedralis
 Ecclesiæ redigi faciat; ac in ciuitate, & Diocesi prædictis, Col-
 legiatis, & Parrochiales, ac alias Ecclesias, monasteria, Capel-
 las, Hospitalia, Oratoria, & alia loca pia; ac in illis respectiue
 in numero, & cum dotibus, ac qualitatibus decentibus per eum
 assignandis, specificandis: maiores, Principales, Abbatiales,
 Conuentuales, & alias dignitates, personatus, administrationes,
 & officia etiam curata, & electiua: Necnon Canonicatus, & præ-
 bendas, integras, & dimidias portiones, Capellanas, Vicarias, &
 alia beneficia Ecclesiastica, cum cura, & sine cura, ac Capitula,
 necnon Capitulares Abbatiales, Conuentuales, & alias mensas
 erigat, & instituat respectiue, ac alia temporalia, spiritualia, iuris-
 dictionalia, & pontificalia officia, omniaq; & singula alia, quæ alijs
 Epif.

Episcopi Regnorum eorundem facere, & exercere consueverunt, & quæ pro diuini cultus augmento, & Fidei huiusmodi exaltatione, ipsorumque fidelium animarum salute expedire cognouerint, faciat, & exerceat: ac omnibus, & singulis alijs priuilegijs, prærogatiuis, præeminentijs, & gratijs, quibus alij Episcopi prædicti de iure, & consuetudine, ac aliàs vtuntur, potiuntur, & gaudent, ac vti, potiri, & gaudere poterunt quomodo libet in futurum vtatur, potiatur, & gaudeat, ac vti, potiri, & gaudere libere, & licite valeat: Necnon in eadem Ecclesia Mexicanensi Capitulum Canonicorum, & personarum, Episcopali, & Capitulari mensis, ac sigillo, & alijs insignis, iurisdictionibus, priuilegijs, & præeminentijs Episcopalibus, & Capitularibus erigimus, & instituimus: ac Incolas, & habitatores dictæ ciuitatis cum nomine decoramus; necnon eidem erectæ Ecclesiæ pro illius ciuitate, ciuitatem erectam, & pro Diocesi Terras, Insulas, loca, & oppida, quæ idem Carolus Imperator, vel eius Concilium Indiarum nuncupatum, positis limitibus, & confinibus necessarijs, statui, & assignari iusserit: ac pro Clero, & populo illorum Incolas, & habitatores huiusmodi, respectiue, ac pro dote, & etiam Pontificalis dignitatis, & pro tempore existentis Episcopi, illius decentiori sustentatione decimas, primitias, & alia iura Episcopalia, spiritualia, & temporalia de bonis rebus, & fructibus, de quibus Carolus Imperator, vel concilium huiusmodi specificarint, & ordinauerint. Itaque idem Episcopus Mexicanensis in ciuitate, & Diocesi prædictis Episcopalem iurisdictionem, auctoritatem, & potestatem exercere, ac decimas, & primitias, & iura huiusmodi percipere, & leuare, ad instar Episcoporum prædictorum libere, & licite valeat, applicamus, & appropriamus: Necnon ius patronatus, & infra annum, propter loci distantiam, perse, vel alium, seu alios ad id etiam ante vacationes deputandos procuratores, præsentandi personas idoneas, tam hac prima vice, quàm quoties illa pro tempore vacauerint, ad Ecclesiam videlicet Mexicanensem, nobis, & pro tempore existenti Romano Pontifici per nos, & illum respectiue, in eiusdem Ecclesiæ Episcopum, & Pastorem præficiendum. Ad vero omnes, & singulas alias dignitates, personatus, administrationes, officia, Canonicatus, & Præbendas, portiones, Capellanas, Vicarias, monasteria, Prioratus, & alia beneficia huiusmodi, eidem tempore existenti Episcopo Mexicanensi, ac eius Vicario, seu officiali per eum instituendas, ad easdem præsentationes Carolo Imperatori prædicto, ratione regnorum Castellæ, & Legionis huiusmodi, ac pro tempore existenti

stenti illorum Regi, vel Regina desimilibus consilio, & assensu referuamus, concedimus, & assignamus; non obstantibus constitutionibus, ordinationibus Apostolicis, ceterisque contrariis quibuscumque. Nulli ergo omnino hominum liceat, hanc paginam nostræ erectionis, institutionis, decorationis, applicationis, appropriationis, reservationis, concessionis, & assignationis, infringere, vel ei ausu temerario contraire. Siquis autem hoc attentare presumpserit, indignationem omnipotentis Dei, ac beatorum Petri, & Pauli Apostolorum se noverit incursurum. Datum Romæ apud sanctum Petrum, anno incarnationis Dñicæ millesimo quingentesimo trigésimo quarto. Nono septembris Pontificatus nostri, anno septimo.

POST quarum quidem litterarum Apostolicarum præsentationem, & receptionem; nobis, & per nos, ut præmittitur factas; fuimus pro parte serenissimæ Dominae Ioannæ, & Caroli semper augusti, eiusdem filij Hispaniarum regum debita cum instantia requisiti, ut ad cōplementum litterarum Apostolicarum, & contentorum in eisdem procedendum, in prædicta nostra Cathedrali Ecclesia, ad honorem gloriosissimæ Virginis MARIÆ Assumptionis dedicata, & in dicta noua hispania fabricata, Dignitates, Canonicatus, & Præbendas, ac Portiones, aliaque beneficia, & officia Ecclesiastica quotquot, & prout melius expedire viderem⁹, tam in ciuitate, quàm per totam Diocesim erigeremus, & institueremus. Nos igitur Frater Ioannes de cumarraga, Episcopus, ac Commissarius Apostolicus præfat⁹ attendentes petitionem, & requisitionem huiusmodi iustas fore, & rationi consonas, cupientesq; ut verus, & obediens filius Apostolica iussa, nobis directa reuerenter exequi, ut tenemur commissionem præ acceptauimus, & eadem auctoritate Apostolica, qua fungimur in hac parte, præfata maiestate instante, & petente, in prædicta Cathedrali Ecclesia, Mexicanensis ciuitatis in prædicta noua hispania, ad honorem Dei, & Domini nostri IESV Christi, ac Beatissimæ MARIÆ Virginis matris ei⁹, in cuius, ac sub cuius titulo per præfatum sanctissimum Dominum nostrum, Cathedralis Ecclesia est erecta tenore præsentium, erigimus, creamus, & instituimus.

§. I.

DECANATVM, quæ dignitas prima post Pontificalem in eadem Ecclesia existat, qui curet, & provideat, quod officium diuinum, & omnia alia, quæ ad cultum Dei pertinent, tam in choro, quàm in altari, quam etiam in processionibus in Ecclesia, & extra, in Capitulo vbicumque, conuentus, Eccle-

Ee

sua,

fiæ, seu capituli ad illud exoluendum congregabuntur cum silentio, & ea, qua decet honestate, ac modestia ritè, & rectè perficiantur, ad quem etiam pertinebit, ijs, quibus à choro ex causa discedere conuenit, & expressa causa, & non aliàs, licentiam concedere.

§. II.

ARCHIDIACONATVM eiusdem ciuitatis, ad quem Clericorum ordinandorum examinatio, prælato solemniter celebrante, ministratio ciuitatis, & Diœcesis, si sibi à Prælato iniungatur visitatio, & alia, quæ de iure communi competunt exercere pertinebit, qui in altero tamen iurium, vel in Theologia ad min⁹ Bachalaure⁹ existat, in vniuersitate graduat⁹.

§. III.

CANTORIAM, ad quam nullus possit præsentari, nisi in musica, saltem in cantuplano doctus, & peritus existat, cuius in facistolio cantare, & seruitores Ecclesiæ cantare docere, & quæ ad cantum pertinent, & expectant ordinare, corrigere, & emendare, in choro, & vbicumque perse, & non per alium officium erit.

§. IIII.

SCHOLASTRIAM, ad quam etiam nullus nisi in altero iurium, aut in artibus Bachalaureus, in aliqua generali vniuersitate graduatus existat, præsentetur, qui grammaticam Clericos, & Ecclesiæ seruitores, ac omnes Diœcesanos audire volentes, perse, vel alium docere tenebitur.

§. V.

THESAVRARIAM, ad quam Ecclesiam claudere, & aperire, campanas pulsare facere, omnia vtensilia Ecclesiæ custodire, lampades, & luminaria, curare de incenso, luminibus, pane, & vino, ac reliquis ad celebrandum necessarijs, de redditibus fabricæ Ecclesiæ exponendis ad votum Capituli providere, pertinebit.

§. VI.

NECNON decem Canonicatus, & præbendas, quas à dignitatibus omnino separatas esse decernimus, nec vnquam vnâ simul cum dignitate aliqua obtineri posse ordinamus, ad quos etiam Canonicatus, & Præbendas nullus præsentari possit nisi ad Sacrum Præbiterat⁹ ordinem iam sit promotus, ad quos quidem Canonicatus quotidie (præterquam in prima, & secundæ dignitatis festiuitatibus, in quibus Prælatus, vel eo impedito aliqua de dignitatibus celebravit) Missam celebrare pertinebit.

§. VII.

INSTITVIMVS in super sex integras, & totidem dimidias Portiones, & qui addictas integras Portiones præsentandi fuerint, ad Sacrum Diaconatus ordinem sint promoti, in quo quidem ordine teneantur in altari quotidie deferuire, nec non psalmos decantare: Qui vero ad dimidias, ad Sacrum Subdiaconatus, qui quidem Epistolas in altari, & in choro, & Prophetias, lamentationes, & lectiones teneantur decantare.

§. VIII.

VOLVMVS in super, & statuimus quod ad dignitates, Canonicatus, Portiones integras, & dimidias supra dictas, vel ad aliquod aliud beneficium totius nostræ Diocesis, nullus præsentari valeat, qui cuiusvis ordinis, priuilegij, aut officij occasione à iurisdictione nostra ordinaria sit exemptus, & si fortè contigerit, exemptum aliquem præsentari, vel institui, talis præsentatio, vel institutio sit ipso iure nulla.

§. IX.

ET quia non est parui momenti Rectores nominare, ordinamus quod tot Rectores possimus eligere, quot seruitio nostræ Cathedralis Ecclesiæ necesse fuerint, qui ad nutum nostrum, nostrorumq; pro tempore successorum prouideri, & quando licuerit amoueri possint, qui exerceant in dicta Cathedrali Ecclesia nostra, officium rectè, & ritè Missas celebrando confessiones audiendo, aliaque Sacramenta cautè, & sollicitè ministrando. —

§. X.

AC sex Accolitos, qui Accolitus officium in altaris ministerio quotidie, per ordinem exercebunt, Ordinamus Capellanos in super sex, quorum quilibet, tam in nocturnis horis quàm in diurnis, ac etiam Missis ad facistolium personaliter inter esse, & in vnoquoq; mense Missas viginti, nisi iusta infirmitate, vel impedimento fuerit impeditus, celebrare teneatur.

§. XI.

PRæsentationem autem dictarum dignitatum Canonicatum, Portionum integralium, ac dimidiarum, aliarumq; dignitatum, Canonicatum, & Portionum similium futurarum, in prædicta nostra Cathedrali Ecclesia creandarum, præfatis Catholicis Hispaniarum Regib⁹, ac eorum successorib⁹, prout de iure eis cōpetit, & auctoritate Apostolica reseruam⁹ eadem auctoritate.

§. XII.

Accolitorum, & Capellanorum prædictorum electionem, seu prouisionem, ad nos, & successores nostros vna cum

nostro capitulo pertinere decernimus. Volumus autem, quod
 ** dicti capellani, qui pro tempore fuerint eligendi, non sint fa-
 miliares Episcopi, nec alicuius personæ dicti Capituli, nec fue-
 rint tempore vacationis.

§. XIII.

OFFICIUM vero Sacristæ, qui ea, quæ ad officium
 Thesaurarij spectant, ipso præsentem, & de eius commis-
 sione, & in eius absentia ad votum capituli exercere tenebitur.

§. XIII.

OFFICIUM Organistæ, qui organa in diebus festiuis,
 & alijs temporibus ad votum Prælati, vel Capituli pul-
 sare teneatur.

§. XV.

OFFICIUM Perticarij, cuius in processionibus ordi-
 nare Prælato, Præbitero, Diacono, Subdiacono, & reli-
 quis altari ministrantibus, de choro ad sacristiam, vel altare,
 de altari ad sacristiam in chorum euntibus, vel redeuntibus an-
 te ire, officium erit.

§. XVI.

OFFICIUM æconomi, siue procuratoris Ecclesiæ fa-
 bricæ, & hospitalis, qui architectis muratoribus, necnon
 fabris lignarijs, & alijs officialibus ædificandis Ecclesijs ope-
 ram dantibus præ erit, quiq; perse, vel alios, redditus, & pro-
 uentus annuos, & quæ cumq; emolumenta, & obuentiones, ad
 dictam fabricam, & hospitale, quouis modo pertinentia colli-
 gere, & expendere habebit, redditurus annuatim rationem de
 receptis, & consumptis Episcopo, & capitulo, vel officialibus,
 ab eisdem ad hoc specialiter deputatis; Necnon ad eorum nu-
 tum eligendus, vel remouendus prædicta prius per eum idonea
 satisfactione, quàm ad administrationem admittatur.

§. XVII.

OFFICIUM in super Cancellarij, siue Notarij Ecclesiæ,
 & capituli, qui quoscumque contractus inter Ecclesiam,
 Episcopum, & capitulum, & quoscumque alios, in prothocol-
 lo, & notis suis recipere, actus capitulares scribere, donationes,
 possessiones, census, feudos, precaria per eosdem Episcopum,
 & capitulum, & Ecclesiam, vel eisdem factas, vel in posterum
 faciendas annotet, & scribat, & instrumenta custodiat: partes
 reddituum beneficiatis distribuat, necnon rationes reddat, & re-
 cipiat. —

XVIII.

OFFICIUM in supercanicularis, qui canes ab Ecclesia eiiciat; in omnibus sabbatis, & quorumcumq; festorum vigiliis habentium, vigilijs, & alijs, vbi, & quando per Thesaurarium sibi fuerit iniunctum Ecclesiam purgabit.

§. XIX.

DE quibus omnibus, videlicet, quinque dignitatibus, decem Canonicatib⁹, sex integris, & totidem dimidijs Portionibus, & sex Capellanis, & sex Accolitis, & officijs prædictis, quia de præfenti fructus, redditus, & prouentus decimarum non suppetunt, Thesaurariam ex dignitatibus quinque; vero Canonicatus, & omnes integras, & dimidias Portiones, ad præfens in dicta erectione volumus suspendere: quod si præfatis quatuor dignitatibus, & quinque Canonicis redditus memoratæ quartæ partis ad præfens (quod non credimus) non suppetant, quod de fuerit inter eos diuidatur, secundum valorem præbendarum, & non numerum personarum, donec ad maiorem quantitatem fructus peruenerint, restituendi ad præbendas præfatas, per nos, & nostros successores, ordine nobis considerando ad potiorem Ecclesie nostræ vtilitatem, ita tamen, vt cum, Deo duce, ad pinguiorem fortunam fructus, & redditus nostræ prædictæ Ecclesie peruenerint, quàm primum ad dotem Thesaurariæ suspensæ applicatam de super crescentibus fructibus auctum fuerit, Thesaurariam eandem, ex nunc erectam, & creatam esse decernimus, absq; alia noua creatione, & erectione personæ per eandem Catholicam Maiestatem nominandæ conferendam; & consequenter dum fructus, redditus, & prouentus vltèrius augmentum receperint, tres integræ Portiones prouideantur, & successiue cum excreuerint fructus, dictorum Canonorum, numerus, vsque ad denarium numerum successiue augeatur; quo expleto, tunc reliquæ tres integræ Portiones, & dimidia successiue suo ordine admittantur, & demum de redditib⁹ super ex crescentibus, sex Accolitatus, pro sex Clericulis, qui in quatuor minorib⁹ sint constituti, & Accolitorum officium in altaris ministerio exerceant, & sex Capellanæ simplices, pro sex prædictis Capellanis similiter prouideantur, post modum vero officij Organistæ, & Perticarij, & æconomi, Notarij, & Canicularij prædictorum dicto numero successiue, iuxta ordinem literaliter præmissum, absque aliquo intervallo augeatur.

Ee iij

Et

§. XX.

ET quia secundum Apostolum, qui altari seruit de altari vivere debet, omnibus, & singulis dignitatibus, personis, & Canonicis, Præbendatis, & integris, & dimidijs Portionarijs, Capellanis, Clericulis, siue accolitis, cæterisque officijs, & eorum officialibus, iuxta numerum supra dictum expressis, omnes, & singulos fructus, redditus, & proventus; tam ex regia donatione, quàm ex iure decimarum, aut alias quouis modo, ad eos de præsentis, aut in futurum pertinentes; videlicet ordine literario, Decano Archidiacono, Cantori, Scholastico, Thesaurario, & Canonicis, necnon Portionibus integris, & dimidijs, & omnibus alijs supra notatis, & nominatis modo sequenti.

§. XXI.

DE C A N O scilicet centum, & quinquaginta libras, *pesos*, vulgariter in illis partibus nuncupatos, quarum librarum, quælibet vnum castellanum aureum quadringentos octuaginta quinque marapetinos monete vsitate Hispaniæ constituentes. Archidiacono centum, & triginta valoris eiusdem *pesos* seu Castellanos, & cuilibet de Dignitatibus totidem; & cuilibet de Canonicis centum; Portionariorum cuilibet septuaginta; Dimidijs triginta quinque; Capellanis quidem viginti; Accolitis singulis duodecim; Organista sexdecim, & Notario totidem; Perticario totidem; æconomus vero quinquaginta; Caniculario quidem duodecim libras auri similes, totidem castellanos, & marapetinos constituentes ex nunc, pro tunc ordine literario prout exprimitur seruato, cum fructus, redditus, & proventus super excreuerint, applicamus, & assignamus.

§. XXII.

ET quia vt dictum est propter officium datum beneficium, volumus, & in virtute sanctæ obedientiæ districtè præcipiendo mandamus, quod prædicta stipendia sint quotidianæ distributionis assignata, distributa quotidie interessentibus singulis horis, nocturnis pariter, & diurnis exercitijs dictorum officiorum. Itaque à Decano vsque ad Accolitum inclusiue, is qui alicui horæ non inter fuerit in choro stipendio, siue illius horæ distributione careat, & officialis, qui sui officij exercitio, vel executioni de erit, mulctetur similiter singulis vicibus pro rata salarij; Tales vero distributiones, quibus absentes priuantur, alijs interessentibus accrescant.

§. XXIII.

I T E M volumus, & eadem auctoritate ordinamus, vt omnes, & singule dignitates, Canonici, & Portionarij dictæ nos-

nostræ Ecclesiæ Cathedralis teneantur residere, & seruire in prædicta nostra Ecclesia per octo menses continuos, aut interpolatos; alioquin nos, vel successores nostri, qui pro tempore fuerint, aut Capitulum Sede vacante teneantur, eo prius vocato, & audito, si iustam, & rationabilem causam absentiæ non habuerit, & allegauerit; Personatum, vel Canonicatum, siue Portionem, vacantem pronuntiare, & de illo, vel illa idoneis ad præsentationem tamen præfatæ Catholicæ Maiestatis, & eorum in regnis Hispaniæ successorum providere; Iustam autem absentię causam hoc loco diffinimus: ægritudinem; dum tamen beneficiatus infirmus in ciuitate maneat, aut in sub vrbijs eiusdem ciuitatis, aut si eam incurrerit stans extra ciuitatem, cum reddierit aut reddere parauerit ad eam, dum tamen hoc probationib⁹ legitimis constet, vel cum mandato Episcopi, vel Capituli simul, & pro causa, & vtilitate Ecclesiæ absens fuerit; itaque ista tria concurrant in hac sua absentia.

§. XXIII.

VOLVMVS in super, & de consensu, & beneplacito serenissimæ maiestatis, & eadem auctoritate Apostolica statuimus, decernimus, & mandamus quod omnium decimarum, tam Cathedralis, quàm aliarum Ecclesiarum dictæ ciuitatis, & Diocesis fructus, redditus, & prouentus, in quatuor equales diuidantur partes, quarum vnā nos, & successores nostri Episcopi perpetuis, futurisque temporibus, pro onere Pontificalis habitus sustentando, & vt decentius, & iuxta Pontificalis officij exigentiam, statum nostrum sustentare valeamus, absque aliqua diminutione pro nostra speciali mensa habeamus. Decanus vero, & Capitulum, & reliqui ministri Ecclesiæ, quos supra assignauimus, aliam quartam partem, modo præmisso, inter eos diuidendam habeant; à quibus partibus, licet ex commissione Apostolica, & longæuo temporis usu, moribus, & consuetudine approbata, eadem Catholica Maiestas tertiam partem (tertias in Hispania vulgariter nuncupatas) habere, & recipere integraliter consuevit, volens erga nos suæ liberalitatis dexteram extendere, prout extendit circa alias partes, & circa qualitates infra expressas, nos, & Episcopos successores, ac capitulum prædictos, vt magis debitores, tanto munere resectos, efficeret, & vt pro eadem, & Regijs, eiusdem maiestatis successoribus preces effundere teneremur, in nostra, & dictæ Ecclesiæ nostræ, & capituli in sua quarta decimarum parte, liberos, & exemptos esse voluit; Reliquæ vero duæ quartæ partes: iterum in nouem diuidendas partes decernimus

duas,

af
Division de los
diezmos

duas, quarum eidem maiestati serenissimæ, insignum superioritatis, & iuris Patronatus, ac ratione acquisitionis prædictæ terræ, futuris perpetuis temporibus, percipiendas, & leuandas, applicamus.

§. XXV.

DE reliquis vero septem partibus bifariam duximus esse faciendam diuisionem, quarum quatuor de dictis septem omnium decimarum, Parrochiæ nostræ Cathedralis Ecclesiæ applicamus mensæ Capitulari, vt melius Ecclesia valeat administrari, ex quibus quatuor partibus nos, & successores nostri, cui libet vestrorum assignamus sexaginta pesos vulgariter nuncupatos, Sacristæ vero quadraginta, qui quidem Rectores habeant omnes primitias, præter octauam partem, quam applicamus Sacristæ, qui etiam Rectores quotidie in choro, Missæ maiori, ac vespertinis horis, superpellicijs induti residere teneant, vt commodius animarum saluti Sacramenta exercere valeant, nè eorum absentia, seu incuria, quis absque aliquo Sanctæ matris Ecclesiæ Sacramento incautè discedat, & donec fructus excreuerint, ex prædictis etiam quatuor partibus, conferatur Accolitis, Organistæ, & Perticario, quod supra dictum est, & quod super fuerit, habeat prædicta mensa capitularis.

§. XXVI.

IN singulis vero Parrochialibus Ecclesijs; tam dictæ ciuitatis, quàm totius nostræ Diocesis, quatuor prædictæ dedictis septem partibus simul cum primitijs, beneficijs in vnaquaque dictarum Ecclesiarum erigendis, & creandis applicamus, declarantes etiam simili modo octauam partem dictarum quatuor partium, atq; primitiarum, sic dictis beneficijs applicatarum, Sacristæ cuiusque Parrochialis Ecclesiæ dictæ ciuitatis, & Diocesis nostræ, esse tribuendam.

§. XXVII.

VOLVIMVS autem, & ordinamus quod omnibus dictæ ciuitatis, & Diocesis nostræ Ecclesijs Parrochialib⁹ (excepta nostra Ecclesia Cathedrali) tot beneficia simplicia creentur, & ordinentur, quòt ex quantitate reddituum, dictarum quatuor partium, sic eisdem beneficijs applicatarum, creari, & ordinari poterunt. Assignata tamen congrua, & honesta sustentatione Clericis, quibus beneficia illa conferri debent; Itaque nullus sit determinat⁹ dictorum beneficiorum numerus, sed super excrecentibus fructibus, crescat etiam ministrorum copia in eisdem Ecclesijs, quæ quidem prædicta beneficia simplicia, seruitoria, quæ pro tempore indictis Ecclesijs creari contigerit, vt

Videatur dicendum Rectorum

rit, vt dictum est, quotiescumq; contigerit vacare, quouis modo prouidere; volumus, & statuimus filijs dumtaxat patrimonialibus, descendentes ab incolis, qui ex Hispania, dictam Prouinciam transmeauerunt; aut ad eam inhabitandam in futurum transire contingat, donec impofterum visa, & cognita per nos, vel succedores nostros Christianitate, & capacitate Indorum, ad instantiam, & petitionem supra dicti patroni, nunc, vel pro tempore existentis visum fuerit, Indis etiam naturalibus dicta beneficia prouidenda (præmissis prius examine, & oppositione, iuxta formam, & laudabilem consuetudinem in Episcopatu Palentino hactenus obseruatam) inter filios patrimoniales, dum tamen dicti filij patrimoniales, quib⁹ sic de dictis beneficijs prouisum fuerit infra annum, & dimidium à die sibi factæ prouisionis, teneantur præsentare, & ostendere coram dictæ Prouinciæ appellationum iudicib⁹, aut guernatore pro tempore, ibidem existentibus, rati habitatione dictarum Catholicarum maiestatum, vel pro tempore successorum suorum, in Hispaniæ Regnis collationem, & prouisionem, sic sibi prædicta forma factam; Alioquin prædicta beneficia, eò ipso, vacare censeantur; Præfatiq; Catholici Reges, siue illorum succedores, personas alias possint ad dicta beneficia iuxta prædictam formam qualificatas, præsentare.

§. XXVIII.

VOLUMVS autem, quod donec existant filij patrimoniales, qui iuxta præfatam consuetudinem Palentinam, possint eligi ad dicta beneficia; prouisio dictorum beneficiorum fiat, ad præsentationem dictarum Catholicarum maiestatum patronorum, & non aliàs.

§. XXIX.

SED quia animarum cura dictæ ciuitatis, ac totius nostræ Diocesis, ad nos, & futuros succedores nostros principaliter, & præcipuè spectat, tamquam, qui iuxta Apostoli sententiam, de illis indie Iudicij rationem reddituri sumus, accedente ad hoc consensu, ac voluntate earundem Catholicarum maiestatum Patronorum prædictorum, & sua instante petitione, ac auctoritate, & tenore prædictis; volumus, & ordinamus, quod in nostra Cathedrali Ecclesia, & in omnibus dictæ ciuitatis, ac nostræ Diocesis Ecclesijs Parrochialibus nos, & Prælati, qui pro tempore fuerint, commendemus, & iniungamus animarum curam pro nostræ voluntatis arbitrio, cui viderimus ipsarum Ecclesiarum beneficiato, seu beneficiatis, seu cuiumque alij Sacerdoti, etiam non beneficiato, pro eo tempore; ac sub illa for-

ma, quibus nobis visum fuerit; dictarum animarum saluti magis expedire; sub diuini obtestatione iudicij futuros omnes, & nostros successores exhortantes, & relinquentes, quod in hac commissione animarum, nulla sit apud eos personarum acceptatio, sed solum sibi à Deo commissarum diuini vtilitati consulant, & salutis; & vt qui præfata animarum curæ, à nobis, vel illis præpositi fuerint; congruentius valeant sustentari, pro ipsarum animarum sollicitudine aliquam recipiant temporalem retributionem; applicamus eorum cuiuslibet primitias omnes Parrochiæ illius, in qua sic curam animarum gesserit, (relicta parte Sacristæ superius designata.)

§. XXX.

* **V**OLVMVS in super, & ordinamus quod institutio, & destitutio Sacristarum omnium Ecclesiarum nostræ Diocesis fiat semper ad nutum, & dispositionem nostram, & nostrorum pro tempore successorum, cum moderatione salarij; Si forsam prædicta pars, quæ sibi (vt præmissum est) solui debet, in magnam excreuerit quantitatem; Ita tamen, quod quidquid ex octaua eadem parte, illis per nos, vel successores nostros ademptum fuerit, in ipsius Ecclesiæ fabricam, vel aliquod diuini cultus augmentum eiusdem Ecclesiæ, & non in alios vsus consumi debeat.

§. XXXI.

SIMILITER tres partes restantes de septem partibus supra dictis, in duas iterum partes æqualiter diuidantur, quarum vnam scilicet medietatem trium dictarum partium, cuiuslibet dictorum oppidorum Ecclesiæ fabricæ libere applicamus; reliquam vero partem, videlicet, medietatem trium dictarum partium hospitalibus, cuiuslibet oppidi consignamus, de qua quidem medietate, siue parte eisdem hospitalibus applicata, dicta hospitalia teneantur hospitali principali, vbi Cathedralis fuerit Ecclesia, decimam soluere. Applicamus etiam eadem auctoritate in perpetuum fabricæ nostræ Diocesis dictæ sanctissimæ MARIÆ omnes, & singulas decimas vnius parrochiani eiusdem Ecclesiæ, & omnium aliarum Ecclesiarum, totius ciuitatis, & Diocesis; dum tamen talis parrochianus non sit primus, seu maior, vel ditior nostræ dictæ Ecclesiæ Cathedralis, & aliarum Ecclesiarum nostræ dictæ Diocesis, sed secundus post primum.

§. XXXII.

OFFICIUM vero diuinum diurnum pariter, & nocturnum, tam in Missis, quàm in horis fiat semper, & dicatur

tur secundum consuetudinem Ecclesiæ Hispalensis, donec, & quousque Synodus celebretur.

§. XXXIII.

VOLVMVS in super, & de eius celsitudinis instantia, & petitione ordinam⁹, quod Portionarij ipsi vocem habeant in Capitulo, vna cum Dignitatibus, & Canonicis, tam in spiritualibus, quàm in temporalibus, præterquam in electionibus, & alijs à iure prohibitis casibus, qui solis Dignitatibus, & Canonicis pertinent. **

§. XXXIII.

ET in super volumus, & de eius serenitatis instantia, & petitione ordinamus, quod in dicta nostra Cathedrali Ecclesia, præterquam in diebus festiuis, in quibus vna tantum Missa solemnis celebrabitur hora tertiarum; Duę quotidiana Missæ celebrentur, quarum vna primis diebus veneris cuiuslibet mensis, de anniuersario fiat pro Hispaniæ Regibus præteritis, præsentibus, & futuris; Diebus vero Sabathi Missa prædicta in Virginis gloriøsæ honorem, pro præfatorum regum in columitate, & salute respectiue celebretur. Cuiuslibet autem mensis prima die Lunæ eadem Missa pro animabus in Purgatorio existentibus solemniter dicatur. Reliquis vero diebus prædicta Missa de prima possit celebrari ad voluntatem, & dispositionem, cuiuslibet personæ volentis ipsam dotare, dictique Episcopus, & Capitulum possint, quamcumque dotem recipere, à quibusuis personis sibi oblatam, pro eiusdem Missæ celebratione. Secunda vero Missa de festo, vel de feria occurrenti, secundum ritum Hispalensis Ecclesiæ vel aliàs, hora tertiarum celebrabitur, & quicumq; maiorem Missam celebrauerit, vltra communem distributionem omnibus illi Missæ interessentib⁹ assignatam, vel assignandam, stipendium lucretur triplum, quàm ad quamcumque diei horam; Diaconus vero duplum, & Subdiaconus simplum; & quicumque maiori Missæ non inter fuerit, tertiam, & sextam illius diei non lucretur, nisi ex rationabili, & iusta causa, & Decani licentia, vel alterius in choro pro tempore præsidentis absens fuerit, super quò petentis licentiam, & concedentis conscientiam oneram⁹; & quicumq; similiter matutinis, & laudib⁹ interfuerint, triplum lucretur, quàm ad quamcumque diei horam, & in super stipendium primę, quamuis illi nō inter fuerint.

§. XXXV.

VOLVMVS in super, & de eiusdem Maiestatis instantia, & petitione ordinamus, quod bis in qualibet hebdomada Capitulum teneatur, feria videlicet sexta, & tertia, & quòd

feria tertia tractetur ibidem de negotijs occurrentib⁹: feria autem sexta, de nulla aliare; nisi demorum correctione, & emendatione tractetur, & de ijs, quæ ad diuinum cultum debite celebrandum, & ad Clericalem honestatem in omnibus, & per omnia, tam in Ecclesia, quam extra cōseruandam, spectent: & que libet alia dies ad capitulum celebrandum sit interdicta; nisi noui casus, qui emerferint, aliud exegerint. Per hoc autem volumus iurisdictioni nostræ Episcopali, aut successorum nostrorum circa correctionem, & punitionem dictorum Canonicorum, aliarumque personarum nostræ Cathedralis Ecclesiæ, aliquatenus derogari, quam omnimodam correctionem, punitionem, & iurisdictionem in dictas personas, nobis, & dictis successorib⁹ reseruamus; ad instantiam, & petitionem præfatarum Maiestatum Patronorum, & de eorum consensu. Item eadem auctoritate, & de eiusdem Catholice Maiestatis beneplacito statuimus, & ordinamus quod quilibet dictæ nostræ Ecclesiæ, & Diocesis Clericulus primæ tonsuræ, ad hoc vt possit priuilegio gaudere, Clericalem deferat tonsuram, vnius regalis argentei magnitudinem monetæ vsualis Hispaniæ, & per duos digitos infra aures tantum, atergo prosequenter, scisura capillos tondeat, vestibusq; honestis induatur, clamide, videlicet, vel mantello, seu pallio, quod vulgariter loba nuncupatur (*d manteo*) clauso, vel aperto ad terram protensis, non rubei, croceique coloris, sed alterius honesti coloris, quibus, tam in vestibus superioribus, quam inferioribus vtatur.

§. XXXVI.

ITEM, eadem Apostolica auctoritate, necnon de eiusdem celsitudinis, & Catholice Maiestatis cōsensu deliberato, quia in ipsa Prouincia de Mexico in noua Hispania vulgariter nuncupata, in ciuitate Mexicanensi, & sub inuocatione Beatissimæ MARIÆ Virginis Assumptionis Cathedralē Ecclesiā in honorem eiusdem Virginis Assumptionis Apostolica auctoritate perpetuò erigimus; domos, habitatores, incolas, & vicinos, tam intra ciuitatem, quam in sub vrbijs eiusdem ciuitatis, depræsentī, vel in futurum habitantes, & cōmorantes in dictæ Ecclesiæ Virginis MARIÆ Assumptionis Parrochianos deputamus, & assignamus, donec in dicta ciuitate commoda per nos, & nostros successores fiat diuisio Parrochiarum, cui etiam iura Parrochialis Ecclesiæ soluere teneantur Decimas, Primitias, & oblationes offerre; & à Rectorib⁹ eiusdem Ecclesiæ confessionis, Eucharistiæ, & alia Sacramenta recipere; necnon eisdem Rectorib⁹ Sacramenta huiusmodi conferre, & administrare;

& Par-

V. hb 3 729
55

& Parrochianis accipiendi licentiam concedim⁹ pariter, & facultatem.

§. XXXVII.

ITEM volumus, statuimus, & ordinamus quod consuetudines, constitutiones, ritus, & mores legitimos, & approbatos, tam officiorum quàm insigniarum, & habit⁹ anniuersariorum, officiorum, Missarum, aliarumq; omnium cēremoniarum approbatarum Ecclesię Hispalensis, necnō aliarum cuiusuis Ecclesię, seu Ecclesiarum, ad nostram Cathedralem decorandam, & regendam necessariē reducere, ac transplantare, liberē valeamus.

§. XXXVIII.

ET quia, quę nouo emergunt: nouo indigent auxilio; igitur literarum supra dictarum virtute, nobis, & succesoribus nostris plenissimam emendandi, ampliandi, & ea, quę oportuerit, statuendi, & ordinandi imposterum potestatem reseruamus, vt possimus id facere de consensu, petitione, & instantia Regię Maiestatis: tam circa quęstionem, & taxationem dotis perpetuam, vel temporalem, & limitum nostri Episcopatus, & omnium beneficiorum; quàm circa retentionem decimarum, vel diuisionem earumdem secundum tenorem Bullę Alexandri, per quam ipsis Regibus Hispanię fuit facta donatio decimarum, (*licet ad præsens, per eandem Regiam Maiestatem ad alimenta nobis sint, cum his tamen qualitatibus donata.*) Quę omnia, & singula, instantibus, & petentibus prædictis Dominis meis Regina, ac Regibus, dicta Apostolica auctoritate, qua fungimur, in hac parte, & melioribus modo, via, atq; forma, quibus melius possumus, & de iure debemus, erigimus, instituimus, creamus, facim⁹, disponimus, & ordinamus, cum omnibus, ac singulis ad id necessarijs, & opportunis; non obstantibus contrarijs quibuscumq; & illis præcipuē; Quę sanctissimus Dominus noster præfatus, in suis præsertis literis Apostolicis voluit, non obstare; & ea omnia, & singula, omnibus, & singulis præsentibus, & futuris, cuiuscumq; status, gradus, ordinis, præeminentię, vel conditionis fuerint, intimamus, insinuamus, & ad omnium notitiam deducimus, & deduci volumus, per præsentis mandamus prædicta auctoritate, & sanctę obedientię virtute, omnibus, & singulis supra dictis, & ea omnia, & singula, quę admodum à nobis instituta sunt, obseruent, & obseruari faciant. In quorum omnium, & singulorum fidem, & testimonium præmissorum, præsentis literas, siue præsens publicum instrumentum ex inde fieri, & per Notarium publicum infra scriptum scribi, & publicari, nostriq; sigilli iussimus, & fecim⁹ appensione cōmuniri. Datum Toleti sub anno à Natiuitate Dñi millesimo, quingentesimo trigésimo quarto.

STATVTORVM.

PARS PRIMA.

Cap. I.

Consonat constitutio Hispanf. Ecclesie c. 3. fol. 58. v. 59.



IN primis hæc sancta Synodus statuit, & præcipit; vt quando aliquis in Prælatus huius Metropolis, seu Prouinciæ electus, ad capiendum suæ sedis possessionem personaliter, seu per procuratorem venerit. Ante omnia, Bullas, seu litteras Apostolicas, super præsentatione, per Regiam Maiestatem de super facta expeditas Decano, & Capitulo præsentet; Qui postquam eas viderint, ac legitimas esse repperint. Capitulares omnes vocem, & suffragium in electionibus, iuxta præfatam erectionem habentes, ad Capitulum sequenti die habendum, citari, & vocari faciant; vt ibi de electi huiusmodi receptione, debita cum solemnitate facienda, deliberent. Et in ea postquam decreta fuerit, procedant sub hac (videlicet) forma.

§. I.

PRæbendati omnes, qui Capitulo, vt præfertur Congregando inter fuerint; ab Aula Capitulari, ad Ecclesiæ corpus extant, ibique electum personaliter accedentem accipiant, electo autem huiusmodi per procuratorem accedenti; Præbendati quatuor ex antiquioribus, per eiusdem Capituli Præsidentem nominandi, ad ipsius Aulæ Capitularis Ianuam, obuiam procedant. Sedes vero in Capitulo diuersimodè iuxta venientis huiusmodi personæ qualitatem præparetur. Electo enim personaliter accedenti, faldistorium cum puluinaribus, ac cæteris eum actum concernentibus, disponatur. Procuratori autem, tapete, sella, & puluinar ad pedes collocetur. Electo præterea in eodem faldistorio Missale statuatur, vt præstandum ab eo iuramentum præest, & sub forma sequenti.

Nos

§. II.



OS P. ARCHIEPISCOPVS
de Mexico iuramus, per Deum, & hæc
sancta Dei Euangelia, quod erectionem
huius sanctæ Ecclesiæ Mexicanæ obser-
uabimus, & seruari faciemus; consuetu-
dines bonas, & approbatas eiusdem Ec-
clesiæ, in quantum non contrariantur præ-
dictæ erectioni, Sacris Canonib⁹, & sancti

Concilij Tridentini Decretis, & Prouincialis Synodi Mexicanæ,
editis constitutionib⁹ manu tenebimus, iuraq; nostræ dignitatis,
& Ecclesiæ sponsæ nostræ in nullo infringere, prouirib⁹ conabi-
mur. Semper præoculis habentes verum Dei obsequium, & ani-
marum profectum, prout ex debito nostræ Pastoralis sollicitudi-
nis, tenemur. Ita nos Deus adiuuet, & hæc sancta Dei Euangelia.

§. III.

CVIVS MODI iuramentum Procurator, & qui possessio-
nem electi nomine capturus acceperit, præstare teneatur.
Quò præstato, Capitulares omnes, nemine dempto, processione
ordine Hymnum Te Deum laudamus solemniter decantantes,
præcedentibus, tam eiusdem Ecclesiæ Cathedralis cruce, quàm
Parochialium, Monasticarum, Eremitarumq; Ecclesiarum cru-
cibus: vna cum ipsarum Vicarijs, Parochis, ministris, ac vni-
uerso Clero, qui ad hoc præueniri, debent. Electum ipsum, sub
vmbraculo, seu Baldachino, per Dignitates, & in eorum def-
fectum, per præbendatos huiusmodi seniores ferendo ad cho-
rum vsque comitentur. Quò cum peruentum fuerit, crucibus,
Clero, & Monachis prædictis, ad chori fores detentis, Capitu-
lares omnes electum adhuc sub Baldachino procedentem; eodem
ordine comitantes chorum ingradientur, eum deniq; electum,
in Sede Episcopali, insignum possessionis, per duos ex Dignita-
tibus antiquiores beneficiatos collocent. Procuratorem vero,
duo per præsentem deputandi Capitulares, (solemnitate, ac
processione huiusmodi prætermisissis) factaque in ipso actu de-
monstratione, quæ personam propriam à substituta distinguat,
in eadem Archiepiscopali Sede constituent. Quibus per actis,
ordine, processione, ac forma præmissis, ad locum Capituli
eiusdem Capituli Sede, modo præscripto, collocent; ac
tunc Decanus, vel, qui in eius absentia præfederit surgens à
loco suo, & ad Sedem eandem magna cum obseruantia, & re-
uerentia accedens, flexis genibus, electo, vt præfertur sedenti
ma-

manum deosculetur, eoque signo, ipsum in Dominum, Prælaturum, & Pastorem recipiat; ac eidem, vt tali debitam præstet obedientiam; Idemq; ipsum modo, & forma prædictis reliqui Capitulares, seruato antiquitatis ordine, faciant. Quibus effectis, aperta eiusdem loci Capitularis ianua, omnes Beneficiati, Parochi, Rectores, Vicarij, Capellani, atque seruientes, reliquus denique Clerus, ibi repertus, similiter intrent, idemque recognitionis, & obedientiæ signum, Prælato exhibeant.

§. III.

Procuratorem vero, qui possessionem prædictam, electi nomine capturus venerit, Decanus, & Capitulum, hymnum Te Deum laudamus similiter canentes, prætermisso Baldachino, à loco Capituli ad chorum deducant, ipsumq; primo, in Sede chori, ac deinde in Sede Capituli Archiepiscopalibus sedere faciant, ibique in obedientiæ debitæ Prælato cuius ille personam, & iurisdictionem gerit, recognitionem, iisdem Capitulares ordine suo, cum decenti submissionis, & reuerentiæ demonstratione eiusdem procuratoris, vt præfertur sedentis manum, sua quiscue manu dextera porrecta, contingant, porrectamq; manum, ad se voluentes de osculentur, & hoc ipsum reliqui beneficiati, & Parochi, cum toto Clero faciant.

§. V.

Vt Prælatus, capta per procuratorem possessione, debita cum solemnitate, recipiatur, ciuitatem ingrediens, sequens forma seruetur.

§. VI.

In primis, Decanus, & Capitulum, omnes, & singulos Præbendatos, & Parochialium Ecclesiarum Rectores, ac Beneficiatos, Priores quoque, & conuentus Religiosorum eiusdem ciuitatis, vt die, & hora ingressus prædicti cum suis crucibus demore conueniant, præmoneri, citari, & vocari faciant; ac processions ordine, vna cum ipsius Cathedralis Ecclesiæ cruce, ingredienti Prælato, obuiam procedant.

§. VII.

Prius tamen iisdem Decanus, & Capitulum, & omnes Clerici, qui ad hoc congregari potuerint, suis mulis sedentes, præcedente eiusdem Capituli sceptrifero, sceptrumq; suum manugente, debita eius actus conformitate, & ordinatione seruata, extra ciuitatem, ad mediam leucam, vel eo minus, ad Præsidentis arbitrium, progrediantur, & ipsi Prælato, cum ad eum peruenerint, eodem, quo procedunt ordine, singuli, & reuerentiam exhibeant, & illius manus deosculentur, Quo facto, omnes ad Ec-

ad Ecclesiam, decentibus ad processionem vestibus, preparandi, sine mora redeant. Processionis autem huiusmodi initium, omnes, tam eiusdem Cathedralis Ecclesię, quàm reliquarum Parochialium, monasticarum, & eremitarum Ecclesiarum, Hospitaliumq; Cymbala hilari sonitu prænuntient, & quandiu eadem processio durauerit, similiter pulsantur.

§. VIII.

POST QVAM ad Ecclesiam omnes peruenerint, Decanus, vel, qui Præsidentis fuerit, pluuiali indutus, vna cum duobus ministris Diaconi, & Subdiaconi habitum, & insignia gerentibus; Reliqui vero præbendati pretiosioribus Ecclesię pluuiilibus pariter ornati, processionis ordine, præuia eiusdem Cathedralis Ecclesię Cruce, præcipuam ipsius Ecclesię Ianuam, qua Prælato datur ingressus, egrediantur, sicque procedant, quousq; Crux eadem, ad certum fori locum, pretioso faldistorio decenter ornatum, peruenerit, quò loco accedens Prælatus genibus flexus, eandem Crucem, sibi per Præsidentem, vt præfertur ornatum porrigendam, de osculetur. Ad vitandam vero confusionem, antequam Prælatus Mula descendat, eadem processio ad Ecclesiam redeat, præbendatis cum choro Musicorum retro manentibus, qui Antiphonam, *Sacerdos, & Pontifex &c.* in ordinario præscriptam concinant, & illa cum reliquis necessarijs pronuntiata, Hymnum, *Te Deum Laudamus* alternatis versibus canentes, eodem processionis ordine ad Ecclesiam regrediantur; In cuius ingressu idem Præsidentis, vt supra ornatus aquę benedictę aspersorium Prælato, qui se, & circumstantes aspergat, illius manum deosculatus offerat; Deinde ad Altare maius similiter ordinati procedant, vbi Prælatus super pauimentum faldistorio coopertum, dum Antiphona in ordinario descripta, cum versibus dicitur, genua flectat; Quibus dictis Prælatus inde surgit, & eisdem Capitularibus comitantibus, Altare maius ascendat, ibiq; omnibus astantibus Episcopalem benedictionem impendat, & inde solemnitate, Cruce, & processione huiusmodi prætermisissis, domum suam, eisdem comitantibus, adeat.

Caput Secundum De loco

CAPITVLARIVM.

§. I.

QVONIAM iuxta constitutiones, & ordinationes, in huius Archiepiscopatus, & Prouintię Ereptione conditas; Quinq; Dignitates, Decanus videlicet, Archidiaconus, Can-

Gg

tor,

*Constitutio Hispalensis fol.
48. & latè consueta Grana-
tensis.*

tor, Scholaſticus, & Theſaurarius: decem quoq; Canonici, ſex etiam integri, ac totidem dimidij Portionarij, eſſe debent. Ideo hæc ſancta Synodus decernit, & mandat; vt hi omnes in Capitularibꝫ ipſorum congregationibꝫ ordine infra ſcripto ſedeant. In primis quidem Decanus, ad ſedis Præſbitero deſtinatę latus dextrum, & penes Decanum Cantor, ac tertio loco Theſaurarius, quinque deinde Canonici, tres poſtea integri, tres denique dimidij Portionarij, vnus poſt alium, iuxta tradita, cuique poſſeſſionis prioritatem, conſideant. Ad ſiniſtrum autem eiꝫ ſedis Archiepiſcopalis latus, primam Archidiaconus, ſecundam Scholaſticus, quinque ſub inde Canonici, ſex demum integri, & dimidij Portionarij ſequentes ſucceſſiue ſedes, ſeruato eiꝫ antiquitatis ordine, teneant.

§. II.

STATVIT præterea eadem ſancta Synodus, vt Dignitates, Canonici, integri, ac dimidij Portionarij prædicti, in quibuſcumq; officiis; tam diuinum cultum, & horarum Canonicarum celebrationem, quàm reliqua, per Capitulares agenda negotia concernentium, diſtributionibus, ac deputationibus, ordine ſuperius deſcripto, iuxta, cuiꝫque antiquitatem, nulla prorsus habita ratione, quò, quiſque chori latere dextro, videlicet, aut ſiniſtro locum teneat, inter ſe præferantur.

§. III.

IN proceſſionibus autem, Præſbiter celebraturus medius inter vtrumque Chorum incedat; Ita vt Decanum quidem dextrorſum, Diaconum vero paratũ ſiniſtrorſum habeat. Quod ſi Decanus ab fuerit, dextrum Diacono, ſiniſtrum vero Archidiacono latus præbeat.

§. IIII.

QVÆ tamen procedere non intelligantur quoties Capitularibus actibus, & proceſſionibus huiꝫmodi Præſbiter interuenerit. Nam iuxta ſupræmæ dignitatis, & poteſtatis eiꝫ exigentiam (Sacroſancto Tridentino diſponente Concilio) primum in Choro proceſſionibus, & quibuſuis alijs actibꝫ, locum, ſeu, quam ipſe capere, & eligere voluerit ſedem, habere debet.

Seſſ. 25. c. 6. verbo Episcopis de reformatione.

Cap. III. De Decano, & eiꝫ PRÆEMINENTIIS.

§. I.

CVIVSVIS Cathedralis Eccleſiæ, huiꝫ Archiepiſcopatus, & Prouinciæ Decanus, Sacro Præſbiteratus ordine inſig-

inignitus existat; Sin minus ad eam dignitatem minimè recipiatur; Quamuis enim in præinserta erectione, hæc à Decano qualitas non requiratur; eadem tamen sancta Synodus Prouincialis Prælatos omnes, vt ibi quando, & quomodo fieri potuerit, sancti Concilij Tridentini exhortationem opere compleant, in primis admonet, omnibusq; sibi ab huiusmodi erectione collatis facultatibus (nulla excepta) fungens declarat. Quod quoties officia, seu ministeria, per Capitulares, tam in choro, quàm ad Altare, ordine in tabula designando, peragenda, aliquibus præbendatis committi contigerit, qui, vel ea acceptare noluerint, vel semel acceptata, suis locis, & tempore, præstare negliger omisserint; tunc Decanus, non solum rebelles, & negligentes mulctare; sed etiam officia, vel ministeria per eos omissa, alijs committere (habita officij, seu ministerij huiusmodi, ac præbendati, cui commissum fuerat, defectusq; & negligentia ratione) possit, ac debeat.

Seß. 24. c. 12. verbo hortatur etiam.

§. II.

IN super ad Decanum, quandiu in ciuitate fuerit, & non, ad aliquem alium Capitularem, eosdem Capitulares ad extraordinarium Capitulum (quod non nisi in grauibz negotijs, quæ ordinarium Capituli diem expectare non possint, fiat, sub iusta, & rationabili pæna) citare, & conuocare pertineat; Quoties autem similia occurrerint, Decanus breuem negotij, seu negotiorum tractandorum rationem sceptrigero, qui eandem Capitularibus exponat, inscriptis tribuat. Quodsi negotia huiusmodi talia fuerint, quæ, vt præfertur, explicari non debeant; tunc Capitulares ad grauiora negotia vocari, dixisse sufficiat. Id quod hæc sancta Synodus ipsius Decani, vel eius, qui, absente eo, Præsidentia munus obierit, prudentiæ committit, iuxta huius sanctæ Synodi Decreta, in Sacrosancti generalis Concilij Tridentini obedientiam, & conformitatem edita.

Constitutio Hispal. fol. 50.

Seß. 25. c. 6.

§. III.

AD eundem similiter Decanum negotia in Capitulo tractanda proponere, spectet. Illo vero negotium quoduis sibi per aliquem ex Capitularibus insinuat, proponere nolente, vel differente, illud ipsum, hac decernente Synodo, quicumq; Capitularis, petita prius à Capitulo licentia, proponere possit, id vero Decano, vel Præsidente huiusmodi impedire conante, datis ibi, sine vlla scandali nota, suffragijs, quod pars Capituli maior deliberauerit, hoc fiat, & obseruetur.

Gg ij

Vt

VT autem, debitus in choro, & actibus Capitularibus or-
do teneatur, sitque semper, qui absente Decano præsideat,
& regat, eadem statuente Synodo, declaratur, vt absente Deca-
no, Archidiaconus : hoc vero deficiente, Cantor : in huius au-
tem absentia, Scholasticus : In cuius defectum, Thesaurarius in
præsentia succedat : Absentibusque Dignitatibus, Canonicus,
vel Præbendatus antiquior vbique præsideat.

§. V.

STATVIT tamen, & ordinat eadem sancta Synodus, vt
nullus ex Capitularib⁹, quantumuis (absente Decano) præ-
sidere valeat, nisi quandiu sede sua eminenti federit, præsen-
tiæ munere fungatur. Declarans nihilominus, hoc statuto, De-
canum, cui iuxta præmissæ erectionis tenorem præsidendi in
choro dignitas, & præminetia competit, non comprehendit
sed ipsum, in quouis chori loco existentem præsidere posse, ex-
tra chorum tamen huiusmodi, quamuis in Ecclesia existat non
præsidere. Decani autem defectus, vel excessus, si quos ille in suo
officio commisserit, per Capitulares plenè congregatos, habita
loci, ac dignitatis eius debita ratione, in Capitulo aduertantur,
& corrigantur. —

Cap. IIII. De Archidiacono.

§. I.



VILIBET, tam Metropolitanæ,
quàm cuiusuis in hac Prouincia consti-
tutæ Cathedralis Ecclesiæ, Archidiacon⁹,
qui, vel in altero iurium, vel in Theolo-
gia saltem Bachalaureus graduatus esse
debet, quæcumque sibi per supra infer-
tam erectionem cōcessa, & declarata sunt,
præstare, & exercere potest. Prælatus
tamen cum potuerit sancti Concilij Tri-
dentini exhortationem opere compleri faciat.

*Seß. 24. c. 12. verb. Archi-
diac. de refor.*

Cap. V. De Cantoris officio,

AC DIGNITATE.

§. I.

CANTOR I vero præterea, quæ in præfata erectione præci-
piuntur, & iniunguntur, cuiuslibet hebdomadæ Tabulam, seu
matriculam, ab omnib⁹ obseruandam præscribere, seu præscribi

Const. Hispalensis fol. 53.

face-

facere, & quæ quibusq; hebdomadæ diebus recitanda, celebranda, seu dicenda sint, animadvertere, tam Dignitatibus, & Canonicis Missas, quàm integris, ac dimidijs Portionarijs Euangelia, Passiones, Epistolas, Lectiones, ac Lamentationes, quàm etiam Capparum gestationem, seruato antiquitatis ordine, & habita officiorum huiusmodi alternatione, committere, per nouam huius sanctæ Synodi declarationem, deinceps incumbat.

§. II.

AD cuius etiam, vel eius locum tenentis, succentoris officium, Introitorum versus, Alleluias, Responsorialia, Antiphonas, Prophetias, ac Cerei Paschalis benedictionem, per præfixum in matricula, seu Tabula huiusmodi distributionis ordinem commendare, Capellanos præterea seruientes, & chori ministros; qui tamen omnes eidem reuerenter obedire tenentur, circa debitam diuino cultui, ad Sacris officijs decentiam, & compositionem, deficientes, aut negligentes corrigere pertineat: Cantori autem in præmissis deficienti, vel excedenti, iustam pro culpe modò attentata eius dignitate, correctionem in Capitulo, vel extra illud Decanus adhibeat. —

Cap. VI. De Scholastici

DIGNITATE.

§. I.

QUAMVIS iuxta præcisam præscriptæ erectionis formam, Scholasticum, vel in altero iurium, vel in artibus Bachalaureum esse sufficiat, hæc tamen sancta Synodus Prouincialis, Sacrosancti Concilij Tridentini, (cui se conformat) dispositionem exacte imposterum præcipit obseruari, eidemque Scholastico in primis iniungit, vt quoties illi à Capitulo commissum fuerit, quascumq; eiusdem Capituli nomine literas, seu Epistolas notet, scribat, easque solito Capitulari sigillo in capsa sub tribus clauibus, quarum vna pènes Decanum, vel eius loco præidentem, altera pènes eundem Scholasticum, ac tertia pènes ipsius Capituli Secretarium existat, seruando sigillet; Quibus eadem sancta Synodus etiam mandat, vt non nisi indubitatas, ac totius, vel maioris, saniorisq; partis Capituli, Fide, ac testimonio probatas literas, ex quibus nullum Prælato, seu Capitulo damnum, vel præiudicium obuenire posse credatur, sigillare præsumant, aut sigillent. Huius autem mandati transgressores debitæ punitionis rigori subiaceant. —

Seß. 23. c. 18. verb. de cetero de reformat.

Ex const. Hispalens. fol. 564

Cap. VII. De Thesau-

RARIO.

§. I.

THESAURARIVS, cui, tam quæ in prædicta erectione, quàm, quæ in huius sanctæ Synodi cæremoniali, & decretis ordinata reperiuntur, incumbunt, ea pariter cum sequentibus obseruet, ac præstet. Pro Candelarum benedictione die Purificationis Beatæ MARIÆ facienda, ceræ quantitatem, ac distributionis formam, à Prælato simul cum Decano, & Capitulo præscribendas teneat. Quæcumque reliquiaria, reliquias, ornamenta, Aurum Argentum, aliaque Ecclesiæ bona, quæ pro tempore empta, restaurata, & constituta fuerint, sub expresso rei cuiusque pondere, valore, dispositione, & qualitate sibi per inuentarium consignanda recipiat. Coadiutores quoq; suos Sacristas idoneam proijs, quæ receperint cautionem, ad eorundem Prælati, & Capituli beneplacitum præstare faciat.

Cap. VIII. De Canonicis.

§. I.



VIVSCVMQVE sub hoc Archiepiscopatu, & Prouincia constitutæ Cathedralis Ecclesiæ, Canonici qualitates in supra memorata erectione præscriptas habeant; Curent tamen diligenter Prælati, vt vbi, & quando cõmodè fieri potuerit, iuxta sancti Concilij Tridentini dispositionem, saltem dimidia eorum pars, vel in Sacra pagina, vel in iure Canonico Doctores, aut Magistri, aut Licenciati existant, Quibus Missas conuentuales, exceptis ijs, quæ ad Dignitates pertinent, secundum Breuiarij, & Missalis, ex eiusdem Concilij Tridentini decreto, editorum formam; Tabellæ quoque desuper ordinandæ ac Cæremonialis, per huiusmodi Sanctam Synodum Prouincialem constituti, ab omnibus, quos illud concernet, respectiue obseruandi dispositionem, & ordinem, dicere incumbat.

Seß. 24. c. 12. verbo hortatur de reformatione.

Cap.

Cap. IX. De integris, ac di-

MIDIIS PORTIONARIIS.

§. I.



INTEGRI, ac dimidij Portionarij qualitatib⁹ in præmissa erectione memoratis ornentur, & iunctis ab eadem munerib⁹ singuli diligenter incumbant. Circa suffragia vero per eos, in quibusuis actibus, & congregationibus Capitularibus ferenda; tam præfata erectionis, quàm literarum executoriarum in contradictorio Iudicio desuper expeditarum ordo, & forma seruetur.

§. II.

QUI omnes, Dignitates, Canonici, integri, ac dimidij Portionarij, Capitulares supra relati præbendas suas, per quotidianas distributiones, iuxta eiusdem erectionis dispositionem, pro parte singulis eorum assignata, tam in fructuum, decimarum redditibus, quàm in anniuersariorum, funerum, & aliorum manualium, & obuentionum emolumentis lucentur.

Cap. X. De Decimarum par-

TIBVS AD PRÆLATVM, CAPITVLVM, FABRICAM, HOSPITALE, ET SERVIENTES

PERTINENTIBVS.

§. I.



AD tollendum omne dubium, litesq; ac dissentiones, quæ in reddituum diuisione, ac distributione oriri possent; hæc sancta Synodus ordinat, declarat, & mandat, vt tam de quarta Prælatum tangente, quàm de alijs partibus, ad Capitulum, fabricam, Hospitale, Regiam Maiestatem, seruientes, & officiales spectanti-

bus, id omnino fiat; Quod præfata erectionis ordinationes, & statuta disponunt. Quæ fundamentalis quidem, & quasi primaria lex esse debet, qua omnes, & singulæ huius Archiepiscopatus, & Prouinciæ Cathedrales Ecclesiæ, absque vllius rei defectu, vel excessu, regantur, & guuernentur.

Cap.

Cap. XI. De forma in admit-

TENDIS AD POSSESSIONEM PRÆBENDA-

TIS HABENDA.

*Seß. 24. c. 12. de reform.
& motus Pij III.*



§. I.

VANDO aliquis (Dignitas, Canonicus, vel Portionarius, qui Regiæ Maiestatis præsentationem, & Ordinarij collationem, ac factæ, per eum iuxta sancti Concilij Tridentini formam, Fidei professionis certificationem habeat) nouiter admittendus acceferit. Decanus si in ciuitate fuerit, sin minus Chori Præsidentis ad tradendum persone, sic accedenti, eius, quam petit præbendæ possessionem, Capitulares ad Capitulum per diem ante vocari, præcipiat.

§. II.

Ex consuetudine Granatens.

DEINDE Capitulares omnes, per eorum sceptrigerum (qui qualiter eos, qui in ciuitate fuerunt, vocauerit, Fidem faciat) conuocati, & in Capitulo, pro ut de vsu, & consuetudine habent, congregati, Præbendandum huiusmodi ad locum Capituli ingredi iubeant; qui stans in medio Aulæ Capitularis, nudo Capite omnibus interim Dominis Capitularibus sedentibus, & coopertis capitibus, hæc, vel similia verba proferat.

§. III.

REGIA Maiestas me ad talem præbendam, huius sanctæ Ecclesiæ, per promotionem, aut obitum talis N. vltimi illius possessoris vacantem, digna est præsentare, cuius collationem, seu Canonicam institutionem mihi Illustrissimus Dominus N. vel eius Vicarius fecit. Dominationi vestræ supplico, vt me ad illius possessionem admittat, nam quantum in me fuerit, huic sanctæ Ecclesiæ, & in ea Dominationi vestræ seruire curabo.

§. IIII.

HÆC loquutus, Iurium suorum literas, & documenta penes Secretarium Capituli præsentet, ac locum Capitularum egrediatur. Capitulares vero postquam præsentationem, institutionem, seu collationem, reliquasq; literas, & documenta huiusmodi; (præiudicia de super opportuna consultatione) viderint, & examinauerint, an tradenda sit illi possessio, necne, solita suffragia ferant, ac de possessionis traditione, deliberato, duo

duo Commissarij, Dignitas (videlicet) & Canonicus nominentur, per quos ipse accedens, à Secretario Capituli admonendus; superpellicio, & iuxta temporis infra dicendi exigentiam Capa chori indutum, ad capiendum sedis suę possessionem in chorum deducatur, qua ibi capta, ad capitulum reducat, similem in eo Fidei professionem sub iuramento facturum, quam coram Prælato, vel eius Vicario fecerit, cum Canonicam eius præbendæ institutionem, sibi ab eo fieri obtinuit. Ac pro inde coram Decano, vel in eius locum præsidente, flexis genib^{us}, manibusq; super Missali positis, constituatur, & iuxta sancti Concilij Tridentini dispositionem, ac Motus proprii sælicis recordationis Pij Papæ Quarti tenorem iuret, & profiteatur, in forma sequentia

*Sess. 24. c. 12. & Motus
Propius Pij III.*

EG O. N. firma Fide credo, & profiteor omnia, & singula, quæ continentur in Symbolo Fidei, quo sancta Romana Ecclesia utitur, videlicet: C R E D O in vnum D E V M, Patrem Omnipotentem, Factorem Cœli, & terræ, visibilium omnium, & invisibilium; & in vnicum D O M I N V M I E S V C H R I S T V M Filium Dei vnigenitum, & ex Patre natum ante omnia sæcula: Deum de Deo, Lumen de Lumine, Deum verum de Deo vero; Genitum non factum, consubstantialem Patri, per quem omnia facta sunt. Qui propter nos homines, & propter nostram salutem descendit de Cœlis. Et incarnatus est de Spiritu sancto ex M A R I A Virgine: Et homo factus est: Crucifixus etiam pro nobis: sub Pontio Pilato passus, & sepultus est. Et resurrexit tertia die, secundum Scripturas. Et ascendit in Cœlum: Sedet ad dexteram Patris. Et iterum venturus est cum gloria iudicare viuos, & mortuos. Et in Spiritum sanctum, Dominum, & Viuificantem: Qui ex Patre, Filioque procedit. Qui cum Patre, & Filio simul adoratur, & conglorificatur: qui locutus est per Prophetas. Et vnā sanctā Catholicā, & Apostolicā Ecclesiā. Confiteor vnum Baptisma in remissionem peccatorum. Et expecto resurrectionem mortuorum. Et vitam venturi sæculi. Amen.

¶ Apostolicas, & Ecclesiasticas traditiones, reliquasque eiusdem Ecclesiæ obseruationes, & constitutiones firmissimè admitto, & amplector.

¶ Item, Sacram Scripturam, iuxta consensum, quem tenuit, & tenet sancta Mater Ecclesia, cuius est iudicare de vero sensu, & interpretatione Sacrarum Scripturarum, admitto. Nec eam vnquam, nisi iuxta vnanimem cōsensum Patrum accipiam, & interpretabor. Profiteor quoq; septem esse verè, & propriè

Hh

Sa-

Sacramenta nouæ legis à I E S V C H R I S T O Domino nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam vñctionem. Ordinem, & Matrimonium. Illaq; gratiam conferre; & ex his Baptismum, Confirmationem, & Ordinem sine sacrilegio reiterari nō posse. ¶ Receptos quoque, & approbatos Ecclesiæ Catholicæ ritus, & in supra dictorum Sacramentorum solemnī administratione, recipio, & admitto.

¶ Omnia, & singula, quæ de peccato originali, & de iustificatione, in Sacrosancta Synodo Tridentina definita, & declarata fuerunt, amplector, & recipio.

¶ Profiteor pariter in Missa offerri Deo verum proprium, & propitiatorium Sacrificium prouius, & defunctis; atque in sanctissimo Eucharistiæ Sacramento esse verè, realiter, & substantialiter Corpus, & sanguinem, vna cum humanitate, & diuinitate Domini nostri I E S V Christi; atq; conuersionem totius substantiæ vini, in sanguinem; quam conuersionem Catholica Ecclesia transubstantiationem appellat. Fateor enim subaltera tantum specie totum, atq; integrum C H R I S T V M, verumq; Sacramentum sumi.

¶ Constanter teneo Purgatorium esse, animasque ibi deſſentis fidelium suffragijs iuuari. Similiter, & sanctos vna cum C H R I S T O regnantes venerandos, atque inuocandos esse; eosque Orationes Deo pro nobis offerre; atq; eorum reliquias esse venerandas, firmiter assero. Imagines C R I S T I, ac Deiparæ semper Virginis necnon aliorum sanctorum habendas, & retinendas esse; ac eis debitum honorem, & venerationem impartendam. Indulgentiarum etiam potestatem à C H R I S T O in Ecclesia relictam fuisse; illarumq; vsum Christiano populo maximè salutarem esse, affirmo. Sanctam Catholicam, & Apostolicam Romanam Ecclesiam, omnium Ecclesiarum Matrem, & Magistram agnosco. Romanoq; Pontifici Beati Petri Apostolorum Principis, successorī, ac I E S V Christi Vicario, veram obedientiam spondeo, a ~~ſ~~ iuro cætera.

Cætera

¶ Item, omnia à Sacris Canonibus, & OEcumenicis Concilijs, & præcipuè à Sacrosancta Tridentina Synodo tradita, definita, & declarata, indubitantur recipio, atq; profiteor. Simulq; contraria omnia, atque hæreses quascumque ab Ecclesia damnatas, & reiectas, & Anathematizatas, ego pariter damno, reijcio, & Anathematizo.

¶ Hanc veram Catholicam Fidem, extra quam nemo saluus

luus esse potest, quam in presenti sponte profiteor, & veraciter teneo, eandem integram, & immaculatam, vsque ad extremum vitæ spiritum constantissimè, Deo adiuuante, retinere, & confiteri, atq; à meis subditis, seu illis, quorum cura ad me in meo munere spectabit, teneri, doceri, & predicari, quantum in me erit, curaturum. Ego idem N. spondeo, voueo, ac iuro sic me Deus adiuuet, & hæc sancta Dei Euangelia.

§. VI.

QVI præterea Præbendatus, ad præbendæ huiusmodi possessionem admissus, singulari se iure iurando astringere teneatur, in forma sequenti.

EGO. N. huius almæ Ecclesiæ iuro per hæc sancta Dei Euangelia, quod ab hac hora in antea obediens ero omnibus constitutionibus, statutis, & consuetudinibus laudabilibus prædictæ sanctæ Ecclesiæ; easque in omnibus, & per omnia obseruabo. Contra eas, & iura dictæ Ecclesiæ directè, vel indirectè scienter non me opponam. Iuramenta, & secreta Capituli nemini pandam. Veram obedientiam, & reuerentiam, iure debitam Illustrissimo, & Reuerendissimo Domino huius sanctæ Ecclesiæ Præsuli, & exhibebo. Honorem, & vtilitatem dictæ Ecclesiæ, in omnibus, & per omnia, procurabo. Conspirationes, Monipodia, & Conuenticula, tum contra Reuerendissimum Dominum Antistitem existentem, & futuros successores eius Canonicè intrantes, tum contra Capitulares, & Beneficiatos fratres meos, & eorum aliquem non procurabo, & quod in assecutione huius præbendæ non interuenit fraus, dolus, aut illicita pactio, vel Simonia labes directè, vel indirectè. Sic me Deus adiuuet, & hæc sancta Dei Euangelia.

§. VII.

HIS per actis, Ambo Domini Capitulares commissarij, vt præfertur nominandi. Si Præbendatum huiusmodi ad Chorum non deduxerant, deducant, eundemque in ipsa Dignitatis, Canonicatus, vel Portionis, in qua succeferit, sede insignum possessionis collocent, ibique in libro legere, seruatisque omnibus solemnitatibus necessarijs, & opportunis faciant. Quem deinde ad idem Capitulum redeuntem similiter comitentur, & in Capitulari sede illi debita, constituent. Ipsumque deniq; Capitulares omnes insignum fraternitatis, ad amplexum, & pacis osculum, accipiant, eique de omnibus, & singulis fructibus, redditibus, prouentibus, & emolumentis ad eam præbendam pertinentibus, integrè respondere mandent, & publicum depræmissis omnibus instrumentum petenti confici, ac dari, decernant. —

Cap. XII. De modo ad hoc,

VT PRÆBENDATI NOVITER RECEPTI SCIANT

CÆREMONIAS, SERVANDO.

§. I.

Const. Hispal. c. 11. fol. 78.

QUOD EXPEDIT plurimum, vt Præbendati in ijs maxime, quæ sibi circa diuini cultus ministerium, & Præbendarum suarum seruitium agenda sunt, optime instructi existant. Id circo eadem Synodo statuente, decernitur, & ordinatur, vt quilibet Præbendatus, cum primum receptus fuerit, non solum ordinum suorum Cæremonias in Missali ex Decreto sancti Concilij Tridentini edito, præscriptas, sed eas, quæ officij diuini recitationem, Chori quoq; Cantum, & ordinem concernunt; frequenti horum statutorum, & Cæremonialis nostri lectione, addiscat, & Calleat. Ad quod etiam per Cæremoniarum Magistrum (ex huius sanctæ Synodi Provincialis simili Decreto deputandum) in titulo de celebratione Missarum examinetur. Nec prius in eis, ac debito Præbendæ suæ officio sufficienter instructus esse credatur, quàm eiusdem Cæremoniarum Magistri fide, ac testimonio probetur. Quod si sex Mensibus, à die captæ per eum possessionis, elapsis; Cæremonias, ac debitum præbendæ suæ ministerium ignorauerit, & negligens, in addiscendo fuerit, ad id à Prælato, cuius in hoc conscientia oneratur, per rigorem opportunum, vsque ad beneficij suspensionem, & fructuum priuationem, compelli possit; & debeat. —

Cap. XIII. De ijs, quæ Præ-

BENDATI, ET ALII MINISTRI IN DIVINI CVL-

TVS MINISTERIO, AC BENEFICIORVM, OF-

FICIORVMQVE SVORVM EXERCI-

TIO AGERE DEBENT.

§. I.

Circa officium in Choro exercendum pie sanxit Concil. Milan. 5. tit. quæ ad diuina officia pertinent.

QUONIAM opportunus Præbendarum, & Beneficiorum, in Cathedralibus, ac Parrochialibus Ecclesijs existentium vsus in eo consistit; vt præbendati, ac beneficiati huiusmodi; iuxta Breuiarij, Missalisque Romani dispositionem, Sacras Cæremonias cum decencia, honestate, ornatu, ea quæ Dei Ministros decet conformitate obseruent, ac teneant: statuit propterea, & præcipit, hæc san-

sancta Synodus, vt omnes huius Archiepiscopatus, & Prouincia: Prælati, Cathedraliumque, & Parrochialium Ecclesiarum Capitula, Parochi, Vicarij Beneficiati, & ministri, quacumque adhunc finem, in Cæremoniali, ac præsentibus statutis ex eiusdem sanctæ Synodi Prouincialis Decreto editis, ordinata statuta, & decreta sunt, subpensis in eis contentis, inuiolabiliter custodiant, & exequantur.

Cap. XIII. Qualiter omnes Cathedralium Ecclesiarum Præbendati certis anni temporibus, Cappas Chori gestare debent.

§. I.



VM in Cathedralibus Hispaniæ Ecclesijs per sanctas constitutiones, receptum, & obseruatum reperiatur, vt omnes illarum Præbendati, certis anni diebus superpellicijs induti Cappas nigri coloris ad Chorum destinatas super induantur, idemque in hoc Archiepiscopatu, & Prouincia laudabili semper consuetudine inualuerit, & quæ in Metropolitanis, præcipuisq; regnorum Castellæ Ecclesijs vsu, & obseruantia vigent; maximè deceat in his etiam partibus immutabili constitutione seruari. Id circò hæc sancta Synodus omnib; & singulis Præbendatis huiusmodi ordinat, ac præcipit, vt ad horas Canonicas, Missas, processiones, diuinum officium, & quotiescumq; præuia sublimi Cruce Capitulariter processerint, superpellicijs ornati prædictas Chori Cappas gestare teneantur, diebus, nimirum, & forma sequentibus:

§. II.

IN primis, ad vespervas cômémorationis defunctorum, Capitulares omnes Christiana (quæ ipsos decet) maiestate, atque modestia compositi, processionis ordine Chorum exeuntes, præcedente eorum sceptrigero ad Sacristiam, vt ibi sua quisque Cappa induatur, accedant; ac deinde Cappis huiusmodi induti, simili processionis ordine ad Chorum redeant; in eoque vespervas defunctorum exordiantur, à quo die vsque ad Sabbatum sanctum exclusiue eisdem Cappis vtantur, præterquam ad primas vespervas, & per totum diem, cuiuslibet infra-scriptarum festiuitatum, eo tempore, occurrentium, quæ sunt,

Hh iij

Na-

Const. Hisp. cõst. 12. fol. 80.

Sanctiago c. 3.

Consuetu de Granata.

Concil. Limens. 2. anni

1567. c. 63. fol. 16. 2^a pag.

De origine, & fundamēto harum Capparum quæ vulgo vocatur (capa de choro) loquitur Ioannes Trullo in regul. Canonicor. regul. lib. 1. c. 12. n. 6. & 7.

§. III.

NATIVITAS Domini incipiendo, ab eius Vigilia cum duobus sequentibus diebus, sanctorum Stephani Prothomartyris, & Ioannis Euangelistæ.

CIRCVNCISIO

Epiphania DOMINI.

Purificatio

Assumptio

Conceptio

Præsentatio

Expectatio partus.

BEATÆ MARIÆ.

Festa sanctorum Apostolorum.

Andræ.

Thomæ.

Mathiæ.

Translatio Corporis S. Iacobi Apost. Patroni Hispaniarum.

Festum S. Iosephi Patroni nouæ Hispaniæ, cum die Octaua.

Festum sancti Thomæ Aquinatis.

Dominica Palmarum ad processionem tantum.

§. III.

CAPPÆ vero per Præbendatos, vt præfertur gestandæ, ex laneo stamine subtili, quod vulgo *Anascote*, seu *Burato*, dicitur, aut quauis alia non inhonesta tela nigri coloris efficiantur, prætermisissis curiositatibus, fulcimentis *Aforros*, nuncupatis, præterquam in Cucullo, & oris anterioribus (quæ, vt moris est) aut Raso aut Bombycino serico fulsiri possint, quib⁹ etiam cauda honestæ longitudinis accedat, quæ nisi in processionibus, comitatib⁹, & actibus publicis, in quib⁹ demitti, & extendi solet, plicata semper feratur. Capitularis autem, qui præsignatis dieb⁹ in assistentia diuini officij Cappa huiusmodi vsus non fuerit, processionis, & actus, in quo sic defecerit, emolumenta, & fructuum distributionem, quam aliàs lucraturus erat, amittat, ac si contumacia creuerit, mulctatio quoque conuenienter crescat, super quò Præsidentis in Choro conscientia oneratur.

Cap. XV. De respectu, &

OBEDIENTIA DEBITA PRÆSENTI,
AC DE EIVS OFFICIO.

§. I.

*Ex consuetâ Granatensi
c. 27. & 28.*

SI dùm diuina peraguntur officia Præsidenti, cui in rebus tunc occurrentibus necessaria, & opportuna prouidere incumbit, debita non deferatur obedientia, omnis proculdubio celebrat.

lebrationis ordo, non sine magno Christiani populi scandalo confundetur. Quapropter hæc sancta Synodus statuit, & mandat, vt omnes Beneficiati, Capellani, Cantores, & Chori ministri cuiusuis status, aut conditionis existant. Præsidenti in his, quæ circa diuina officia mandauerit, absque vlla prorsus excusatione, aut repugnantia pareant. Siquis autem (quod absit) verbo, aut alio quouis modo, Præsidenti non obtemperauerit, arbitrio Capituli, habita inobedientiæ, & scandali ratione, ab eodem Præsidente mulctetur, cui tamen eadem sancta Synodus in primis iniungit, vt quæcumque agenda sint, modestis, & ab iniuria alienis verbis maturè discernat, atq; præcipiat, quodsi hac in parte idem Præsidens nimis excesserit, res ad Prælatum (vt de opportuna emendatione, ac remedio provideat) deferatur.

§. II.

P Ræsicens matutino tempore, priusquam ad primam pulsari finiatur, ad Ecclesiam veniat, eiusq; munditiam, tum in Altaribus, tum in Choro, qui quotidie verri, ac æstiuo tempore etiam rigari debet, tum quoq; in sedib⁹, per eiusdem Chori pueros in Tabula designandos, etiam quotidie, tergendis diligenter inspiciat. Deinde Chorum primus omnium ingressus, antequam incipiantur officia, ad aliorum exemplum, iuxta sedem suam genua flectat, & Punctatorem ad primam Chori sedem genib⁹ flexum existere, ac omnes cum silentio intrare, genua flectere, ac supra scriptis Cæremonijs vti, procuret; Galerum, aut ligneos calceos, aut quemuis alium indecentem habitum gerentes Choro prohibeat, neminem nisi superpellicio indutum, aut Chorum ingredi, aut inter Chorum, & Altare maius, dum diuina officia celebrantur, transire permittat; & in vniuersum suum, quemq; munus, & officium, tam in Choro, quàm in Ecclesia, quàm etiam vbicumq; Capitulum conuenerit, præstare, pro vt æquum est, faciat. Silentium deniq; à quo decens, vel indecens Chori ministratio pendet, ab omnibus seruare, loquentes monendo, ac in ipso rationum tempore horarum emolumenta ijs, quos propter defectus huiusmodi mulctauerit, deduci videndo super omnia intendat. Ac proinde suam quemq; tenere sedem, verita vnus loci in alium migratione, præcipiat, ita vt quantum Chori capacitas permiserit, singulis Beneficiatis singulæ sedes, hinc inde vacent, quò silentij fiat obseruatio facilior, & Chori plenitudo maior appareat. Quemcumq; ab alio discedere, vt pote colloquentem, aut alia ex causa iusserit, eundem nō ob temperantem vni⁹ horæ mulctet emolumētis. Ad Hymnum: *Te Deum Laudamus* Psallentes Choro contineat, nè ipsum solum
ibi

ibi manere contingat. Duo quoq; Scamna tapetibus strata, pro Sacris concionib⁹ audiendis. Antequam incipiat Prima, vnum vero simili tapete ornatum ante horam vesperarum, quoties in eis futuri sunt Cappigeri, afferri, & opportuno tempore apponi faciat. Patentes Ecclesiæ fontes, singulis diebus Dominicis mundari, & aquam benedictam (quæ eisdem singulis Dominicis diebus benedicatur) semper continere provideat, ac suis omnes officijs quando, & quomodo oportet incumbere, accuratè præcipiat. Egrediendi denique Chorum ijs dumtaxat, qui iuxta præscriptæ erectionis, tenorem vrgenti aliqua necessitate laborauerint, licentiam concedat.

Cap. XVI. De ijs, quæ Cæ-

REMONIARVM MAGISTER ERGA INGRE-
DIENTES CHORVM PRÆSTARE
TENETVR.



Ex Ecclesia Compostelana
à c. 17. vsq; ad c. 22.

¶ I. Cereemoniarum Magistro, personis, tam secularibus, quàm aliarum Cathedralium Ecclesiarum Capitularibus, quibus ex sanctæ huius Synodi permissione Chorum ingredi licet, obuiam exire, easq; ad locum vbi sessuræ sint, qua decet modestia, vrbinitate, ac reuerentia comitari, & in earum sedib⁹ collocare, incumbat. Difficultatem vero seu dubitationem, (si qua in hoc rerum genere orta fuerit) idem Cereemoniarum Magister cum Prælato, & in eius absentia cum Præsidente pro tempore existenti conferat, vt quid potissimum agendum sit decernatur, decretumque Magister huiusmodi sine aliquo defectu perficiat.

¶ II.

QVI tamen, si vel in loci assignatione, vel in cuiusvis alterius rei executione arbitrio suo quidvis aliud egerit, vel in aliquo defecerit, eiusdem Præsidentis Iudicio mulctetur. Cum autem nisi Cereemoniarum Magistro, in eius officio ab omnibus pareatur, conuenientem diuini cultus ordinem confundi oporteat; Id circo hæc sancta Synodus, quoscumque huius, & aliarum Cathedralium Ecclesiarum nouæ Hispaniæ Prælatos, nunc, & pro tempore existentes hortatur in Domino, vt quotiescumq; per Cereemoniarum Magistrum de aliqua Cereemonia, vel laudabili consuetudine seruari debita, admoniti fuerint, eundem benignè suscipiant, ac eius animaduersionem opere

exe-

exequantur, vt & ipsi suis decenter officijs respondeant, & suo alios exemplo ad obediendum eidem Cereemoniarum magistro moueant. Reliquis autem omnibus Beneficiatis, Capellanis, & ministris Ecclesiasticis iniungit, ac precipit, vt ipsum Cereemoniarum magistrum in eius officio venerentur, eique morem gerant; Qui ex supradictis contrafecerint, primo vnus horæ, secundo integri diei, ac tertio vnus hebdomadæ emolumentis mulctentur. —

Cap. XVII. De ordine per CAPITVLVM CAPITVLARITER EGREDIENS SERVANDO.

§. I.



VANDO Prælati, & Capitulum aliquam Ecclesiam, vel Monasterium, vel Eremitorium processions ordine adiuerint, solemniter exire, & procedere, ac diuinis officijs ordine, atque silentio seruatis assistere debeant, vt, & Sacrorum rituum, quib⁹ vtuntur decentiæ satisfaciant, & quo magis totius populi oculis exponuntur, eò maiora Ecclesiastica honestatis documenta perhibeant; Proinde hac sancta Synodo decernente statuitur, & ordinatur, vt quoties Capitulares ab Ecclesia processions ordine, siue voti, siue funeris gratia, quomodolibet exierint; superpellicijs ornati, ac pro temporis, per hæc statuta superius designati exigentia, Cappis etiam super induti, Capellanis similiter, & ministris superpellicia gerentibus, incedant. Quodsi celebrandi alibi causa, Capitularis processio fiat; pretioribus ornamentis ex conueniente eidem festiuitati colore, Præbiter quidem alba, & pluuiali indutus, solitoque birreto contextus, vsq; ad celebrationis huiusmodi locum, vbi planetam accipiat; ministri verò albis, almathicisq; præparati procedant. Si vero post meridiem huiusmodi processions ordo sit futurus, Præbiter, ac ministri præscripta forma decorati progrediantur. Cantores quoque, ac Tibicines semper, vt solent (nisi aliud processio postulauerit) Inter sint. Omnes autem ordine suo euntes, ac diuinis officijs assistentes, & debitis Ceremonijs, & opportuno silentio vtantur: Qui vero, vel cum collateralibus colloquutus fuerit, vel nutibus, ac signis lu-

Ex Eccles. Compostel. c.
28.

ferit, aut aliàs quomodolibet contra præmissa fecerit, Præsidentis arbitrio mulctetur.

§. II.

ET quoniam ratio postulat, vt Capitulum competentem locum, ac sedem habeat, vbi Diuinis officijs assistere possit, eadem sancta Synodus Cæremoniarum magistro, decentem huiusmodi locum præuidendi; ac maiori Sacristæ, vt Scamna, & tapeta, vbi Capitulum ordine suo sedeat, & diuinis officijs intersit. (Ita vt neque in his, neque in alijs sedibus, die Corporis Christi, & illius octauis apponi solitis, aliquæ seculares, vel etiam Ecclesiasticæ personæ sedere præsumant,) defferri faciat, præciendi curam, in primis iniungit. —

Cap. XVIII. De Magistro

CAPELLÆ OFFICIO, ET CANTORIBVS.

§. I.

*Ex Eccles. Compostel. a
24. & ex consuetu Gra.
natenf. c. 31.*

EXPERIENTIA quotidiana satis constat, quantum oporteat Chori ministros, & Cantores à Capellæ Magistro sufficienter instrui, & quæ quoq; die cantu figurato canenda sint, ordinato ad id facistorio præuideri, vt diuinorum officiorum solemnitas digno semper honore celebretur. Quapropter necesse est; vt idem Capellæ Magister, tam præmissis, quàm alijs infra scriptis ad eius officium ex huius sanctæ Synodi decreto spectantibus, operam suam diligenter impendat. —

§. II.

IN primis, vt singulis non feriatis diebus statim post primam, quousque pulsari sinatur ad Missam; in loco intra Ecclesiam ad id specialiter designando, Scholam ad omnes, tam Beneficiatos, quàm reliquos Cantores, & Ecclesiæ ministros, atq; seruientes eò accesos in cantu figurato, & contrapuncto docendum, & instruendum, tempore quo alia cantus firmi lectio per succentorem habenda non impediatur, habere debeat. Quoties autem, nisi ex causa infirmitatis, vel absentia à ciuitate de Prælatis, & Capituli licentia facta defecerit, iuxta culpæ modum Præsidentis arbitrio mulctetur. Quandiu vero abfuerit, vel egrotauerit: aliquem ex Cantoribus iudicio Præsidentis magis idoneum, qui in ei⁹ locum præfatæ lectioni sine defectu præsit, substituat. Cui etiam eadem sancta Synodus iniungit, vt quæ dieb⁹ festiuis præcipuè solemnioribus, ac maioris hebdomadæ officijs

cijſ, Natiuitatis quoq; Domini die, ad matutinum figurato cantu celebrandis, canenda ſunt opportunè à Cantoribus præuideri maximè curet; Nec dum officium in Choro peragitur, defectus aliquis præſentis populi aures offendant. Quodſi, ob huius diligentia omiſſionem, notabilis Cantus diſſonantia in Choro contigerit, idem Capellæ Magiſter, eius horæ, in qua ſic defecerit, ſalario mulctetur. Quia vero ad eundem Capellæ Magiſtrum ſpectat, Miſſas, ac reliqua figurato Cantu huiusmodi decantanda eligere, ac deſignare; Ita, vt illa, & non alia cantari debeant; eidem propterea iniungitur, vt quemadmodum quæ ipſe compoſuerit cantari, prout æquum eſt, faciet: ſic etiam quæ ab alijs inſignib⁹ muſicis compoſita repererit, ſimiliter cani faciat. Cum in hac celebri Eccleſia, ad quam vndecumque concurritur, omne muſicorum genus, à diuerſis auctoriſus adinuentum cantari deceat, quò Cantores in cuiusuis generis muſica exercitentur, atque adeò aſueſcant, & peritiores euadant.

§. III.

OPORTET etiam, vt à Cantoribus, Tibicinib⁹, & Chori miniſtris, eidem Capellæ Magiſtro in eius officia reuerenter pareatur, & ideo eadem ſancta Synodus præcipit, & mandat, vt quod idem Capellæ Magiſter Cantoribus, & Chori miniſtris decantandum, Tibicinibus vero, & Organistæ ſonandum commiſſerit, ac quibuſlibet illorum quidpiam, vel ad Chori faciſtorium dicere, vel ſuper cantu firmo contrapunctum facere, vel ad Organi ſonitum concinere; vel denique, in reliquis ad eiſdem magiſtri officium pertinentibus iniunxerit, id ipſum ab omnibus, & ſingulis ſupradictis, ſine aliqua excuſatione aut mora perficiatur. Qui vero eiſdem Magiſtri commiſſa, & iniuncta huiusmodi non egerit, Præſidentis arbitrio mulctetur.

§. IIII.

PRæcipit ſimiliter eadem ſancta Synodus, vt ſingulis Dominicis, & alijs obſeruari ſolitis feſtiuiſ diebus, in quib⁹ ad Organi ſonitum Canendum fuerit, idem Capellæ Magiſter, & Cantores initio Tertie, & veſperarum, videlicet ad Deus in Adiutorium meum &c. Chorum ingrediantur, vt tam ad Antiphonam Aſperges, quàm ad Pſalmodiam, quàm etiam ad contrapunctum ſuper eiſdem Pſalmis intonandum prompti, & parati exiſtant. Quodſi, vel Capellæ Magiſter, vel Cantores huiusmodi prædicto tempore ingreſſi non fuerint, attento paruo eorum ſalario, moderatè mulctentur.

§. V.

VT autem Cantores dexterioreſ euadant, ordinat eadem

sancta Synodus, vt ij (quos Capellę Magister instructione agere dixerit, lectioni musicę de qua superius fit mentio, interesse teneantur) qui vero ex supradictis lectioni huiusmodi, nisi ob aduersam valetudinem, vel absentiam, ab hac ciuitate delegitima licentia factam, defuerit, Pręsidentis arbitrio etiam moderatę mulctetur.

§. VI.

ET quoniam sæpe contingit, vnico absente cantore, Chorum musicorum imperfectum manere, ac pro inde decentem solemnitatibus ornatum, & splendorem desiderari. Et experientia docet, ex aliquorum Prębendorum, (qui etiam Cantores sunt) absentia, notabiles interuenisse defectus. Id circo sancta hæc Mexicana Synodus decernit, & mandat, vt nulli Prębendato Cantoris munus habenti, vel ad vespervas, vel per totum, cuiuslibet festiuitatis musicam requirentis diem capere requiem liceat; sed Prębendati huiusmodi, qui Cantorum salario fruuntur, ea ipsa, ad quę alij Cantores nõ Prębendati tenerentur, nisi hebdomadarij fuerint; ac propterea, in aliquo eius hebdomadæ ministerio occupati existant, seruare similiter debeant. Qui autem contra hanc ordinationem fuerint, multę subiaceant.

§. VII.

IN super, idem Magister, & Cantores, in omnibus Dominicis Paschaliū festiuitatum diebus, ad primas, & secundas vespervas Domini Sabaoth, in reliquis etiam Dominicis, & Beata M A R I Æ festiuitatibus obseruare solitis, ad primas vespervas, Primum, tertium, & quintum Psalmum; ad matutinum vero Canticum Benedictus, alternis cum Organo versibus, ea musicę differentia, quę fabordon dicitur; Hymnum tamen, & Canticum Magnificat, tam ad easdem primas, quàm ad secundas vespervas, totam quoq; Missam, non solum in præmissis festiuitatibus, sed etiam in alijs duplicibus maioribus similiter obseruari solitis, Cantu figurato Canere teneantur.

§. VIII.

PRÆTEREA, à prima die Sabbati Quadragesimali, vsq; ad feriam tertiam maioris hebdomadæ inclusiue Antiphonam Salve Regina, & tam in Natiuitatis, & Epiphanię Dñi diebus, quàm in Assumptionis, ac Natiuitatis Beata M A R I Æ, & alijs pro tempore nominandis festiuitatibus Cantilenas rithmicas, deuotas quidem, & honestas, ac per Pręlatum approbatas; atque in Dominica Palmarum Passionem Domini, & in maiori hebdomada primas ad matutinum Lamentationes aliaq; officia, eisdem in Tabulla commitenda cantare debeant.

STATVTORVM.



PARS SECVNDA.

Cap. I. De Capitulis in Ecclesia habendis, illorumque tempore, et assistentiæ modo.

§. I.



VOBVS cuiuslibet hebdomadę diebus, per Ecclesiarum huius Archiepiscopatus, & Prouincię erectionem designatis, Capitulares ad Capitulum cōgregari debent; Quicumque videlicet tertia feria, vt de temporalibus ad mensę Capitularis, & fabricę bona spectantib' negotijs agant; Qualibet quoq; sexta feria, vt de spiritualibus rebus, ad diuini cultus reformationem pertinentibus differant. Ad illud vero, non nisi post horarum Canoniarum officium nempe post primam, quousque tertia, vel sexta dicenda sit, vel post Missę maioris celebrationem accedant. Ita vt tam ad Præbendarum, Beneficiorumque suorum obligationem, & scopum (qui diuinus est cultus) quàm ad congregationis Capitulares, quæ, vel præscripto, vel vespertino, post horarum recitationem tempore haberi possunt, potius attendant.

§. II.

CVM primum locum Capituli ingressi fuerint, ad Sacram ibi propositam imaginem singuli preces fundant, ac seruatō antiquitatis ordine, suo quisque loco sedeant, post hæc Præsidentens se signo sanctę Crucis signet, ac intelligibili voce dicat. Sancti Spiritus ad sit nobis gratia &c. & Adiutorium nostrum &c. & Orationem sancti Spiritus Domine, &c. & Actiones nostras &c.

Ex Ecclesia Compostelana c. 95. 96. 97. 98. & 99.

Cōsuetas Granatens. c. 60. tit. del Cauillo.

Concil. Milan. 3. tit. de his quæ ad Capitulum pertinent.

Cōcil. Compost. act. 2. D. 7. & Concil. Toler. act. 3. c. 12.

Statutum Ecclesię Compostel. c. 93. & Lincens. 2. c. 74. Milan. 1. p. 2. tit. de his, qui dignitates, personatus, aut Canonatus habent, verb. Canonici.

Inuat Concil. Milan. 3. tit. de his, quæ ad Capitulum pertinent.

§. III.

*Concil. Compostel. act. 3.
c. 35. Statutum Compostel.
lanum c. 99.*

SEXTIS Ferijs, de Competenti Altaris, & Chori ministerio, vt defectus (siqui fuerint) emendentur, & in futurum caueantur, ac inobedientes pro culpæ modo mulctentur, potissimum agant. Ita vt Præsident ad docentiam, honestatem, silentium, attentionem, ac deuotionem, & id genus, alia Deo ministrantibus necessaria Capitulares publicè adhortetur, ipsosq; ijs præcipuè virtutibus incumbere, quib⁹ Chori decentiæ, & iniuncto sibi muneri satisfaciant, vt hoc laudabili exemplo reliqui Ecclesiæ ministri, ad similem diuini cultus obseruantiam excitentur, idemtidem moneat; & si op⁹ fuerit succentorem, punctatorem, Cæremoniarum Magistrum, ac cæteros officiales vocari faciat, animaduertat, & corrigat, quatenus Dei optimi maximi obsequio, eiusque cultus fœlicioribus augmentis incumbant. —

§. IIII.

TERTIIS vero ferijs, de temporalibus, tam mensæ Capitularis bona, quàm quæuis alia negotia concernentibus rebus deliberent: Ita, vt non nisi Præsident, aut de illius, & Capituli licentia quiujs, Capitularibus omnibus interea tacentibus, & attentè auscultantibus, occurrentia negotia proponat.

§. V.

HIC vero in suffragijs ferendis seruetur modus, vt prius res proposita, ab omnibus, non solum benè audiatur, sed etiam si ardua fuerit, per conuenientem sine clamoribus colloctionem discutiatur, & percipiatur; Ac si adhuc talis fuerit, quæ maturiori consultatione indigeat, de maioris partis, eiusdem Capituli sententia, ad alium diem differatur; sin minus illicò resoluator. Tuncque ante omnes Præsident breui, ac compendioso loquendi modo, (quo etiam reliqui vtantur) suffragium ferat; deinde singuli, seruato antiquitatis ordine, suam similiter sententiam dicant; Ita vt nullus aliorum, vel sermonem intercipiat, vel sententiam resumat, vel etiam reprehendat: sed quilibet quidquid, inspirante Domino, senserit, nemine id agrè ferente, aut aliquo modo impediante, liberè ibi pronuntiet. Sui quisque sermonis initio, ac fine, aliquam nudato capite inclinationem Capitulo, versus Præsidentem (cui etiam sermo dirigendus est) faciat. Præ lato autem ibi Præsidente Capitularis locuturus, postquam nudo similiter capite se erexerit, ac iterum sedens cooperto capite suam sententiam protulerit, rursus detractio pileo surgat, ac inclinato corpore eidem

eidem Prælatō reuerentiam præstet. Sic igitur omnes suffragia ferant, & primi nouissimos, sicut ab eis auditi sunt, patienter audiant. Qui autem alterius suffragium interruperit, quatuor regalium primo, octo vero secundo, ac si perseuerauerit, multiplicata eorundem regalium pæna, quæ in quadranti irremissibiliter exequenda signetur, iuxta huius Synodi Prouincialis Decreta puniatur.

§. VI.

OMNIVM deinde suffragia quantumuis fuerint inter se contraria Præsidens resumat, & colligat, & quod eorum pars maior deliberauerit, hoc tamquam potissimum tenendum forè declaret. Idque per Secretarium Capituli, nihil propterea dolentibus ijs, qui contrarium senserint, faciat in actis annotari. Siquis autem se ab ea Capituli deliberatione, sic annotata grauari protestatus fuerit; protestationem huiusmodi idem Præsidens apud acta Capitularia scribi, illaque cum opportuna actorum insertionē, in forma fidem faciēte conscriptam, eidem protestanti, vt si voluerit ad competentem iudicem recurrat, ab eodem Secretario gratis dari præcipiat. Ea autem negotia, quæ iustitiam concernent, non ex Capituli suffragijs; sed ipsius aduocatorum sentētia, prout iustitia poposcerit, explicentur. Quoties verò similes casus contigerint, iuris periti ab omni affectione inuimnes, & quoad fieri possit non Capitulares, consulantur. Et quoniam in actibus Capitularibus huiusmodi nonnullæ sæpè discordiæ, inimicitia, ac discussiones exoriri solent; Ideo hæc sancta Synodus omnes in Christo monet, vt modestis ac temperatis verbis, & quibus nemo lædi possit, vtantur. Quod si quis aduersus alium inhonestè, aut iniuriōsè locutus fuerit, statim sex dierum emolumentis, & grauiori, si opus fuerit, pæna per maiorem Capituli partem, iuxta excessus, & scandali qualitatem moderanda, mulctetur. Cui⁹ quidem pæne executio omni prorsus appellatione postposita fiat, vt sic damnis maioribus, quæ euenire possent, occurratur; paxque, & vnitas Ecclesiasticis personis digna seruetur; ac eius generis culpæ, quæ Prælatum, & ei⁹ Vicarium laterè possunt, aliqua punitione corrigantur. Locum Capituli nullus nisi superpellicio, ac tempore exigente etiam Cappa indutus sub amissionis suffragij pæna ingreditur; vt sic omnes huius Archiepiscopatus, & Prouinciæ Ecclesiæ laudabilem consuetudinem, ac traditionem, quam in hoc tenuerunt, teneant.

§. VII.

NVLLVS Capitularis Dei Domini nostri, aut gloriōsæ Matris ei⁹, aut cuiusuis sanctorum nomen iuret; Qui vero semel

Lib. 3. tit. de Beneficiis
Cath. Ecclesiar. §.
2.

*si in gratis negotijs non datus re-
sum ad iudicem, vt reuera non
tur, interrogo in quibus potest
dari illud de quo hic loquitur*

semel per Præsidentem monitus adhuc iurauerit, vnus mineralis pondo Ecclesiæ fabricæ applicandi, & in quadranti adhuc effectum signandi pœna mulctetur. Idque non solum in Capitulo, sed etiam in choro, & qualibet Ecclesiæ parte seruetur. Ita vt quilibet Capitularis fratrem suum iurantem monere, eundemque, si contumax fuerit, Præsidenti, qui ipsum præscripta pœna corripiat, denuntiare curet.

§. VIII.

Capitularium in Capitulo existentium nullus ad aliquid loquendum, nisi in forma superius expressa surgat à loco suo, vbi quiete quousque Capitulum finiatur, sedere debet, nec inde nisi de Præsidentis licentia, sub emolumentorum vnus horæ eius diei mulcta, egrediatur.

§. IX.

**** SI** aliqua ex causa quispiam ex Capitularibus enssem, aut mucronem, aut aliud telum in Ecclesia, vel Choro attulerit, pro delicti personæ, & loci qualitate, arbitrio Ordinarij plectatur.

§. X.

QUOTIES alicuius negotij tractati secretum Capitularibus ex eorundem pro maiori parte sententia indicendum fuerit, sub pœna præstiti iuramenti indicatur, aut si eodem Capitulo videbitur, nouum de secreto seruando iuramentum ab omnibus præstetur, & qui iurare noluerit, vnus, aut (si videbitur) plurium dierum emolumentis mulctetur, ac suffragio priuatus extra Capitulum fiat.

§. XI.

Capitularis autem, delicti, aut fratris, aut propinqui negotio agitur, & qui, vel à Capitulari offensus esse, vel Capitularem offendisse prætenditur, Capitulo, quandiu super huiusmodi rebus consultabitur, non intersit.

§. XII.

Capitulares autem ad Capitulum conuocare Decano in Ecclesia esistenti, sin minus Dignitati, aut Canonico seniori: extra Ecclesiam vero similiter, Decano in ciuitate degenti, & eo absente, Dignitati, vel Canonico huiusmodi seniori, incumbat. At si aliquando tale negotium occurrerit, quod solitum Capituli diem expectare non possit, ac Decanus, vel eo absente, Præsidentem per aliquos Capitulares requisitus, Capitulum congregare noluerit: Duo vel tres Capitulares, nè huiusmodi negotium pereat, aut deterius fiat, Capitulum intimari faciant, quo casu cessante, nemo sub graui, quam subeat pœna, Capitulares ad Capitulum vocare præsumat.

§. XIII.

Negotiorum omnium occurrentium Decanus, aut Capituli Præsidentem rationem habeat, ut illa omni mora postposita, prout oportuerit expediantur. Itaque non de pluribus simul agi permittat, sed quod primo propositum fuerit, ante reliqua omnia definatur, & concludatur: negotium vero semel definitum; quantumvis aliquis Capitularis, qui definitioni huiusmodi defuerit, & de nouo ingrediatur; nisi de totius Capituli mandato, iterum consultari, aut per suffragia definiri non possit, cum absentes Capitulares, de sic deliberatis, ac definitis, postea informari valeant.

§. XIII.

TAM literarum transmittendarum, quam singula solutionum, & expensarum iussu Capituli faciendarum mandata, necnon procurationum, obligationum, ac prouisionum Capitularium instrumenta, eius Capituli nomine, subscribenda per quatuor Capitulares, (nempe Dignitatem, Canonicum, integrum, ac dimidium Portionarium, alternatim singulis quibusque mensibus, incipiendo ab antiquioribus) deputandos, quamuis ipsi in praemissorum deliberatione contrarium senserint, sub poena ipsius Capituli arbitrio infligenda, subscribantur duo, quolibet anno, ex Capitularibus ad id magis idoneis, procedendo à Dignitatibus, Calculatores nominentur, qui simul cum Secretario Capituli, & computatore totius massae, inspecta punctatoris Chori relatione, Calculos, ac distributiones mensis Capitularis, omnibus Beneficiatis, officialibus, & Chori ministris iuxta quotam cuiuslibet illorum partem, ac salarium competentes, faciant.

§. XV.

Quotiescumque aliqua perpetui, vel redimibilis sensus translatio, iuxta motus proprii felic. recordationis Pij Papae Quinti formam, aut quauis alia similis scriptura contractus, facienda sit, Capitulares omnes per diem ante, ut moris est, conuocentur, quatenus an pro eodem pretio censum huiusmodi accipere, illumque alicui Beneficiato, non nisi sub seuerissima cautione (super quo haec sancta Synodus eisdem Capitularibus conscientias onerat) locare velint, maturè deliberent.

§. XVI.

OMNES vero regiae prouisiones, ac literae, quae pro tempore Capitulo transmittentur, in eodem Capitulo, per eius Secretarium legantur, ac si alicuius momenti fuerint, notatis datae, ac receptionis ipsarum diebus, statim in praesidentis (cui hoc in primis iniungitur) praesentia per eundem Secretarium

sub fideli Archiuij custodia reponantur.

§. XVII.

INCUMBIT autem Capitulo, aliquem Capitularem diuini cultus zelo, ac diligentia feruentem à Prælato approbandum deputare, qui Sacrorum Custodias, Bibliothecas, resq; omnes Ecclesiæ videndi, & quid reparatione, aut mutatione indigeat, aduertendi, sepulturas quoque signandi, ac distinguendi curam suscipiat.

§. XVIII.

Computator totius massæ per Prælatum, & Capitulum nominandus, Calculos distinguere, ac rationes ab omnibus reddituum decimalium pro tempore existentibus, æconomis simul, vel diuissim exigere, quæcumque item pecuniarum, iussu Capituli soluendarum mandata considerare, & in aliquo ad hoc specialiter habendo, ac sub Archiuij, quod ex Decreto huius sanctæ Synodi erigi debet, custodia seruando libro annotare teneatur. —

§. XIX.

PRÆMISSA verò omnia, & singula, sicut præfertur ordinata, & statuta primus omnium Decanus, seu Præsident, quicumque pro tempore fuerit, tam in Choro, quàm in Capitulo seruet, & opere compleat; Quod si non fecerit, nō solum inijs quibus ipse alios multare potest, sed si visum fuerit, etiam in pluribus in Capitulo multetur. Nihil autem præter huiusmodi ordinationes, vel propria auctoritate, vel sine expressa Capituli deliberatione, ac sententia faciat, nec aliquibus magis quàm alijs fauorem, vel opem præstet; sed erga omnes Capitulares, & Beneficiatos, ac in vniuersum quascumque personas Ecclesiasticas modestè, & vrbane se gerat. Qui etiam è conuersò ab omnibus honoretur, ac veneretur; Ita vt quando excefferit, aut defecerit, non publicè, sed in Capitulo, vel separatim reprehendatur. —

Cap. II. Quando, & quomodo

CONVOCANDA SINT CAPITVLA

ANTE DIEM.

§. I.

QVANDO graue aliquod negotium ex iam consideratis, ad quod omnes congregandi sunt, occurrerit, vel de nouo successerit; quamuis in ordinarijs Capituli diebus tractandum veniat; Præsident sceptrigero, vt Capitulares omnes ad Capi-

Lib. 3. tit. de rebus Ec-
cles. conseruandis §. 6.
et 7.

Ex stilo, & consuetudine Gra-
natenf. c. 60. tit. del Ca-
uildo, §. 5. comiença (quã-
do algun negocio buuiere.)

Capitulum vocet præcipiat, ad casus videlicet sequentes.

¶ Ad assignandum pro officio alicui cōmittendo salarium, & ad aliquid Capitulo proprium, sine ulla eorum, quæ sancta hæc Synod⁹ super hoc decreuit præiudicio alijs condonandum.

*Lib. 3. tit. de rebus Ec-
clesiæ §. 2.*

¶ Ad nominandum etiam punctatorem, Calculatores, œconomos, cērimoniarum Magistrum, Ecclesiæ Capellanos, ministros, & famulos, aliosque quoscumque, tam mensę Capitularis, quàm aliarum rerum officiales à Capitulo deputandos, eosque, salva in omnibus præcipua Prælati potestate, iuxta iuris dispositionem, ac Sacri Concilij Tridentini, huiusq; sanctæ Provincialis Synodi Decreta remouendum.

Seß. 25. c. 6.

*Lib. 1. tit. de maiori-
tate, & obedientia, §. 1.*

¶ Præterea, ad respondendum quibusvis alicuius momenti Regiæ, vel Romanæ curiæ literis, vel procuratores constituendum, vel Capitulum ad aliquid obligandum, vel etiam lites, & causas mouendum, aut motas prosequendum.

¶ Insuper, ad possessionem alicui Capitulari nouiter admittendo tradendum.

¶ Ad quoduis etiam legatum Capitulo relictum acceptandum.

¶ Necnon ad Nuntios, tam ex Beneficiatis, quàm ex alijs non Beneficiatis quòcumque opus fuerit mittendum.

¶ Ad quæcumq; item Ecclesiæ, aut mensę Capitularis bona stabilia permutandum, vel alienandum, vel transferendum.

¶ Ad quamlibet quoq; rem, Ecclesiæ statum concernentem, mutandum, & ordinandum.

¶ Denique, ad ea, quæ semel deliberata, & difinita fuerint à Capitulo reuocandum, & annullandum.

§. II.

AD præmissa igitur omnia, & singula, & ex nouiter occurrentibus; quæcumq; Capitulo bene visa, quamuis ordinarijs diebus, tertijs videlicet, ac sextis ferijs tractanda sint. Capitulares omnes in ciuitate pro tempore existentes, per sceptrigerum, qui Capitulum ad nonnulla negotia specialem conuocationem requirentia, congregari singulis illorum denuntiet, ante diem vocentur.

§. III.

SI autem alijs non ordinarijs Capituli diebus, negotia huiusmodi de nouo occurrerint, dum Capitulares omnes tunc in ciuitate degentes in Ecclesia reperiuntur, ibi etiam ad Capitulum statim habendum, congregentur. Adueniente vero solita Capituli hora, quicumque illi interuenerint, tam præmissa, ad quæ specialiter vocati fuerint, quàm quæcumq; alia, præterea

occurrentia, reliquis, vel non venientibus, vel si, vt præfertur, legitimè occupati existant, suffragium non mittentibus delibèrent, ac diffiniant. —

Cap. III. De Capitulo in CHORO NON NISI DE LEBIBVS RE- BVS HABENDO.

§. I.

*Ex constit. Hispalens. c.
116. fol. 270.*

VOLENS præterea hæc sancta Synodus, pluribus absurdis, ex habito in Choro Capitulo hæten⁹ exortis occasionem tollere; Capitularibus omnibus pro tempore existentibus, nè deinceps in choro, aut alibi, quàm in loco ad id specialiter deputato Capitulariter conuenire, aut de negotijs semel in Capitulo diffinitis, vel diffiniri ceptis, aut alias grauibus deducibiles, hinc inde rationes habetibus, agere possint in futurum prohibet. Et nihilominus, vt quoties necessitas, quæ congregationem in loco solito habendam expectare non debeat, fuerit aliqua leuia, ad fœlicius, & ornatius Ecclesiæ ministerium, & non aliter dirigenda negotia deliberare, & prouidere valeant, permittit. —

Cap. IIII. De generali Ca- PITVLO, BINIS QVIBVSQVE MENSIBVS, HABENDO.

§. I.

*Ex constit. Hispalens. c.
73. fol. 174. & conduit
Ecclesia Compost. in suis
statutis c. 94.*



N super, vt singulæ huius Prouinciæ Ecclesiæ auctiori spiritualium, temporaliumq; bonorum cumulo, ac splendidiori beneficiatorumq; atq; seruiuentium ministerio semper vigeant; eadem sancta Synodus statuit, vt præter ordinaria singulis hebdomadis, modo præmisso, habenda Capitula: vnum generale extraordinarium, binis quibusque mensibus, diè à Præsidente per expressum Prælati mandatum designando, Capitulum habeatur, ad quod Capitulares omnes per sceptrigerum, quatuor ante diebus, vocentur, vt ibi, tam delitium, causarumque pro Capitulo, aut contra ipsum pendentium statu, diligentijis factis vel omisissis vtilitate, vel damno, reparatione quoq; vel directione; quàm de completa, vel incompleta decimarum exactione, & quacumq; œconomorum, tum pro massa, tum pro fabrica deputatorum. Siqua fuerit inexigendo negligētia, vel collusionione,

Iusione, exactarumque rerum, ac pecuniarum partibilium quantitate, diligenter ab omnibus consultetur: ac de necessario, & opportuno remedio in omnibus, maximèq; in rebus diuini cultus decentiam, officiorumque celebrationem concernentibus, prouideatur. —

Cap. V. De negotijs gratiam, VEL IUSTITIAM CONCERNENTIBVS.

§. I.

AD tollendum vero omne dubium, & dissensionum, quæ sæpè in communitatibus ex ignorantia procedunt materiam; hæc sancta Synodus declarat. Illa gratiæ negotia vocari, quæ in mera eiusmodi gratiam facientis voluntate consistunt, nullamq; petenti actionem iuridicam tribuunt, quæ si maiori Capituli parti visum fuerit, secretis suffragijs Capitularium libertati, & paci, magis opportunis diffiniantur. Quæ autem petenti ius, & actionem in iudicio competentem præbent, Ea iustitiæ negotia nuncupari; quæ tamquam talia, siue publicis, siue de maioris partis Capituli sententia, secretis huiusmodi suffragijs, omni mora postposita, consulentur, ac deliberentur. Ita vt, quæ in similibus iustitiam concernentibus rebus, à Capitulo pro maiori parte diffinita fuerint, si cætera deiure necessaria concurrant, executioni mandentur.

§. II.

OR DIN AT præterea eadem Synodus, vt quoties aliquod gratiæ negotium Capitulo propositum negari, decretumque Capitulare de super factum semel publicare contigerit, illud per suffragia iterum deliberari nullatenus possit; nec aliquis Capitularis contra præstitum de secreto seruando iuramentum, vel aduersus alium Capitularem quidpiam manifestare, dicere, aut insinuare directè, vel indirectè præsumat. Pro cuius ordinationis obseruantia, eadem sancta Synodus Præsidenti conscientiam onerat. Capitulo pariter iniungens, vt quoties Præsidentem in præmissis excessisse repererit, eundem duorum dierum emolumentis mulctatum corripiat; cuiuslibet denique Præbendato in sanctæ obedientiæ virtute præcipiens, vt si Capitulum hac in parte negligens esse cognouerit, Prælato qui mulctam huiusmodi, vt par est decernat, & exequatur, prædictum Præsidentis excessum fideliter exponat. —

KK iij

Cap.

Ex constit. Hispalens. c. 95. & 96. & in statutis cõpostel. ac 108. vsq; ad c. 111. & ex cõsuetudine Gratenf. c. 60.

præbent, ea iustitiæ & gratiæ

Notetur illa verba. Sic et ex deiure necessaria concurrant

Cap. VI. De modo, quo gra-

TIÆ IN CAPITVLO FACTÆ CONTRA-
DICI POTEST.

§. I.



VM sapius euenire soleat, vt quamuis legitima Capitularium conuocatio, per sceptrigerum ante diem facta fuerit, aliquis tamen præbendatus, vel propter ægritudinem, vel aliam iustam absentię causam, vel certe propter eiusdem sceptrigeri incuriam Capitulo, in quo gratiæ negotium deliberatum fuit, interesse non potuerit, factamque huiusmodi gratiam fieri non debuisse iudicauerit, ideo hac perpetua Synodali constitutione decernitur, vt idem Capitularis, qui ab eo Capitulo absens, interim tamen præsens in ciuitate fuerit, possit infra triduum, tam in Capitulo, quàm coram Capituli Secretario gratiæ, vt præfertur, factæ contradicere, protestat⁹ in forma se eidem gratiæ in proximè habendo Capitulo expressè contradicturum. Si uero præbendatus, vt supra contradicens prædictę conuocationis tempore extraciuitatem degerit, eandem gratiam modo, & forma præmissis, infra octo dierum spatium impugnare valeat. Qua facta contradictione, gratia huiusmodi suspendatur, quousque Præbendato, qui vt præfertur contradixerit interueniente, iterum secretis suffragijs Calculis videlicet albis, ac nigris suffragantium libertati accommodatis, deliberetur.

Cap. VII. Quomodo nego-

TIVM PER SVFFRAGIA CONCLVSVM, ITERVM
TRACTARI NON POSSIT, ET
QVANDO POSSIT.

§. I.



Capitularia Decreta, quauis ex causa, vel ad cuiusvis personę instantiam quotidie reuocentur, hæc sancta Mexicana Synodus firma imposterum ordinatione decernit, & mandat, vt quidquid semel in Capitulo deliberatum fuerit, siue gratiam, siue iustitiam concernat, nisi iusta, & vrgens causa superuenerit, iterum tractari minimè possit; Tunc vero Capitulares omnes, exposita per sceptrigerum sufficienti eius negotij ratione, ante diem vocentur,

tur, ita vt quotquot illud negotium aliquādo decreuerant, eiusdem consultationi rursus intersint, & qui absentes fuerint, sub competenti de super assignando termino expectentur. Quod si loci, in quo absentes reperiuntur, distantia tanta fuerit, vt ex aduentus ipsorum expectatione graue aliquod discrimen, vel inconueniens suboriri posse credatur, quod, datis suffragijs, maior Capitularium pars deliberauerit, id ipsum, & nihil aliud executioni mandetur, super quo eadem Synodus conscientiam Præsidenti grauitè onerat; & nihilominus præcipit, vt illius, vel incuria, vel malitia, per quemlibet Capitularem Prælato, qui de opportuno remedio prouideat, exponatur.

Cap. VIII. De horum statu-

TORVM LECTIONE, AC REPETITIONE.

§. I.

AD occurrendum excusationibus, ex affectata rerum ignorantia suboriri solitis, hæc sancta Synodus inuiolabili sanctione constituit, & mandat, vt hæc ipsa statuta, simul cum cæremoniali per eandem Synodum in eis Decreto, & ordinato, quolibet secundo, post cuiusuis anni principium futuro Capitulo, publicè legantur, idq; Præsidentis, sub pænâ quatuor pondo monetæ harum partium (quæ statim si negligens fuerit fabricæ soluat) accuratè perficiat: Reliqui vero Capitulares, quamcumque in præmissis notauerint Præsidentis incuriam Prælato, qui de necessario remedio prouideat, indicare teneantur. —

Cap. IX. Quomodo mulctæ

PER CAPITVLARES INVICEM REMITTI

NON DEBEANT.

§. I.

VT quæcumque Prælati sententiæ, prouisiones, & mandata debitam executionem habeant, ac supræma eius iurisdicção, & (qua velut Ecclesiæ sponsus ornatur) auctoritas optatum fortiatur effectum: ordinat propterea, & mandat sancta hæc Mexicana Synodus, ea in pænarum condemnationumque, atque mulctarum remissionibus obseruari, quæ per eandem Synodum in titulo de Beneficiatis Cathedralium Ecclesiarum, & eorum officio decreta, & prouissa sunt. —

Ex Ecclesia Compostel. in suis statutis c. 112.

Lib. 3. de Beneficiatis Cathedral. Eccles. §. 2. & infra vide 4. p. c. 10.

Cap.

Cap. X. De Secretarij Capitularis

OFFICIO, ET OBLIGATIONE.

§. I.

*Ex consuetudine Granatens.
61. c.*

AD necessariam, & opportunam Capitularium negotiorum expeditionem, hac ordinante Synodo, statuitur, vt Secretarius Capituli omnibus Capitularibus actibus interesse, atque adeo extraordinarijs quidem Capituli diebus; velut Capitularis quisque uocatus; ordinarijs autem etiam non vocatus ad Capitulum venire, locumque Capitularem primus omnium ingredi, & in aliquo, ibi sub fidei capsæ custodia, seruando libro, quo res Capitulares contineantur, omnium cuique Capitulo interuenientium præbendorum nomina præmittere, & quæcumque in eius modi Capitulo deliberata fuerint scribere; impositas quoque multas punctis adnotare teneatur. Quoties autem Capitulo defuerit, vnus diei emolumento, pro salarij rata mulctetur.

§. II.

TAM admissiois tempore, quàm quoties iussus fuerit, solitum deseruando actuum Capitularium secreto iuramentum, sicut quiuis præbendatus præstare, idque pro negotiorum exigentia inuiolabiliter obseruare debeat.

§. III.

QVI, non solum actus omnes Capitulares, sed etiam, quæcumq; ad Capitulum spectantia instrumenta condant, omnesq; eiusdem Capituli nomine mittendas literas, sine ulla præter assignatum illi salarium mercede, componat, & scribat.

§. IIII.

OMNIBVS item calculis, ac partitionibus à Capitulo per Calculatores ad id deputatos, quandocumque faciendis interueniat, illosque & illas sub capsæ Capitularis prædictæ custodia reponendos, ac reponendas registret, & quæcumque necessaria transumpta ex illis accipiat.

§. V.

OMNIA in super, & singula, siue à Capitulo, siue à fabricæ, hospitalisue administratoribus deliberata, quæ ad æconomum diriguntur, pecuniarum mandata faciat, & in eisdem actibus Capitularibus similiter referat, vt debita illorum ratio habeatur.

§. VI.

Quemlibet quoq; actum pro Capituli parte quibuscumq; personis notificandum, idem ipse notificet, si secus fecerit,

rit, eiusdem Capituli arbitrio imponendæ mulctæ subiaceat.

§. VII.

SI Capituli Secretarius, reddituum quoque decimalium notarius existat, quidquid ex eorundem reddituum libro, ad mensam Capitularem pertinere repererit, extrahat; exactorumque, tam in fructibus, quàm in pecunijs reddituum huiusmodi partitiones, vt ab œconomo singulis Capitularibus persoluantur, absque vlla pro his recipienda mercede, tribuat.

Cap. XI. De sigillo Ca-

PITVLI.

§. I.



ÆC præterea sancta Synodus Mexicana, abusus hactenus introductos demedio tollere, & nè similes introducantur in futurum providere desiderans, hac perpetuò permanens constitutione decernit, vt Capituli sigillum in capsa subtribus Clauibus, vna quidem penes Decanum, vel eius loco Præsidentem,

*Ex cōsuetā Granat. dict.
c. 61.*

altera penes Doctoralis Præbendæ Canonicum, vel eo non existente, Capitularem à maiori parte Capituli nominandum, tertia vero penes Secretarium seruandis Custodiatur: eisdem nihilominus prædictis Clauium Custodibus debite officium fidelitatis iniungens, vt nullas cuiusuis generis literas, præter illas, quæ à pleno Capitulo deliberatæ fuerint, eodem sigillo sigillari permittant.

§. II.

ET, vt dilucida rerum Capitularium ratio suo tempore, & quoties quæsitæ fuerit, commodius reddatur, præcipit eadem Synodus, vt præter alios libros Capitulo pro tempore necessarios, certus aliquis, (ad annotandum commissiones, legationes, deputationesque omnes, ab eodem Capitulo factas) liber habeatur, qui Secretario Custodiendus, vna cum reliquis scripturis, & actis per inuentarium consignetur, vt illum, & illa quoties requisitus fuerit, exhibeat.



STATVTORVM.

PARS TERTIA.

Cap. I. De ijs, quæ reddituum DECIMALIVM, ADMINISTRATORES AGERE DEBENT.

*Ex statutis Cöpost. c. 79.
& 80. & ex cösueta Gra-
natës. c. 60. in §. (hazén
las rentas decimales) & §.
(las posesiones.)*



§. I.

VPIENTER aliàs summo-
pere hæc sancta Synod⁹ fœlici red-
dituum Ecclesiasticorum admini-
strationi, vtilitati, & incremento
prospicere, & laudabilem Hispa-
niarum Ecclesiarum cösuetudinem
Cathedralib⁹ huius Prouinciæ Ec-
clesijs, in hoc potissimum sequen-
dam proponere, vnde statuit, &
mandat, vt duo Præbendati, (Dig-

nitas videlicet, & Canonicus,) vel alij duo Capitulares, huic
ministerio aptiores à Capitulo, assignata congrua iuxta red-
dituum quantitatem mercede, deputentur, qui vna cum eo, quem
Prælatus negotijs quidem idoneum, & in promouendis red-
ditibus exercitatum ad id nominauerit, decimales huius Archie-
piscopatus, & Prouinciæ redditus annis singulis auctionentur;
ita vt admittendis auctionum sponsonibus, ac deliberandis eo-
rundem reddituum locationibus intersint, necessariaq; ac suf-
ficientes cautiones recipiant.

§. II.

EIDEM etiam Capitulo hæc ipsa Synodus iniungit, vt
viros aliquot deligat, qui Ecclesiæ fundos, prædia, domos,
redditus, & quæcumq; alia bona stabilia quotannis visitent, il-
lorumque omnium statum, dispositionem, discrimen, & indi-
gentiam eidem Capitulo fideliter exponant. Quibus eadem Sy-
nod⁹ conscientiam grauiter onerat, nisi quibusuis amore, odio,
ac humano lucro postpositis, Ecclesiæ vtilitati, ac debito suæ
visitationis muneri responderint.

Cap.

Cap. II. De œconomis.

§. I.

VT autem Ecclesiasticorum bonorum securitati, & indemnitati consulat hæc sancta Mexicana Synodus, ordinat, & mandat, vt œconomi à Prælato, & Capitulo nominandi sint; in Christiana religione, & conscientie rectitudine laudabiles, legales, sinceri, & communiter approbati; nec prius admittantur, quàm, idoneas, attenta bonorum eis consignandorum quantitate, cautiones præstiterint, ac vna cum fideiussoribus huiusmodi se in cuiuslibet anni fine, si præscriptum solutionum, reddituumque, ac fundorum tempus, id permiserit, vel ad summum secundo anno peracto, dum tamē interim ipsorum œconomia durat, integram de dispēsis rationem, & satisfactionem reddituros, sub obligatione promiserint.

Ex Statutis Compost. c. 80. & 81.

Cap. III. De fabricæ bonis.

§. I.



VIA stabilium bonorum permanentia frequenti, & opportuna visitatione maximè indiget, ex huius Mexicanę Synodi Decreto ordinatur, atque præcipitur, vt deinceps fabricæ œconomus sufficientem exigendorum, exactorumque bonorum, & expensarum rationem petenti Capitulo reddat. Domus quoq; ac fundi eiusdem fabricę diligenter inspiciantur,

ac de illarum, illorumq; augmento, & conditionum in eorundem locationibus appositarum impletione, censuum quoq; & emphyteusium duratione: de ipsius deniq; fabricæ vtilitate, & proventu perquiratur, & quecumq; super præmissis scripturæ, acta, & instrumenta fuerint, apud Archiuium, eadem statuēte Synodo, deputandum, sub numero, & specificatione reponantur.

Ex Statutis Compost. c. 78.

Lib. 3. tit. de rebus Eccles. & c. §. 6.

Cap. IIII. De Anniuersarijs,

ET COMMEMORATIONIBVS.

§. I.

VT Defunctorum legata, commemorationes videlicet, & Anniuersaria, vltimarumque voluntatum dispositiones in Cathedralibus Ecclesijs fundata, & in futurum fundanda debi-

Dist. tit. de rebus Eccles. §. 3.

Lib. 3. tit. 7. 9. & 10.

tam executionem, & conseruationem habeant; hæc sancta Synodus in præmissis omnibus, & eorum singulis illa seruare, & executioni mandare constituit, quæ eadem decernente Synodo in titulo de testamentis, institutionibus iure patronatus, sepulchris &c. statuta, & ordinata sunt, pro quorum complemento, is, cui Chori tabulam qualibet hebdomada ordinare incumbit, Anniuersaria, & Missarum officia huiusmodi, per Capituli Secretarium quoties celebrari debent, referenda, in eadem tabula notare tenentur, quatenus omnes incumbentia sibi munera nescant, & exequantur. —

Cap. V. De scripturis Ecclesiæ, ET EARVM CVSTODIA.

§. I.

Concil. Milan. 3. Verbo quæcumq; cum seqq.

Lib. 3. tit. 8. n. 6. & 7.

PRÆLATORVM, Capitulumq; Curæ incumbit, vniuersa Ecclesiæ bona, illorumque iura, scripturas, & instrumenta seruare; Ideo hæc Mexicana Synodus omnibus Capitulis iniungit, & mandat, vt ea in scripturarum sub inuētario exprimendarum custodia, & Archiuij, à quo nihil sine Prælati licentia extrahatur, deputatione, & clausura obseruent, & exequantur, quæ eadem Synodo ordinante in titulo de rebus Ecclesiæ conseruandis, vel non alienandis, subpænis in eis contentis, decreta reperiuntur; Quando autem Prælatus, & Capitulum, quibus in hoc conscientia oneratur, aliquorum huiusmodi bonorum alienationem, in euidentem fabricæ vtilitatem cedere iudicauerint, tunc nisi cetera omnia necessaria, & requisita, tam per ius cõmune, quàm per Apostolicas literas disposita, & ordinata, precesserint, nihil innouetur. Siquid vero aliter factum fuerit, nullitatis uitio subiaceat.

Cap. VI. De Candelis in die PURIFICATIONIS BEATÆ MARIÆ DISTRIBUTIVENDIS.


§. I.

Cõcil. Mil. 3. Verb. quod pietatis, & 5. tit. quæ ad Sacramentalia, & Sacramenta generatim pertinent.



N Candelarum distributione die Purificationis Beatæ MARIÆ facienda, prohibet eadem Synodus vanos, ac superfluos cereorum sumptus, in posterum fieri. Præcipiens nihilominus honestam ceræ quantitatem Prælato, Capitularibus, & om-

& omnibus Ecclesiæ ministris, atque seruientibus necessariam prouideri, eamque ipsius Ecclesiæ Thesaurario, cui simul cum Præsidente eiusdem ceræ partitio incumbit, consignari: Omnes quoq; solemni eiusdem festiuitatis processioni interuenturos, quibus in hoc conscientiam onerat, hortatur in Domino vt singuli cereis accensis cum deuotionis seruire, & spiritus eleuatione, quæ, & ipsorum statum, & illum actum doceat, procedant.



Cap. VII. De Requite, eiusq; VSV, AC TEMPORE.

§. I.



VAMVIS præmissæ Erektionis forma Cathedralium huius Archiepiscopatus, & Prouinciæ Ecclesiarum, Capitularibus, qui præter quotidianas distributiones, nullos omnino fructus habent, aliquod pro requie tempus non assignet, & sancta Synodus Tridentina dùm quibusuis Ecclesiarum huiusmodi Præbendis vltimates menses, ab eisdem Ecclesijs quolibet anno ab esse prohibet,

earum Ecclesiarum constitutiones, quæ longius seruitij tempus requirunt, intactas relinquat: Hoc tamen sanctum Prouinciale Concilium humanæ infirmitati, aliquo, vt par est, indulgentiæ præsidio subuenire uolens, quò suauior, atq; feruentior diuinorum officiorum celebratio fiat; singulis omnium Cathedralium Ecclesiarum huius Prouinciæ Præbendis septuaginta dierum requiem quolibet anno cōcedit quemadmodum in titulo de Clericis non residentibus, inuiolabiliter obseruanda sanctione decreuit. Ad decidendum vero, quasque super huius Decreti, & concessionis vsu dubitationes pro tempore occurrentes, quæ iudicis ministerio indigerint, idem Prouinciale Concilium plenam cuiuslibet in sua Diocesi Prælato facultatem, & auctoritatem tribuit, vt attentis temporis, personarum, negotiorumq; circumstantijs, & habita tenuitatis reddituum, ac debitæ diu-

LI iij

nis

Ex consuetudine Granat. c. 55.

Sess. 24. c. 12. Verbo præterea obinentibus.

Lib. 3. tit. de Clericis nō residentibus, §. 2.

Vbi supra dicto §. 2.

nis officijs frequentia, ratione, qua Dei, ac Domini nostri obsequio, diuiniq; Cultus augmento potissimum conuenire iudicauerit, ea deliberet, ordinet, atq; provideat, prout Pastoralis eius prudentia, & sollicitudini, idem Concilium committit, & conscientie reliquit.

§. II.

DECLARAT tamen eadem Mexicana Synodus neminem praemissi Decreti, & indulti vigore, a sua Ecclesia abesse posse, in aliquo ex infra scriptis diebus, qui sunt:

- ¶ Tres priores Paschales dies.
- ¶ Natiuitatis Domini.
- ¶ Resurrectionis.
- ¶ Penthecostes.
- ¶ Circuncisio.
- ¶ Epiphania.
- ¶ Ascensio.
- DOMINI.
- ¶ Conceptio.
- ¶ Natiuitas.
- ¶ Annuntiatio.
- ¶ Purificatio.
- ¶ Assumptio.
- B. MARIAE.

¶ FESTVM Sanctissimę Trinitatis.
Corporis CHRISTI.

¶ FERIA QVARTA, QVINTA, SEXTA, SABBATVM
Maioris hebdomadae.

- ¶ FESTVM.
- ¶ Sancti IOSEPHI.
- ¶ Sancti Ioannis Baptista.
- ¶ Sanctorum Petri, & Pauli.
- ¶ Omnium sanctorum.
- ¶ Commemoratio Defunctorum
vsque ad finem Missae.
- ¶ Patroni generalis.
- ¶ Patroni Titularis Ecclesiae.

¶ Omnes item Dominicae Aduentus, & cuiusuis mensis
tertia, quandiu sanctissimae Eucharistiae processio durauerit,
omnes item dies Quadragesimae.

§. III.

SIMILITER haec Synodus neminem septuaginta horum
dierum de requie, nisi pro rata temporis quo eidem Eccle-
siae inseruierit, gaudere posse declarat. Si quis vero dum actua-
li vni⁹ Praebendę residentie integre inseruit, ad aliam in eadem
Ecclesia promoueatur, sua (vt par est) requie integre gaudeat.

§. IIII.

IN super eadem Mexicana Synod⁹ declarando subiungit; vt
ad Matutinum praecipuarum festiuitatum superius expref-
sarum,

farum, nè dum præter Aduentus, Quadragesimæ, ac Tertias, cuiusq; mensis Dominicas Præbendati omnes interesse teneantur. Qui verò nisi ex veræ ægritudinis impedimento defuerit, præter illius horæ distributionem, sex etiam dierum statim in quadranti annotandorum emolumentis irremissibiliter mulctetur; Ita vt qui hanc penam quouis modo remiserit, eandem emolumentorum quantitatem fabricæ, ipso iure, absq; vlla alia declaratione in conscientia restituere debeat, iuxta aliàs factam ab hac sancta Synodo dispositionem. —

Vbi supra lib. 3. tit. de Clericis non residentib. §.

2.

Cap. VIII. De ijs, quæ amit-

TIT, QUI PRÆDICTA REQUIE VTITVR.

§. I.



RATIONI consentaneum est, vt propriæ voluptatis, quietisq; corporeæ oblitis, maius lucrum respondeat, quàm eis, qui recreationi vacant: Id circo hæc sancta Synodus Mexicana plurium dubitationum, absurdorumque causas succidere cupiens, decernit, & mandat, vt quàndiu aliquis Præbendatus prædicta requie vsus fuerit, interessentijs, obuentionib⁹, funeribus, anniuersarijs, & manualibus, quæ non nisi verè, & corporaliter præsentibus, & residentibus dentur, absentiumque multis careat. Itaque dum in quadranti signum hoc R. requiem denotans habuerit, Præbendæ suæ æceruo, seu grossa dumtaxat fruatur. Vt autem quisq; Capitularis certum remanentium sibi de huiusmodi requie dierum numerum facile teneat, ex eiusdem Synodi mandato Punctator in quadrantis margine, quos quisq; de huiusmodi requie dies perceperit, ad notare teneatur.

Cap. IX. De ijs, quæ lucrari

POSSVNT PRÆBENDATI, QUI A PRÆLATO OCCVPANTVR.

§. I.

CVM quilibet Prælatus duos Præbendatos in curâ suâ Pastoralis subsidium deligere, & occupare pontificio iure possit, hac Mexicana declarante Synodo statuitur, & ordinatur, duos Capitulares huiusmodi à Prælato ad effectum prædictum nominandos, annuis suarum Præbendarum emolumentis (præterquam obuentionibus, & manualibus, quæ non nisi verè, & rea-

In cap. de cætero, in cap. ad audientiam de Clericis non residentibus.

*Concil. Trid. Sess. 24. c.
12. de refor. verbo omnes
vero.*

realiter assistentibus, vt præfertur, dantur) integrè gaudere posse. Ita vt in celebrioribus festiuitatibus præmissis, ad Matutinum, & alias horas, nisi tunc iusto actualis occupationis impedimento caruerint, superquò eorum conscientia oneratur, interesse non debeant.

§. II.


*Concil. Milanens. 4. verbo
Episcopo.*

QUICVMQVE præterea Præbendati, qui Prælato alicubi extra suam Ecclesiam Pontificaliter celebranti ministrauerint, vel quos idem Prælatus à Chori ingressu, vel ab eodem Choro, etiam ante Missæ, vel alterius horæ finem ad se vocauerit, perindè ac si verè, & realiter Diuinis interessent, vniuersa emolumenta lucrentur. Qui etiam ipso Prælato mandante concionem in eadem Cathedrali Ecclesia habiturus fuerit, tribus ante concionem diebus. Si tamen in illis ad Missam, & vespèras interfuerit, eorundem trium dierum obuentionibus, & manualibus; sicut alij verè præsentès, gaudeat; Si autem alibi sine expressa ipsius Prælati iussione verbum Dei prædicare voluerit, nullis huiusmodi interessentijs sed concessis pro requie diebus, si quos habuerit, fruatur.

§. III.

NE autem cuiquam egrediendi Chorum simulata suffragetur occasio, sed omnes coram Deo in sinceritate cordis ambulare studeant; Hæc sancta Synodus illorum, qui per fraudem aliquid lucrati fuerint, conscientias ad illud ipsum restituendum ipso iure teneri, declarat. —

STA



STATVTORVM.

P A R S Q V A R T A.

Cap. I. De patitur Præbenda-
TIS ÆGROTANTIBVS CONCESSO.

§. I.
P RÆ B E N D A T O S aduersa
valetudine laborantes fauore per
Sacros Canones concessio prosequi
volens hæc Sancta Synodus; decer-
nit, & mandat, vt quoties aliquis
Ecclesiarum huius Archiepisco-
patus, & Prouinciæ Præbendatus
ægotauerit, ad Chorum venire
non teneatur Et nihilominus vni-
uersis Præbendæ suæ emolumentis,

& obuentionibus, Anniuersarijs, & manualibus, quæ non nisi
ab actualiter assistentibus percipiuntur, perinde, ac si diuinis of-
ficijs interesset, gaudeat; Et quia leuissima ex causa plures dum
rectè valent, ægritudinem simulant, vt hoc prætextu Choro se
substrahant, quotquot huiusmodi fuerint, hæc sancta Synodus,
& propriæ conscientię onus, & scrutantis renes, & corda Dei iu-
diciū attendere commonet, vt, omni prorsus cauillatione post-
posita, ad interueniendum Choro, ibique perpetuas Deo pro tot
in nos collatis bonis laudes persoluendum, se ipsos excitent, &
quæcumque simulatæ ægritudinis causa bona perceperint, tam-
quam mala Fide, & contra Dei legem parta restituant.

§. II.

Q V O T I E S autem quis ab ægritudine in pristinam Deo
iuuante salutem restitutus fuerit; cum primum domo sua
exierit, non nisi superpellicio indutus recta uia ad Ecclesiam,
eiusq; Chorum debitas pro receptis virib; eidem Domino gra-
tias acturus tendat. Sed si tunc temporis ab horis Canonicis va-
cetur, aliquos præfati sui aduentus testes adhibeat, Chorumque
cum voluerit exeat. Quod si quis, ut præfetur conualescens aliò

Mm

prius-

Ex consuetudine Granatens.
c. 56.

*In cap. unico de Clericis
non residentibus. lib. 6.*

*Latè Nauarrus de horis
Canonicis in cap. quādo de
consec. dist. 1. c. 5. n. 10.*

prius quam ad Ecclesiam se contulerit, præter omnes horarum, quibus ægritudinis titulo defuerit, distributiones: Totidem alia emolumenta amittat, ita vt si duobus ægritudinis causa diebus absens à Choro fuerit, dierum quatuor emolumētis mulctetur.

§. III.

*Ex doctrina Couarrubias
lib. 3. variarum resolutio.
num c. 13. n. 8. vers. 5.*

Consuetudo Granat. c. 56.

CApellani quoque, & Accoliti quoties manifesta ægritudine præpediti fuerint, simili absentię beneficio gaudeant. Verum quia sæpe numero plures illorum benè valētes se ægrotare affirmant, vt otio vacent, ideo prætenfas, ipsorum ægritudines, eorum maximè, qui sine patenti causa frequenter absunt, videndi, & examinandi cura præcipua Punctatori incumbat.

Cap. II. De patitur, Præben-

DATIS EXTRA CIVITATEM CONCESSO.

§. I.

*Ex constit. Hispalensibus
à c. 124. vsq; ad 126.*



VOTIESCVMQVE Capitularis, qui requiem accepit extraciuitatem profectus fuerit, ibiq; in verum, atque patientem morbum, qui fidedigna Iudicis, vel Sacerdotis, vel Notarij attestatione, addita iuramenti solemnitate probetur, inciderit, requie interim minime computata ægrotantium iure fruatur. Si tamen inde progrediatur vltcrius, cessante huiusmodi ægrotantium fauore, præmissa requie iterum gaudeat, qui nihilominus ad Ciuitatem rediens, si ipsum verè ægrotare constiterit, idem patitur, vt præfertur habeat. Si vero de ipsius ægritudine non satis constiterit, primo dictam requiem recipiat. —

§. II.

IN super ordinatur, & statuitur, vt qui eodem ægrotantium beneficio, quod Patitur dici solet extraciuitatem gaudere voluerit, illud in Capitulo perse, vel per alium petere debeat, non, vt à suffragiorum euentu pèdeat; sed vt illius absentia omnibus innotescat. Quod tamen nemini extra Episcopatum morari volenti, nisi ille salutiferum balneum, seu calidæ, frigidæ, ue regionis temperiem de duorum medicorum, id expedire iurantium consilio se adire velle iurauerit, nec sine præmissis limitationibus concedatur.

§. III.

VT autem, quo ad fieri possit dubia cessent, eadem Synodo pro-

do providente declaratur, vt si quis Capitularis personaliter in Choro, vel alibi existens sibi pro vespertino tēpore, vel sequenti die hoc signum Patitur apponi à Punctatore petierit, illud nō obtineat, quod si obtinuerit, totidem dierum, aut horarum, quibus tale Patitur habuerit, emolumentis mandato Præsidentis mulctetur. Si tamen aliquis Ecclesiæ actualiter præsens aduerso aliquo accidenti, vel indubitato morbo correptus fuerit, id. que Punctator insinuauerit, eiusdem Patitur signo in quadranti validè notetur. —

Cap. III. De ijs, quę cum Prę-

BENDATIS ÆGROTANTIBVS IN MORTIS

PERICVLO CONSTITVTIS AGEN-

DA SVNT.

§. I.



I quidem, satis constat grauib⁹ morbis homines, vt implurimum ad interitum duci, in eoque rigidissimo conflictu vires humanas debilitari, & memoriam deficere, adeò, vt sic laborantes, ad recolēdum mente Deum seque ab æternæ mortis faucibus eripiendū aliorum prudentium hominum præsi-

Ex Statutis Hispalens. c.

129.

dio, ac ministerio maximè indigeant. Eapropter statuit, ac præcipit hæc sancta Synodus, vt quouis Capitulari lethaliter ægro- tante, duo Beneficiati ad id magis idonei à Capitulo deputentur, qui Capitularem prædictum, eiusdem Capituli nomine visitent, ac tam in corporalibus, quàm in spiritualibus fraterna sollicitudine adiuuent. Ecclesiasticis quam primum Sacramentis reficient, prout probum decet Christianum, quibuscumque animæ suæ debitis piè condito testamento satisfacere faciant: eidem quoq; sanctum extremæ vnctionis oleum tempore, quò illud ab eo cognoscatur conferri in primis curent, ipsumque ambo simul, vel alternatim singuli, prout eius necessitati expedire viderint, vsque ad vltimum vitæ halitum diligentissimè comitentur. Pij deniq; ex Sacra potissimum pagina verbis, & exhortationibus, sanctisque in ordinario descriptis pre- cationibus, terribili huiusmodi mortis articulo, contra communis hostis insidias, necessarijs, & opportunis ad bene in Domino moriendum corroborent, & suauiter exhortentur.

Mm ij

Cap.

Cap. IIII. Quomodo ægro- TANTI PRÆLATO ECCLESIASTICA SACRA- MENTA SINT MINISTRANDA.

§. I.

*Ex Statutis Hispalens. c.
128.*

PRÆCIPIT etiam, & mandat hæc sancta Synodus, ut Prælato ægotanti, ac sanctissimæ Eucharistiæ, & Vnctionis extremæ Sacramenta petenti, Capituli Præsidentis pluuiali aureo ornatus, Præbendatis omnibus nemine excepto, vna cum Parochis, Capellanis, & Ecclesiæ ministris, reliquisq; Sacerdotibus, qui congregari possint, superpellicijs indutis processions ordine comitantibus, Cruce quoque cum luminaribus ditioribus præcedente, eandem sanctissimam Eucharistiam, qua decet deuotione, ac reuerentia ministraret, Præbendatisque singulis huic actui deficientibus emolumenta singulorum mensium per eos emerita, inter alios, qui interfuerint distribuenda, detrahi iubeat. —

Cap. V. Quomodo Præben- DATIS ÆGROTANTIBVS EADEM SACRA- MENTA MINISTRARI DEBEANT.

§. I.

*Ex constitut. Hispalens.
c. 127. & 128.*



PVANDO sanctissimæ Eucharistiæ, & extremæ vñctionis Sacramenta, alicui Præbendato ægotanti ministranda fuerint, per Parochum, sub cuius ille Parochia degerit, serico pluuiali ornatum, accensis cereis, deputandisque à Præsidente ministris comitantibus, eidem ægotanti, cui duo Capitulares superius nominati, in reliquis necessarijs adsint, ministrantur. —

Cap. VI. De Campanarum PVLSAZIONE DEFVNCTO PRÆ- LATO FACIENDA.

§. I.

*Ex const. Hispalensibus
c. 130.*

VT deferenda Prælato reuerentia in omnibus resplendeat, eidemque morienti nihil debiti honoris deficiat, eadem decer-

decernente Synodo statuitur, & ordinatur, vt quoties Prælatus obire contigerit statim Campana maior sexagecies admodum paulatim pulsetur, omnia deinde maiores, minoresq; Campanæ funebri sonitu ter solemnissime tinniant, tuncq; Parrochiæ, Monasteria, Eremitoria, ac Hospitalia simili Campanarum pulsatione, ac solemnitate respondeant. Idq; per totum nouendum quotidie, semel quidem post meridiem, ac iterum post solis occasum, necnon tempore funeris, spatio dimidiæ horæ durante similiter faciant, quatenus frequens omnibus precandi Deum recordatio subeat, vt & defuncto Prælato, æternam fœlicitatem, & conuenientem sancto eius obsequio successorem Populo concedat. —

Concil. Milanens. 1. 2. p. tit. de funere Episcopi, & Milan. 4. tit. de funeribus, & exequijs.

§. II.
SIMILITER quoties aliquem Capitularem obire contigerit, si Dignitas fuerit, quadragies; si Canonicus terdecies, si integer vices, si vero dimidius Portionarius decies primo dicta Campana maior etiam paulatim pulsetur, statimq; ac funeris, & exequiarum tempore reliquæ omnes Campanæ funebri sonitu solemniter quatiantur. —

Ex constit. Hispalens. c. 131.

Cap. VII. De modo sepeliendi PRÆLATVM DEFVNC TVM.

§. I.



VM Prælatus diem Clauserit extremum Pontificali ornatu vestibis violacei coloris iuxta dignitatis eius exigentiam induatur, & sic indutus super aliquem in amplo cubiculo, vbi decentia ad celebrandum Altaria esse possint. Construendum, ac sericeis paramētis sternendum lectum collocetur. Post

hæc Capitulares omnes, nemine dempto sub pœna Præsidentis arbitrio imponenda, superpellicijs, ac suo tempore etiam Chori Cappis super vestiti, vna cum Clero ad eum locum sublimi præsedente Cruce processionis ordine accedant, ac Prælati, vt præfertur defuncti animam iuxta descriptum in ordinario tenorem Deo commendent, triaque defunctorum nocturna dicant. Manentib⁹ interim, ex eiusdem Præsidentis ordinatione, competentibus in Ecclesia ministris, qui currentis officij horas absque aliquo defectu recitent. Prouisis deinde, atq; dispositis cę-

Quæ apposita sunt ex cōst. Hispalens. & Concil. Mediolanensibus supra c. 6.

teris rebus funeri necessarijs, ministri demore parati, ac sex Præbendati pluuij libus induti sceptragerentes, simulq; omnes Monachorum conuentus, ac reliquus ordo Clericorum à Cathedrali Ecclesia, vbi iuxta præuiam vocationem congregati fuerint, ad supradictum Cadaueris locum ordine seruato procedant. Ibique dicto responsorio, & oratione, Defuncti corpus detecta quidem facie, vt præfertur indutum feretro decenter ornato imponant, illudque seniores Dignitates, cæterique Capitulares, & Monachorum ordines Psalmos interea, aut alia secundum manuale Romanum, vel laudabilem eius Ecclesiæ consuetudinem dicenda decantantes, vsque ad Ecclesiam, vbi sepeliendus fuerit, humeris vicissim efferant. Vbi si per statutum ad celebrandum tempus licuerit solemne Missæ Sacrificium addita ad ædificationem populi digna funerali concione peragant. Ac deniq; corpore sepulture tradito Prælati huiusmodi propinquos, vel famulos, vsque ad eandem vnde exierint domum sine præuia Cruce comittentur.

§. II.

ITEM ordinatur, & statuitur, vt præmisso exequiarum nouendio durante quotidie, tam post Missam, quàm post vespas minister pluuiali indutus coram sublimi Cruce, ac luminaribus Responsorium pro eodem Defuncto dicat. Ipso vero exequiarum die Decanus, & Capitulum eisdem Monachorum conuentibus, cum reliquo Clero interuenientibus, vigiliam cantent, & Missæ Sacrificium, iuxta Breuiarij Romani formam, habita simili funerali concione perficiant. Ita vt in omnib; se Christianos, ac pios, suoque Prælato eius Ecclesiæ sponso verè subditos ostendant. Atque adeo, quæcumque alia hic non expressa, quæ ad huius funeris, exequiarumque decus, & ornamentum, proba, & integra ipsorum conscientia dictante, desiderari iudicauerint, ipsi diligenter prouideant. —

Cap. VIII. De modo sepe-

LIENDI PRÆBENDATOS DE-

FUNCTOS.

§. I.

QVOTIES aliquis Præbendatus ex hac vita migrauerit, Sacerdotalibus, quas ipse habuerit, aut emerit, vel si adeo pauper fuerit, vt eas emere nequeat, ab Ecclesia prouidendis vestibus induatur, eiusque anima per aliquos Capitulares, & Clericos à Præsidente nominandos Deo commendetur.

Qui-

Ex cōst. Hispalens. c. 133.
Concil. Milan. 2. tit. 2.
Decreto 3.

Quibus per actis, & adueniente funeris hora Decanus, & Capitulum, simulq; ministri demore parati, Cruce cum luminaribus præcedente Ecclesiam exeant, ac Defuncti corpus ad Ecclesiam, vbi sepeliri debuerit, efferant, & post vigiliæ recitationem, ac si per tempus licuerit Missæ Sacrificium, illud sepulturæ tradant. Pro quo similiter exequias agere, & Missæ Sacrificia infra dicenda celebrare; quæcumq; demum Defuncto fratri, ad animæ salutem, & corporis honorem necessaria, & opportuna providere teneantur.

§. II.

CVM vero Capellanus, vel minister Ecclesiæ ex hac vita similiter migraverit, comitantibus omnibus eiusdem Ecclesiæ Capellanis, atque ministris cum demonstratione, quæ talis Ecclesiæ ministrum deceat, per Parochos sepeliatur.

Cap. IX. De ijs, quæ quilibet

CAPITVLARIS AGERE TENETVR, IN PRÆ-
LATI, VEL ALICVIVS CAPITVLA-
RIS OBITV.

§. I.



FIDES Catholica docet, quam sancta, & salubris cogitatio est prodefunctis exorare, vt à peccatis solvantur, vnde hæc Mexicana Synodus decernit, & mandat, vt quilibet eiusdem Ecclesiæ Capitularis pro de mortui Prælati Anima sex, pro quouis vero Præbendato similiter vita functo tres, Prælatus autem

pro quolibet eiusdem Ecclesiæ Capitulari, ex eadem vita migrante sex etiam Missas infra nouendium à die obitus computandum dicere teneatur, & absentes, vt eisdem satisfaciant certiores reddantur. —

Concil. Milanens. 2. dicto
tit. 2. d. 14.

Cap. X. De iniurijs verbo, aut

FACTO ILLATIS.

§. I.

SEI viri Ecclesiastici (qui propter status eminentiam, reliquo populo Christiano præ oculis habentur, quique verbis, motibus, & actionibus solidæ virtutis exemplum præbere debent) seipsos, vt par est, auctijs omnibus corrigerent, plurimis profecto adhuc necessario

Ex Constit. Hispalens. c.
116. & 117.

Concil. Milan. 3. Verbo si-
rixæ, & contumeliæ.

con-

conditis legibus, mandatisq; opus non esset. Quare hæc sancta Mexicana Synodus inuiolabili ordinatione decernit, & mandat, vt quoties aliquos Præbendatos iurgare, aut tam verbo, quam facto rixari, quauis ex causa occurrerit, eos Præsidentis arbitrio suo iuxta cuiusque culpam mulctare, & ad mutuam amicitiam quam primum restituere possit, ac debeat. Quando quidem tot spiritualia, ac temporalia bona, ex concordia fraternitate, & pace, tot verò damna, & incommoda, exodijs, ac dissentionibus oriuntur. Siquis autem, quod absit, pacem, & amicitiam respuerit, à Prælato, qui statim de hoc certior fiat, tamquam à Patre efficaciori remedio corrigatur.

§. II.

DECLARAT nihilominus eadem sancta Synodus, non esse suæ intentionis, per hoc decretum, cuiquam ius aliquod tollere, sed quauis reconciliatione, & amicitia interueniente, offensum, contra offendentem conqueri, ac litem prosequi in iudicio posse, affectu tamen paterno per viscera misericordiae DEI Nostri offensos huiusmodi hortatur, & monet, vt quid eiusdem domini ministros, ac vere Charitatis, quæ patiens, & benigna est, sectatores deceat, ad pusillorum exemplum, & ædificationem attendant, atque adeo, quaslibet sibi ipsis illatas iniurias, in eius, qui pro totius generis humani culpis satisfacit, quique nobis ipsum quotidie offendentibus Clementissime parcat, amorem, & gratiam alijs remittant, pro quorum, aliorumq; in præmissis necessariorum dispositione, & effectu, eadem Synodus Præsidenti, & Capitulo conscientias onerat, vt sublati omnino dissentionibus, & scandalis, quæ ad DEI obsequium, & diuini Cultus augmentum expedire iudicauerint, prouideant. Idemque Præsidentis, tam in Capitulo, quam alibi præbendatos à durioribus verbis, & manuum motibus, vnde plura ex præmissis absurda nascuntur, abstinere iubeat, ac pertinares, si opus fuerit mulctari faciat.

§. III.

QUÆ omnia, & singula, vt præfertur statuta hæc sancta Prouincialis Mexicana Synodus, ab omnibus Cathedralibus huius Archiepiscopatus, & Prouinciæ Præbendatis obseruari, illaque, & mulctas in eis contentas, à Præsidentibus, & Capitulis debitæ executioni mandari, ac ceremoniale similiter ordinatum, & eisdem statutis insertum recipi, & exercitari, præcipit, iniungit, & mandat. In quorum fidem has litteras assistentium eidem Synodo Patrum nominibus munitas sigillari fecit.

Mexi-

Mexici in Aula Synodali, decimo septimo Kalendas Nouembris. Anno Domini millesimo, quingentesimo, octuagesimo quinto. —

¶ P. Archiepiscopus Mexicanus. ¶ Fr. Garcia Episcopus Guathemalēsis.
 ¶ Fr. Ioannes Episcopus Mechoacanensis. ¶ D. Episcopus Tlaxcalensis.
 ¶ Fr. Gregori⁹ Episcopus Yucatanus. ¶ Fr. D. Nouæ Gallitiæ Episcopus.
 ¶ Fr. B. Episcopus Antequerenfis.

¶ In testimonium veritatis, præmissis meo nomine subscripsi. Doctor Ioannes de Salzedo. —



OS Antonius ti-


tuli SS. Ioannis, & Pauli Præbiter Cardinalis Carafa fidem facimus, & attestamus, statuta facta à Reuerendissimo Domino Archiepiscopo Mexicano in Synodo Prouinciali Anno M. D. LXXXV. celebrata, vnaque cum Synodo prædicta

ad sanctissimum Dominum N. missa à Sacra Congregatione Cardinalium Concilio Tridentino interpretando sanctitatis sue auctoritate præpositorum emendata, atque aptata fuisse, eorundemq; statutorum originale apud ipsam Cōgregationem remansisse, cumquo huiusmodi statuta hoc libro chartarum LXXIX. quarum prima incipit Sancta Synodus Prouincialis in ciuitate Mexicana, vltima vero; augmentum expedire, & desinit. Doctor Ioannes de Salzedo; descripta & collata in omnibus, & per omnia concordant. In quorum fidem his propria manu subscripsimus, & ab infra scripto Secretario item subscribi, sigillumque nostrum, quo in Congregationis prædictę literis, & scripturis obfignandis vtimur; apponi mandauimus. Romæ die xxvij. Octobris M. D. LXXXIX. Ita est A. Card. Carafa. Laurentius Frizolius Sacrę Congregationis antedictę Secretari⁹ demandato.

Et est signatum sigillo Illustrissimi Card. Carafa.



Locus sigilli Card. Carafa.





INDEX CAPITVM

H V I V S L I B R I.



Sanctæ Mexicanæ Ecclesiæ erectio à

fol. 2. vsque ad fol. II. contenta.



PRIMA STATVT. PARS CONTINET.



A P. I. De possessione Prælati capienda, & modo.
fol. II.

¶ Cap. II. De loco Capitularium. fol. 13.

¶ Cap. III. De Decano, & eius præminentijs.
ibidem

¶ Cap. IIII. De Archidiacono. fol. 14.

¶ Cap. V. De Cantoris officio, ac dignitate. ibidem

¶ Cap. VI. De Scholastici Dignitate. fol. 15.

¶ Cap. VII. De Thesaurario. ibidem

¶ Cap. VIII. De Canonicis. ibidem

¶ Cap. IX. De integris, ac dimidijs Portionarijs. fol. 16.

¶ Cap. X. De Decimarum partibus, ad Prælatum, Capitulum, fabricam,
hospitale, & seruientes pertinentibus. ibidem

¶ Cap. XI. De forma in admittendis ad possessionem Præbendatis habenda. ibidem

¶ Cap. XII. De modo ad hoc vt Præbendati nouiter recepti sciant Cere-
monias, seruando. fol. 18.

¶ Cap. XIII. De his, quæ Præbendati, & alij ministri in diuini Cultus mi-
nisterio, ac Beneficiorum, officiorumq; suorum exercitio agere debent. ibidem

** ¶ Cap. XIIII. Qualiter omnes Cathedralium Ecclesiarum Præben-
dati certis anni temporibus Cappas Chori gestare debent. fol. 19.

** ¶ Cap. XV. De respectu, & obedientia debita Præsidenti, ac de eius
officio. ibidem

Nn ij

¶ Cap.

INDEX CAPITVM HVIVS LIBRI

- ¶ Cap. XVI. De his quæ Cereemoniarum Magister erga ingredientiẽs Chorum præstare tenetur. fol. 20.
 ¶ Cap. XVII. De ordine per Capitulum Capitulariter egrediens seruando. fol. 21.
 ¶ Cap. XVIII. De Magistri Capelle officio, & Cantoribus. ibidem

SECUNDA STATVT. PARS CONTINET.



- A P. I. De Capitulis in Ecclesia habendis, illorumq; tempore, & assistentiæ modo. fol. 23.
 ¶ Cap. II. Quando, & quomodo conuocanda sint Capitula ante diem. fol. 25.
 ¶ Cap. III. De Capitulo in Choro, non nisi de leuib⁹ rebus habendo. fol. 26.
 ¶ Cap. II II. De generali Capitulo binis quibusq; mensibus habendo. ibidem
 ¶ Cap. V. De negotijs gratiam, vel iustitiam concernentibus. fol. 27.
 ¶ Cap. VI. De modo, quo gratiæ in Capitulo factæ contradici potest. ibidem
 ¶ Cap. VII. Quomodo negotium persuffragia conclusum iterum tractari non possit, & quando possit. ibidem
 ¶ Cap. VIII. De horum statutorum lectione, ac repetitione. fol. 28.
 ¶ Cap. IX. Quomodo multa per Capitulares remitti non debeant. ibidem
 ¶ Cap. X. De Secretarij Capitularis officio, & obligatione. ibidem
 ¶ Cap. XI. De sigillo Capituli. fol. 29.

TERTIA STATVT. PARS CONTINET.



- A P. I. De ijs, quæ reddituum Decimalium administratores agere debent. ibidem
 ¶ Cap. II. De æconomis. fol. 30.
 ¶ Cap. III. De fabricę bonis. ibidem
 ¶ Cap. II II. De Anniuersarijs, & Cõmemorationibus. ibidem
 ¶ Cap. V. De scripturis Ecclesię, & earum custodia. ibidem
 ¶ Cap. VI. De Candelis die Purificationis Beatę MARIÆ distribuendis. ibidem
 ¶ Cap. VII. De requie, eiusque vsu, ac tempore. fol. 31.
 ¶ Cap. VIII. De ijs, quæ amittit, qui prædicta requie vtitur. fol. 32.
 ¶ Cap. IX.

INDEX CAPITVM HVIVS LIBRI.

- ¶ Cap. IX. De ijs, quæ lucrari possunt Præbendati, qui à Prælato occupantur. ibidem

QVARTA STATVT. PARS CONTINET.



A P. I. De Patitur Præbendatis ægrotantib⁹ concessio. fol. 33.

- ¶ Cap. II. De Patitur Præbendatis extraciuitatem concessio. ibidem

¶ Cap. III. De ijs, quæ cum Præbendatis ægrotantibus, in mortis periculo constitutis agenda sunt. fol. 34.

- ¶ Cap. IIII. Quomodo ægrotanti Prælato Ecclesiastica Sacramenta sint administranda. ibidem

¶ Cap. V. Quomodo Præbendatis ægrotantibus eadem Sacramenta ministrari debeant. ibidem

¶ Cap. VI. de Campanarum pulsatione, Defuncto Prælato, facienda. ibidem


¶ Cap. VII. De modo sepeliendi Prælatum Defunctum. fol. 35.

¶ Cap. VIII. De modo sepeliendi Præbendatos Defunctos. ibidem

¶ Cap. IX. De ijs, quæ quilibet Capitularis agere tenetur, in Prælato, vel alicuius Capitularis obitu. fol. 36.

¶ Cap. X. De iniurijs verbo, aut facto illatis. ibidem

¶ FINIS.





Hieronymus Cat 321. III. 06. says 40 fol. (ie vol. f. 100)

